



CHRISTOPHORI SARTI
IN ACADEMIA PISANA
PHILOSOPHIAE RATIONALIS
ARTIS CRITICAE
A C
METAPHYSICAE
P. P.
DIALECTICARUM
INSTITUTIONUM
LIBRI DUO.



PISIS MDCCLXXVII.
APUD FRATRES PIZZORNOS

Publica Facultate.

4
Homo autem rationis est particeps, per quam
consequentia cernit, causas rerum videt,
earumque progressus, & quasi antecessiones
non ignorat, similitudines comparat, rebus-
que praesentibus adjungit atque annectis
futuras.

Cic. Lib. I. De Offic.

ANTONIO . MORMORAJO
VIRO . SPECTATISSIMO
INGENIO . PRUDENTIA
INTEGRITATE
PATROCINIO . AEQUITATIS
A C
LITTERARUM
LAUDIBUS
OPTIME . GERENDAE . REIPUBLICAE
ORNATISSIMO
IN . REBUS
AD . STEPHANIANUM . ORDINEM
AD . PISANUM
ET . FLORENTINUM . LYCEUM
PERTINENTIBUS
REGIAE . CELSITUDINIS
PETRI . LEOPOLDI . I.
AUDITORI
SE . ET . SUAS
DIALECTICAS . INSTITUTIONES
IN . PERENNE
GRATI . ANIMI . OBSEQUIUM
D. D. D.
CHRISTOPHORUS . SARTIUS

I N D E X

INSTITUTIONUM DIALECTICARUM

I. *Dialecticas Institutiones prolegomena.* Pag. 1.

L I B E R I.

De principiis in omni ratiocinio
recte constituendis.

P A R S I.

De principiis ratiocinii analytici. 16.

Caput I. *De sensibus eorumque praevendis
deceptionibus.* ibid.

Caput II. *De arte observandi & experiun-
di.* 24.

Caput III. *De praecipuis instrumentis, quae
cum observando tum experiundo in-
serviunt.* 29.

Caput IV. *De phaenomenis ab observatione
experimentisque pendentibus, quae sola
atque inconcussa analytici ratiocinii prin-
cipia sunt.* 36.

Caput V. De usu abusuque matheſeos in legitima quorūdam phaenomenorum interpretatione. 43.

Caput VI. De phaenomenorum analogia, quae nos ut plurimum in ratiocinii analytici principiis fallit decipitque 48.

Caput VII. De vario genere usuque hypotheſum. 56.

P A R S II.

De principiis ratiocinii ſynthetici 60.

Caput I. De vocabulis. 61.

Caput II. De propoſitionibus. 67.

Caput III. De Definitionibus. 76.

Caput IV. De Diuiſionibus. 81.

Caput V. De axiomatibus. 84.

Caput VI. De phaenomenorum ab obſervatione experimentiſque pendentium conſectariis, quae ſola ſunt eaque firma ſynthetici ratiocinii principia. 89.

Caput VII. Quonam ordine in ſynthetico ratiocinio principia diſponenda. 92.

P A R S III.

De principiis ab auctoritate ductis, ſeu de arte critica. 99.

Caput I. <i>De arte hermeneutica.</i>	109.
Caput II. <i>De dotibus historicorum</i>	110.
Caput III. <i>De vi ac potestate argumenti negativi.</i>	115.
Caput IV. <i>De varia ratione codicum.</i>	121.
Caput V. <i>De re lapidaria.</i>	127.
Caput VI. <i>De re numismatica.</i>	139.
Caput VII. <i>De re diplomatica.</i>	153.

LIBER II.

*De consequentiis in omni ratiocinio rige
deducendis.*

P A R S I.

De consequentiis necessariis. 168.

Caput I. *De eo, in quo hujusmodi consequentiae conveniunt.* ibid.

Caput II. *De primo hujusmodi consequentiarum discrimine evidentia* 178.

Caput III. *De altero hujusmodi consequentiarum discrimine obscuritate.* 192.

P A R S II.

De consequentiis probabilibus. 192.

Caput I. *De probabilitate generatim.* 196.
Ca.

Caput II. *De probabilitate in fortunae ludis
aliisque generibus conjectationum.* 201.

Caput III. *De probabilitate in gravioribus
disciplinis.* 208.

P A R S III.

De consequentiis systematicis. 217.

Caput I. *De consequentiis systematicis ab
affectibus.* 218.

Caput II. *De consequentiis systematicis ab
educatione.* 222.

Caput III. *De consequentiis systematicis a
propria ratione philosophandi.* 228.

A P P E N D I X.

De extrinsecis ratiocinandi formis. 232.

IN DIALECTICAS

INSTITUTIONES

PROLEGOMENA.



UAE Philosophiae pars optimi rationis leges exponit, quaeque sive ad inveniendum, sive ad demonstrandum opportuna tradit instituta, ea a nonnullis Dialectica, ab aliis Logica, ab aliis demum Rationalis Disciplina est appellata. Fuit quidem hominum menti a natura inditum, quo recte ad cogitandum uterentur, lumen. Hoc non apud Barbaros modo, sed etiam apud Graecos diu multumque philosophatum. Sed menti idem quod oculis contingit. Quemadmodum enim ingenua vis oculorum sive organi imbecillitate, sive abusu inventium nimium subiecta deceptionibus fuit, ita lumen illud, quod nobis ad differendum natura est impertita, in plurimis visum est quavisaeppissime caecutire. Hinc Dialecticae ad bene accurateque ratiocinandum, non minus

A

quam

quam Opticae ad acutius rectiusque videndum necessitas apparuit.

Primi, qui facultatis hujus utilitatem probe viderint atque intellexerint, Elea-
tenses fuere, quorum princeps Zeno ad
confutandos Sophistas, triplicem Dialecti-
cam excogitavit docuitque: *Consecutionum*,
videlicet, *Collocutionum*, & *Contentionum*.
Optandum maxime erat, ut quae ars ad
moderandam disputandi licentiam fuerat a
majoribus nostris adinventâ, in ipso pa-
rentum quasi sinu minime corrumpetur.
Sed fato quodam misero funestoque rem
saliter contigisse novimus.

Ab hoc Philosophorum delirio pluri-
mum disceptando abhorruit Socrates ma-
gnum illud graecanae sapientiae ornâ-
mentum ac decus. Is enim pleraque se
ignorare simulans, tot tantisque interroga-
tionibus adversarium Sophistam urgebat
opprimebatque, ut vel invitâ ille roganti
manus victas exhiberet, vel propriis irreti-
tus principiis turpissimam fugam arriperet.
Atque haec celeberrima per interrogationes
differendi Ars Socratica, quam vel hodie in
familiari sermone, inque ipsa ratione phi-
losophandi retinere plures consueverunt.

Socratem in perficienda Dialectica secu-
tus est Plato, Plato, inquam, cui paucos
pares, superiorem fortasse neminem, dem-

pto

pto Aristotele, apud Graecos invenias. Ab eo tria potissimum in differendi facultatem investita, & quidem maximo cum incremento disciplinae hujus. Principio enim tradidit artem recte definiendi vocabula, & quaestionis, ut ajunt, statum perspicue proponendi. Deinde commendavit artem opportune dubitandi, revocandique ad examen, quae non satis perspecta sunt. Tandem vel analyticam exposuit artem, qua nihil ad inveniendum utilius aptiusque. In hoc celeberrimo Dialectico magna quoque refulsit laus atque peritia Matheseos, quam mirifice differendi coadjuvare vim potestatemque nemo est qui nesciat.

Quidnam de Aristotele dicam viro omnium maximo, neque minus ingenii scriptorumque gloria, quam secunda fortuna celeberrimo? Ejus quidem in Dialecticam merita nullis umquam dignis laudibus celebranda. Syntheseos acerrimus propugnator & cultor in syllogismo inveniando explicando ornandoque elaboravit. Centum viginti tres libros logicos, teste Francisco Patricio, conscripsit. Sedes argumentorum, quas *locos topicos* appellat, uberrime enarravit explicavitque. Dolendum maxime aetati, moribusque Sophistarum, nomini potius quam veritati studuisse virum acutissimum doctissimumque.

Megaricos, Stoicos, Epicureos elementorum impeditus angustiis praeteribo: quorum primi perpetuis consecutionibus adversarios differendo irretibant; alteri vocabulorum rerumque definitionibus, ac multiplici veritatis criterio disputabant; postremi denique paucis iisque egregiis canonibus universam Dialecticam iniquius, quam par esset, a Tullio vituperatam, comprehendebant. Idem de Arabibus, de Scholasticis idem mihi arbitror esse faciendum. Horum namque differendi ars potius ad contentionem atque garrulitatem comparata, quam ad veritatis sive inventionem, sive demonstrationem instituta videbatur. Hinc inanes illae disputationes aluit de substantiarum numero & generibus, de rationis, quod dixerunt, ente, de accidentibus, de oppositionibus, de praedicatis ac praedicabilibus, deque aliis sexcentis, quae pueret me dicere non intelligere, si vel ipsi intelligerent, qui ea illustrarunt.

Usque ad initium praeteriti saeculi hoc fatum Dialecticae fuit. Donec praeterito saeculo ineunte, singulari Providentiae munere, nova ejusdem Logicae quasi facies per Baconem de Verulamio apparuit, ejusque praeceptis institutisque in universas naturales disciplinas inducta est optatissima metamorphosis, qua de barbarie ac tenebris ad

tu-

turiorem philosophandi rationem, ad lucem ipsam vocati sumus. Duo potissimum sunt Verulamii opera, in quibus novam ubique Dialecticam proposuit commendavitque. Horum unum ad Aristotelis imitationem *Novum organum* ab eo est appellatum; alterum vero *De augmentis scientiarum* inscribitur. In utroque autem ea proponitur ars differendi, quae ab observatione experimentisque ducitur. Hinc optimae Philosophiae parens jure vocatus, cujus luminibus profecere posteris nepotesque.

Sed haec tribuenda Etruriae nostrae laus est, ut quo tempore in Anglia novum disciplinarum aedificium aurea penitus institutione pingebatur, eodem apud Pisanos, & Florentinos, philosophante Galilaeo, construeretur, evehereturque ad altitudinem minime contemnendam. Quod Frisio olim nostro in doctissimo ejusdem Galilaei elogio observatum demonstratumque est. Quamobrem si immortale sibi nomen praeci- piendo peperit Verulanius, eadem & fortasse major gloria Galilaeo debetur, quod praeclaram ignorans Angli Philosophi institutionem, eandem melioremque usu Mathematicos observando & experiundo sit secutus.

Baconem in nova veriorique Dialectica praescribenda imitatus est Renatus Car-

6
tesius, qui etsi in Philosophia sua fere ubique somniator apparuerit; in tradendis tamen accurati ratiocinii regulis, si pauca demas, egregius semper est habitus. Ejus *Dissertatio De metodo* digna est, quae ab omnibus diurna nocturnaue manu versetur. A causis ad Phœnomena descendendum statuit, in quo philosophorum ferme omnium meruit reprehensionem. Sed tanta apud eum consecutionum est firmitas, ut, Alamberto teste, nemo Cartesio possit consequentior inveniri. Prae reliquis illi prudentem modestamque dubitationem debemus, sine qua fieri haud potest, ut ad veritatem tuto philosophemur.

Cartesio etsi minor ingenii laude, aequior tamen in Dialecticae usu Gassendus, qui non solum in Physica restauranda, verum etiam in disserendi arte promovenda excelluit. Is Epicuream Philosophiam conatus restituere, vel Epicuream Dialecticam excitavit e tenebris. Scripsit *de origine, & varietate Logicae*: criteria veritatis exposuit: nec non institutiones Dialecticas vulgari usus partitione elucubravit.

In Dialecticae praeceptis uberrime exponendis Cartesianorum facile princeps fuit Antonius Arnaldus, vir acerrimi ingenii divinaeque prorsus memoriae ac proinde maximae eruditionis. Illi adscribitur *Ars*

cogitandi: opus e gallico sermone in omnia ferme idiomata communi gentium plausu translatum. Arnaldo optimi Dialectici nomen tribuendum, cum propter praeclara, quae tradit, instituta, tum propter exempla, quibus instituta illustrat sua. At nimius fortasse est in plurimis, nimius in syllogistica arte, in Cartesii phanatismo promovendo nimius.

A Malebranchio quoque mirum in modum aucta & promota est ars differendi. Is librum edidit *De inquirenda veritate*, in quo sensuum & phantasiae deceptiones omnes scrutatus, quamam via rationeque ab iisdem cavere possimus, exponit. Errorum quos detegit, qui ad phantasiam referuntur, utilissimi apud omnes sunt habiti. Sed illud in tanto viro profecto mireris, quod cum tam egregie aliis philosophandi viam a phanatismo alienam praescripserit, ipse demum philosophando in deridiculum phanatismum inciderit.

Quas sibi laudes in rationali philosophia caeteri meruere, easdem in se uno complecti visus est Joannes Lockius. In ejus libro *De intellectu humano*, si quae ad materialismum & alia religionis dogmata referuntur excipias, genuina atque vera feverioris Dialectici repraesentatur imago. Ideas innatas tanta vi & copia argumen-

torum infectatur, ut nullus superesse responsioni locus possit, quod Cl. Gerdilli patet dictum intellectumque velim. Perpetuam idearum omnium & vocabulorum instituit analysim, in qua pleraque intimo sensui & observationibus animorum respondent. Sed tanta ejus doctrinae vis & robur est, ut saepius quam oporteret, singula repetendo fastidium creet delicatioribus.

Lockio non temporis cognatione, sed artis Dialecticæ similitudine jungam Cl. Condillacum. Hujus haec egregia sunt opera: *Specimen de origine cognitionum humanarum*: Item *Tractatio de systematibus*: Item *Tractatio de sensationibus*: Item *Ars cogitandi*: *Ars ratiocinandi*. Quorum postrema duo iis voluminibus continentur, quae *De educatione Parmensis Ducis* inscripta sunt. In his omnibus Condillacchi operibus ea idearum reperitur analysi, qua nulla dari major atque elegantior possit. Vel ipse Lockius in plurimis corrigitur emendaturque. Omnia perspicuis notionibus explicantur, ipsumque ratiocinium sub nova versionis forma depictum exemplis & Geometria petitis exhibetur.

Quae de immortali Leibnitio ejusque imitatore Wolfio dici possunt, ea fere utrisque communia sunt. Neque enim in

re Dialectica a concinniori Scholasticorum methodo recessere. Mathematicum ratiocinandi morem secuti synthesim patrocinari voluerunt, in primis Wolfius, qui etiam recentiorum ubique promoveat opiniones atque sistemata, perpetuis tamen divisionibus ac subdivisionibus, ipsaque subtilitate sua scholasticus, & fortasse etiam scholastico subtilior apparet.

Analysem facultatum animi vel Carolus Bonnetus peculiari tractatione complexus est. Sunt qui hoc opus Condillaciano praeferant. Dicam tamen quod sentio. Illud involutum nimis est, ubique hypotheticum, nec satis mathematica, quae elaboratum est, methodo concinnum. Quae Condillacchi vitia in eo reprehenduntur, ea, si sapias, virtutes potius quam vitia nominaberis. Magna enim sapientiae pars est, quae explicari nequeunt praeterire silentio, quod egregie praestitit Condillacus.

Specimini huic Dialecticae historiae finem imponet saeculi nostri ornamentum Alambertus. Is pauca in suis *Philosophiae Elementis* obtulit ad hanc rem pertinentia; ea tamen dedit, quae plurima videri possunt sapientioribus. Hoc nos mirifice oblectamur opere, illudque iis commendamus, qui legere ac meditando consueverunt. Ejus enim prae-

ceptionibus quasi semper ad vera & sublimia rapimur.

Sunt haec initia, haec incrementa sunt disciplinae hujus nostrae. Plura de hoc argumenti genere cupientibus adeundi Georgius Walchius in *Parergis Academicis* Lipsiae anno 1721. editis, Petrus Gassendus *De origine & varietate Logicae*, Diogenes Laertius, Stanlejus, Bruckerus alique. Caeterum in adolescentium, quos erudimus, utilitatem, vel praecipuas Italorum nostrorum institutiones meminerimus. Hujusmodi sunt quae a nostro Gualberto de Soria, ab Antonio Genuensi, ab Antonio Buccio nuper conscriptae fuere. Neque exterorum omittendae accuratae institutiones Cl. Viri Aloysii Vernej, quae cum styli elegantia, tum praeceptis exemplisque suis maxima videntur laude dignissimae.

Supereſt, ut de hisce nostris institutionibus pauca dicamus. Cum quaevis bene conformata Dialectica ratiocinandi debeat artem edocere, vulgatumque sit apud omnes, optimum ratiocinium ab optima idearum judiciorumque pendere comparatione, hinc vulgaris nata facultatis hujus tradendae ratio, quae tota explicatione operationum mentis continetur. Eandem viam nos quoque lubentissime ingrederemur, nisi notum

nobis cum Condillacco foret, multo plures esse intelligentis animi operationes, quam quae vulgari Logices partitioni commodè aptari possint. Aut enim omnes accurate describendae explicandaeque, quod nos in Metaphysicis nostris institutionibus prope diem prodituris in lucem facimus, aut nullae prorsus referendae, si quas exponimus, errori veterum confirmando inserviant.

Dicet fortasse quispiam, constitutam a veteribus partitionem non minus confirmari auctoritate & exemplo virorum doctissimorum, quam ratiocinii naturae optime respondere. Dicet vel ipsam Condillacchi analysim ad veterum posse doctrinam quamfacillime revocari, quippe quae fuerunt a majoribus nostris explicatae operationes caeteras quoque omnes comprehendant. Haec, inquam, & alia multa ab iis, qui adhuc sunt servum Scholasticorum pecus, emittentur in vulgus, quae tamen minime debeant nos ab incaepo cursu revocare.

Principio enim in philosophicis non est auctoritati litandum. Jam tritum illud: Amicus Plato, amicus Aristoteles, sed magis amica veritas. Deinde non si certe sumus, qui primi in Dialectica exponenda a vulgari partitione recedamus. Ab ea enim recessere Verulamius, Malebranchius, aliique, quos si omnes vellem hic recensere,

honoris tantum causa nominarem. Quae de Condillacchi dicuntur analysi, ea falsa omnino sunt; probantque Cl. Viri doctrinam adversariis nostris minime esse perspectam. Quae demum de ratiocinii natura opponuntur, aut fortasse non sunt, quemadmodum dicuntur esse, aut ea quoque in partitione nostra religiose servantur. Quod ne cui videar gratis constituere, eandem, quam secuti sumus, viam breviter exponemus.

Duo potissimum in omni ratiocinio sunt, principia, nimirum, & consequentiae. Cum enim ratiocinando a notis perspicisque ducamur ad incognita, hinc a principiis ad conclusiones differendo progredimur. Haec una ratio, qua ideas & judicia comparamus invicem, qua perpetuo ratiocinamur; & quidem bene sapienterque, si optime fuerint constituta principia, si nonnisi legitimae, ut ajunt, & necessariae ductae sint consequentiae; male autem, quoties vel in principiis, vel in conclusionibus quidam error appareat.

Jam vero tantum abest, ut Dialectica haec nostra ab hujusmodi ratiocinii natura abstineat explicanda, quin potius eandem egregie statuit, confirmatque. Primus enim ejus liber *De principiis est in omni ratiocinio recte constituendis*; alter *De conse-*

quent.

quentiis in omni ratiocinio ritz deducen-
dis pertractat. Quid hac partitione simpli-
cius? Quid rectius hoc ordine? Quid magis
ratiocinii naturae consentaneum dici ex-
cogitarique potest?

Statim ac id consilii coepimus, intel-
leximus etiam quam late pateret nobis
aditus sive ad analyseos atque syntheseos
praecepta statuenda, sive ad severioris cri-
tices declaranda instituta, sive demum ad
omnem ratiocinii provinciam accurate per-
lustrandam. Vidimus optimeque perspe-
ximus, idearum tractationem ad nostras Me-
taphysicae institutiones reservandam, neque
interim ea omittenda, quae veris efforman-
dis ideis, verisque judiciis statuendis in-
serviunt. Post haec, bene an male con-
sultum nobis ratiocinio fuerit, aliorum esto
judicium. Illud vero sin minus fecimus,
conari certe pro virium infirmitate sumus,
ut quae non ad doctorum hominum, sed
ad juventutis utilitatem nostrae erant com-
paranda, ea simplici dicendi genere, bre-
vibus praeceptis institutisque, luculentissi-
mis demum exemplis exponeremus.

Ad optimos Etruriae Adolescentes,
quorum bona mens est, ingenium acre,
animusque ad praeclara omnia domesticis
incitatus exemplis, alloquor. Eos igitur
oro obtestorque, ut in id studium diligen-

ter

tur incumbant. A tricis enim nugisque veterum illud abest. In omni disciplina locum habet, omnem vitae rationem sequitur, peregrinatur nobiscum, rusticatur. Uno verbo, illud prae reliquis utile ac necessarium est. Cui si Geometriam practicam, nempe, Dialecticam conjunxerint, illud perbreui confido fore, ut reliquarum facultatum penetralia ingredientes, ad ipsum gravioris sapientiae culmen ascendant. Dixi, si utramque disciplinam conjunxerint. Solo enim studio Matheſeos, quemadmodum in suis *Philosophiae Elementis* Alambertus habet, uni supremæ evidentiae assueſcimus; in eo secuti oculorum morem rationemque, qui si meridiana tantum luce utantur ad videndum, penitus in crepusculo caecutiunt.

DIALECTICARUM

INSTITUTIONUM

LIBER PRIMUS.

*De Principiis in omni ratiocinio
recte constituendis.*

IN omni ratiocinio aut nobis occulta veritas inquiritur, aut quae jam nota nobis est atque perspecta reliquis etiam ad utilitatem demonstratur. Primum ab analysi analyticum, alterum a synthesi syntheticum dicunt. Quoniam vero differentis est animi a notis ad ignota progredi, quaeque nota sunt nobis, ea principia & quasi fundamenta ratiocinii appellantur, hinc de principiis primo loco agendum nobis est. Exploratum est autem, in duplici hoc ratiocinii genere duplicis quoque generis esse oportere principia. Nunc itaque de analyticis, deinceps de reliquis pertractabimus.

PARS

P A R S P R I M A

De principiis ratiocinii analytici.

AD analytici ratiocinii principia recte constituenda haec nobis non utilia solum, verum etiam necessaria videntur esse. 1. Sensuum minime decipientium usus. 2. Ars observandi, & experiundi. 3. Instrumentorum, quibus observationes & experimenta fiunt, cognitio. 4. Phoenomenorum ab observatione experimentisque pendentium aequa ac diligens comparatio. 5. Quibusdam phoenomenis felix applicatio Mathematicos. 6. Verae, falsaeque analogiae sapiens disquisitio. 7. Denique inanium hypothesisum quasi horror & fuga. De singulis instituti memores nostri quam brevissime,

CAPUT PRIMUM

De sensibus eorumque praecavendis deceptionibus.

Sensus a sentiendo dicti. Sunt enim quasi sensationum a Providentia constitutae parataeque viae. Horum duo sunt genera. Nam alii externi, interni alii nominantur. Externi numero quinque, *visus*, nimirum,

au-

auditus, odoratus, gustus, & tactus. Interni vero duo, si nōbrālem Shaftesbury, & Hutchesonii sensum imaginationi adjungas.

§. I.

De visu.

Cum tunicis tum humoribus oculi constant. Illae quidem ad *corneam, uvēam, retinamque*; hi vero ad *aqueum cbrystallinum, & vitreum* reducuntur. Horum videte apud Anatomicos descriptionem.

Radii lucis ab extrinseco corpore reflexi oculi pupillam penetrant, ibique in humorum transitu tribus subacti refractionibus, tandem in eo coeunt retinae puncto, quod oculi focus appellant. Cum verō retina optici nervi propagatio sit, hinc ad cerebrum usque communicatur motus, habeturque in animis ea praecise sensatio, quae lucis colorumque appellatur.

Multiplex sensorii hujus deceptio. Ab eo enim in errorem inducimur. 1. Circa plurium existentiam. 2. Circa figuram. 3. Circa distantias. 4. Circa magnitudines. 5. Circa velocitatem. 6. Circa motum, & quietem. 7. Circa colores,

§. II.

De auditu.

Hae aurium praecipuae sunt partes.

1. *Concha*. 2. *Meatus auditorius*. 3. *Tympanum*. 4. *Quatuor officula*. 5. *Tuba Eustachiana*. 6. *Labyrinthus*. 7. *Coclea*. 8. Tandem *nervus acusticus*. De his quoque Anatomicos consulite.

Quoties tremor partium sonori corporis ambienti communicatus aeri ad tympani membranam appellit, eamque in similes tremores adigit, in motus quoque consimiles cietur aer in tympani cavitate delitescens. Cumque motus huiusmodi fibrillis nerveis propagetur, quae internam vestibuli aliarumque partium vestiunt superficiem, hinc idem motus in acusticum nervum delabitur, ex eoque ad cerebrum, cui praesens animus sonitus ideam percipit.

Varia ratione nos auditus sensorium decipit. 1. Sonitus longe dissitos aut minime repraesentat, aut exhibet omnino dissimiles. 2. Omnia & singula, quae in tonis insunt discrimina minime refert. 3. Vel ratione loci situsque ab eo decipimur. 4. Qui sonitus noctu vividiores, si diu pene intermortui ad nos deferuntur.

§. III:

§. III.

De odoratu.

In hujusmodi sensorio simplicior est fabricatio. Nervorum aliqui, qui ab Anatomicis primae quinaeque conjugationis vocantur, deferuntur ad nares. Horum, quae sunt inter cutem & epidermidem constitutae extremae papillae praecipuum odoratus organum efformant.

Hinc si ab externis corporibus oleosae quaedam partes in aeris fluidum emittantur, eaeque inspirationis ope attrahantur a naribus, is motus in memoratis excitatur papillis, qui per nervos olfactorios ad cerebrum usque delatus, vigili statim animo odoris exhibet sensationem.

Ad deceptiones quod attinet. 1. Non quivis odor, faetorque ab naribus percipitur. 2. Quae uni odora, eadem putida aliis apparent. 3. Cum odorum vis arctis ut plurimum sit finibus circumscripta, a nullo odoris sensu vel ad virium olescentium absentiam, vel ab odori corporis sublatam praesentiam argumentamur. Denique quae sunt odora per *Communicationem*, ea passim odora per *originem* putamus esse, & vicissim.

§. IV.

§. IV.

De gustu.

Tres in lingua membranae ab Anatomicis distinguuntur: exterior una, vocata *epidermis*; interior altera *reticularis* appellata ab iis, quibus perpetua est, foraminibus; postrema demum *nervosa*, sic a nervis dicta quintae septimaeque conjugationis, vel juxta Boerhaviū a nervis conjugationis nonae. Horum papillae reticularis foramina subeunt, & ad epidermidem usque propagantur.

Fac igitur, ut ciborum salinae partes jam dentibus attritae, ipsaque saliva aliquantisper solutae hujusmodi papillas afficiant, motusque ad sedem animi deferatur in cerebro, jam prompta & expedita saporum sensatio est.

Gustatu falli nos decipique comperit. Quae uni sapida alteri insipida apparent. Hinc nulla saporis absoluta ratio, nulla constituta mensura est. Discrepat ille in ratione salium fibrarumque sensorii. Climatum, aetatum annique temporum rationem sequitur. Quin vel ipsa comitatur genera morborum, ipsamque eventum quasi fortunam pro discriminis nota habere solet.

§. V.

§. V.

De tactu.

Sub universi corporis epidermide membrana reperitur innumeris foraminibus pertusa, quae *cutis* appellatur. Ad eam innumeræ protrahuntur nervorum papillae, neque exterior ulla corporis pars est, quae iisdem sit destituta. Atque hae a Malpighio prima sedes constitutae hujusce sensorii.

Itaque ubi externa corpora, quae aut dura, aut mollia, aut laevigata, aut aspera, aut frigida, aut calida, aut gravia, aut levia sunt, descriptis papillis motionem imprimant, eadem per nervos ad commune sensorium transfertur, animisque percipientibus exhibetur.

Ubertior in tactu quam in reliquis sensibus, fons errorum deceptionumque. Quamvis enim non sit aequabiliter per universum corpus ille diffusus, quemadmodum Tullio visum aliisque; tamen ad universas pertinet corporis partes adjumentoque manuum, in quibus est delicatior, caeterorum sensuum haberi institutor solet, quod in Metaphysicis institutionibus demonstrabimus. Quamobrem ejus institutu-

tutione sensationes omnes ad extrinseca objecta credimus pertinere: doloris voluptatisque sensationem praecipuam ad corporis extremitatem nostri referimus: de corporum gravitate ac resistantia, de eorumdem laevitate & asperitate, de frigore demum caloreque turpiter judicamus.

§. VI.

De phantasia.

Interior sensus phantasia est, in ipsoque, qua corpus spectat, locata cerebro. Definitur itaque generica idearum omnium, omniumque motionum quasi sedes & domicilium, cujus adspectu animus praeterita & longinqua intuetur, praesentia augeat minuitque, & quae sejuncta sunt copulat, quaeque copulata apparent, invicem disjungit ac separat.

Ea in pictoribus, atque poetis, ea in adolescentibus ac feminis, in ebriis, atque dementibus ea facundior ditiorque. Qui omni phantasia caret stupidus brutusque; qui vero nimia pollet moderatae incapax reflexionis, aliquando etiam opus habet helleboro. *Medio tutissimus ibis.*

§. VII.

§. VII.

De morali sensu.

Ingenitum illud criterium, quo bona & mala, quo pulchra & deformia secernimus, moralis sensus appellatur. Adversus eundem scripsere satis Lockius Condillacus, alique. Io eo autem sive admit- tendo, sive impugnando suo quisque utatur iudicio.

Monitam.

Quae breviter a nobis de sensuum exteriorum descriptione sunt dicta, accuratissime a Winslovio Hallero Le Cat, aliisque plurimis exponuntur. Quod vero ad sensuum omnium deceptiones attinet, in primisque de iis, quae phantasiae tribuuntur, nemo fortunatius atque copiosius Malebranchio differuit in libris: *De inquisitione veritatis*. Quae quemadmodum sint intelligenda philosopho, ingeniose non minus, quam lepide docuit Joannes Dominicus Testa.

CAPUT II.

De Arte observandi, & experiendi.

IN Observatore experimentique conditore tria cautionum genera opportuna esse intelligimus, quorum alia observationes & experimenta praecedant, alia comitentur, subsequantur alia necesse est.

§. I.

De antecedentibus observationem &c.

Ad hoc genus reducuntur. 1. Ingenium acre, patiensque laboris. 2. Mens a systematibus aliena. 3. Rerum physicarum & experimentalium librorum cognitio. 4. Instrumentorum, assabre confectorum comparatio. 5. In iisdem versandis tractandisque peritia & usus. 6. Denique clara & distincta rerum quaerendarum idea. Explicemus haec accuratius.

Itaque I. Requiritur *ingenium acre patiensque laboris*. Quanto enim ingenio non praedatere Galilaeus atque Newtonus! Quam incredibili non est usus patientiae exemplo Sanctorius!

II. *Mens a systematibus aliena*. Sunt enim

nim antecedentia systemata veluti nubes, quae splendidae veritatis lumen impediunt. Peripateticorum Torricelliana experimenta intuentium id patet exemplis.

III. *Rerum physicarum & experimentalium librorum cognitio*. Sciat quippe constitutas detectasque naturae leges, qui novas invenire cupit, aut augere & confirmare vetustas. Experimentalium vero librorum lectione ad nova inventa paratiores fieri videmur. Hinc vel ipsa Academica Acta diu legi meditarique debent.

IV. *Instrumentorum assabre confectorum comparatio*. Quod prysmatibus minime perfectis uterentur Parisienses Academici, eorum de luce experimenta post Newtonum repetita infelicem eventum habuere.

V. *In iisdem versandis tractandisque peritia & usus*. Quid enim observando & experiundo proficiat qui nondum instrumenta viderit, in iisque versandis omnino sit hospes?

VI. *Demum clara & distincta rerum quaerendarum idea*. Quam si habuissent aut motus perennitatem Physici perscrutantes, aut philosophicum lapidem inquirentes Alchymistae majori certe cum laude tempus insumpsissent.

§. II.

De concomitantibus observationem &c.

Dum vero ventum fuerit ad observationes & experimenta, haec diligenter investigabimur. 1. Rationem nostri. 2. Loci. 3. Temporis. 4. Anni tempora. 5. Ventorum vim directionemque. 6. Fortuita quaeque. 7. Vel minima summo in pretio habuerimus.

Primum ergo Philosophus peculiarem *sui ipsius rationem* habeat, seque ipsum sedulo introspiciat, omnique ex parte accuratius, quoad potest, intueatur. Quae ex crystallo instrumenta constant, ea frigesciente manu opaca proindeque usibus inepta redduntur.

II. *Rationem loci*. Pendulorum oscillationes accelerantur ad polum, retardantur ad aequatorem. Plantarum & animantium indoles pro varia locorum ratione discrepat.

III. *Rationem temporis*. Non omne tempus electricis phaenomenis opportunum. Optica lucis experimenta nonnisi ridente Coelo prospere eveniunt.

IV. *Anni tempora*. Capitis coclearum reproductiones a Spallanzano primum observatae habentur illae quidem, si vere
aut

aut non multo secus amputatio fiat. At si alio tempore non satis ad vegetationem apto fiat experimentum, frustra idem caput expectatur. Quod Bomarius observasse debuerat.

V. *Ventorum quoque vim directionemque*. Id potissimum in Nautica necessarium, neque omnino spernendum in Medicina.

VI. *Fortuita quaeque*. Phosphorica barometrorum ratio ex fortuiti eventus consideratione detecta.

VII. *Vel minima summo in pretio habenda*. Perbelle enim inquit Plinius: *in naturae contemplatione nihil supervacaneum videri potest*.

§. III.

De consequentibus observationem &c.

Post observationes & experimenta haec praestare ad veritatem inveniendam juverit. 1. Experimenta & observationes repetendae. 2. Omnia nostra cum iis, quae ab aliis fortasse facta in eandem rem fuerint, comparanda. 3. Cum viris doctissimis conferenda omnia, illorumque expectanda sive approbationis sive reprobationis suffragia.

Quamobrem I. *Repetenda omnia*. Nihil dico de iis observationibus & experimen-

tis, quae natura suapte repeti debent, cuiusmodi sunt, quae in ratione locorum temporumque phaenomena habent varia ac multiplicia. De iis tantum loquor, quae etli uniformia illusionibus sunt undeque subjecta. Auri vetrificatio ab Hombergio observata, Macquero aliisque Chymicis haud potuit observari. Utinam ad hoc non sint genus reducendae observationes Cl. Viri Toaldi de actione Lunae in atmospheram.

omnia nostra cum aliis &c. comparanda. Id omnes ferme inventores praestiterunt, tectitque in primis Cl. noster Felix Fontana in eo potissimum opere, quod *De veneno viperæ* inscribitur, idemque antea in eodem argumenti genere praestiterat magnus Rhedius.

III. *Cum viris doctissimis &c.* Etli philosophia nostra minime sit Pythagorica; consulenda tamen sapientum vox est, ei que summoperetribuendum. Hunc morem secuti sunt gravissimi quique viri, inter quos Bonnetus, qui multa cum Reaumurio, multa cum Spallanzano contulit.

Monitum.

De arte observandi & experiundi, legendi in primis Mullichenbroekius, Deslandius,

dius, Polenus, Nolletus, Jallabertus, qui rem hanc egregie illustrarunt.

C A P U T III.

De praecipuis instrumentis, quae cum observando tum experiundo inserviunt.

Observatoribus sola uti lente datum concessumque. Caeteris vero experimenta facientibus uberior latiorque praescripta instrumentorum provincia est. Eam nos ad quatuor veluti suprema capita reducimus. Sunt enim celebriora instrumenta alia optica, alia meteorologica, alia hydrostatica, diversi generis alia.

§. I.

De instrumentis opticis.

Optica instrumenta ea dicimus, quae cum visioni perficiendae, tum lucis radiis varia ratione tractandis versandisque inserviunt. Huc pertinent. 1. Lens. 2. Microscopium. 3. Telescopium. 4. Quadrans. 5. Heliofata. 6. Prisma. 7. Speculum, quod ab effectibus ustorium appellant.

I. *Lens* est parvum lenticularis figurae vitrum, quo vel lucis radii in unum

quodammodo punctum colliguntur vel separantur pro ratione figurae, qua ipsa constat. Instrumenti hujus multiplicitas genera, diversam vim potestatemque videte apud Opticos in primisque apud Smyth.

II. *Microscopium* est instrumentum, quo vel minima quaeque corpuscula ex legibus refractionis maxima apparent. Illud nunc simplex, nunc compositum dicitur. Praeterea vel aqueum, vel solare, vel reflexionis est. Celeberrimum quoque Lyoneti *microscopium*. De hoc instrumento videte Nolletum.

III. *Telescopium* fortuito apud Batavos inventum, primum a Galilaeo nostro summa arte confectum est. Eo vel remotiora objecta, perinde ac si propinqua forent, clare intuemur. Duobus saltem vitris constat, quorum unum *oculare*, *objectivum* alterum appellatur. Multiplex instrumenti hujus ratio. Nam vel Galilaejanum, vel Hugenianum, vel Newtonianum, vel Dollondianum, vel Bosckovickianum ab inventoribus dictum. De hoc instrumento videte Astronomos, Montuclam, De-la Landium, in primisque monumenta Dyoptrica Bosckovickii Mediolani edita anno 1771.

IV. *Quadrans* est instrumentum, quo potissimum Nautae & Astronomi in altitudinibus angulisque dimetiendis utuntur,

Quar-

Quartam illud circuli partem in nonaginta gradus divisam una cum dyoptris repraesentat. In ratione usuum, quibus est comparatum, discrepat.

V. *Helioſtata* est machina, qua in obscuro loco luminis experimenta fiunt. Duabus illa praecipue partibus constat: quarum prima speculum habet planum atque metallicum pedi insistent; altera horologium speculum dirigens. De ea videte S' Graveſandium.

VI. *Pryſma* est triangulare vitrum, ad lucis colorumque naturam investigandam comparatum, primumque ab Isacco Newtono quasi divinitus adhibitum.

VII. *Speculum aſterium* instrumentum est, quod solares radios in unum veluti punctum ad eorum vim potestatemque augendam colligit. Illud vel concavum est usitatus ex metallo conditum, ac reflexionis ope longe dissita urens objecta, vel convexum lentis causticae nomen habens rationemque.

§. II.

De instrumentis meteorologicis.

Meteorologica instrumenta sunt, quibus atmosphaerae dignoscuntur vicissitudines,

ipsaque meteora designantur. Hujusmodi sunt 1. Barometrum. 2. Thermometrum. 3. Pertica fulminea 4. Anemometrum. 5. Anemoscopium. 6. Eudiometrum.

I. *Barometrum* dicitur instrumentum, quo aeris gravitatem & elasticitatem ad Coeli pluviam serenitatemve agnoscendam dimetitur. Torricellii inventum illud est, de cujus accurata fabricatione historia correctione & usu legendus Joannes Andreas De Luc in *Perquisitionibus de viscositudinibus Atmosphaerae &c.*

II. *Thermometrum* est instrumentum, quod atmospherici caloris frigorisque intensitatem exhibet. A Newtono, Amonzonio, Farenheitto, Reaumurio, aliisque valde perfectum, sed solo studio laudati Joannis Andreae De Luc omnibus quasi numeris absolutum. Is itaque consulendus.

III. *Pertica fulminea* est ferrea quaedam pertica in cuspidem acta, inque locorum altitudine rite constituta ad nubium electricitatem investigandam. Ea immortalis Franklini inventum, quo coelestem fulmineum ignem non fabulose, quemadmodum Prometheus, sed vere subripi posse docuit.

IV. *Anemometrum* est machina ad ventorum vim dimetiendam comparata. Et mul-

multiplici forma construi potest. Est anemometrum in Anglicanis transactionibus relatatum. Est quoque alterum a Wolfio in Pneumatica descriptum. Monumenta etiam Acad. Scient. ad annum 1734. aliud anemometrum accurate designant.

V. *Anemoscopium* est quoddam instrumenti genus, quo aut ventorum praedictantur mutationes, aut eorundem directio exhibetur.

VI. *Eudiometrum* est instrumentum, quo vel minima aereae salubritatis discrimina repraesentari curarunt saeculi hujus nostri Physici praestantissimi. De eo agunt Cl. noster Fontana, Eques Marcellinus Landrianus aliique. Videte Pisanas Ephemerides tom. 23, art. 1.

§. III.

De instrumentis hydrostaticis.

Quae liquidis mensurandis inserviunt, ea hydrostatica instrumenta vocantur. Talia sunt Lanx hydrostatica, & Hydrometrum.

I. *Lanx hydrostatica* est quoddam stateraе genus, quo specificae, ut ajunt, solidorum liquidorumque gravitates metiuntur. Ea hoc Archimedis nixa theoremate: Quae corpora sunt aqua graviora minus

in eadem aqua, quam in aere gravitant in ratione ponderis ejusdem aquae.

II. *Hydrometrum*, quod alii *Areometrum* vocant, est instrumentum alterum, quo densitates gravitatesque fluidorum mensurantur. Ejus videte descriptionem apud *Academiam del Cimento*, & apud *Nolletum*.

§. IV.

De instrumentis diversi generis.

Ad postremum hujusmodi caput reducimus. 1. *Machinam Pneumaticam*. 2. *Electricam*. 3. *Pyrometrum*. 4. *Planetarium Orreryanum*.

I. *Machina Pneumatica* est instrumentum ab Ottone Guerickio excogitatum, perfectumque a Boylio, unde *Boylium* quoque dici consuevit. Eo densior extrahitur aer, illudque vacuum inducitur, quo vulgares atmosphaerae suspenduntur effectus. Ejusdem descriptio a plurimis facta est, potissimum a Boylio, S' *Gravesandio* &c.

II. *Machina electrica* ea dicitur, quae quodam attritu partium comparata est ad excitanda in pluribus corporibus phaenomena attractionum & repulsionum, luminis & concussionum. Ejus usu *Americanus*

nus Francklinus, atque Italus Beccheria nominis immortalitatem sunt consecuti.

III. *Pyrometrum* est instrumenti genus a Musschenbroeckio adinventum, quo caloris ope varia metallorum dilatatio mensuratur. Eundem inventorem consulite.

IV. *Planetarium Orreryanum*, sic ab inventore dictum, est machina in adolescentium Astronomiae vacantium excogitata utilitatem, quae planetarum motus & phases repraesentat. Instrumenti hujus genera alia magis, alia minus simplicia sunt pro ratione motuum & phasium, quae exhibentur. Videte Ferguson.

Monitum.

Locupletiores instrumentorum numerum ac descriptionem dedere Jacobus Besfonus, Georgius Andreas Bocklerus, Joannes Branca, Jacobus Leupoldus, Claudius Perraultius, Augustinus Ramelius, Victorius Zonca, aliique. Prae caeteris vero legendus Nolletus in *Programmate*.

CAPUT III.

De phaenomenis ab observatione experimentisque pendentibus, quae sola atque inconcussa analytici ratiocinii principia sunt.

TRia in hoc capite perscrutabimur. 1. Quenam falsa. 2. Quenam vera analytici ratiocinii principia sint. 3. Denique quemadmodum instituenda phaenomenorum comparatio, ut ea recta dici jure meritoque possit.

§. I.

De falsis analytici ratiocinii principiis.

Jam fuit tempus illud, quo majores nostri Scholarum praejudicio abrepti, solis ad omne ratiocinii genus incundum abstractionibus solaque Aristotelis utebantur auctoritate. Hujusce temporis calamitatem illacrymando recordamur. Tunc enim inventum fere nullum factum est, nisi fortuitum. Itaque abstractiones pro veris analytici ratiocinii principiis haberi nequeunt.

Huic philosophandi methodo substitutae per Cartesianos hypotheses. Sed aeque per abstractiones ac per ea, quae arbitrato

ho-

hominum ponebantur esse, veritas in occulto latere, & a philosophiae procul regno vagari visa est. Illud unum super abstracta hypothesebus tribuendum, quod earum sive veritatem sive falsitatem agnitori Philosophi ad veriora principia confugiendum sibi esse existimaverint. Ex quo fit, ut vel Cartesii deliramenta praeconio sint aliqua ex parte efferenda, quemadmodum laudator ejus Thomafius observat.

§. II.

De principiis veris.

Quibus ergo mediis quibusve utendum principiis est, quo tutius ignota nobis veritas differendo innotescat? Iis certe credo, quibus perpetuo usi sunt homines ad naturae arcana patefacienda nati: iis, quae praeicipiente Verulamio, philosophante Galilaeo nostro, abstractionum & hypotheseum loco substituta fuere: uno verbo iis, quae sola phaenomenorum accurata comparatione solisque, ut ajunt, factis rite perpensis libratisque continentur.

Rem hanc indubiam facit verax inventorum omnium historia. Quae enim a Galilaeo, Newtono aliisque fuere ratiocinando detecta, ea phaenomenis ab observatio-

ne experimentisq̃ue pendentibus innituntur. Quod si quis firmiorem adhuc demonstrationem expostulet, illam a semetipso quaerat longe procul a factis differendo.

Quaesitum est: *Num hydrargyrum in Torricelliano barometro contentum pluvio tempore attolli, an deprimi debeat?* Qui facta nolit ratiocinando intueri, hac profecto ratione differuerit. Aer pluvio tempore vaporibus oneratur: augetur itaque ejus massa: sed in ratione massae augetur gravitas: ergo aer pluvio tempore gravior. Jam vero aucta gravitate aeris, ejus quoque augeri pressio debet, auctaque pressione hydrargyrum debet attolli. Ergo &c. Interea oppositum accuratae, si Superis placeat, demonstrationi perpetuo contingit.

Quaesitum item: *Num ab exiguo semine magna quaedam possit planta exoriri?* Quis credat? Effectus debent suis causis respondere. Quae autem inter exiguum semen magnamque plantam proportio? Nulla scilicet. Ergo &c. Sed experientia id quotidie fieri probat confirmatque.

Quaesitum denique: *An vapor fulmineus humana possit arte a nubibus subripi?* Navigas Anticyram. Numquid ad nubes usque attolli, actionemve in distans promovere nostram possumus? Jamdiu praeteriit tempus fabularum. Eja ne miferis.

Fran-

Francklini arte id fieri jam posse vulgatum est.

Itaque vel per absurda patet, in analytico ratiocinio sola spectanda phaenomena, eaque tantum ineluctabilia esse vera & faecunda principia.

§. III.

Quemadmodum instituenda phaenomenorum comparatio, ut ea recte dici jure meritoque possit.

Sed nondum de accurata phaenomenorum comparatione dixi, in qua proprie verae inventionis ratio tota versatur. Multa ad hanc rem pertinentia capite hujus primae partis secundo dicta sunt. Sed iis per leges, quae sequuntur, ad utilitatem uberior fiet accessio.

Lex I. *Non una eademque ratione, sed varia atque multiplici interroganda natura est, quo tutius ejusdem responsa intelligamus.* Boylius ad detegendam quam inter aerem & flammam natura posuit cognationem, pyrio usus est pulvere. Principio eundem in recipientem invexit pneumat. ^{icae} machinae, a qua extraxit aerem, admo. ^{que} illuc igne quacsivit, flammane an explosio strepitusve apparet.

ret. Nihil prima hac experimenti ratione fecutum. Hinc eidem igni solares radios substituit, nunc per ustorium speculum collectos, nunc reflexos per metallicum. Interim pulvis vel diffundi, vel in acervum coire visus est, nihil praeterea. Tertio in eodem vacuo ad nova experimenta ventum est. Adhibuit itaque ignitum ferrum, idque laudati pulveris granulis conspersum. Demum vitreo globo usus, extractoque aere, illud inter accensos carbonem posuit. Varia hinc & multiplicia apparere phaenomena. Nunc enim magna cum fumi copia pulvis diffusus; nunc, caeteris illaesis, unius sulphuris accensio consecuta; nunc incensa separatim granula; nunc denique cum diffusionem ac strepitu flamma in eodem pulvere excitata.

Lex II. Diu multumque interroganda natura, quo rectius ejusdem responsu interpretemur. Hujusmodi lex a prima superius exposita Observatorum cautione proficiscitur. Joannes Andreas De Luc 20. annos ad barometri ac thermometri phaenomena consideranda insumpsit. Quadraginta annorum spatium Sanctorius, triginta Dodartius ad transpirationis regulas statuendas laborarunt. Quid de Galileo dicam ad telescopii perfectionem philosophante? Quid de incomparabili viro naturaeque in-

ter-

terprete Newtono, ad lucis theoriam absolvendam? Magnis laboribus magna inventa comparantur.

Lex III. *Eo ordine naturae responsa disponenda, quo unum ab altero explicetur, omniaque ad idem commune principium reducantur.* Primum, quod in determinato liquorum ascensu veluti ex semetipsa natura responsum exhiberet, Florentiae auditum est, per anthlias Olitori redditum, magnoque viro Galilaeo nunciatum. At vero Florentinus Philosophus ab hujusmodi eventu ad solam potuit causae ignorationem argumentari. Secutus inde Torricellius, qui primo inversi tubi experimento instituto, collataque mercurii columna altitudinis pollicum fere 27. cum aquae columna ejusdem basis, altitudinis vero pedum 32. idem in utraque pondus reperiit, demonstravitque liquorem in tubo haud posse suspendi, nisi quia cum aëris determinata columna perfecto in aequilibrio poneretur. Hanc Torricellii demonstrationem confirmare conatus est Paschalius. Vidit enim ille optimeque intellexit, prementem aërem, si tamen premeret, ea prorsus lege, qua caeteri liquores, gravitare oportere, nimirum, in ratione altitudinis. Hinc repetitis barometricis experimentis, ubi variae erant atmosphaerae altitudines, res ei prospere-

spere contigit, inque ipsa altitudinum ratione liquores apparuere suspensi. Hinc eadem experimenta fuillis repetita vexicis aëris confirmarunt gravitatem. Hinc atmosphaerae vicissitudines cum barometri mutationibus collatae adamussim repertae simillimae. Hinc demum barometrica suspensionum ratio vel in vacuo Boyliano observata ad idem commune principium referri visa est.

Lex IV. In quavis phaenomenorum comparatione solum quaeres effectuum in effectibus ipsis rationem, phaenomenorum leges, vincula, cognationes, affinitates investigabis, caetera contemnito.

In naturae investigatione nemo ingeniosior fortunatiorque Newtono. Ab eo universalis attractio, qua mundi partes continentur, detecta. Ab eo attractionis hujus comparata phaenomena, explicatae demonstrataeque leges. Perpetuum tamen ab eo de attractionis natura servatum silentium. Quod si Corelli Interpretis opera factum est, ut non improbane Newtono attractio veluti essentiale attributum in praefatione ad *Principia* nominetur, vitium habes, quod ex Alamberti sententia, in senescente viro maximo reprehendas. Eandem legem Franklinianae electricitatis exemplum probat confirmatque.

Lex

Lex V. *In ipsa vero phaenomenorum perquirenda ratione, utere hoc vulgato axioma: Si quotiescumque ponitur A ponatur & B, quotiescumque aufertur A auferatur & B, erit A causa B.* Obscurum incertumque *causae* nomen. Eo, quod ad nos attinet, hoc in loco clarius exprimitur id, unde intelligitur, cur aliquid sit, aut tale sit. Vis motionum corporis causam me animum appellare? Fac, ut animorum voluntate posita corporis motio ponatur, eademque auferatur, si animorum absit voluntas. Nihil repugnabo. Hac eadem ratione peculiaris quaedam telluris nostrae inter solem & lunam positio lunaris ecclipsis causa est per Philosophos.

Monitum.

De hoc argumenti genere legendi Abbas Condillacus, Alambertus, Bonnetus cum Interprete Spallanzano, alique.

C A P U T V.

De usu, abusuque Matheseos in legitima quorundam phaenomenorum interpretatione.

CUM in naturae phaenomenis interpretandis non minus fructuose, quam inutiliter mathematicis uti rationibus possimus,

44
mus, hinc 1. De usu. 2. De abusu facultatis hujus differemus,

§. I.

De usu Matheſeos &c.

Quanta ſit Matheſeos in recta quorundam phaenomenorum interpretatione utilitas, ſapientum nemo neſcire poteſt. Cum enim ignorato motu natura quoque ignoretur, ipſaeque motus leges a mathematicis rationibus omnino pendeant; hinc facultatis hujus uſus atque neceſſitas ei, qui Phyſicam minime fabuloſam velit addiſcere.

Accedit, quæ quanta dicuntur eſſe propriæque ſunt, ea nonniſi cum debita menſura intelligi poſſe. Jam vero menſuram hanc ſola Matheſeos diſciplina ſupplet. Syntheſi enim finitæ ac determinatæ quantitates, quæmadmodum analyſi infinitæ indeterminatæque metiuntur. Sed nihil magis ad rem confirmandam valet naturalis diſciplinæ ortu atque incremento. Dum enim Phyſica a Graecis atque Alexandrinis eſt culta, vel ab ineunte ætate ſua mirum in modum progredi viſa eſt, potiſſimum in ſcholis Epicuri Democritique. Miſerrima autem ejus apud Schola-

la-

lasticos conditio; quippe nulla habita ratio Matheſeos.

Quod ſi renaſci quodammodo viſa eſt, philoſophante Galilaeo, id non minus obſervandi & experiundi methodo, quam mathematicae ſupputationi jure meritoque tribuas. Viderat enim vir acutiſſimus, Aca-
demiae noſtrae decus & ornamentum, naturae librum mathematicis cyphris conſcriptum eſſe, proindeque ſolo circuloꝝ, trianguloꝝ, quadratoꝝ idiomate interpretandum. Atque utinam ab eo uberior fieri ſublimioris Geometriae uſus potuiſſet. Ad ipſa proculdubio acceſſiſſet inventa poſteriorum.

Sed id reſervatum Newtono erat, qui vera per Galilaicum philoſophandi ratione adinventae, & jam analyſi per Carteſium Geometriae adplicata longiusque a ſemetipſo promota, divino, quo pollebat ingenio, univerſi ſyſtema in obſcuris adhuc deliteſcens feliciter fortunateque explicavit. Itaque ſi Galilaei demonſtratum operibus, quanto veterum Geometria adjumento fue-
rit ad quaedam phaenomena egregie explicanda; ab anno 1687., quo Newtoni apparuere principia, nemo jure poteſt de analyſis ad eundem finem utilitate dubitare.

Hinc immerito doctiſſimos noſtrorum
tem-

temporum Physicos reprehendunt Buffonius ac Diderotius. Ille enim in praefatione ad naturalem historiam solis vellet Astronomiae Opticaeque finibus mathematicam contineri. Hic vero in suis *De naturae interpretatione cogitationibus* specie quadam irrisionis eandem disciplinam omnino exulem cuperet extorremque.

§. II.

De abusa matheſeos &c.

Dixi ad quaedam naturae phaenomena interpretanda maxime utilem ac necessariam matheſeos facultatem esse. Quid vero putandum de iis, qui in quavis interpretatione ac studio sapientiae ea tamquam lydio utuntur lapide, nihilque se invenire posse existimant, quod quaesitum ab iis mathematica ratione non fuerit? In omnibus Horatio praecipiente

*Est modus in rebus, sunt certi denique
fines,*

*Quos ultra, citraque nequit consistere res
etiam.*

Non omnes physicae partes, neque omnia naturae phaenomena geometriae, &
ana-

analyſeos poſſunt adjumento explicari. Sunt, quae ſola obſervatione ſoliſque experimentis gaudent. Sunt quae praeter obſervationes & experimenta quidpiam in ſe menſurae recipiunt, eoque laetantur.

Hinc etſi geometrica & analytica principia maximo ſint ad rationalem medicinam adjumento, quod proprio confirmarunt exemplo ex noſtris Boſellius, atque Bellinus, exterorum vero Keyllius, Michelotus, Surinus, Boerhavius, Haleſius, imprimisque Sovageſius, aliique; non omnia tamen, quae ad medicinam ſpectant, ſyntheſi, vel analyſi poſſunt dimetiri, jureque Pitcarnium reprehenderis, quod ſibi temeritate non ferenda problema illud ſolvendum propoſuerit: *Dato morbo remedium invenire*. Itaque ne in vitium culpaſ ducat fuga, quae caret arte, tres hujusmodi leges religioſe ſervabis.

Lex. I. *Geometricis & analyticis menſuris ea ſolum ſubjiciunto, quae eaſdem menſuras propria natura atque indole patiuntur.*

Lex II. *Quae datis, ut ajunt, ſufficientibus carent, aut nimis vario & multiplici conſtant genere principiorum, ea ne geometricis & analyticis rationibus deſiniunto.*

Lex III. *Ubi natura ſileat, ubi contineſcat experientia, vel mathematicum idioma ſileat, neceſſe eſt.*

Me-

Monitum.

De usu abusuque Matheseos plura perquirenti adeundi Montucla, Frisius, Alambertus, P. Fontana, aliique innumeri.

C A P U T VI.

De phaenomenorum analogia, quae nos ut plurimam in ratiocinii analytici principiis fallit decipitque.

ANalogiae nomine ipsam rerum similitudinem cognationemque intelligimus. Ea uberrimus fons veritatum atque una simul errorum deceptionumque. Ea vel in principiis analytici ratiocinii statuendis maximo nobis adjumento quandoque etiam detrimento esse solet. Duplex igitur analogia, vera nimirum, & falsa. De utraque nonnulla attingemus.

§. I.

De analogia vera.

Vera analogia est, quae perfecta rerum similitudine perfecta cognatione continetur. Geometrica omnia hoc in sensu dicuntur.

euntur analoga. Hinc omnes circuli, omnia triangula, quadrata omnia easdem proprietates habent, unaquæ cognita harum figurarum, perfacile ad reliquas intra eandem speciem dignoscendas perveneris.

Sed longe dispar ratio est, si extra mathematicas disciplinas perfecta isthaec similitudo inquiratur. Demptis enim iis, quae ad rerum essentias referuntur, plura perfecte similia videntur esse, quae non-nisi proxime similia sunt. Si datum nobis concessumque foret, omne rerum genus speciem omnem, omneque individuum cogitatione complecti, analogica ratio demonstrationem perpetuo exhiberet. Sed rem aliter se habere proprio non minus, quam alieno experimento didicimus.

Nullibi ergo extra mathematicas disciplinas analogia vera reperietur? Eadem nemini in recta phaenomenorum interpretatione utendum? Non ita sane. Ea enim sunt usi philosophi praestantiores, Galilaeus in primis, atque Newtonus. Ea nobis quoque utendum, dummodo has veluti comites habeat conditiones.

Conditio I *Realia, ut inquirunt, non apparentia esse debent signa similitudinum, quibus vera analogia innititur.* Hujusmodi sunt plura analogiae signa, quae inter plantas, & animantia observarunt Naturalistae,

C

de

de quibus videndus Bonnetus. Hinc realia dico hujusmodi signa, si ea non uni solum alterive, sed omnibus aut plerisque saltem appareant.

Conditio II. *Numero plura multiplicia & varia sint oportet similitudinum signa, quibus verae analogiae ratio constituitur.* Antequam Francklinus veram analogiam inter fulmen vaporemque electricum conjectaret, haec omnia observarat signa similitudinum. 1. Fulmen in corpora eminentia, eaque in cuspidem acta fertur; in acuminata corpora fertur in machina electricus vapor. 2. Metalla fulminum sunt consuetae, & quasi dixerim, a natura paratae viae. Easdem vias vapor electricus in machina sequitur. 3. Fulminis ictu nonnulla corpora ignem flammamque concipiunt. Item nonnulla corpora scintilla accenduntur electrica. Quod si perraro id contingat in fulmine, idem neu frequenter expectes in machinae electricitate. 4. Metallorum liquatio, quorundam corporum in partes dissolutio, laceratio, animantium interitus, ipsaque magnetis commutatio, aequae per fulmen ac per electricum vaporem obtinentur. Quae omnia fuse Nolletus explicat in *Monumento*, quod in sua versione refert Prystley Interpres.

Conditio III. *Parvum minimumque descri-*

serimen, quod vel inter similia dari potest, nonnisi a peculiari quodam nondum explorato adjuncto oriri debet. Cl. Baldassarrius, Senensis Academiae lumen: *In animadversionibus ad principia amiantum constituenta:* conditionis hujus necessitatem faelicissime exponit confirmatque. Postquam enim statuit, amiantum & talcum una simul in iisdem locis conjuncta confusa atque etiam intermixta reperiri, retulitque plurimum Naturalistarum opinionem putantium, naturam unius in alterius naturam converti, atque hinc utrumque vi ignis minime commoveri, & solum propriis liquefieri fuforiis; concludit inde, eadem esse utriusque principia constituenta, quodque inter unum & alterum discrimen est, id a peculiari quodam adjuncto, aut nondum detecto, aut minime observato putat repetendum.

Conditio IV. *Denique vera analogia nulli debet observationi nulli experimento adversari; imo potius institutis ea observationibus experimentisque confirmari debet.* Hoc sane pacto Galilaeus analogiam, quae est inter tellurem nostram & planetas confirmavit. Hoc pacto Newtonus analogiam demonstravit, quae inter gravitatem terrestrem & planetariam reperitur. Hoc demum pacto Francklinus cervi volantis, perticaeque fulmineae experimentis probavit confirma-

virque analogiam, quam inter fulmen & vaporem electricum conjectarat.

§. II.

De analogia falsa.

Impatiens animus ipsaque in multis naturae uniformitas, teste Jacobo Riccato, in causa sunt, cur ad analogiam, saepius quam oporteret, recurramus. Sed quemadmodum ex nimia cogitationum celeritate aliquando iudiciorum nostrorum sequitur error, ita ex male posita uniformitate naturae ut plurimum differendo decipimur. Mirum quam late pateant duo haec vitiorum genera. Iis enim Botanici, & Naturalistae, Chymici, Astronomi, Physici, Medici, Theologi, uno verbo omnes labefactamur. Quae quidem vitia effugere qui volet, omnes autem velle debent, adhibebit ad considerandas res & tempus & diligentiam. Sed de falsa in disciplinas omnes inuenta analogia pauca dicamus.

Analogia falsa Botanicorum & Naturalistarum. Principio Botanici plantas omnes ad quaedam suprema genera reducere, idemque de animantibus fecere Naturalistae; cumque novis observationibus novae plantae, novaque animalia detecta fue-

fuerint; hinc in supputatione magnus error, magna deceptio. Idem de circulatione humorum in plantis, idem de generibus illarum proprietatum dixeris, quae ante polypi inventum, detectamque coclearum reproductionem animantibus tribui consueverant.

Analogia falsa Chymicorum. Inter humanum corpus chymicumque fornaculum absolutam hi philosophi posuere similitudinem. Hinc cor ipsis *focus* locusve, in quo residet ignis. Hinc aliae corporis partes iisdem designatae nominibus, quibus chymica instrumenta designantur. Hæc vero similitudine constituta, oportebat vel altera sequeretur, quae est inter effectus mineralium substantiarum in ipsis fornacibus observatos, & ea, quae in humano corpore earundem substantiarum ope contingunt.

Analogia falsa Astronomorum. Caelestes cartesianae philosophiae vortices undenam orti profectique, nisi ab analogia vorticum, quae in tellure nostra observantur? Undenam praegrandis statura Jovis in celis a Wolfio deridiculo tributa calculo, nisi ex iis, quae per analogiam de telluris nostrae hominibus ipse cognorat? Idem de atmosphaeris intelligite, quae omnibus planetis tributae sunt a nonnullis, etsi non aequè convenire omnibus constet. Vera ani-

mantia solem, lunam, stellas omniaque, quae in caelo sunt, non minus appellanda quam esse Robinetus ait. Quidnam majus excogitari analogiae deliramentum potest?

Analogia falsa Physicorum. Brutorum operationes sola maechanismi ope per Cartesianos explicatae, exemplo ab artificialibus machinis ducto, veriorique spreta analogia, quae inter sensus nostros nostrasque operationes, & sensus operationesque Brutorum intercedit. Prima corporum elementa illius figurae constituta, quae nunc ad motum, nunc ad quietem ea comparata exhiberet, ducta a corporibus, quae sub oculis cadunt, similitudine. Universalis supra tellurem gravitas aequa lance in omnibus admissa locis regionibusque; cum interim minor ea ad aequatorem, major sit ad polos agnoscenda.

Analogia falsa Medicorum. Genericis in medendi arte constitutis principiis, nulla habita ratione climatum, aetatis, temperamentorum aliarumque rerum, quae a prudenti Medico observari deberent, salutatis ut plurimum ars exercetur. Quod in athenis materiei diminutione aestuantes aquae a calore temperentur, putatum Vanelmontio, sanguinis emissionem in febribus necessariam & opportunam esse. Et id jure quidem aliquando constitutum.

At

At vero idem principium ad febres universas indiscriminatim translatum Medicos sanguinarios, eosque truculentos reddit.

Analogia falsa Theologorum. Quae Theologia a divina revelatione ducitur, ea immunis ab analogiae erroribus. Quae autem humana ratione fulcitur, ea ut plurimum analogiae deliramentis scatet. Hinc nihil de Deo ejusque attributis constitutum, nisi quod nostris ideis nostrisque cogitandi rationibus respondet. Hinc apud Gentes humana omnia ad Deum relata. Hinc mysteriorum a Baylio, Volterio, aliisque incredulis facta confutatio.

Monitum.

Veram falsamque analogiam latius explicarunt Lewisius in supplemento, Antonius Genuensis, Bonnetus cum Spallanzano, Buffonius, Dalhamus aliique. Sed de analogia attributorum Dei legendi Tilletzonius, Collinsius, & Kingius, qui de ea inter se disputarunt.

CAPUT VII.

De vario genere usuque hypothesium.

CUM analogiae doctrina nimis conjuncta ratio hypothesium est. Sunt autem hypotheses arbitrariae quaedam positiones ad ignotam veritatem explicandam adinventae. Hoc genere principiorum usi sunt Cartesius in Cosmogonia, Malebranchius, & Leibnitius in corporis animique societate statuenda, alique passim. Sed hypothesium natura duplex. Sunt enim aliae, quae ad thesım reduci possunt, eoque fine a philosophis excogitantur, aliae, quae reduci ad thesım nequeunt.

§. I.

De hypothesibus, quae ad thesım reduci commode possunt.

Tutior harum hypothesium doctrina uberrime a Condillacco est explicata. Itaque per eum duae omnino, nec plures, nec pauciores verae hypotheseos conditiones sunt. Prima est, ut certi simus de praefinito possibilium numero, nec dubitari unquam possit, an alia possibilia dentur sy-
ste-

stemata; quippe omnia fuerint cogitatione comprehensa. Secunda est, ut in ipsa hypothesis electione tutum quoddam criterium appareat, unde nobis merita hypothesis praeferendae innotescant.

Constabit id exemplis Mathematicorum. Et quoniam simplicior mathematicae pars Arithmetica est, ab ea exemplum ad theoriae explicationem ducam. Ponamus, dividendum numerum 12. per numerum 4. Jam omnes, uti dicunt, possibiles quoti facillime intelliguntur. Vel enim numerus quaternarius plus minusve quam tricies, vel tricies praecise in duodenario continetur. Quoniam vero inconcussa proportionum regula est, ut ad exactam partitionem divisor sit ad dividendum, quemadmodum ad quotientem est unitas; hinc clara supputatione comprehenditur, solummodo tricies quaternarium in duodenario numero contineri.

Idem in geometricis evenit; idem in analyticis. Namque cum Geometrae, tum Analytici in promptu habent, quas enumeravimus, conditiones. Et ad Geometras quod pertinet, ubi alicujus rei cum altera comparisonem instituunt, perfacile iis, earumdemve aequalitatem, sive inaequalitatem inferre. Nota enim possibilia omnia, notumque

Analyticis solvendum problema est, primum quid in eo cognitum, quidve incognitum, quasque illud conditiones habeat, serio meditantur. Hinc efformata aequatione, debitisque operationibus in eadem institutis, quod principio incognitum illis erat, meridiana luce clarius apparet.

Hoc primum hypothesium genus in analytici ratiocinii principiis constituendis utile ac necessarium est. Eo enim absque ullo erroris periculo affulget veritas, eoque uti volentibus uberrimus expectandus ad inventionem fructus. Fatendum tamen extra mathematicas disciplinas perraro duabus hisce conditionibus locum esse. Hinc si liceat in perquirenda veritate hypotheses condere, (quod non modo licet, sed expedit, commendaturque) illud meminerimus, sola observatione solisque experimentis confirmandam hypothesium veritatem. Atque hunc in modum hypotheses reducuntur ad thesim.

§. II.

De Hypothesibus, quae ad thesim reduci minime possunt.

Quae hypotheses aliam rationem habent, quam quae superius descripta a nobis est, eae ad thesim reduci nequeunt,
di-

dicunturque Poetarum somnia ac deliramenta, indigna prorsus gravitate sapientum. Harum descriptio duplex. Aut enim sunt cum sola vacuitate conjunctae & inutiles appellantur, aut inanitati damnum addunt atque perniciem, & ob id perniciosae dicuntur esse.

Exempla primi generis in Physica, Maechanica, Astronomia, Chymica, Botanica aliisque naturalibus ac theoreticis facultatibus habes. Huc enim reducuntur, quae de putrida animantium origine Scholastici, de corporum elementis Leibnitiani, de germine indestructibili Bonnetus, alique de aliis somniant. Sunt ea romanensium fabularum in morem excogitata, sibi proinde eam assensionem laudemque promerentur, quae debetur fatuitatibus atque deliriis.

Quod vero attinet ad perniciosas hypotheses, eas tibi offert minus aliquando sapiens turba Medicorum, ipsaque hominum ratione adversus religionem abutentium multitudo. In quo illud meminisse juvat, non systematibus non hypotheseis valetudinem procurari, sed observationibus experimentisque. Unde hoc generis principiorum nata ars salutaris mirum in modum ad utilitatem aucta & amplificata est.

De religione autem haec probe tenenda sunt. Non est religio quasi disciplina quaedam, in qua fieri propriis ideis inventa possint. Quae nobis credenda proponuntur, ea solo continentur lumine revelationis. Hinc consulenda Scriptura, hinc perpendenda Traditio est, nisi penitus ad pernicem insanire velimus. Ecclesia divinorum eloquiorum non humana ratio interpres. Quidquid praeterea revelatis rebus adjungitur, flagitii non minus quam aëssrenatae superbiae argumentum est.

Haec igitur principia, sive inutilia sint, sive etiam perniciofa, atque haec magis quam illa, prudens Philosophus vitabit ad inventionem.

Monitum.

De hypothefibus legendi Condillacus, Gravesandius, De Soria, aliique.

P A R S II.

De principiis ratiocinii synthetici.

DAbunt nobis veniam viri caeteroquin praestantissimi, si minus hac in re cum iisdem consentire videamur. Synthetici ratiocinii principia ad aliorum institutio-

tio-

tionem facta, & quodammodo comparata videntur: Jam vero in praeclaro Institutore ad veritatem demonstrandam haec sunt necessaria. 1. Rectus usus vocabulorum. 2. Propositionum. 3. Definitionum. 4. Divisionum. 5. Axiomatum. 6. Veritarum, quae sint legitima consectaria observationum & experimentorum 7. In hisce omnibus exponendis debitus ordo.

C A P U T I.

De vocabulis.

AD rectum vocabulorum usum scire oportet. 1. Quid ea sint. 2. Quotuplicia sint. 3. Quo cautionum genere usurpanda.

§. I.

Quid sint vocabula.

Sunt vocabula signa quaedam cogitationum animi, articulatis linguae motibus edita, hominumque arbitrata & conventionem significantia. Ex observationibus Ferrein, quae leguntur in Monumentis Academiæ Parisiensis ad annum 1741., præcipuum humanæ vocis organum in fibris
la-

labiorum glottidis, quae *ebordae vocales* appellantur, constituendum est.

Hoc igitur organo praediti homines vocabula emittunt tamquam signa idearum, rati solis naturae vocibus, quae risu, lacrymis, interjectionibus dolentis, vel gaudentis, mutationibus vultus, gestibus, aliisque continentur, haud posse inter se invicem communicare universa.

Qui sapiunt vocabulorum originem a solo Deo conditore repetendam putant. Qui vero cum Epicureis insaniunt, eam vel a natura, vel ab utilitate ducunt auspicandam. Illud certe in delirantium philosophorum systemate difficile definitum est, priusne sermonis, an societatis inventionem admiseris, quod vel *Roussso* paradoxum apparuit. De hac re legendi *Condillaceus*, *Maupertuisius*, *Herderus*, *Castilioneus*, alique.

§. II.

Quotuplicia sint vocabula.

Multiplex vocabulorum genus est. Alia enim clara, alia obscura; alia simplicia, alia composita; alia absoluta, alia relativa; alia propria, alia metaphorica; alia abstracta, alia concreta; alia communia,

nia, alia technica; alia generica, alia specifica; alia particularia, alia singularia dicuntur. Quae facile intelliguntur, ea *clara* vocabula sunt; quae vero secus, ea *obscura* appellantur. Vocabula Geometrarum sunt clara, Alchymistarum perobscura.

Simplicia dicuntur, quae simplices ideas repraesentant. At quae plurium idearum significationem exhibent, ea *composita* dici solent. Ad haec reduci commode possunt *aequivoca*, quorum una vox est, multiplex autem significatio. Vocabulum *linnaeae*, *doloris*, *voluptatisque* simplex. Vocabulum *corporis*, *plantae*, *animantis* de se compositum, atque una simul aequivocum. Aequivocis vocabulis Gentium oracula referta sunt.

Absoluta vocabula dicunt Dialectici, quorum interpretatio absque ulla ad alterum relatione facienda. Quae vero nonnisi cum relatione interpretanda, ea *relativa* appellantur. Vocabulum *Dei*, *hominisque* absolutum dici potest. Vocabulum *Conlitoris* & *Parentis* relativum dici debet. Alteraque vocabula sunt relativa.

Vocabula *propria* proprium, naturamque sensum exhibent. At quae vocabula impropria & quodammodo adscitum habent significationem, ea *Metaphorae* dici consueverunt. Vocabulum *risus* in
ho-

homine' proprium, in pratis metaphoricum. Orientalium Poetarumque vocabula' ut plurimum metaphorica.

Abstracta vocabula veluti sejuncta repraesentant, quae in natura sunt copulata. *Concreta* autem res ipsas ab eadem natura constitutas exhibent. Vocabulum *electricitatis* abstractum, vocabulum *electricum* concretum dicitur. Vocabulorum primi generis immoderatum abusum fecere Scholaſtici. De recto eorundem usu vide te Geometras.

Quae ab omnibus usurpantur, ea *Communia* dicuntur vocabula. Quae alicujus sive artis, sive disciplinae sunt propria, ea *technica* nuncupantur. Vocabulum *ignis* commune est, vocabulum *phlogisti* technicum, peculiare, nimirum, artis Chymicae. Frequentissimus apud Medicos technicorum vocabulorum usus, quem fortasse abusum jure dixeris.

Vocabula *generica* sunt, quae rebus aptantur diversae rationis naturaeque significandis. *Specificae* appellantur, quae rebus eandem naturam rationemque praefferentibus tribuuntur. Vocabula *corporis*, *plantae*, *animantis* sunt generica. Vocabula *hominis*, *equi*, *leonis* &c. specifica. Aequae generica ac specifica vocabula universalia dici solent; De his in
quin-

quinque classes Porphyrii opera distributis magno apparatu, iufructuose tamen veteres differuere.

Tandem *particularia* rem unam indeterminate significant. Quaeque rem unam determinate exhibent, ea singularia nominantur. Vocabulum *Philosophi Americani* particulare, alterum *Francklini* singulare est.

§. III.

Quo cautionum genere usurpanda vocabula.

Claris, simplicibus, propriisque vocabulis exponenda veritas. Quod si occurrant obscura, ea aptis definitionibus, de quibus infra, explicanda sunt. Composita per idearum analysim resolvenda, idemque faciendum in aequivocis. Vitanda, quoad fieri potest, metaphorica. Unum illudque eximium ante oculos perpetuo habendum Geometrarum exemplum.

Hinc in omni argumenti genere ad aliorum praeceptionem, non turgida ratione dicendi, sed aequabili ac temperata utendum, quam proprio nomine *didascalicum stylum* appellant. Ejus exemplar vides in aureo Tullii opere: *De officiis*. A
re-

relativis cavere nemo potest. Sed in his accurate quotquot sunt rationes omnes distinguendae, putandumque vel iis, quae absoluta videntur esse, innumeras relationes compræhendi. *Philosophiae* nomen absolutum esse credimus. Interim vero si illud recte interpretemur, relativum omnino est. Namque apud Haebreos sapientiam *traditionariam*, apud Graecos *systematicam*, apud Scholasticos *chymericam*, apud Cartesianos *hypotheticam*, apud Galilejanos, & Newtonianos *veram* sapientiam proprie significat.

In abstractis probe noscendum, quid humanae mentis, quid naturae sit opus: nihilque huic dandum, quod sibi altera jure flagitet. Ut plurimum abstracta pro concretis habita. Hinc *realizandi* vitium consecutum est, quod Scholasticorum diuturna consuetudine roboratum vidimus.

Technicorum moderatus usus laudabilis. Immoderatus haud vitio caret. Sed ubi technicis utimur, ea clare sunt explicanda.

Tandem in genericis atque specificis videndum, num exacte sint constituta genera, num rerum species rebus ipsis accurate respondeant. Et quoniam genera & species abstractione fiunt, recolendum est, ea mentis non naturae opus esse. Unde
vel

vel hac in parte a *realizatione* cavendum.

Monitum.

De vocabulis eorumque imperfectiōne, usu, abusuque legendi Lockius, Condillacus, Clericus, Dhalamus, Genuensis, alique.

C A P U T II.

De propositionibus.

EX vocabulis propositiones fiunt. Vel in his ad rectum usum nosse juverit.
1. Quid sint. 2. Quotuplices sint. 3. Quibus legibus atque canonibus interpretandae.

§. I.

Quid sint propositiones?

Propositio est vocabulorum nexus, quo unum de altero affirmamus negamusve. Ea iudicium verbis expressum dicit solet, nec immerito. Tria in quavis propositione sunt accurate distinguenda: *subiectum* nempe, *praedicatum*, & *copula*.

Sub-

Subiectum est vocabulum illud, cui quidpiam tribuitur aut negatur. *Praedictatum* seu attributum est vocabulum alterum, quod de subiecto affirmamus aut negamus. *Copula* est verbum, quod utrumque vocabulum nectit. Cum dico: *Andreas Caesalpinus est inventor circulationis sanguinis*: propositionem efformo, in qua subiectum est *Andreas Caesalpinus*, attributum sunt voces illae *inventor circulationis sanguinis*, verbum vero substantivum *est* copula dicitur.

Ubi in propositionibus tria haec clare non insint, subintelliguntur, inque ea resolvi quaelibet propositio quamfacillime potest. Ita illud Tullii: *abiit, excessit, evasit, erupit* in quatuor has propositiones solvitur: *Catilina fuit abiens, fuit excedens, fuit evadens, fuit erumpens*.

§. II.

Quotuplices sint propositiones?

Propositiones quinque ex adspectibus considerari possunt. 1. Ex parte *formae*. 2. Ex parte *materiae*. 3. Ex parte *quantitatis*. 4. Ex parte *qualitatis*. 5. Ex parte *oppositionis*.

I. *Ex parte formae*. Propositionis forma ipsam repraesentat subiectorum cum
prae-

praedicatis conjunctionem. Hinc in tot species dividuntur propositiones ex parte formae, in quot eadem dividi conjunctio potest. Patet autem, conjunctionem omnem aut *necessariam*, aut *fortuitam*, aut *possibilem*, aut *impossibilem* esse.

Propositio *necessaria* est, in qua praedicatum necessario jungitur cum subiecto. Ita haec: *circulus est figura rotunda*. *Fortuita*, cujus termini fortuito cohaerent. Ita haec: *circulus circumscripta quadrato figura est*. *Possibilis*, in qua termini minime pugnant uniri. Ita haec: *circulus proxime quadratur*. *Impossibilis*, cujus inter se termini pugnant. Ita haec: *circulus exacte quadratur*.

II *Ex parte materiae*. Propositionum materia ex Scholae usu sunt termini, ex quibus illa constat. Jam vero hi nunc simplices, nunc complexi, nunc compositi dicuntur esse; unde propositio aut *simplex*, aut *complexa*, aut *composita* est.

Simplex dicitur, quae unum solummodo subiectum, unumque habet praedicatum. Ita haec: *Salvinus Armati perspicillorum inventor fuit*. *Complexa* ex una principali, alterave incidente constat. Ita haec: *Pyttthagoras, qui quadragesimae septimae propositionis Euclideae fuit inventor, metempsychosim admisit*.

Com-

Composita vocatur, quae ex pluribus sub-
jectis, pluribusve praedicatis cohaerefcit. Ita
haec: *cum Keplerus, tum Galilaeus, tum Car-*
tesius, aliique Newtoni saeculum praepara-
runt: ex parte subjecti composita est.

Incidentium propositionum duo sunt ge-
nera. Aliae enim *explicativae*, aliae *restricti-*
vae dicuntur. Primae sunt, quae potius ad
ornamentum & eruditionem, quam ad ne-
cessitatem apponuntur. Ita in hac propositio-
ne: *Tullius, qui non contemnendus poeta fuit,*
latinorum dicitur oratorum princeps: inci-
dens est mere explicativa. Aliae vero sub-
jectum aut praedicatum coercent. Ita in
hac propositione: *Graecus ille philosophus,*
qui disciplinas ferme omnes in elaboratum
systema retulit; fuit Alexandri Magni insti-
tutor: incidens est restrictiva.

Omnis propositionum compositio aut
perspicua & clara, aut *latens* atque *re-*
condita appellatur. Ad primum genus re-
ducuntur: *copulativae, disjunctivae, hypo-*
theticae, causales, discretae, relativae. Ad
alterum *exclusivae, exceptivae, comparati-*
vae, inaeptivae, desitivae. De singulis
quambrevissime.

Copulativae sunt, quarum membra co-
haerent per particulas copulativas. Ita haec:
Et Newtonus & Leibnitius ad infinitesima-
lis calculi inventionem laborarunt.

Dis-

Disjunctivae, quarum membra per particulas disjunctivas fecernuntur. Ita haec: *Praeclara Cartesii merita aut adplicatione analyseos ad Geometriam, aut excusso Aristotelicae servitutis jugo continentur.*

Hypotheticae, seu *conditionales* sunt, quarum partes conditionali uniuntur. Ita haec: *Si Adjunctus noster diutius vixisset, majorem sibi, academiae nostrae, patriaequae gloriam comparasset.*

Causales dicuntur, quarum una pars continet rationem alterius sufficientem. Ita haec: *Quod philosophica de rebus ad caelum pertinentibus usus esset in alios censura Galilaeus, ideo theologica de telluris motu propugnato ipse quoque ab aliis inustus est.*

Discretae sunt, quae duo penitus diversa judicia complectuntur, quorum unum affirmativum est, negativum alterum. Ita haec celeberrimi epithaffi: *Jacent hic vir & uxor, nec tamen litigant.*

Relativae vocantur, quarum una pars refertur ad alteram. Ita haec: *Quae temperamenti, eadem & morum ratio est.* Atque haec de compositis perspicua & clara compositione. Nunc de reliquis.

Exclusivae aliquid semper aut ex parte subjecti, aut ex parte praedicati excludunt. Ita haec: *Sola horologia pendulis instructa exactam temporis mensuram exhibent.*

Exce-

Exceptivae aliqua semper cum exceptione aut affirmant aut negant. Ita haec: *Dempto horrore vacui nullo Scholarum offerebatur praejudicio Galilaeus noster.*

Comparativae appellantur, in quibus aliqua fit comparatio. Ita haec: *dolior Rbedio fuit Bellinus, baud tamen in medendo fortunatior.*

Inceptivas vocant, quae alicujus rei initium referunt. Quae vero finem describunt, easdem nominant *desitivae*. Ita haec: *Haebrei in Babilonica captivitate Graecorum more philosophari caeperunt: inceptiva.* Haec autem altera: *Adveniente Christo nonnulla gentium oracula conticuere: desitiva est.*

III. *Ex parte quantitatis.* Propositionis quantitas a subjecti pendet extensione. Itaque sub hac ratione aliae sunt *indefinitae*, aliae *universales*, aliae *particulares*, aliae *singulares*.

Indefinitae sunt, quarum subjectum nullo signo afficitur. Hoc genus propositionum, si sit in materia necessaria, aequivalet universalibus; sin vero sit in materia fortuita, particularibus aequivalet. En exempla: Haec propositio: *corpus est extensum* huic aequivalet: *Omne corpus est extensum.* Haec vero altera pariter indefinita: *corpus est diaphnum:* huic respondet:

det: *aliquod corpus est diaphnum*. Quippe illa necessaria, haec fortuita est.

Universales dicuntur, quarum subiectum signo universali afficitur. Ita: *Omne, quod cogitat, inextensum est*. Universalitas alia *metaphisica*, alia *moralis*. In prima nulla fit exceptio. Ita: *omnis homo est mortalis*. In altera aliqua semper exceptio fit. Ita: *Non est qui faciat bonum non est usque ad unum*: ex Psalmista.

Particulares, quarum subiectum particulare est. Ita: *Quaedam disciplinae usu magis, quam studio praeceptisque discuntur*. Tandem *Singulares*, quarum subiectum unum est ac determinatum. Ita: *Seneca Stoicorum secutus est moralem disciplinam*.

IV. *Ex parte qualitatis*. Propositionio est *affirmativa*, si praedicatum de subiecto affirmet; *negativa* est, si illud neget; item est *vera*, si quod affirmandum, negandumve est, id affirmet, negetve. Secus, *falsa* appellatur. Res per se patet.

V. *Ex parte oppositionis*. Oppositio est pugna duarum propositionum idem subiectum ac praedicatum habentium. Ea quadruplex apud Scholasticos: nimirum, *subalterna*, *subcontraria*, *contraria*, *contradictoria*. Dempta contradictoria, caeterae nullius sunt usus in politiori Dialectica. Hanc itaque explicabimus.

Contradictorias dicunt, quae non solum in quantitate, sed etiam in qualitate opponuntur. Ita hae propositiones: *Omne corpus est divisibile: Aliquod corpus non est divisibile*: contradictoriae sunt. Utitur tamen contradictoriae nomine intelligimus quamcumque oppositionem, quae ex parte solius qualitatis fit, dummodo caetera omnia in utraque propositione sint eadem. Ita hae propositiones sunt vere contradictoriae: *Aurea Cornelii scribendi ratio est: Incompta atque inelegans Cornelii est ratio scribendi*.

§. III.

Quibus legibus atque canonibus propositiones interpretandae?

Interpretandarum propositionum leges ad has reducuntur.

Lex I. *A falsis incidentibus, quae restrictivae vocantur, accuratius quoad potest, cavendum. Earum namque falsitas in principium falsitatem influit. Secus de explicativis differendum est.*

Lex. II. *Si una tantum copulativae pars sit falsa, falsam ex integro copulativam habeto. Ea enim conjunctionis ratio est, ut individuum propositionem reddat.*

Lex

Lex III. In disjunctivis aequae partium accuratam enumerationem ac pugnam quaerito. Si enim aliter facias, aut falsitatis inculcaberis, aut deridiculum te exhibueris.

Lex IV. In hypotheticis de antecedentium & consequentium veritate haud esto sollicitus. Veram potius cognationem partium investigaminor. Ab ea enim pendet illarum veritas.

Lex V. In causalibus sufficientem rationem ad examen revocato. Ubi haec vera, causalis quoque vera; ubi eadem falsa, causalis quoque falsa est.

Lex VI. Exclusionarum difficillima interpretatio. Si exclusio sit ex parte subjecti, reliqua omnia subjecta exacte dignoscenda; sin vero ea ex parte praedicati sit, adaequate percipienda essentia subjecti est. Idem de exceptivis intelligito.

Lex VII. Ad distinguendum inter metaphysicam, & moralem universalitatem cum ad mentem proferentis, tum ad naturam enunciationis confugito. Utrisque enim vera propositionis dimetitur extensio.

Lex VIII. Contradictoriarum una solum semper vera, altera falsa. Hinc ab unius veritate ad falsitatem alterius, atque etiam secus legitime argumentaberis.

Monitum.

Plura cupientibus adeundi Lockius, Arnaldus, Facciolatus, Genuensis, & si qui sunt alii.

CAPUT III.

De definitionibus.

Definitio clara dicitur sive nominis sive rei per nomen intellectus explicatio. Ea itaque ad tollendam obscuritatem est comparata, de qua tria potissimum quaeri solent scitu dignissima. 1. Quid sit definitio nominis. 2. Quid sit definitio rei. 3. Quænam sint a Philosophis in utraque servandæ leges.

§. I.

Quid sit definitio nominis?

Definitio nominis, quam significationem usurpato vocabulo tribuamus, exponit. Ea Platonicum inventum est, non ad omnium vocabulorum usum opportuna, sed ad obscura tantum æquivoca minus usitata, in primisque technica vocabula reservata.

Prae-

Præclarissimus est hujusce præsidii usus apud Geometras. Utinam in omne disciplinæ genus invehetur. Multa enim sunt vocabula, quæ nisi clara definitione explicantur, nos in turpem *Logomachiam* inducunt. Talia sunt præ caeteris vocabula *materiei, spatii, infiniti, amoris proprii, luxus, animæ, sensus, sensationis &c.*

De sensuum deceptionibus a Sexto Empirico ad hæc usque tempora acriter disputatum. Quis crederet, celeberrimam disputationem ad nominis controversiam reduci commode posse? Sed ita profecto est, unoque discrimine, quod inter causam *essentiali* & *occasionalem* reperitur, omnis hæc quæstio dirimitur.

Quanta ingeniorum contentione apud veteres Dialecticos non fuit de subjecto facultatis nostræ quaesitum? Alter stabat pro ratiocinio; alter pro rationis, quod dixerunt, *ente* pugnabat. Hic pro Syllogismo; ille pro tribus operationibus mentis acerrime disputabat. Explica te quaeso: causa finita est.

Quid de animorum libertate dicam? De ea in utramque partem certatum acerrime, & quidem maximo non philosophiæ solum, sed religionis etiam detrimento. Interea vero quis neget, ingentiam animis libertatem? Nimirum, aut qui demens est,

D 3

aut

aut qui ipsa nominis definitione abuti ver-
lit.

§. III.

Quid sit definitio rei?

Definitio rei est enarratio idearum simplicium, ex quibus definienda idea constat. Quaevis idea de se simplex, cum de se simplex sit advertentis animi perceptio. Objecta vero, quae per ideas repraesentantur, plerumque composita: Hinc in omnes illa solvenda partes, quas simplices ideas appellant.

Jam vero simplices hujusmodi ideae ipso omni re ab attributis & proprietatibus pendent. Explicanda igitur in omni definitione rei attributa & proprietates, quas notas habemus perspectasque. Attributorum sunt alia generica, alia differentialia. Primis, quam cognationem habeant res cum finitimis, intelligimus. Postremis autem, quid inter eas discriminis insit, comprehendimus.

In rerum definitionibus exponendis utroque utimur genere attributorum. Hinc recte phisicum corpus definimus: *Rem extensam impenetrabilem figuratam divisibilem inertem* &c. Hinc recte etiam definita mens

mens est: *Substantia cogitans, aversionum appetitionumque capax, regendo corpori accommodata*. Hinc denique Deum ipsum accuratius, quoad potest, definimus: *Ens perfectissimum, omnium conditorem; conservatoremque* &c. Ex quibus satis constat, quam falso putatum ab nonnullis fuerit, rerum definitiones fieri, cum earumdem naturam explicamus. Namque naturae rerum ignotae sunt nobis, deque iis nullo pacto inventi excogitative definitiones possunt. Quod more suo sapientissime Alambertus observavit.

§. III.

*Quaenam sint in utraque definitione
Philosophis servandae leges?*

Quae duo explicavimus genera definitionum, ea proprias habent leges, quibus reguntur ac substinentur. A nominum definitionibus ordiemur.

Lex I. *Quoniam vocabula omnia arbitrata sunt hominum adinventæ, hinc eorundem definitio libera, placitisque aptata Philosophorum.*

Lex II. *Hinc tibi nova excogitare vocabula datum concessumque.*

Lex III. *Nemini litem de tradita nominum definitione moveas; quin potius eam tamquam indubitatum axioma reputato.*

Lex IV. *Caveto tamen, ne a nominum definitione ad rei ipsius definitae proprietates argumenteris. In hoc vitii genus perpetuo Spinoza incidit.*

Lex V. *Quemadmodum si sapienses, ut plurimum definitiones nominum magis usitatas, magisque usitata vocabula adhibeto. Si aliter feceris, non ad utilitatem necessitatemque, sed ad novitatis cachoetem fecisse videberis.*

Nunc de legibus definitionum rei.

Lex I. *Ideae simplices definiri haud debent, quia nequeunt. Nihil enim per se ipsum definitur.*

Lex II. *Quaelibet definitio sit clarior faciliorque intellectu re definita. Adversus hanc legem peccavit quamsaepissime Aristoteles.*

Lex III. *Quaelibet definitio sit propria rei definitae, idest, nulli alteri, dempto re definita, conveniat. Hinc Platonica hominis definitio vitiosa.*

Lex IV. *Quaelibet definitio sit adaequata, idest, omnibus rei definitae partibus aptetur.*

Monitum.

De nominum rerumque definitionibus copiosissime tractarunt Lockius, Arnaldus, Clericus, Alambertus, alique innumeri.

C A P U T IV.

De divisionibus.

Philosopho ad synthetici ratiocinii principia statuenda properanti non minus definitio, quam divisio utilis ac necessaria. Instituti igitur ratio postulat, ut ad rectum quoque hujusce praesidii usum quaeramus.
1. Quid illud sit. 2. Quotuplex sit. 3. Quibus legibus absolvendum.

§. I.

Quid sit divisio?

Ea est humani ingenii imbecillitas, ut in multiplici subiecto, circa quod philosophando versatur, ad cogitationis vim augendam necessario uti partitione debeat. Facilius enim, quae invicem sejuncta sunt, quam quae copulata intelligimus.

Est itaque divisio totius in partes, ex quibus constat, distributio, Hinc in di-

visione Chymicorum spectanda ratio, ipsumque subjectum, quod multiplex est, in sua veluti sensibilia elementa resolvendum.

Mirum quam accuratae sint Geometrarum partitiones. Nulla enim est geometrico in corpore dimensio, nulla ejusdem dimensionis ratio, quae ab hisce sapientibus non sit luculenter exposita. En itaque alterum perfectae divisionis exemplar, quod ante oculos versari perpetuo debet.

§. II.

Quotuplex sit divisio?

Divisionum genera totius dividendi rationem sequuntur. Hinc quemadmodum duplex est totum, ita duo in primis sunt genera divisionum. Est quidem *totum*, quod partibus *realiter* distinctis constat, quae *integrantes* appellantur. Est quoque *totum* apud latinos *omne* dictum, cujus partes *subjectivae* partes, aut *inferiora* appellantur.

Si primi totius divisio fiat, ea proprio nomine *physica*, sin vero alterius *metaphysica* vocabitur. Divisio hominis *in corpus, & animam* physica. Divisio animantis *in rationale & irrationale* metaphysica. Prima *partitionis*, altera *divisionis* nomen retinet.

Prae-

Praeter haec suprema divisionum genera, sunt alia quatuor, de quibus brevissime differendum.

Principio enim genus dividitur in species. Ita animal in hominem, & brutum tamquam in species suas dividitur.

II. Genus dividitur in differentias. Ita: corpus aut opacum est, aut diaphnum.

III. Subjectum dividitur in ea, quorum capax est, accidentia. Ita homo vel doctus, vel indoctus, vel medium inter utrumque, nempe, sciolus.

IV. Accidens dividitur in varia subiecta. Ita bona omnia vel corporis sunt, animalive.

§. III.

Quibus legibus absolvenda divisio?

Sex sunt praecipuae optimae divisionis leges.

Lex I. Cura, ut in omni divisione totum, quod tibi dividendum proponis, exhaurias.

Lex II. Fac, ut divisionis membra quamdam veluti oppositionem servant inter se.

Lex III. Cave, ne unum membrum ita includatur in altero, ut alterum de altero queat affirmari. Hujusmodi lex superioris confectarium est,

Lex IV. *Divisionis membra nec plura, nec pauciora sint, quam oportet ad perspicuitatem. In omnibus autem subjecti naturam sequere.*

Lex V. *Vide, ne vocabula divides, dum rem ipsum assumis dividendam.*

Lex VI. *Senecae illud recolito: simile confuso esse quidquid usque in pulverem sectum est.*

Monitum.

De divisione consulendi Arnaldus in primis, Clericus, caeterique Dialectici.

C A P U T V.

De axiomatibus.

PROPOSITIONES quaedam genericae evidentiam non demonstrationis, sed simplicis, uti dicunt, intuitionis habentes axiomata vulgo appellantur. Ita hae propositiones: *Omne totum sua parte majus est: Quae sunt eadem uni tertio, ea sunt eadem inter se: Si ab aequalibus aequalia demas, ea quae remanent aequalia sunt:* axiomata dicuntur esse. De his 1. Originem. 2. Abusum. 3. Legitimum usum exponemus.

§. I.

De origine axiomatum.

Cum ideis simplicibus omnia constent axiomata, dubitandum nemini, quin eadem illorum atque idearum simplicium origo sit. Jam vero ideae, quae dicuntur simplices, ut plurimum abstractioni debentur. Itaque abstractioni etiam erunt axiomata tribuenda.

Patet autem, quae abstractioni debent originem, ea meditationis ac diuturnae reflexionis opus esse, quaeque sunt hujusmodi, ea minime ingenita posse appellari. Igitur falsa Cartesianorum sententia putantium, inter ingenitas cognitiones axiomata esse recensenda.

Praeterea quae dicuntur abstracta, ea a concretis derivantur, praeseferuntque antecedentem notitiam sensibilibus. Ergo multa vel ante axiomatum cognitionem adquiruntur a nobis, multa discuntur, quae certa nobis sunt atque explorata, etsi in summa axiomatum ignorance versetur.

Hinc item falsa Philosophorum opinio de axiomatibus, quae sint reliquarum fundamenta veritatum. Falsum, ea inventis locupletandis faciendisque inservire. Falsum denique, ea conferre augmentis disciplinarum,

§. II.

§. II.

De abusu axiomatum.

Male per aliquos constituta axiomatum ratione, vel illud necessario sequi debuerat, ut in abusum ea facillime verterentur. Hinc axiomatibus referta omnia, plerique veterum Physicorum, Medicorum, uno verbo omnium axiomatibus libri. Hinc putatum, licere nemini adversus axiomata opinari, quique ea pernegasset, illi solo helleboro opus esse.

Scholarum axiomata partim *falsa*, partim, ut Alambertus habet, *illusoria*. *Falsa* quidem, vel quia in plurimis naturae opus constituunt, quod solius est mentis opus; vel quia solis systematibus adstruendis inserviunt, & ad illorum sunt excogitata patrocinium. Quid enim sibi vult Metaphysicorum illud: *Simplex existentia modalem existentiam praecedat*? Quid alterum Moralistarum: *Qui probabiliter agit, prudenter agit*?

Sunt etiam *illusoria*. Primum enim vera axiomata ad identicas propositiones reducuntur. Idem enim significat, *duo & tria faciunt quinque*, ac *duo & tria faciunt duo & tria*. Deinde sunt etiam axiomatum

tum pleraque incerta dubia equivoca.
Tale illud: *Effectus suis respective causis
proportionantur*: Tale alterum: *Volenti &
consentienti nulla fit injuria*.

Sed nemo fuit in axiomatibus intem-
perantior Wolfio. Is enim quae vera axio-
mata dici possunt, simplicesque proinde
ideas repraesentant, Matheseos initio ac-
curatis, si Superis placet, probationibus com-
munivit. Hinc putavit, demonstratione in-
digere illud: *Omne totum sua parte majus
est*: demonstratione, inquam, quae a solo
Wolfio intelligitur, quaeque obscurior ipsa
re demonstrata, (si tamen in eadem re
obscuritas insit) dici jure meritoque po-
test.

§. III.

De legitime axiomatum usu.

Tres habent praecipuos usus vera axio-
mata. Primus ab Alamberto exponitur, duo
reliqui describuntur a Lockio. Atque Alam-
berti sententia, axiomatibus ideae simpli-
ces familiares quodammodo fiunt, earum-
que veritas quasi inveterata consuetudine
roboratur.

Ex Lockio autem synthetice differen-
do inserviunt, suntque proinde ad verita-
tem

tem demonstrandam ineluctabilia fundamenta. Hinc a Geometris frequentissime usurpata. Hinc in vulgari receptaque apud omnes tradendarum disciplinarum methodo ab universis ferme adhibita philosophantibus.

Deinde illa in contentionibus ac disputationibus locum habent, quippe nugis finem imponunt. Dum enim cum pervicacibus & refractariis agimus, praeclare fit, si ea illis veritatum evidentia opponatur, cui, ni penitus caccutiant, refragari haud possunt.

Cavendum tamen, ne in hisce usibus ad ea axiomata confugiamus, quae aut sunt systematica, aut penitus falsa, aut saltem dubia & incerta, indigna proinde gravitate sapientum.

Monitum.

De axiomatibus multa habent Lockius, Condillacus, Alambertus. Eos itaque, si vacat, consulite.

CAPUT VI.

*De phaenomenorum ab observatione experimentis-
que pendentium confectariis, quae
sola sunt, eaque firma synthetici.
ratiocinii principia.*

Quemadmodum ad veritatis inventionem solo observationis experimentique praesidio utimur, ita in ejus demonstratione eorundem confectariis uti consuevimus. Quamobrem si diuturnum inventionis iter, breve illud demonstrationis est. In analysi viae omnes rectae, nimirum; obliquae, verae falsae; novae vetustae, cognitae latentisque observantur & inquiruntur. In synthesi quasi praeteritorum errorum obliti sola, quae nobis veritatem obtulere, commemoramus atque describimus. Hinc dum veras rectasque vias recordamur, eas solum discentibus proponimus & quidem brevissime, ne taedii plurimum afferat, quae latius pateret, inventionis historia. Vera igitur phaenomenorum confectaria syntheseos sunt appellanda principia. Ac de veritate hujusmodi 1. Demonstrationem, 2. Debitas cautiones explicabimus.

Propositionis veritas demonstratur.

Notum exploratumque, quod demonstrandum assumimus. Interim ad Juventutis utilitatem, per brevi illud historia confirmabitur. Principia Hippocratica, quae Aphorismi dicuntur, confectaria sunt observationum, quas sive per se, sive per alios feliciter in medendo Hyppocrates instituerat.

Geometrica Euclidis principia illarum sunt confectaria observationum, quas veteres ante illum Geometrae de abstracta extensione ejusdemque rationibus praestitere.

Quae sive in Geometria, sive in Mechanica Syracusanus Archimedes, demonstravit summa cum admiratione posterorum, ea debentur confectariis hujusmodi.

Uno verbo, quidquid demonstramus, ad haec confectaria tamquam ad vera & inconcussa principia refertur, Hinc Galilaei, hinc Newtoni, hinc Boerhavii, Halleri, aliorumque accuratae demonstrationes prodire.

Inventorum aliqui non modo vias omnes, per quas ad veritatem pervenerunt, retulere, verum etiam historicis phaenome-

norum narrationibus subjungere isthaec observationum confectaria. Legantur Bonnetus, Spallanzanus, Cortius, Fontana, Andreas de Luc, aliique.

§. II.

Quo cautionum genere propositis sit intelligenda?

Quod de hisce confectariis diximus, hoc sane pacto intelligendum. Confectaria hujusmodi debent esse legitima arcto, nimirum, vinculo cum iisdem copulata phaenomenis. Est enim quoddam confectariorum genus, quae solis philosophantium ideis continentur, soloque ab studio systematis enascuntur. Multa hujus generis habes in Buffonio, Bonneto, aliisque.

Hinc a veris confectariis, verisque proinde syntheseos principiis excludendae Scholasticorum propositiones genericae, quae ab una abstractione profectae nullam habent rationem phaenomenorum.

Hinc etiam angue pejus hypotheses fugiendae, quae somnia sunt delirantium Philosophorum, nisi eae ad theses redactae observatione fuerint, quod quamvis possit ratione obtineri, superius explicatum uberrime.

Praeterea vel in synthesi ad firmitatem principiorum matheseos usus retinendus. Non quidem ille usus, quem aestrenem dicunt, sed is, quem proprium & modestum inque ipsa analysi retinendum diximus. Multa enim, quae neque observatione, neque experimentis possunt demonstrari, aut Geometriae, aut Analyseos adjumento egregie demonstrantur. Horum exempla in Galileo, Newtono, aliisque familiaria sunt.

Monitum.

Hac in re legendi praestantiores Philosophi, Medici, Mathematici ad imitationem. Ad ipsam vero institutionem: quod attinet, consulendi Alambertus, Montucla, Friſius, P. Fontana, Jallabertus, & si qui sunt alii.

C A P U T VII.

Quonam ordine in synthetico ratiocinio principia disponenda.

IN omni demonstratione praeter principia, quae vera dicuntur, debitus quoque spectandus est ordo. De hoc 1. Quid falso putatum. 2. Quid certo tenendum. sit, proponemus.

§. I.

*Quid de ordine in ratiocinio synthetico
falso putatum?*

Sunt qui putent, omnia syntheseos principia mathematicum esse in morem disponenda. Horum princeps WOLFIIUS, HEINNECIUS, BESOMBESIUS, Fortunatus Brixienfis, Antonius Genuensis, alique non pauci.

Fatendum vero hac methodo nonnisi fucum imperitis fieri. Illa enim aequae veritati ac falsitati demonstrandae aptari potest. Eadem, quae natura suapte incerta ac dubia sunt, minime evadunt certiora magisque explorata. Quid magis Pantheistico systemate falsum, absurdumque? Interim, si Spinozae credas, illud mathematica est methodo demonstratum? Quid magis rationis impervium lumini ipsa Numinis actione, qua se ad singula rerum creaturarum praestat? Id tamen fuit mathematica ratione enunciatum.

Quaeris, quid sit Mathematicorum methodus? Disce ab ALAMBERTO. Exterior quidam cortex est, eodem modo se habens ad veritatem, quo se tituli ad nobilitatem referunt. Hinc quae maximam praeseferebant evidentiam, hac methodo elaborata

ni-

nitent; quae vero propria sunt ratione per-
obscura, inter tenebras delitescunt.

Adde, catenam geometricam solum in
iis habere locum posse, quae partes habent
arctissimo inter se vinculo copulatas. Jam
vero si ab extensione abstracta divageris,
nullam inveneris hujusmodi cognitionem.
Plura enim sunt a se invicem ubique se-
juncta, quorum vincula aut nulla sunt,
aut ignorantur ab omnibus.

§. II.

Quid certo de eodem ordine cogitandum?

Quoniam igitur Geometrarum ordine
synthetici ratiocinii haud sunt disponenda
principia, quam necessaria methodo in
iis procedendum, videamus. Et quidem,
quoad potest, brevius id per legum, quae
sequuntur, explicationem edocebimus.

*Lex I. Ad claram cujuscumque veritatis
demonstrationem utere primum egregiis de-
finitionibus accuratisque partitionibus; at-
que ita in quo disputationis cardo versetur,
luculenter exponito. Quanta sit necessitas,
quaestionis, ut inquiunt, statum exponendi,
nemo est qui nesciat. Omnis enim, Tullio
praecipiente, quae a ratione suscipitur, de
aliqua re institutio, debet a definitione pro-
fici-*

ficisci, ut intelligatur quid sit id, de quo disputetur. Id autem non modo definitionibus, verum etiam partitionibus obtinetur.

EXEMPLUM

Ab Alamberto desumptum in celeberrima
disputatione: *de adaequata mensura*
virium.

Hoc nomen *vis* in corpore se movente nihil aliud praeter proprietatem significat aut superandi obstacula, aut iisdem resistendi. Hinc quo majus superandum obstaculum, quoque major eidem resistentia opponenda, eo major *vis* in eodem corpore necessaria judicatur. Obstaculorum alia insuperabilia omnemque motum penitus extinguunt; alia quae tantumdem habent resistentiae, quantum ad motum, quem corpus habet, in instanti extinguendum requiritur, & hic casus aequilibrii est; alia demum, quae corporis motum successive ac pedetentim extinguunt, atque haec retardati motus hypothesis. Quae obstacula sunt primi generis, ea nullo nobis esse possunt ad vim metiendam praesidio. Igitur mensura virium aut in aequilibrio, aut in motu retardato perquirenda. Omnes autem

tem

tem consentiunt, inter duo corpora aequilibrium esse, quoties ex utraque parte sine aequalia massarum ac virtualium celeritatum producta. Quamobrem in aequilibrio erit vis ut productum massae per celeritatem, seu poterit vis per quantitatem motus repraesentari. Item apud omnes exploratum, in motu retardato numerum obstaculorum, quae superata fuere, esse ut quadratum celeritatis. Corpus enim, quod unum elaterium determinata quadam celeritate clauserit, potest celeritate dupla vel una simul, vel successive non duo, sed quatuor primo similia claudere elateria, novem celeritate tripla &c. Ex quo *virium vivarum* defensores inferunt, vim corporum se moventium generatim esse, ut productum massae per quadratum celeritatis. Sed qui vires vel in motu retardato a simplici productum massae in celeritatem mensurantur, ii non absolutam obstaculorum quantitatem, sed aggregatum spectant resistentiarum eorundem. Est enim hoc quantitati motus proportionale. Huc ergo redit omnis disputatio: num vires in casu motus retardati mensurandae sint per absolutam quantitatem obstaculorum, an per summam resistentiarum eorundem.

Lex II. *Clara nitidaque posita quaestionis status explicatione, jam inter ea, quae primici-*

cipia sunt primi ordinis, & quae secundi dicuntur esse, accurate distinguito; primumque locum primis alterum secundis in omni ratiocinio tribuito.

Propositiones, quae primae in omni ratiocinio synthetico statuuntur, debent ab iisdem definitionibus immediate proficisci, caeterarumque veluti fundamenta esse debent; quippe aliis, quae sequuntur, demonstrandis inserviunt. Sunt qui putent, propositiones simplices praecedere compositis oportere, genericas peculiaribus. Verum docente s' Gravesandio, nulla in hoc firma praescribi regula potest. Illud potius diligenter observandum, principiorum duplex genus esse ex Alamberto. Alia, nimirum, quae *primi ordinis* appellantur, alia, quae *secundi ordinis* dicuntur esse. Atque illa solum principio statuenda, haec deinceps. In Geometria aequae *superimpositionis*, ac *mensurae angulorum per arcus circulares confectae* principiis utimur. Sed illud *primi ordinis*, hoc vero *secundi* jure dicitur. Quamobrem *superimpositionis* principio primus veluti locus tribuendus; alterum autem de *angulorum per arcus mensura* secundo loco ponendum est.

Lex III. *In omni ratiocinio eas solum propositiones retineto, quae ad propositum argumenti genus referuntur; caetera refeca-*

10. Jam illud superius quoque constitutum, breviori, quoad fieri potest, via in veritatis demonstratione procedendum. Quae minime ad instituti rationem nostri pertinent, ea supervacanea videri debent. Itaque eae solum retinendae propositiones, quae veritati demonstrandae illustrandaeque inserviunt. Hinc observationum experimentorumque consuetudina ad principia synthetice statuenda diximus esse opportuna. Viae enim inventionis longae, ac proinde non satis aptae ad veritatem reliquis declarandam, quidquid in oppositum sentiant viri caeteroquin gravissimi.

Lex IV. Si axiomatibus uti velis, ea in ratiocinii progressionem adhibeto, apponitoque singulis demonstrationibus, ubi necessaria reputaveris.

Loquor de iis axiomatibus, quae minime sint illusoria, quaeque vera sunt apud omnes, non dubia, non aequivoca, non systematica. Namque in synthesi praeclearum habent usum ex Lockio.

Lex V. Propositiones illas primum demonstrato, quae ex antecedentibus consequuntur; dein quae cum his cognationem habent, & quidem ita, ut illae praecedant, quarum major cognatio est. Legis hujus exempla familiarissima sunt apud Geometras. Horum in omni ratiocinio vestigia sequimur.

Mo-

Monitum.

De ordine, quo synthescos principia sunt constituenda, videte Dialecticos ferme omnes; in primisque s^d Gravesandium, Antonium Genuensem, Soriam, reliquosque.

P A R S III.

De principiis ab auctoritate ductis seu de arte critica.

Magna sapientiae pars eruditione continetur; eruditio autem critico destituta ingenio nil valet, contemnenda potius, quam optanda philosopho. Quod itaque ad absolutam libri primi rationem attinet, de principiis, nimirum, ab auctoritate ductis, seu de re critica disputare, id maxime utile maximeque necessarium videri debet.

Jam criticae artis natura in eo versatur, ut brevem quamdam exhibeat legum institutionem, qua vera a falsis, a pravis recta in omni re secernantur. Quam late hoc argumenti genus pateat, ex ipsa definitione intelligitur. Sed intra debitos illud fines coercendum, deque ea tantum critices differendum facultate, quae in auctoritatis usu est opportuna.

Atque hinc 1. De arte hermeneutica .
 2. De dotibus Historicorum . 3. De vi ac
 potestate argumenti negativi . 4. De va-
 ria ratione codicum . 5. De re lapidaria .
 6. De re numismatica . 7. Demum de re
 diplomatica pertractabimus .

C A P U T I.

De arte hermeneutica :

ARS hermeneutica, qua sint ratione a-
 liorum dicta interpretanda, docet ex-
 plicatque . Ea nihil utilius . Hujusmodi ars
 vel generica est, vel peculiaris . De utra-
 que nonnulla .

§. I.

De hermeneutica generatione .

Quemadmodum naturae, ita librorum
 interpres triplici opus habet genere cau-
 tionum . Primum antecedentia, alterum
 concomitantia, postremum subsequentia spe-
 stat . Singula percurramus .

Et quidem ante interpretationem haec
 sibi quisque paret necesse est . 1. Cognitio-
 nem idiomatum . 2. Materiei . 3. Codicis
 accuratissimi . 4. Scriptoris . 5. Saeculi .
 6. Gen-

6. Gentis, ex qua scriptor est. 7. Mentem omni anticipata opinione vacuum. Explicemus haec uberius.

I. Itaque comparanda interpreti est *cognitio idiomatum*. Nimirum originalis lingua, in qua scripsit auctor, perfecte intelligenda. Nullae enim accuratae absolutaeque versiones sunt, nullae ex Ricchardo Simonio esse possunt. Quod si vertendi animo interpretatio fiat, vel illud necessarium idioma est, in quod originalis lingua converti debet. Plerique Aristotelis interpretes graecae linguae ignoratione laborarunt. Aedepol! Quam praeclara illorum interpretatio.

II. *Materiei*. Nam plures habere vocabula significationes possunt. Eas vero undenam, nisi ex argumenti genere secernamus? Interpretatio quinti libri sectionum conicarum Apollonii Pergaci, quae facta Romae est ab optimo arabicae linguae Institutore, nisi comitem habuisset Borellium nostrum Mathescos peritissimum, nullum profecto sensum reddidisset.

III. *Codicis accuratissimi*. Varia nimis est ratio codicum, de qua inferius. Si quis igitur eosdem sibi aut interpolatos, aut mutilos, aut quavis alia depravatos ratione comparet, longe procul ab optima futurus est interpretatione.

IV. *Scriptoris*. Huc pertinet cognitio ejus ingenii, phantasiae, muneris, temperamenti, religionis, finis. Haec enim omnia mirifice in judiciorum sententiarumque discrimen influunt. Haec modo veritatem aut falsitatem, modo verisimilitudinem fabulasque promovent:

V. *Saeculi*. Discrepans enim pro ratione temporum significatio verborum. *Mathematici* nomen olim contemptui, nunc honori tribuitur. Praeterea alia sunt saecula barbara, alia quae aurea dici possunt. Sunt saecula tyrannidis & libertatis. Saecula sunt religionis atque superstitionis. Qui scribunt, saeculi morem, opiniones, consuetudines dictis factisque repraesentant.

VI. *Gentis &c.* Hinc antiquitates, hinc forma regiminis cultusque publicus locorum, provinciarum, urbium, in quibus Scriptor vixit, accurate perdiscenda.

VII. *Mentem &c.* Hoc interpretum ferme omnium commune vitium est, ut ad suas potius, quam ad scribentium ideas attendant. Hinc proprio imbuti systemate, illud quocumque oculorum aciem convertant, intuentur. Hac de causa *Moyfes* factus aliquando *Copernizans*, omnisque Scriptura in erroris conversa patrocinium.

Quum vero actu fit interpretatio, iis, quae sunt haecenus a nobis exposita, haec
qua-

quoque adjungemus. Nimirum 1. Rite legemus. 2. Propositionum subjecta & praedicata diligenter investigabimur. 3. Verba cum naturali sensu accipiemus, nisi sufficiens sit ratio in oppositum. 4. Loca obscura per clariora interpretabimur. 5. Si confugiendum sit ad interpretes, doctioribus utemur atque proximioribus. Vel haec latius exponamus.

I. *Rite legemus*. Quod neu Grammaticarum in morem intelligatur, sed ita, ut ordinate, non interrupte, pro viribus, ac meditando legamus. Quae enim aliter leguntur, ea non in ingenium, sed summa etiam cum difficultate in memoriam eunt; tantum abest, ut recte possimus interpretari.

II. *Propositionum subjecta &c.* Quae de propositionibus earumque interpretatione diximus, huc pertinent. Illa igitur ad memoriam revocate, iis que utimur praecptionibus.

III. *Verba &c.* Primus verborum sensus est, quem naturalem dicunt. De eo vulgus judicandum suffragio est. Standum itaque huic sensui, nisi sufficiens in oppositum ratio innotescat. Nimirum, nisi sensus inde consequatur absurdus minimeque cohaerens, nisi id scribentis instituto doctrinaeque adversetur.

IV. *Loca obscura &c.* In naturae interpretatione obscura phaenomena per clariora explicantur, ut diximus. Idem in scribentium interpretatione faciendum est. Quanta sunt in omni scripturae genere, quae ex seipsis aut nihil significant, aut non bene cum Auctoris fine conveniunt.

V. *Si confugiendum &c.* Doctiores vicinioreque dico discipulos, domesticos, coaevos, uno verbo eos, quibus verosimilius est, Scriptoris mentem fuisse cognitam perspectamque. Hinc Patres antiquiores in Apostolorum interpretatione cacteris paribus majori sunt fide digni.

Tandem quae consequi interpretationem debent, sunt 1. Ejusdem cum reliquis, si quae sint, comparatio. 2. Super ea doctissimorum consultatio virorum. 3. Diuturnum examen vel a proprio Auctore institutum. Haec enim omnia accuratiorem, quoad possunt, interpretationem reddunt, faciuntque nos certiores, minime in alterius mente investiganda abherrasse.

Optimae Versionis exemplar magno cum Italiae nostrae ornamento plausuque dedit nuper vir doctissimus Raymundus Cunicus in opere: *Homeri Ilias latinis versibus expressa*. Hanc itaque versionem consulite.

§. II.

De hermeneutica peculiari, nempe sacra.

Peculiaris hermeneutica ad omne doctrinae genus pertinet. Hinc alia Phisica, alia Medica, alia Juridica, alia Mathematica, diversi generis alia. Facultatum omnium tractationes hanc hermeneuticam suppeditant. In iis igitur accurate versamini.

Quod ad nos attinet, solum de sacra hermeneutica verba faciemus. Jam vero haec vel Divinam Scripturam, vel Ecclesiae Traditionem spectat: quae duo sunt fontes revelationis uberrimi. A divinae Scripturae interpretatione ordiemur.

Est Scriptura, definiente Divo Gregorio: *epistola omnipotentis Dei ad creaturam suam*. Ea igitur ubique verax, quemadmodum semper verax ejus auctor Deus. In vetus novumque testamentum dividitur; quorum primum alterius veluti umbra & figura nuncupatur. In utroque autem duplex sensus, *litteralis*, nimirum, & *misticus*. Principio de litterali agemus.

Omnis Scripturarum sententia semper ad litteram proprieque intelligenda, nisi aliter ob necessitatem faciendum esse co-

gnorimus. Fac enim pro arbitrato licere nobis a proprio sensu recedere, omnia, quae vel ad historiam, vel ad fidei dogmata, vel ad morum instituta pertinent, statim corruent & quodammodo interibunt.

Hujusmodi autem necessitas triplex. 1. Si ex propria significatione quidpiam sequatur fidei repugnans. 2. Si ex eadem fiat aliquid charitati contrarium. 3. Si literalis & propria interpretatio contextui adjunctisque minime respondeat. Hinc quae sive Deo, sive Christo, sive Ecclesiae adversantur, omnia sunt improprie figurate & mystice accipienda. Et quidem Deo repugnat corporea ratio, vicissitudo perturbatioque animorum. Christo haud proprie aptantur denominationes *agni, leonis, aquilae, petrae, cornu, montis &c.* Ecclesiae demum minime conveniunt ad litteram nomina *sponsae, amicae, columbae, turturis, civitatis, exercitus &c.* Haec igitur omnia improprie erunt a nobis usurpanda.

De mystico sensu haec certo habeas. Invisibilia Dei per ea, quae facta sunt, quavis saepissime explicari. Hinc quae condidit Deus praeter humanos usus altiorrem quamdam habent interpretationem. Ea aliquando ad *animam*, aliquando ad *militantem*, aliquando etiam ad *triumphantem*

Ec-

Ecclesiam referuntur. Si ad animam referantur, sensus *tropologicus*, seu moralis appellatur. Si militantem Ecclesiam spectent, sensus dicitur *allegoricus*. Si deum triumphanti Ecclesiae adplicentur, *anagogicus* sensus vocari solet. Praeter duplicem huiusmodi sensum, quem perpetuo spectare debet Scripturarum interpres, duo quoque illi vitia vitanda sunt. Cavebit enim in primis, ne in Scriptura philosophiae inquirat patrociniū. Ea enim data nobis est ad aedificationem pietatemque, non ad alimentum humanae curiositatis. Hinc Augustinus lib. 2. de Gen. ad lit. Cap. 9. *Breviter dicendum est de figura caeli hoc scisse auctores nostros, quod veritas habet: sed spiritum Dei, qui per ipsos loquebatur, noluisse ista docere homines nulli ad salutem profutura.*

Cavebit etiam accuratus interpres, ne omnia secundum rei veritatem intelligat. Multa enim in Scripturis reperiuntur ex vulgari hominum opinione prolata, quae, si rigidius accipias, speciem quamdam habent falsitatis. Hinc Hieron. Cap. 28. in Jerem. *Quasi non multa in Scripturis sanctis dicantur juxta opinionem illius temporis, quo gesta referuntur, & non juxta quod rei veritas continebat.*

Caeterum ne privato, ut inquiunt,

Spiritui detur in interpretatione Scripturarum locus, in omnibus iudicio Ecclesiae standum est. Illa enim erroris incapax, columna & firmamentum veritatis, cui neque portae inferorum ex Christi promissione praevalerunt. Quoniam vero Ecclesiae definitiones traditionibus innituntur; hinc de altero capite hermeneuticae sacrae agendum est.

Traditio generatim sumpta doctrina est, quae ab uno seu viva voce, seu scripto alteri traditur. Ea vel divina, vel apostolica, vel ecclesiastica. Praeterea vel circa fidem, vel circa mores, vel demum circa disciplinam esse potest. Traditionis existentiam, ejusque in plurimis divinitatem Catholici omnes affirmant, idque de fide est. Secus opinantur Haeretici. De traditionibus haec certo tenenda.

Et quidem primo illud uti ratum fixumque habendum, definitivum Ecclesiae in generali concilio iudicium, si ad ea pertineat, quae minime in sacris litteris leguntur expressa, nonnisi ab divina & apostolica traditione oriri potuisse. Exemplum habes in Tridentino Concilio de Sacramentis.

Deinde cum Patres unanimi consensione veluti de fide tenendum dogmata proponunt, tametsi illud in sacris litteris mi-

ni-

nime enunciatum reperiatur, argumento est, id non aliunde, quam ex divina apostolicave traditione defumptum. Exemplum tibi esto in cultu sacrarum imaginum.

Item si universa Ecclesia dogma aliquod tamquam de fide credat, quod perspicue in Sacris Litteris non apparet, putandum est, eam ex traditione divina & apostolica illud credere. Exemplum quaesito in confessione auriculari.

Praeterea, si universa Ecclesia quidpiam servet ad fidem & religionem pertinens, cujus institutio humanam potestatem excedat, neque id in sacris litteris inveniatur, nonnisi ex divina & apostolica traditione hauriri potuit. Videsis exemplum in parvulorum baptismo.

Tandem si quid universa servet Ecclesia, quod in ea perpetuo servatum norimus, etsi ejus non excedat auctoritatem, merito creditur, vel ab ipso Christo, vel ab Apostolis institutum. Exemplum sese offert in quadragesimali jejunio. Quod si ejus originem longe post tempora Apostolorum reperiās, non est nisi traditio humana Ecclesiastica. Sume tibi exemplum ex ritibus caeremoniisque, quae vel in Sacramentorum administratione, vel in celebrando Missae Sacrificio, vel in divino officio recitandis ex Ecclesiae prescriptione adhibentur.

Mo-

Caeterum plura cupientibus de hermeneutica generatim legendi Lockius, Clericus, Huetius, Dalham. De hermeneutica autem sacra Vincentius Lyrinensis, Melchior Cānus, Opstraet, aliique.

C A P U T II.

De dotibus historicorum.

Historiam vitae magistram esse, jamdiu a Tullio observatum. Itaque non solum propria, sed aliena quoque vivendum experientia est. Constat autem, eos, qui nobiscum vivunt, non satis opportuna semper ad hanc rem documenta tradere: Confugiendum ergo ad exempla praeteritorum. Quoniam vero alienis ea narrationibus continentur, quanta sit historiae fides adhibenda, videndum nunc est.

Omnis, quae historicis narrationibus debetur assensio, teste Bonneto, ab sola analogia ducitur. Eosdem enim oculos & aures, easdem animorum propensiones, uno verbo eadem essentialia nostri similibus tribuimus. Hinc putamus, eos idem in re facti, de qua testantur, praestitisse, quod nos ipsi, si datum per aetatem locumque foret, fecissemus.

Duo

Duo sunt, quae facimus ipsi, ubi quidpiam enarrandum ad aliorum utilitatem suscipimus. Principio enim facti scientiam majori, quoad possumus, certitudine comparamus. Deinde quod scitum nobis est exploratumque, summa cum ingenuitate candere ac religione recensemus. Itaque duae historicorum dotes erunt, quarum una ab eorum *scientia*, altera a *probitate* eorum pendet. De utraque in hoc capite differendum.

§. I.

De scientia Historicorum.

Quatuor sunt, quae Historicorum scientiam commendant. 1. Ratio ingenii. 2. Judicii. 3. Loci. 4. Temporis. Quemadmodum haec sunt intelligenda, explicandum est.

I. *Ratio ingenii*. Ingenium in homine multiplex. Est enim illud modo sagax, modo hebes tardumque. Est sive credulum, sive scepticum. Quae facta narrant historici ingenio sagaces, minime creduli, ea caeteris paribus majori sunt fide digna.

II. *Ratio judicii*. Ingenium absque judicio contemptui habetur. Illud intelligentiam, hoc intelligentiae rectitudinem seu aequitatem spectat. Illud frequens, perarum hoc esse solet. In historico utraque laus necessa-

ria, sed iudicii praefertim. Fabulis enim patet aditus, ubi recto destituere iudicio.

III. *Ratio loci*. Praeter ingenium acre rectumque criterium ad fabulas dignoscendas, tutiusque veritatem exponendam, requiritur, ut historicus sit domesticus, ejus, nempe, loci, in quo factum narratur contigisse. Quis enim credat alienigenae, qui ob locorum distantiam minime propriis oculis, quae narrat, introspectit?

IV. *Ratio temporis*. Tandem contemporanei coaevique esse Historici debent, quo eorum enarratio fide dignior appareat. Idem enim vitii locorum ac temporum discrimen habet.

Atque hinc patet, solos ingenio iudicioque praeditos testes, eosdemque simul *oculatos* minime decipi potuisse. Patet, *auritos*, nisi possint ad *oculatos* reduci, nullam sibi promereri fidem. Patet demum, testimonia historicorum, qui ex uno omnes rem accepere, non pluris esse facienda, quam sit primum illud, a quo ipsi acceperunt.

§. II.

De probitate Historicorum.

Alter a dos Historicorum est *probitas*, ea nimirum, aequitas narrandi scribendique,
qua

qua neminem velint mentiendo decipere. Tollitur haec laus in Historico. 1. Ab amore patriae. 2. Ab studio partium. 3. A formidine Potentium. 4. A spe lucri. 5. Ab ambitione. 6. A superstitione.

I. *Ab amore patriae*. Dulcis amor patriae est. Eo quam saepissime decipimur, patriaeque laudes nostrae altius, quam par esset, attollimus. In id vitii vel doctissimi Maurini Patres incidunt, dum Imperatorem Claudium ejusque fratrem Germanicum inter Gallos Scriptores referunt.

II. *Ab studio partium*. Difficile nimium, ut qui partium fautor cultorque est, veritati semper studeat, seseque a falsitate enarranda absteineat. Hinc ob studia partium mendaces Graeci, Latinique plures de mendacio suspecti. Quam reprehensionem fortasse merentur quoque Livius & Caesar, duo illa Romanae historiae lumina praestantissima.

III. *A formidine Potentium*. Quis enim imperantibus Tiberio, Cajo, Claudio, ac Nerone, Romani imperii res gestas ausisset ad veritatem describere? Videte Tacitum.

IV. *A spe lucri*. *Quid non mortalia pectora cogis auri sacra fames?* apposite Virgilius inquit. Teterimum vitium avaritia est. Eo dum impellimur ad scribendum, mendaces ut plurimum laudatores sumus.

V. *Ab*

V. *Ab ambitione*. Quod lucri spes, idem in Historicis praestat ambitio. Uberimum ea assentationi aperit locum. Assentatio autem longe procul a veritate posita. Videte Plinium Trajani laudes referentem.

VI. *A superstitione*. Hoc vitii genere universae Gentium faedatae historiae. Quaeque de Mahumede referuntur, admiranda praesertim, uni sunt superstitioni tribuenda.

Cum a duabus hisce dotibus pendeat historiae fides, potuerintque historici ex multiplici capite nunc scientia, nunc probitate carere, quisque videt, accurato opus esse examine, antequam historicis narrationibus fidem adhibeamus.

Ubi consensus quaedam inest historicorum, nisi ex uno omnes acceperint, nisi paradoxa retulerint, quae enarrantur, sunt absolute credenda. At vero quum longe ab hujusmodi consensione absumus, res in disceptationem cadet, solisque enarratis dotibus poterit definiri. Quod cum de uno alterove historico tum de pluribus intelligendum.

Monitum

Plura qui velit ad hanc rem pertinentia, adeat Clericum, Langlettum, Dalhamum, ipsumque Bonnetum in opere: *De Christianismo*, ubi testium veriores characteres exponit, ipsaque Christi miracula propugnat egregie.

C A P U T III.

De vi, ac potestate argumenti negativi.

Silentium coaevorum, vel quasi coaevorum negativum argumentum dixere Critici. Quoties enim nullus Historicorum suppar factum, de quo quaeritur, enarravit, statim gravissima suboriri dubitatio solet, sitne illud inter aniles fabulas recensendum. Itaque cum argumenti hujus vis atque potestas a vi potestateque laudati silentii maxime pendeat; hinc quanti faciendum illud sit, breviter exponendum. Duo sunt praecipue, quae rectam hujusce silentii interpretationem faciunt. Alia nimirum, quae eandem praeparant, alia, quae absolvunt perficiuntque. Utraque explicabimus.

§. I.

*De iis, quae rectam silentii interpretationem
praeparant.*

Quae animum ad rectam silentii interpretationem quodammodo praeparant, ea duabus animadversionibus continentur. Harum prima est, eum, qui tacet, non ideo rem negare, quia tacet; seu quod idem est, silentium absolute loquendo non semper argumentum improbationis esse. Fac enim me tacere, dum alii colloquuntur, fac me praeterire silentio, quae referuntur ab aliis, numquid ex meo silentio improbationis enarratae rei argumentum duci legitime poterit? Minime gentium.

Haec autem altera animadversio est. In rebus facti, de quo caeteri mentionem faciunt, quatuor potissimum causis unius alteriusve silentium tribui potest. Qui enim filet, vel *ignoratione*, vel *obscurantia*, vel *improbitate*, vel demum *timore* filet. Exponamus haec accuratius.

Non omnes Historici eadem pollent copia eruditionis. Igitur ex ignorantia plurimae possunt omittere. Est quoque genus Historicorum, qui minimum iudicio reflexioneque valent. Itaque neu mireris, si
vel

vel necessaria maximeque pretii propter
 oscitantiam scribendo fileant. Item quanta
 non praetereunt silentio viri nequam & fa-
 ctiosi? Exemplo sint nobis Iosephus in
 Christianorum historia recensenda, ipsique
 Etherodoxi in Lutheri & Calvinii rebus
 gestis enarrandis. Ad timorem quod atti-
 net, quanta non omisere, qui Neronis tem-
 pore scripserunt, Historici. Idem silentium
 timoris causa in plurimis servarunt primi-
 tivae Ecclesiae Christiani, ne quid, scili-
 cet, eorum respublica detrimenti caperet.
 Quamobrem qui se ad rectum negativi ar-
 gumenti usum praeparat, duo haec, quae
 posuimus, secum ipse reputet, necesse
 est. Pro axiomatibus enim haberi possunt,

§. II.

*De iis, quae rectam silentii interpretationem
 absolunt perficiuntque.*

Sed ipsa silentii interpretatio, quae
 generatim dubia atque incerta est, prae-
 cipuam quandam acquireret vim certitudi-
 nis, si quatuor invicem accuratissime com-
 paremus. 1. Enim spectanda rei gravitas,
 eaque cum singulis, quae illam comitan-
 tur, adjunctis conferenda. 2. Habenda ratio
 aestium, qui conticescunt. 3. Eadem quae
 que

que ratio consideranda in iis, qui primi factum retulere, 4. Demum vel de ipso silentii tempore sollicitos nos esse oportebit.

Ac primum *spectanda rei gravitas &c.* Quae nullius momenti sunt aut esse putantur, ea silentio praeteriri solent. Quae vero gravia, quae utilia, quae temporum historiae hominumque characteribus dignoscendis inserviunt, ea si a viro docto diligentique Historico praetermittantur, suspicionem ingerunt falsitatis. Hac de causa a plurimis impugnatur historia de speculis ustoriiis, quibus usum dicunt in navium romanarum incensione Archimedes. Idem dicendum de iis, quae incredibilia, admiranda, atque etiam paradoxa videntur esse. Portentorum enim historica narratio omni tempore vulgatior est, quam oporteret. Ea igitur ignoratur a nemine. Quid si eam praetermittat Historicus prudens, non oscitanter scribendo assuetus? Falsitatis id argumentum erit. Lege fabulam Joannae Papissae.

II. *Habenda ratio testium, qui contice-
sunt.* Sed ipsa rei gravitas cum testium, qui tacent, numero ac genere comparanda. Aut enim coevorum unus & alter, aut plures omnesve silent. Si unus aut alter sit, qui silent, quae superius dicta sunt,

sunt, recolenda. Sin vero pluribus enarrantibus, alii plures de eadem re conticescant, quoniam numero testium nequit res definiri, eorum genere, nempe, meritis dotibusque definienda. Tandem si in omnibus coevis spectetur silentium istud, nisi praecipua quaedam silentii hujus ratio appareat, ad rei falsitatem conjectandum. Unius alteriusve silentium ad historicae narrationis impugnationem adhibitum habes apud D. Hieron. De Scriptoribus Ecclesiasticis cap. 7. ubi loquens de Periodis Pauli & Theclae haec scribit: *Igitur periodos Pauli & Theclae, & totam baptizati Leonis fabulam inter apocryphas scripturas computamus: Quale enim est, ut individuus comes Apostoli inter caeteras ejus res hoc solum ignoraverit? Quae huc reducuntur. De hisce periodis deque baptismo Leonis Sanctus Lucas D. Pauli comes silet. Ergo haec falsa sunt,*

III. *Eadem quoque ratio consideranda in iis, qui primi factum retulere.* Dum coevi de re quapiam silent historici, vel illud accurate spectandum, qualis sit primus. qui de eadem re mentionem fecerit? Fuitne vir gravis minimeque credulus? Fuitne, qui solum testimonia admiserit omni exceptione majora? Habetne alia, quae inter fabulas sint recensenda? Illudque in
pri-

primis, de quo reliqui antiquiores tacent, probatne documentis fide dignis, an potius rumoribus vanis incertisque traditionibus? Haec & alia hujus generis in primo referente Historico inquiremus. Vide Grandianas de Pisanis Pandectis cum Cl. Tanuccio concertationes.

IV. *Denique vel ipsum silentii tempus ad rigidum examen revocandum.* Duo potissimum de ratione temporis investiganda. 1. Quale illud fuerit. 2. Quanta ejus diuturnitas extiterit. Quod ad primum attinet, sunt nonnulla tempora, quibus facta, aut sunt a plurimis ignorata, aut neglecta, aut silentio ad utilitatem praetermissa. Ante Platonis aevum Graeci historiae parum addicti aut eventus ignorabant, aut negligebant. Persecutionum temporibus nonnulla ob timorem praetermittenda. Quod spectat alterum: Launojana lex de spatio ducentorum annorum circiter improbanda. Saepissime enim contingit, ut minor quoque temporis diuturnitas ad facti sive inverisimilitudinem, sive falsitatem ducat. Aliquando etiam neque ducenti ad eundem finem anni sufficiunt. Qua de re videndus Thiersius Launoii impugnator acerrimus.

Notitiam.

De vi ac potestate hujus argumenti praeter caeteris legendi Launojus, Thiersius, Mabillonius, Grandius, Dahlamus, aliique.

CAPUT VI.

De varia ratione Codicum.

Codicum alii sunt spurii, alii genuini, alii incorrupti, alii depravati, alii mutili, alii interpolati, suspecti alii. Qui proprii auctoris nomen praeseferunt, genuini. Qui adscititium habent, spurii. Quibus nihil additum, subtractum, mutatumque est, incorrupti. Qui plura menda erroresque habent, depravati. Mutili iis carent, quibus aliunde constat carere non debuisse. Interpolati ii, in quibus innovatio apparet. Suspecti demum, quorum corruptionis gravissimae rationes sunt. De varia codicum ratione differentes duo inquiramus. 1. Depravationis causas. 2. Leges ad depravationem agnoscendam accommodandas.

§. I.

De multiplici depravationum causa.

Quadruplex causa depravationum ex Joanne Clerico. Vel enim ea temporis, vel Librariorum, vel Criticorum, vel Impositorum est.

I. *Temporis*. Edax tempus est, ejusdemque rebus omnibus perniciofa vetustas. Haebreos, graecos, latinosque codices consulite, in primisque *Fragmentum historiarum libri 91. Titi Livii descriptum & recognitum a Cl. VV. Vito M. Giovenazzio, Paulo Jacobo Bruns ex Schedis Vetustissimis Bibliothecae Vaticanae.*

II. *Librariorum*. Ante typographicam artem omnes codices describebantur. Hinc Librariorum munus, quorum alii dictantes, scribentes alii vocati sunt. Ab utrisque innumera profecta menda, quorum multiplex ratio facillime intelligitur, & ab omnibus ferme Criticis exponitur.

III. *Criticorum*. Ad codicum errores corrigendos comparati fuere Critici. Horum neque omnes docti, neque in collatione Mss. accurati omnes extitere. Multa igitur libero Criticorum ingenio addita, subtrahita, immutata, quae rem in deterius posuere.

IV,

IV. *Impostorum*. Est genus hominum, quos aut patriae familiaeque studium, aut odium exterorum, aut demum ipse religionis delectus ad codicum incitat depravationes. Atque hi quovis tempore regnarent, eo praesertim, quo nullus fere criticae facultatis usus invaluerat.

§. II.

De legibus ad agnoscendam depravationem comparatis.

Ad codicum depravationem agnoscendam decem numero leges a laudato Joanne Clerico praescriptae sunt. Easdem pro instituti nostri ratione exponere curabimus.

Lex I. *Qui liber in vetustis codicibus alteri auctori tribuitur, ille suppositus: qui vero in isdem aliquo caret, quod reperitur in novis, ille interpolatus: qui demum ea habet in vetustis, quae desiderantur in recentioribus, ille mutilus est.* Vitae excellentium Imperatorum saeculo XVI. cuidam Aemilio Probo suppositae. Eas vero vetustorum codicum comparatione Cornelii Nepotis esse, detectum est. Secunda editio Epistolarum Ignatii Antiocheni, de qua meminit Usserius, interpolata est. Habet enim ea, quae

in vetustis codicibus minime reperiuntur. Scripturarum libri cum veteris, tum novi testamenti, qui sunt ab Haereticis in lucem editi, ut plurimum mutili; quippe iis carent, quae in antiquis codicibus insunt.

Lex II. Si quae a veteribus ex libro aliquo olim prolata sunt, ea nunc in libro eadem inscriptione insignito desiderantur, aut alius est, aut mutilus. Item si legantur aliter, suspectus est. Si omnia inveniantur eadem, genuinus est liber & integer, nisi aliae subsint dubitandi rationes. Primae partis exemplam exhibet Commentarium Donati in Terentium; Alterius vero *De natura hominis* liber, a Galeno olim Hippocrati tributus. Postrema pars lucet ipsa per se, communique consensione sapientum admittitur. Fallit autem in libro *De consolatione*, quem Ciceronis nomine vulgavit Sigonius, ob styli animique diversitatem.

Lex III. Scripta, quorum nulla sit mentio in vetustis catalogis, quaeque memorata non sunt ab ullo Scriptore proxime sequentium saeculorum, aut ficta, aut suspecta sunt judicanda, nisi alia sit ratio in oppositum. Hac lege detectae sunt Comediae omnes, quae a veteribus Plauto tribuebantur, etsi Plauti minime forent. Hac eadem lege detecti sunt libri, qui falso olim tribuebantur Hippocrati.

Lex IV. Quae diserte rejecta sunt, aut in dubium vocata ab antiquioribus, ea admittere nequeunt, ut genuina propter auctoritatem recentiorum, nisi aliter gravissimae rationes doceant. Quis enim complures Dialogos Socrati olim falso tributos, quos ipsi veteres rejecere, ut genuinos admittat? Hujusmodi tamen lex in Scripturarum canone fallit. Ita Sapientiae liber licet a veteribus tanquam canonicus non haberetur, accedente Ecclesiae definitione, hodie inter canonicos recensetur. Cave tamen neu putes, omnia, quae veteres admisere, a nobis quoque esse admittenda. Ita omnes ferme veteres uti divina agnovere Gentium oracula, quae talia, Sybillinis exceptis, non esse, apud recentiores compertum.

Lex V. Liber, in quo dogmata leguntur iis contraria, quae scriptor, cujus nomen praefert, constanter defendit, non videtur ejus esse, si praesertim dogmata sint alienius momenti, aut interpolatus est. Hac lege Galenus demonstrat, duas primas partes libri De natura hominis Hippocrati tributas genuinas esse, tertiam vero omnino esse suppositam.

Lex VI. Liber, in quo memorantur res, aut personae Scriptore, cujus nomen praefert, recentiores, aut ejus non est, aut ab alio est auctus. Prae cacteris hac lege usus Bent-

leyus, ut suppositionem ostenderet Epistoliarum Phalaridis, in quibus memorantur urbes *Phintia*, & *Alesia*, quae Phalaridis temporibus aedificatae non erant.

Lex VII. *Liber indoctus, aut imperitia refertus non potest ulla ex parte, aut saltem totus viru non inepto affigi, quamvis in vetustis codicibus ejus nomen praeseferat.* Ita quae sub nomine Periclis Olympii Ciceronis tempore circumferebantur, tamquam Pericle indigna ab eodem Tullio rejecta sunt.

Lex VIII. *Liber, in quo tractantur vel respiciuntur controversiae natae post tempora Scriptoris, cui tribuitur, aut in quo deprae-benditur Scriptoris recentioris imitatio, vel spurius est vel interpolatus.* Hac lege rejectus a Criticis est latinus Commentarius in Jobum Origeni tributus. In eo enim controversia respicitur Artianorum, vocisque *Homoufion*, quae longe post Origenis tempora nata est.

Lex IX. *Si stylus sit diversus a noto sive Scriptoris, cui liber tribuitur, sive sacculi, quo ille vixit, spurius est: Si vero idem sit stylus cum stylo alterius Scriptoris, ejus potius censeri debet, si nihil aliud obsit. Per-vigilium veneris, quod Catullo tribuere nonnulli, ex styli diversitate alterius Poetae esse dignoscitur.*

Lex

Lex X. Vocabula recentioris aevi indicant Scriptorem recentiorem, vel libri interpolationem. In translatione vero si nihil sit, quod sapiat linguam, qua scripsisse constat auctorem, cui tribuitur, translatio non est. Innumera recentioris aevi vocabula sunt in operibus Clementi Romano tributis, eademque in epistolis occurrunt, quae nomine primorum Pontificum fuere conscriptae. Ea igitur scriptoris sunt recentioris. Altera vero legis parte Erasmus a numero translationum Origenis latina Exegetica expungit.

Monitum.

De Codicum depravatione legendi Clericus, Mabillonius, Germonius cum Gaultantio impugnatore, Honoratus a S. Maria, Dahlamus, aliique.

C A P U T V.

De re lapidaria.

ARS lapidaria praeceptis institutisque suis ad lapidum sive inscriptionum ducit intelligentiam. Ea chronologica, geographica, historica, ea vetustarum Gentium religio atque mores, ea demum adulterata & corrupta antiquorum monumenta cor-

riguntur emendantur illustrantur. De hac arte tria nobis investiganda proponimus.

1. Inscriptionum nomina ac partitiones.
2. Ea, quae pro vario inscriptionum genere sunt observanda.
3. Interpretatio iudiciumque aetatis earumdem inscriptionum.

§. I.

De nominibus partitionibusque Inscriptionum.

Nomina, quae inscriptionibus tribuuntur, sunt epitaphii, monumenti, seu monimenti, memoriae ac memoriolae, pro sepulchralibus mensae, tandem marmoris, lapidis &c. Videte Pitiscum, verbo *Titulus*.

Ex Cl. Maffejo dividi inscriptiones possunt in *Votivas*, quas accuratius *Sacras* doctissimus Zacaria vocat, in *Juridicas*, in *Honorarias*, in eas, quae publicis sunt operibus praefixae, in *Funebres*, quibus laudatus Zaccaria sextum jure addit genus *Historicarum*.

Dividi quoque inscriptiones possunt in *Imperatorias*, in *Consulares*, in *Militares*, in *Publicas*, in *Privatas* &c.

Item a diversa subjectorum figura & forma aliae dicuntur esse, quae in rotundis

columnis, aliae, quae in *quadratis oblongisque lapidibus*, in *plumbis atque vitris* leguntur, aliae, nimirum, *Sepulcrales*, quae *cavitatem quamdam habent in vertice* ad mortuorum cineres asservandos, habentque praeterea *nonnulla foramina* ad *lactimas & sacrificiorum liquores* recipiendos.

Item dividi possunt in *Cusas*, & *Pictas*, & juxta *styli diversitatem*, in eas, quae *soluta oratione*, aliasque, quae sunt *carminibus* expressae. De hisce postremis, consulti *Franciscum Mariam Bonada ex Scholis Piiis*.

§. II.

De iis, quae in omni inscriptionum genere sunt observanda.

Quae ad omne inscriptionum genus referuntur, ea vel communia, vel peculiariora dici possunt. Ordiamur a primis.

Eorum, quae communia dicuntur, multiplex partitio. Nam in lapidibus ferme omnibus haec consideranda. 1. Praenomina, nomina, cognomina. 2. Tribus. 3. Patria. 4. Matrimonium spectantia. 5. Notae chronicae. 6. Stylus. 7. Orthographia. 8. Ornamenta.

I. *Praenomina*. Romanorum veteres primum duo nomina, dehin tria sibi assumpserunt. Quod in principibus usuvenisse viris praefertim legimus. Tria haec *Praenomina*, *nomina*, *cognomina* dicebantur. Erat *nomen* a primo familiae stirpitis desumptum, inque omnes posteros nepotesque derivatum, quod *gentilium* a discrimine unius gentis ab altera dixerunt. Quoniam vero una eademque simplex familia in plures alias dividebatur, hinc ad distinguenda familiae genera *cognominibus* utebantur. Tandem ut vel in eadem familia unus ab altero secerneretur, adinventum *praenomen* est. Ita a primo stirpitis *Fabii* nomen efformatum; a diversitate familiarum ductum nomen *Vibullanae*, *Ambustae*, *Labeoniae* &c. Quemadmodum in eadem familia unus *Marcus*, alter *Cajus*, alter *Lucius* vocatus est. Atque hinc natae appellationes *Marci Fabii Ambusti*, *Lucii Fabii Labeonii*. De hac consuetudine ejusque vicissitudinibus videte Maffejum in *Dissert. De nominibus Romanorum*.

II. *Tribus*. Populus Romanus initio in tres partes, quas *Tribus* vocarunt, a Romulo divisus. Hae Urbis incremento auctae, & usque ad numerum trigessimum quintum, & quinquagesimum secundum amplificatae. De his Consulite Manutium, Zaccariam aliosque. In inscriptionibus no-

men

men *Tribus* ablativo casu exprimitur, cui subintelligitur *ex Tribu*, idque vel immediate ante cognomen, vel, hoc praetermissio, statim post gentilitium nomen. Post tempora *Septimii Severi* mos apponendi tribus fere inolevit; saeculo autem quarto penitus abrogatus est.

III. *Patria*. In vetustis inscriptionibus familiare est patriae nomen, potissimum in militaribus, & sepulchralibus. Hujus scribendi locus erat post cognomen, vel, eo pretermisso, post gentilitium nomen & notas consanguinitatis. Quod si *Tribus* post cognomen adversus communem regulam inscripta foret, immediate post tribum patria apponebatur. De varia ratione scribendi patriam legite Equitem Orfatum, Zacariam &c.

IV. *Matrimonium spectantia*. Apud Romanos puellae cum duodecim annorum essent, matrimonio jungebantur, quod testatur Plutarchus in *Numa*. Fuere quoque puellae nuptae annorum decem. Mulieres a Tullio *Conjuges*, mariti autem *viri* sunt appellati. At in Lapidibus mariti saepe *Conjuges*, mulieres vero *maritae*; quodque mirum videri debet, maritus aliquando *uxor* dictus. Qui puellam adhuc virginem ducebant in uxorem, *virginii*. Quaeque non nisi unum virum cognorant *virginiae* vo-

cabantur. De *jussis* atque *illegitimis* Romanorum nuptiis, de fervorum contuberniis, aliisque eos consulite, qui ex instituto de hoc argumenti genere pertractant.

V. *Notae chronicae*. Ad temporis discrimina agnoscenda frequentissime notabatur in lapidibus consulatus *Ordinariorum*, & *Suffectorum* Consulum. Consulum nomina ablativo casu exprimebantur, appositione verborum *Cof. Coss. Coss.*, idest, *Consule, Consulibus*. Quod si quis pluries, extitisset Consul, vel consulatum numerus declarabatur. Praeterea, imperio Constantinopolim translato, duo creabantur Consules, quorum unus Orientalis, Occidentalis alter. Uterque Consul saepissime exprimebatur in Lapidibus. Ineunte saeculo sexto, praeter consulatum vel indictionem appositam in inscriptionibus legimus.

VI. *Stylus*. Lapidum, quae aureo-saeculo scriptae sunt, stylus una cum brevitate simplicitatem gravitatemque jungebat. Videte Plinium in historia. Hinc longe ab optimis inscriptionibus absunt fucatae sententiae, verborum circuitus, anthiteses; metaphorae.

VII. *Orthographia*. Varia nimis inscriptionum orthographia est. Litterae mutantur in plurimis, dipthongi nunc solvuntur, nunc alligantur. Modo commata singu-

gulis verbis apponuntur, modo secus usurpantur. Consulite Manutium, Cellarium, aliosque.

VIII. *Ornamenta*. Sunt quoque in vetustis monumentis signa, quibus ratio exprimitur sacrificandi, triumphandi, aedificandi, pugnandique, vestimentorum usus, ludorum atque spectaculorum mos, aliaque hujus generis multa. Sed illud praecipuum, quod duo vel tria foramina plures lapides habeant, de quibus consulendus Fabrettus.

Quae sunt in Inscriptionibus peculiaria, ea rationem praecipuae earum partitionis sequuntur.

Hinc I. In *Votivis*, seu *Sacris* aut solum nomen divinitatis, aut una cum laudato nomine personae quoque voventis nomen apponebatur. Nunc solum Numen; illud nunc aliquo cum adjectivo scribebatur. Praeterea frequentissimus usus formularum *voverunt*, *votum solvit*, *votum solvit merito*, *libens &c.* Vel formula *sacrum* in monumentis frequentissima.

• H. In *Juridicis* Consules notabantur, sub quibus leges fuerant constitutae. Deinde peculiaris quaedam sigla apponebantur, cujusmodi sunt ista: H. L. ad Cos., idest, *Hac lege ad Consulem*. In Senatus Consultis exordium ab eorum nomine ducebatur, qui

qui Senatum consuluerant, addebatutque locus & dies, qua Senatus fuerat habitus. Deinde nomina etiam notabantur illorum, qui *scribendo*, vel *scribundo adfuerunt*. Decreta Senatus Populique Romani hanc peculiarem formulam habebant S. P. Q. R.

III. In iis, quae *publicis erant operibus praefixae*, si Imperatoribus dicatae forent, initium ab eorum ducebatur nominibus. Hisce jungebantur nomina illorum, cujus *pecunia*, vel *impensa* factae erant. Vel ipsa ratio operis faciendi frequentissime apud Romanos exprimi consueverat. Per raro Architectorum nomen scribebatur.

IV. In *Historicis*, quae veterum res gestas, & praeclara facinora posterorum memoriae commendarent, designabantur. *Fasti Consulares*, seu *Capitolini*, *Marmor Ancyranum* luculentissima nobis exempla suppeditant.

V. In *Honorariis* honorum, qui benemeritis viris conferebantur, mentio fiebat. In his autem nomen personae, cui deferabatur honos, apud Graecos casu accusativo, apud Latinos dativo saepius efferebatur, illudque lapidis initio poni consueverat. Huic nomini munera jungebantur laudati viri, ipsaeque rationes, ob quas honos fuerat constitutus.

VI. In *Sepulcralibus* solemnis erat formula *Diis manibus*, quae etiam Siglis D. M.

equun-

enunciabatur. Aliquando addebatur *Sacrum*. Superior autem formula nunc initio, nunc in fine, nunc demum ad latera apponi solebat. Defuncti nomen frequentissime jungebatur formulae. Nomini vero vel muneribus, quae exercuerat, addebantur. Haec & alia multa, quae in Sepulchralibus ponebantur; legi possunt apud Massejum, Zaccariam &c.

§. III.

De interpretatione- iudicioque aetatis earundem inscriptionum.

Optima lapidum descriptio, optimaque earundem lectio duo sunt, quae ad rectam interpretationem in primis conferunt. Sed praeter haec nonnullae quoque servandae sunt leges.

Lex I. *In interpretandis lapidibus nil violentum nihilque absonum a naturali sensu in medium proferatur.* In hisce siglis interpretandis D. D. N. C. P. R. trium interpretationum, quas dedit Bianchinus, haec optima utpote simplicior: *Dedicatum nomine communi Populi Romani.*

Lex II. *Ab iis interpretationibus abstinendum, quae inusitatas formulas minusque acceptam syntaxim habent.* Adversus hanc

re-

regulam peccavit obscuri nominis vir in interpretandis hisce Siglis IIII.VIR. QVINQ. Eas enim sic legit: *Quatuorviro quinquies*. Dum, Maffejo advertente, sic eas legere debuisset. *Quatuorvirum Quinquennalem*.

Lex III. In Siglis explicandis omnia integro contextui respondeant. Hanc legem violavit, qui in interpretatione lapidis L. Marii Maximi, Sigla V. C. interpretatus est pro *Viri Consularis*, cum potius interpretanda forent *Vir Clarissimus*. Inverisimile namque est, ut qui Consul erat, & eo nomine in eodem lapide per Sigla COS. exprimitur, *Vir Consularis* appellaretur.

Lex 4. Nihil in Siglorum interpretatione admittendum, quod cum inscriptionis, quam interpretamur, genere pugnet. Hinc si Sigla P. P. explicanda sint nobis, videndum est, Imperatorine, an Sacerdoti, Militine, an demum aliis facta sit inscriptio. Si enim Imperatoris sit, Sigla illa non *Praefecto Praetorio*, *Patri Patrum*, *Prae Posito*, *Primi Pilo*, sed *Patri Patriae*, aut fortasse melius: *Decretum Publice* intelligenda sunt.

Lex V. Loci quoque Siglorum habenda ratio, nihilque ab ejus ratione alienum proferendum est. Sigla A. P. si quoddam nomen consequantur, ut in marmore Gruteriano C. *Albinus* C. F. Ouf. *Mascellio* IIII vir.

vir. A. P. optime explicabuntur: Aedilicia potestate. At vero in Epitaphio tom. V. Symb. Florent. Gori Florentini dare debent A. P. R., ipsa loci ratio postulat, ut red- dantur aerario populi Romani.

Hiscæ legibus in recta Siglorum inter- pretatione tria hæc adjungantur, nimirum, consideratio loci, unde lapides effossæ, ana- logia aliorum lapidum inscriptionumque, postremo historiae usus. Praecipuorum Si- glorum indicem videte apud Gruterum, Massejum, Zaccariam, aliosque.

Quod spectat ætatis judicium, quatuor in latinis lapidibus distingui ætates possunt. Prima a Romanis Regibus usque ad Augu- stem ducitur. 2. Ab Augusto ad Constantinum extenditur. 3. Ab interitu Constantini ad Romani Imperii eversionem, nimirum, u- sque ad annum 476. ærae vulgaris patet. 4. Ab hoc anno vel usque ad Carolum Ma- gnum sæculo nono, vel usque ad duode- cimæ sæculum propagatur.

Signa lapidum, qui ad primam ætatem pertinent; sunt styli ruditas, & latinæ lin- guæ infantia una cum precipua ortho- graphia. *Bacchanalium* Senatus Consultum, aliaque leges a Sigonio atque Orsino de- scriptæ ad hanc se ætatem referunt. Hinc illa: *profiteri* pro *profiteri*, *uteri* pro *uti*, *sci* pro *si*, *senati* pro *senatus*, *finis* pro *fi- nes*,

nes, *jufit* pro *juffit*, aliaque multa aetatis illius orthographiam constituunt.

Inscriptiones saeculi Augusti nitorem quemdam habent latinitatis & cyphrarum elegantiam. Frequentius in iis diphthongus *Al* pro *AE*, littera *O* pro *V*.; hinc *vivos*, pro *vivus*, *genetivos* pro *genetivus*, littera *Sycum* *X*; hinc *vixfit*, *uxfor*, *exseplum*, littera *u* pro *i*; hinc *maxumus*, *optumus* &c.

In Lapidibus, qui ad Tiberii tempora referuntur, digamma Eolicum *Ꝩ* pro *V*. Post Antoninos latinae linguae splendor penitus evanuit. Praecipua quaedam ratio munerum officiorumque fervetur, quae sua statis temporibus initia & fines habuere. *Procurator rerum privatarum* sub Severo institutus. Appellatio *Viri perfectissimi* nonnisi sub M. *Aurelio Antonino* originem nacta est. Altera *Viri Clarissimi* sub Tiberio Senatoribus, sub Allexandro autem Severo vel Praetorii Praefectis concessa. De inscriptione *Tribus* jam dictum superius est. In lapidibus, qui apud Italos sunt reperti, nomen *Divi*, aut *Divae*, quod viris faeminisve Imperantibus dabatur, post illorum illarumve interitum locum habuit.

Spestanda quoque ratio sacrificiorum. Hinc sacrificia Dei *Mytran*, quae ante Im-

peratorem Commodum haud ignota privatis erant, magis magisque invaluerunt, postquam Christiana Religio caepit incrementum.

Facta ipsa, quae modo in lapidibus expressa, modo subintellesta leguntur, magno nobis praesidio ad illorum esse interpretationem possunt. Caracalla post Fratris Getae occisionem, ejus nomen a publicis monumentis delendum curavit.

Uno verbo characteres, stylus, vocabula, orthographia, sententiarum & ornamentorum ratio ad lapidum ducit intelligentiam.

Monitum.

Haec, quae brevissime a nobis sunt exposita, uberius atque ex instituto a Massejo, Zaccaria, aliisque pertractantur.

C A P U T VI.

De re numismatica.

A Re lapidaria ad rem numismaticam veniamus. Vel in hoc capite tria declarabimus. 1. Nomen, vetustatem, materiam, partitionemque numismatum. 2. Utramque partem, rectam, scilicet, inversamque. 3. Cha-

Characteres, qui in numismatibus reperiuntur, eorumque interpretationem.

§. I.

De nomine, vetustate, materia ac partitione numismatum.

Tria haec nomina *numi nummi, numismata* unum idemque sonant. Nummi a graeca voce *νόμος* legem significante sunt dicti. Quaesitum inter doctos, num quae numismata appellantur, ea monetae rationem habuerint apud veteres. Erizzus, quem secutus est Harduinus, id negarunt. Sed Augustinus, Savotius, & Challimartius rem extra omnem dubitationem posuere.

Vetustior monetae mentio habetur in Genesi. Apud Orientales Lidii, si Herodoto credimus, primi extitere, qui aureas & argenteas monetas cudèrent.

Apud Graecos juxta Plutarchum Thefeus fuit primus, qui monetam cudendam procuravit. Vel apud veteres Affricanos monetae sunt cusae, quarum aliquas in lucem edidit Maffejus.

Paucas habemus Etruscorum monetas. Cl. Passerius nonnullas refert. Romani frustulis aeneis initio sunt usi. Usque ad an-

num

num. 485. Romae cusa semper est moneta aenea. Hoc autem aëno cufum est argentum teste Plinio.

Tempore bellici Punici magna in monetis facta mutatio est. Idem temporibus, quae subsecuta sunt, contigisse novimus. Tandem sub Alexandro Severo in aeneis numismatibus legitur monetae restitutio. Hinc illa: *Restitutor monet. S. C. moneta restituta. S. C.* id est, Senatus Consulto.

Quod ad materiam attinet, omne metalli fere genus huic usui aptatum est. Hinc adhibitum ferrum; hinc adhibita quaedam *charta crassa* in obsidionibus civitatum, quae *moneta obsidionalis* appellabatur.

Chartagenenses ipsique Romani ad Nummam usque scorteos asses, orbiculari figura, modico signatos auro in usu habuerunt.

Tandem omne metalli genus ad hunc finem adhibitum. Hinc aurum, hinc argentum, hinc aes vulgatius. De numismatibus plumbeis consulendi Ficoronius, Molinettus alique.

Arbitraria omnino est numismatum particio. Vulgatiior haec, quae ad sex quasi classes numismata reducit universa.

Prima est, qua Urbium & liberorum populorum numismata continentur.

II. Regum numismata complectitur: quae iterum triplex. Prima incipit a remotissimis temporibus, & usque ad Allexandrum Magnum extenditur. 2. Ab Aera Christiana usque ad finem quarti saeculi propagatur.

III. Virorum illustrium habet numismata.

IV. Romanorum monetam aeneam representat.

V Consularia numismata refert.

VI. Ad Imperatoria numismata pertinet.

De his videte Froelichium, cujus est partitio, itemque Zaccariam, qui eandem exponit.

§. II.

De recta inversaque parte numismatum.

Duas habent partes numismata. Harum una *recta*, altera *inversa* appellatur. Principio de recta, deinceps de inversa differemus.

Pars recta vel symbola habet, vel numen aliquod, vel capita Principum aliorumque virorum illustrium.

Prima numismatum symbola fuere *agni*, *boves*, caeteraque animantia, quae vetustis

tem-

temporibus praecipuum quoddam constituebant genus divitiarum. Hisce symbolis ea substituta, quae locum exprimerent, in quo eadem cudebantur numismata. Apud Aegientes in Pelopponeso *testudo*, in Urbe Zancles, quae deinde Messina dicta est, *delphinus*, apud Haebreos *palmae spicis refertae inter duo modia, lilia & racemorum uvae*.

Ad symbola numinum accedere imagines. Hinc Bacchus, Ceres, Diana, Minerva, Mors, Flora, Fortuna, Genius, Juppiter, Juno, aliaque numina cusa observantur, quae in inversis quoque partibus aliquando reperiuntur. Quaesitum est a Cl. Oliverjo, habuerintne Romani fixum ratumque in numismatibus thypum, unde eadem fecernerentur numismata.

Jam primis temporibus eodem thypo Romanos caruisse certum exploratumque est. In melius autem redacta reipublicae forma, quoddam criterium in numismatibus appositum fuit. Quamobrem initio globulis sunt usi, qui in ratione numeri valorem exprimerent. Hinc quatuor globulis trientem, tribus quadrantem obsignarunt. Quoniam vero temporum iniuria obliterari debuerunt globuli; hinc ad firmiora criteria ventum est.

Qua quidem in re illud dubium incertumque, quandonam commutatio isthaec

evenerit. Doctissimi Zaccariae opinio est, tunc investam hujusmodi mutationem, cum aut cudi primum argentum caepit, aut cum assium immutatus est valor.

Facta autem hujusmodi mutatione, hunc in modum monetarum statutus valor apud Romanos.

Criterion *assis* caput fuit *Jani Bifrontis*.

Semissis criterion *Jovis Laureati* capite expressum est.

Triens capite *Laureatae mulieris* distinctum, quae nunc pro Roma, nunc pro Minerva verisimilius usurpata est.

Quadrans capite *Herculis leonis pelle circumdati* distingui caepit.

Sextans demum *Mercurii* capite signatum est.

Quaemadmodum etiam in Romanorum argenteis monetis, dum istud investum criterion est, *Roma Galeata* cudi consuevit, secretusque earundem monetarum valor ex mole, quae major minorve dum esset, majoris minorisve pretii nota habebatur.

Nunc de Principibus aliisque viris illustribus dicendum. Ab antiquissimis temporibus Graeci Regum suorum capita in monetis cudi voluerunt. Secus apud Romanos factum est. *Monetales Triumviri* po-

stremis Reipublicae temporibus majorum suorum memoriam in monetis servare studuerunt. Hinc eorumdem capita una cum nominibus impressere. Primus Julius Caesar fuit, qui tanto adhuc vivus honore decoraretur. Caesaris exemplum imitatus est Brutus, dum Cassium in Asiam insecutus est. Foeminae quoque in monetis apud Romanos sculptae. At serius id usuvenisse novimus. Quippe Livia Augusti uxor adhuc vivens sub Virtutis solum imagine cudi voluit.

Capita, quae in numismatibus observantur, varia sunt ipsoque genere multiplicia. Horum nonnulla cum solis cervicibus, pectora cum humeris, dimidia demum corpora sunt, quae *thoraces thoracidesque* ex Bonarrotii observatione ad *magna numismata* dicebantur. Diversa quoque capitum positio. Ut plurimum ita sunt cussa, ut manibus apprehensa dexteram intueantur. In latinis magnis numismatibus ea aut sursum vergunt, aut versus eam partem diriguntur, quae praecipuae inversae partis figurae respondet. In iis autem numismatibus, in quibus armati Imperatores cernuntur, capita reperiuntur adversa iis, quae in altera parte observantur.

Praeterea duo etiam capita, quae se invicem spectant, in iisdem numismatibus reperiuntur, quae *capita adversa* dici solent.

lent. Aliquando versus eandem partem utraque vergunt, copulata invicem, unumque vultus observatur delineamentum. Atque haec *jugata capita* vocantur. Nunc capita numero tria, quorum duo versus eandem partem jugata, alterum vero duo isthaec intuetur. Nunc demum ex tribus capitibus unum inferius positum est.

Quo plura sunt capita, eo rariora majorisque pretii numismata, Tamen vel unum quandoque caput plurimi est, si illud in magnis Italiae numismatibus reperiatur.

Si nudum appareat caput numismatis, illud Imperatoris non est, sed alicujus ad ejus familiam pertinentis. Sin vero diadema vel corona decoretur, ad Imperatorem refertur.

Quae de vario coronarum genere, deque aliis ornamentis capitis dicenda forent, videri possunt apud Zaccariam.

Pars inversa numismatum varia habet, pro gentium discrimine, ad quas illa pertinent. Hinc ex Oliverjo monetarum Romanarum inversa pars *navim seu rostrum navis* praesentat. Quod de monetis Romae cufis intelligendum est. Quae enim alibi sub Romanorum Praesidibus cudebantur, alia decorari nota consueverunt.

Duplex typorum genus apud veteres.

Rea-

Reale unum, *symbolicum* alterum. Illud simplici litterarum observatione, vel intuitu figurae intelligitur. Hoc vero magnacum difficultate interpretamur.

Urbes sub humana specie repraesentatae. Quae vero ornamenta quaeque symbola adhibebantur, ea vel a proprietatibus regionum, vel a characteribus fluminum, vel denique a numinum cultu desumpta. Hinc numismata cum fidibus ad eas urbes referuntur, quae erant Apollini dicatae.

Non sunt *apes* coloniarum symbolum, quemadmodum Joberto visum est. Quae monetae apes repraesentant, Romanorum sunt Reipublicae tempore viventium, Romaeque cusae, & ad Consulares referendae.

Militare vexillum super Aram positum novam indicat coloniam, quae ex veteranis deducta militibus, *militaris* appellabatur. Quod si plura sint numero vexilla, ea colonias e pluribus legionibus deductas significant.

Quae figurae decumbunt, quaeque vel arenae promontoriis innituntur, vel demum super urnam, ex qua fluit aqua, sunt constitutae, eae flumina exprimunt; quae iterum nunc dextra attollunt hirundinem, sinistra vero nituntur urna, cujusmodi est

Flumen *ermus* in numismate Focensium apud Froelichium; nunc dextra herbam, vel arboris habent truncum, qui sit in regione, per quam effluunt, pretiosior utiliorque. Ita in magno Tharsensium numismate, de quo Bonarrotius, *cidnus* repraesentatur, habens manu plantam fructicosam, quae fortasse nardi est. Ita demum celebre Thraciae flumen *Armon* in Pautaliae numismate, dextra papaveris intra duas spicas tenet imaginem.

Quae de praecipuis provinciarum omnium urbiumque symbolis dici possent, ea & numero sunt infinita, & uberiores tractationem expostulant, quam ea sit, quae nobis pro instituti ratione liceat. Hinc solum nonnullis utemur exemplis, quibus reliqua possint conjectatione illustrari.

Symbolum monetarum, quae apud Argum in Pelopponeso cudebantur, caput erat dimidiumque lupi corpus, ut liberationis conservaretur memoria, quam veteres Argivi ab hujusmodi animantibus habere.

Symbolum monetarum, quae apud Siculos erant in usu, repraesentat humanum caput, ex quo tria saemura, & crura exeunt sub forma trianguli, tria Siciliae promontoria exhibentis, unde veteres Siculi *Trinacrii* dicti sunt. Inter hujusmodi sae-

mura & crura tres observantur spicae triticeae, ad regionis fertilitatem declarandam.

Symbolum monetarum, quae apud Macedones cudi consueverant, erat *Auriga cum scutica* ad gentis exprimendam in equis contrectandis regendisque peritiam; quaemadmodum etiam *Herculis clava*, ex quo numine Macedonum Reges se descendisse gloriabantur.

Tandem Symbolum monetarum, quae cudebantur apud Hispanos, *cuniculus* erat, a maxima copia animantium, quae in hac regione nascuntur. Quare a Catullo etiam cuniculosa dicta Hispania est.

§. III.

*De characteribus, qui in numismatibus
reperiuntur, eorumque
interpretatione.*

Illud principio statuendum, characteres numismatum aliquando esse ab ea regione diversos, in qua cusa extitere. Hinc plura Antiochiae numismata, quae tamen latinis decorantur characteribus. Plura quoque Haebreorum sunt, quae grecas litteras repraesentant. Sunt tamen plura apud Hebraeos numismata, quae hebraicis distincta sunt characteribus, quidquid in oppositum putet Relandus.

Phaenicia numismata ex Massaei obser-

vatione characteres non habent in girum cufos, fed recta in arcis procedentes, quique Orientalium in morem a dextra vergunt ad finiftram. Haec tamen de Phaenicio characterè Afiatico vera funt. Nam de Phaenicio Africo five Punico aliter fentiendum. Idioma Punicum, quæmadmodum etiam Punicus character apud Chartaginenfes invaluit; idemque adhibitus a Siculis, a Melitenfibus, a Gozi infulanis. Quæ de characteribus veterum Hispanorum obfervari poffunt, legite apud Vincentium Junium, apud Mahudelum, Gorium, Velafquesium aliosque. Quæ de Italorum explicanda idioma te forent, ea videte apud Bonarrotium, Maffejum, Lamium, Pafferium, atque Mazæcium. Nihil dico de latina lingua numifmatum, de qua confulendi Feftus, Terentius Varro, aliique.

Duplex eft *leggendarum*, ut inquit, genus. Unum, quod per fe folum in inverfa numifmatum parte obfervatur. Tale eft illud, quod Syglis S. C. repræfentatur, nempe, *Senatus Confulto*. Atque hæc *leggendæ infcriptiones* proprie dicuntur. Alterum eft, quod figura orbiculari circa numifma ducitur, illudque infervit vel capiti, vel cuicumque alteri fymbolo explicando, quod dextera parte cufum ineft, quodque leggenda folet appellari.

Sed

Sed de leggendarum positione dicendum. Duo in numismatibus reperiuntur, praeter rectam inversamque partem, nempe, id, quod *campum* dicunt, & id, quod *exergum* nominant. Primum est spatium, quod in recta parte capita, in inversa autem symbola occupare solent. Secundum ad illud, quod infra figuras positum est, spatium refertur. Hic naturalis leggendae ordo, ut ea sit cusa in orbem a sinistra ad dexteram vergens, quod familiare in Imperialibus post Nervam numismatibus; aut a dextera ad sinistram, aut partim ad dexteram, partim ad sinistram; quod frequentissime cernitur in numismatibus duodecim primorum Caesarum.

Sed plures sunt in sola *exergi* parte leggendae. Ita nonnullae, haec in parte legunt: *De Germanis, de Sarmatis &c.* Sunt quoque leggendae, ultro citroque lineas parallelas; sunt quae ad angulos ad verticem oppositos interfecantur. Talis est, quae legitur in numismate Julii Caesaris, verbis in inversa parte sese ad angulum interfecantibus.

Quae in leggendis habentur, ea vel ad illum pertinent, cui numismata cusa sunt, vel referuntur ad eum, qui numismata cudenda procuravit, vel denique symbolis explicandis inserviunt.

In grecis Regum numismatibus Principis nomen ut plurimum genetivo casu exprimitur. In latinis consularibus idem nomen nominativo casu effertur. In Imperialibus nominativo vel dativo scribi solet. Graecorum Reges unum nomen habent. At vero Romanorum Praefides, tribus, uti dictum superius est, decorantur nominibus. In latinis vel consanguineorum nomina & munera apponebantur.

Sunt in legendis praeter eorum nomina, quibus cudebantur numismata, vel nomina illorum, quorum auctoritate & imperio fiebant. Senatum Populumque Romanum hanc consuetudinem habuisse, eundem viris illustribus numismata, nemo est qui neget. Sed huic iungebantur etiam caetus urbium, provinciarumque. Et quidem urbium non modo quae liberae dicebantur, sed vel coloniae ipsae hoc juris possidebant, quod Massej pace dictum velim.

Alterum, quod in legendis observatur, pertinet ad temporis epochas. Harum aliae ad Tribunatus, aliae ad Imp. Consulatus reducuntur.

Tandem legendae, quae typos spectant in inversa cusos parte numismatum, sunt huiusmodi: *Fides Militum*, *Fides Exercituum*, *Fides Publica*, *Concordia Exercituum*, *Concordia Augustorum*, *Concordia Mi-*

Militum &c. Item alia: *Moderationi, Clementiae, Magnificentiae Aug.* Sed hisce substantivis vel perillustria adjectiva apposita sunt. Quemadmodum haec: *Concordia Felix, Concordia Aeterna, Pax Aeterna, Securitas Perpetua, Beata Tranquillitas &c.*

Monitum.

De re numismatica egerunt Sebastianus Erizzus, Antonius Agostini, Ludovicus Savotius, Carolus Patinus, Jobertus, Pompeus Berti, Erasmus Froelichius, Thomas Mangeartius, Zaccaria aliique.

C A P U T VII.

De re diplomatica.

ET si quae superius de varia ratione codicum diximus, ad rem diplomaticam animum praeparent philosophantis; alia tamen supersunt scitu dignissima, quae erunt in hoc capite accuratius explicanda. Quoniam vero diplomata seu patentes litterae, quae privilegia Principum continent, peculiarem quamdam codicum rationem spectant; hinc iterum erit de iisdem codicibus eo animo pertractandum, ut illorum praecipua haec ratio innotescat. Explo-

ratum est autem, peculiarem hujusmodi rationem ad codicum aetatem referri. Itaque de hoc solum argumenti genere differemus, postremo loco nonnullas Diplomaticae leges tradituri. Triplex est ratio, qua codicum aetas dignoscitur. Prima desumitur a materia, in qua scriptus est codex. Altera ab adiunctis ipsius codicis ducitur. Tertia a characteribus, quibus idem codex est scriptus; derivatur. De singulis quambrevissime.

§. I.

De materia, in qua scribi codices consueverunt.

Post marmorea, aenea, plumbea &c., subjecta, quibus publica describi a veteribus facta consueverunt, caepta sunt a privatis adhiberi folia palmarum malvarumve. De hac consuetudine mentionem faciunt Plinius lib. 13. Cap. 11., & Hydrus lib. 6. Originum, seu Æthymologiarum Cap. 12. *De libris conscribendis.*

Alia quoque folia adhibita sunt, thynorum praesertim. Hinc Suidas in dictionario verbo *thyina* ex Wolfii interpretatione haec habet: *Sub Zenone Imperatore, Barnabae Apostoli & comitis D. Pauli, reliquiae in Cypro sunt inventae, & in pectore Barnabae Evangelium secundum Matthaeum,*

thaeum, quod folia *thyina* habebat, pretiosè ligni genus est *thyum*.

Aliquane arte hujusmodi folia veteres praepararint, dubium incertumque. Sed quae sententia id affirmat, ea ex Trombellio probabilior.

Foliis arborum cortices substituti. Hinc idem Plinius loco laudato ait: *quarundam arborum libris* (supple) *scriptitatum*.

Communiùs credunt eruditi, inprimisque Servius & Hyfidorus, vocem *liber* proptie loquendo interlorem *corticis* partem significare.

Vel in tabulis perpolitis scriptum esse novimus. Hinc apud Itaiam Cap. 30. *Nunc ergo ingressus scribe ei super buxum*. Ubi Simmacus; cujus meminit Hieronimus, legit *super latissimam tabulam*.

Foliis & corticibus arborum, ipsisque tabulis adjecta fuere lintea. Idem Plinius haec habet loco laudato: *Mox & privata linteis confici caepta*.

Impressi quoque in cera sunt characteres. Quem morem testatur Hyfidorus lib. 6. *Æthimol.* his verbis: *Cerae litterarum materies, parvulorum nutrices; ipsae dant ingenium pueris, primordia sensus*. Idem quoque Plinius confirmat dicens: *Mox & privata linteis confici caepta, aut ceris*. Nisi tamen ibi legendum sit: *in schedis*.

In libris quoque eburneis, in diptycis factis profanisque, in pugillaribus denique scriptum a veteribus est. Hinc Martialis lib. 4. Epigram.

Languida ne tristes obscurent lumina ceræ.

Nigra tibi niveum littera pingit ebur.

Nomine autem librorum hujusmodi veniunt, quandoque diptyci, qui facti profanique esse solent. De his egit Senator Bonarrotius, Mazocchi, & singulari eruditione, Accademiae nostrae Professor honorarius, Sebastianus Donati Lucensis.

Erant diptyci libri quidam ex duabus tribusve tabulis compositi. In hoc solum a pugillaribus fecernebantur, quod illi majores, hi vero minores appaterent; praeterea in diptycis extrinsecus nihil scriptum, omniaque rudia forent; quod secus in pugillaribus factum est.

Fuit quoque scribendi mos in papyro, bombycine, telis lineis, aliisque ejusdem generis subjectis.

De papyro tractationem dedit Gyilandinus, docte etiam eruditeque scripsit Montfauconius, atque Maffei.

Ante annum millesimum papyri charta penitus exolevit; idque factum, quod in
ejus

ejus locum bombycina charta substituta est.

Tandem in agnorum caprorumque pellibus scriptum. De hac consuetudine consulendus idem Plinius loc. laudato. Multa adhuc supersunt M. SS. in hisce membranis exarata, de quibus videndus Trombellius.

Nulli supersunt codices, qui vel in foliis, vel in arborum corticibus scripti sint. Qui tales videntur esse, ii vel ex aliena materie compacti sunt, vel ad recentiore aetatem pertinent, cujusmodi sunt codices ab Indis evecti. Hinc in sua Bononia illustrata graviter deceptus est Masinus, scribens, apud S. Salvatorem reperiri scriptum in arboris cortice codicem. Namque is est liber Ester in vituli membrana conscriptus.

Quod spectat vetustatem diptycorum, quae ex arbore confecta sunt, ea a flavo colore dignoscitur. Sed haec aliquando regula fallit.

Hinc tutior ea, quae ab operis nobilitate & artificio defumitur; quemadmodum etiam tutissima, quae a forma characterum ducitur.

Cum charta bombycina decimum saeculum non antecedit; hinc omnes quotquot sunt in eadem charta exarati codices, eodem saeculo recentiores judicandi.

Tan-

Tandem charta, quae ex lino & canabe conficitur, quaeque vel hoc tempore apud nos adhibetur, ea ante decimum tertium Ecclesiae saeculum haud fuit inventa. Hinc, si quos codices in eadem conscriptos reperiemus, eodem saeculo vetustiores esse jure denegabimus.

§. II.

De adjunctis, quorum ope dignosci

codicum aetas possit.

Adjunctorum nomine intelligo & quae sunt codicibus intrinseca, & quae extrinseca esse solent.

Principio igitur observandum, quae ratione mensium dies, sint in codicibus obsignati. Demptis enim Pontificiis Bullis, Kalendariis, & Nechrologiis, reliqui codices undecimi, duodecimi, decimitertij, ac decimi quarti saeculi peculiarem quamdam rationem dierum signandorum habent.

Hinc pro Kalendis, idibusque hae formulae in usu erant: *Primo, secunda, tertio &c. intrante mense Januario, Febuario, Martio, Aprili, Majo, seu usitatus, Medio.* Absolutis autem quindecim diebus primis, per alios quindecim hae formulae descendebant: *Primo, secundo, tertio, &c. exeunte mense Januario, Mar-*

tio &c. usque ad penultimum diem .
In penultimo dicebant : *penultimo die* ;
quemadmodum in ultimo : *ultimo die &c.*
De hac consuetudine videte Rollandinum .

Sed vel fraeses & vocabula codicum
solent aetatem demonstrare . Non enim
omni saeculo eadem voces adhibitae , ne-
que eadem semper dicendi formulae usur-
patae . Saeculo undecimo , duodocimo , ac
decimotertio in usu fuerunt barbarae vo-
ces *Cataneus* , *Domicellus* , *exomologare* , alia-
que sexcenta , quorum significationem in so-
lis barbarorum vocabulorum Lexicis inquit-
remus .

Ad extrinseca accedamus , quorum no-
mine formam & ornamentum codicum
intelligimus . Ad formam quod attinet ,
diversa ratione disponi charta in codici-
bus consuevit . Antiquissimis temporibus
scribebatur in charta per se patula , aut
ope alicujus vinculi contexta , ex qua tan-
dem *volumen* conficiebatur , ita nuncupatum ,
quod volvi circa ligneum ferreumve cylin-
dram soleret . Cumque volumen istud in
extremitate figuram haberet humano um-
bilico persimilem ; hinc juxta nonnullos si-
nem imponere , *ad umbilicum ducere* di-
ctum est . Quoniam vero difficillime legi
praedicta volumina poterant , ideo post
annum millesimum laudatus mos confi-
cendo-

cendorum voluminum vel evanuit penitus, vel in nonnullis solum scriptis juridicis, operibusque Judaeorum, atque idem in paucis retentus est.

Quaenam fuerint Augusti tempore adjuncta codicum, quae ornamenta dicuntur, Ovidius explicat 1. *Tristium*, Elegia 1. ubi caecinit,

*Nec titulus minio, nec cedro charta
notetur.*

In Vaticanae bibliothecae Terentio Virgilioque vetusta ornamenta observantur. Quae sunt frequentiora, ad quatuor capita reduci commode possunt. 1. ad chartam coloratam. 2. ad litteras coloratas. 3. ad initiales coloratas. 4. ad titulos coloratos.

Antiquitus, Hysidoro teste, adhiberi consueverat charta colore flavo purpureove tincta. Hinc Hieronimus praefatione in Job. *Habeant qui volunt veteres libros vel in membranis purpureis auro argentoque descriptos.*

Sed haec, quemadmodum altera, characteribus aureis argenteisque scribendi, breviter exolevit consuetudo. Maximo quippe dispendio erat, nec ultra Matyldis tempora locum habuit.

Quod spectat initiales litteras, non defuisse novi, qui ex varia earundem for-

ma

ma omnia fere saecula conjectarit. Et quidem usque ad saeculum decimum tertium initiales litterae diversae omnino extitere ab iis, quas hisce temporibus adhibemus. Sunt enim in ratione molis factis oblongae vivisque adpersae coloribus, ac purpureo in primis croceoque colore tinctae.

Verum tutiores regulas ex formis picturisque, quas in codicibus observamus, haurire possumus. Pingendi ars pro ratione temporum varia. Hinc quae picturae ac *miniatae* ante saeculum duodecimum factae, incomptae deformesque extitere. Dehin absolutiores redditae, ac saeculo decimo sexto versus initium ad summam redactae perfectionem.

Post dimidium saeculi decimiseptimi jam miniandi ars inolevit. Quae de minio figuris tinctis, earumque imperfectione dixi, ea de latinis intellexi. In graecis enim libris medio etiam aevo optimae figurae observantur.

Mosaici omnes, qui a sexto saeculo usque ad duodecimum facti sunt, si Ciampinio teste, Graecorum opera dici debent. At vero cum Abbas Montis Cassini, postea Cardinalis Desiderius, Abbatialem Ecclesiam restauraret, Graeci artifices sunt convocati, quorum disciplina Monaci cum in
mosai-

mosaicis, tum in aliis liberalibus artibus profecere; unde Italiae honos Monachorum opera restitutus.

§. III.

De characterum varietate, ex qua codicum aetatem conjectare liceat.

Omne scripturae discrimen ex quatuor praecipue fontibus hauriri potest. 1. Ex litterarum distributione. 2. Ex earum forma. 3. Ex earum contractionibus & nexibus. 4. Ex earum interpunctione caeterisque orthographiae legibus.

Litterarum distributio in vetustissimis latinis codicibus ita facta est, ut ubi nulla sunt carmina, columnarum formam lineae repraesentent. Hinc per exiguas columnas exaratum celebre Evangeliarum S. Eusebii Vercellensis. Eadem forma conscriptum Evangeliarum Capituli Veronensis &c. At id de usitatori scribendi ratione intelligendum. Sunt enim vetustissimi codices, qui integras in omni paginarum parte lineas exhibeant.

Altera, quae litterarum distributionem spectat, regula est, ut ante octavum Ecclesiae saeculum, aut saltem nonnulla in omnibus ferme codicibus nulla sit inter unum

unum alterumve vocabulum spatii distinctio. Quippe eadem ratione proximitatis, qua litterae scribebantur ad unam, vocem pertinentes, finales quoque scriberentur in ordine ad initiales consequentium.

Cum vero nono saeculo, imperio & voluntate Caroli Magni orthographia reformatam fuerit; hinc saltem a Monachis inscribendo servatae distantiae. Reliqui usque ad saeculum duodecesimum vocabulorum retinere, confusionem, iis exceptis, quae majoris visa sunt ponderis momenti-que.

Litterarum apud veteres duplex forma. Vel enim *majusculo*, vel *minusculo* caractere utebantur. Qui codices majusculo scripti sunt caractere, ii millesimum aerae vulgaris annum non excedunt.

Quum primum majusculi caracteres desiere, statim consecuta in minusculis mutatio est. Siquidem hastae superiores inferioresque in longum protractae. Littera majuscula A usque ad decimum tertium saeculum absque linea media Graecorum in morem repraesentata. Sed hoc tempore hujusmodi mos inolevit.

Ante saeculum undecimum vix vocabula contracta repereris. Itaque contractiones caepere, ubi vulgaris esse caepit minusculus character; quae ineunte

Scho-

Scholasticorum regno auctae, & arbitrato scribentium ad summam celeritatem deformes, variae, ac intellectu difficillimae constitutae.

Haec scribendi ratio decimoquinto saeculo in publicis scripturis exolevit. Sed diu retenta apud Scholasticos, atque etiam ab ijs servata Typographis, qui opera D. Thomae, Bonaventurae, Alberti Magni & Scoti edidere. Donec decimo sexto Ecclesiae saeculo omnes litterae apponerentur in scribendo; maximo comodo & utilitate legentium.

Nexus a plurium litterarum societate fiunt. In Virgilio Laurentianae bibliothecae quam saepissime reperitur littera T cum littera N per modum unius copulata. Post saeculum undecimum hujusmodi mos frequentissimus. Unde nata fere apud omnes intelligendi mira difficultas. Tandem saeculo quinto ineunte evanuit penitus. Supereft interpunctio atque orthographia. Ea varie reddita a vetustis Scriptoribus est. Sed Caroli Magni temporibus, opera Alcuini, & Pauli Walnefridensis reformat. Quod potissimum in Homilijs S.S. P.P. atque in nonnullis D. Augustini epistolis locum habuit. Saeculo autem decimo quinto ea orthographiae ratio inuenta, quae vel his temporibus solet adhiberi.

Caete-

Caeterum in Diplomaticae usu has leges accurate servabimus.

Lex I. *Sint ad manus genuina diplomata illorum Principum, quorum nomen referunt dubia diplomata, ut mutua illorum comparatione tutius iudicium efformetur.*

Lex II. *Stili quovis saeculo & regno obtinentis ratio habeatur. Plerique Principes suum incipiendi & finiendi diplomata morem habuere, ex quo sinceritas innotescit.*

Lex III. *Probe examinetur tempus adscriptorum diplomatum, & chronologiae calculus ineatur.*

Lex IV. *Videndum, an aera vulgari & usitata temporis supputatione notentur diplomata.*

Lex V. *Conferantur studiose diplomata cum historiis particularibus moribusque illarum gentium & Regum, a quibus olim data fuisse contendimus.*

Lex VI. *Monogrammata & subscriptiones Principum, aut Cancellariorum, aut Logothetarum severe examinentur.*

Lex VII. *Sigilla diplomatum diligenter recognoscantur, an genuina sint, integra & incorrupta, an vero potius ex alienis instrumentis fraude ac dolo adsuta?*

Lex VIII. *Iuverit & materiam, super qua mos erat diplomata conscribendi, bene examinasse.*

Lex

Lex IX. *Perpende, quo atramenti genere diploma sit exaratum.*

Monitum.

De re diplomatica vide Conringium, Eudowigium, Peticum, Papebrochium, Germonium, Sartorium Ursatum, Iustum Fontaninum, Godefridum Abbatem Gotwicensem, Scipionem Massejum, Hergottum, in primisque Ioannem Mabillonium, & post eundem consule Trombellium.

DIALECTICARUM

INSTITUTIONUM

LIBER SECUNDUS

De consequentiis in omni ratiocinio rite deducendis.

Cum bene provisa diligenterque explorata principia fuerint, veniendum est ad legitimas consecutiones, provinciam alteram animi differentis, a qua praecipue omnis ratiocinii vis atque potestas pendet. Miror, tam exiliter jejunaeque a Dialecticis nostris de hoc argumenti genere disputatum, perinde ac si vera non esset magni Tullii sententia: *In verbis conjunctis quod non est consequens vituperandum est.* Iam vero consecutiones seu consequentiae ita dicuntur à consequendo; consequentium autem ratio triplex. Nam 1. Necessaria. 2. Probabilia. 3. Systematica sunt.

P A R S P R I M A.

De consequentiis necessariis.

Quae ita ab antecedentibus profiscuntur, ut ab iis nequeant non proficisci, eae necessariae dici consecutiones solent. Atque hae quidem vel id habent, in quo conveniant universae, vel referunt id, in quo a semetipsis invicem discrepent. De singulis ex more institutae breviter.

C A P U T I.

De eo, in quo hujusmodi consequentiae conveniunt.

IN omni necessaria consecutione id veluti essentiale atque commune est, ut principio huic metaphysico innitatur: *Possibilia in oppositum necessarias consequentias excludunt.* Neque enim alia de causa necessariae dicuntur hae consequentiae: Est circulus; Ergo omnia peripheriae puncta atque distant a centro. Est dies; ergo sol hemisphaerium nostrum illuminat. Est vir prudens; ergo minime sibi necem intulerit: nisi quia fieri nulla ratione potest, ut sit figura,

gura, quae circulus appellatur, & una simul aequae distantiae a centro peripheriae puncta non habeat; ut sit dies, & una simul non sit emisphaerij nostri irradiatio solaris; ut quis sit prudens, & una simul a nece sibi inferenda non absteineat. Sed cum ea, quae in oppositum impossibilia dicuntur esse, triplicem rationem habeant; sunt enim vel mathematica, vel physica vel moralia; hinc de consequentiis juxta triplicem hunc ordinem differemus.

§. I.

De consequentiis mathematice necessariis.

Quae tantam habent inter se cognitionem, ut neque divinitus ea tolli possit, mathematice necessaria consequentia dicuntur. Ad hoc genus reduci debent quae sunt in Geometria legitima abstractae extensionis consequentia. En exempla.

Demonstratum est a Geometris, rectam super rectam consistentem aut duos rectos angulos facere, aut duobus rectis aequales. En principium.

Ergo si plures rectae, quam una, eidem rectae ad idem punctum insistant, angulos efficiunt duobus rectis aequales.

H

Ergo

Ergo duae rectae se invicem secantes efficiunt angulos duobus rectis aequales.

Ergo omnes anguli circa unum punctum in intersecatione rectarum constituti quatuor rectis aequabuntur.

En consequentiae adeo necessariae, ut neque divinitus aliter esse possint.

Demonstratum item, omnis trianguli tres simul angulos duobus rectis aequales esse. En principium.

Ergo si in triangulo unus rectus aut recto major est angulus, reliqui erunt acuti.

Ergo si in triangulo unus angulus est rectus, reliqui duo simul etiam unum rectum conficiunt.

Ergo cum noverimus, quot graduum sit unus angulus in triangulo, noti erunt duo reliqui simul & vicissim.

En consequentiae, quarum cum principio arcta cognatio est, mathematica cum eodem copulata ratione.

Illud fortasse a me quaerent nonnulli, sintne extra mathematicas disciplinas, quae ex positis principiis mathematica ratione deriventur, consecutiones. Quibus facillime satisfactum putaverim, si advertam,

nam, ideis rerum cognitis perspectisque, omnia, quae cum iis sunt necessario vinculo copulata, ad hoc genus consequentiarum reduci commode posse. Hinc semel constituta corporis idea, statim necessario sequitur, illud extensum esse, divisibile, impenetrabile, iners &c. Semel constituta idea animorum, necessario fit consequens, ut in iis etiam percipiendi, appetendi, aversandique ratio agnoscatur.

Cum Berolinensis Accademia anno 1758. atque iterum 1761. quaesisset: *An leges motus & aequilibrii sint veritatis necessariae, an contingentis*, doctissimus vir Alambertus jure distinxit inter leges motus, quae ab impulsione proveniunt, & eas, quae ex libera pendent voluntate Conditoris. Atque hinc illas veluti a corporum natura proficiscentes necessarias, has vero omnino contingentes affirmavit. Quod certo nobis argumento est, vel in rebus ad Phisicam pertinentibus necessarias mathematica ratione consecutiones haberi.

Quid si vel in moralibus hoc genus consecutionum appareat? Pone tibi praesentis oculis veram germanamque virtutis vitiique indolem, atque hinc nega, si potis es, consequentia hujusmodi: justitiam, nimirum, inter bona, injustitiam vero inter mala esse recensendam. Nega

H •

furtum

furtum esse fugiendum, quod vitii genus est. Nega humanitatis excolenda officia, quod species virtutum extent.

§. II.

De consequentiis physice necessariis.

Duo sunt in physica rerum constitutione distinguenda. Alia, nimirum, quae rerum rationibus semel positis, sponte veluti sua ab iisdem necessario consequuntur; alia, quae praecipuo quodam jure fortuita dici possunt, eaque ex sola Conditoris voluntate, sufficientem, uti dicunt, rationem hauriunt. De primo rerum genere satis dictum superius. Nunc de altero in ordine ad necessarias consecutiones.

Atque illud in primis certum est, consequentias, quae ad hoc genus reducuntur, non nisi ab observationibus experimentisque nostris deduci posse. Hinc si male antecedens illud fuerit constitutum, nulla omnino erit vis consequentium.

Plures sunt qui ex uno alterove experimento, ex una alterave observatione conclusionem inde universalem colligunt. Ita Bonnetus, vir caeteroquin doctissimus in sua *Palingenesis* ex peculiaribus phaenomenis

nis catholicam reproductionis legem esse derivatus.

Alii eam ab experimentis consequentiam ducunt, quae prima se illis offert. Ita cum Boylius aquae vi ignis diu expositae superesse terram adverterit, unius elementi in alterum argumentatus est conversionem. Fuit enim haec prima, quae se illi offerret consecutio. Interim idem experimentum repetenti Boerhavius cognitum perspectumque, deberi aquae, cui admixta erat, terram superstitem.

Alii, dum observant & experiuntur, a concomitantibus inferunt rationem causae, sitque per eos consequens, quod mera conditio est. Ita Peripatetici quod plura animalia de insectorum genere in ipsa nasci putredine intuerentur, illud uti confectarium efficere, putredinem ipsam veram animantium esse effectricem causam.

Neque defunt, qui observando & experiundo ea colligunt, quae opticarum illusionum sunt consequentia. Hoc vitii genere plurimum laboravit Lewenoechius, Turnefortius; ipseque Cl. Pater a Turre in statuenda figura globulorum sanguinis haud immunis ex Fontanae nostri observatione ab eodem fuit.

Tandem plerique etiam semel constituto rerum systemate, sepositoque ulterius

investigandi onere, ad illud tamquam ad aram deducendo confugiunt, referuntque universa. Ita Cartesiani multiformi praescripta subtilis materiei ratione, ab ea quorumcumque phaenomenorum explicacionem duxere. Sed de hoc inferius.

At id neque rite argumentari est, neque consequentias physica ratione necessarias inferre. Quamobrem ad hujusmodi consecutiones eliciendas, videndum erit
1. num clare & evidenter pateat, prodire eas ex nostris experimentis atque observationibus. 2. Num certo constet, easdem solas esse, quae ab nostris inferri antecedentibus possint. Si enim, uti diximus, possibilia in oppositum necessarias consequentias excludunt, immerito a nobis erit necessarium veluti consequens reputatum, quod plura aequae possibilia in contrarium admittat.

Sed quoniam in rebus physicis inductionis argumento utimur frequentissime, praeter ea, quae libro primo de vera falsaque analogia sunt dicta, vel haec de inferendis ab ea consecutionibus adjungemus. Quadruplex analogiae in deductione locus. Vel enim ea adhibetur in corporum proprietatibus dignoscendis, vel in dimetendis viribus, vel in mechanismo partiumque dispositione statuenda, vel tandem

in

in definiendo naturae statu, in quo a sensibili usque plurimum ad insensibile ducimur.

Ad proprietates quod attinet, si eas *intendi*, ac *remitti* nequeant, cujusmodi *soliditas*, *inertia*, *mobilitas* &c. ineluctabilis est analogica ratio deducendi. Sin vero incremento decrementoque subiiciantur, iterum distinguendum est. Aut ipsa vicissitudo legibus coercetur, aut non. Si primum, firmissimum est analogiae argumentum. Exempla habes in gravitatibus & attractionibus. Sin vero alterum, anceps est analogia deductionis.

De viribus facultatibusque spectanda ratio adjunctorum est. Vel enim debita circumstantiae eadem ratione insunt, vel circumstantiae huiusmodi inter se discrepant. In primo casu analogia numquam fallit; in altero quam saepissime in errorem inducit.

Quod ad partium mechanismum refertur, id vel *essentiales*, aut saltem necessario requisitas partes complectitur, vel *accidentales*, seu *integrantes* spectat. Illud tutissima utitur lege inductionis. Hoc sola analogia fallit decipitque. Demum quoad sensibilem & insensibilem naturae statum, de recto analogiae usu certant philosophi inter se, & adhuc sub Iudice lis est. At si ab ijs, quae essentialia di-

euntur esse, paulisper divageris, nescio, an tanta sit naturae simplicitas, quantæ ad firmam analogiae legem prærequiritur.

Hiscæ cautionibus opus habent Phisici, ne naturae tribuant humanæ mentis figmenta, opus habent Medici, ne salutarî arte abutantur ad interitum. Et Medicorum quidem accuratior sit oportet ratio argumentandi. Nam si multipliciâ genera morborum in multiplici climâ, temperamento, adjunctisque variam expostulat medicinæ dosim ac genus, quanto mentis conatu, quantavæ prudentia opus erit, ne, quod Plinius inquit, *discant periculis nostris, & per experimenta mortes agant.*

§. III.

De consequentiis moraliter necessariis.

Moralis ratio, quæ solis percipientibus libereque appetentibus animis convenit, ex triplici fonte manat: nimirum, ex lege naturæ, ex præscriptione societatum seu Moderatorum earundem, ex hominum denique usibus atque consuetudinibus.

Iam vero, si leges sunt naturæ morales, quemadmodum phisicæ naturæ præscriptiones extant, quis dubites, necessa-

rias

rias consequentias vel in morali hominum constitutione duci posse? Praeterea si quae leges naturam corporum consequuntur, eas mathematice necessarias dixere philosophi, ejusdem necessitatis dicamus eas consecutiones oportet, quae ex morali hominum natura derivantur.

Hinc Lokius morales disciplinas, quae ex naturae praescriptionibus constant, aeque ac mathematicas *apodicticas* demonstrationis capaces esse substinuit. Et jure quidem. Quid enim aliud est *apodictice* demonstrare, quam ab evidentibus principiis ea evidenter certa colligere, quae sunt cum iisdem principiis evidenti ratione colligata? Patet autem, moralia naturae hominum principia evidentia esse. Patet, ab iis evidentes duci consecutiones. Patet igitur *apodicticae* demonstrationi locum in moralibus reperiri.

Secus de duplici alio moralitatis fonte putandum est. Nam quae societates, quaeque earundem Moderatores propriis sanctionibus imperarunt, quae usus & consuetudo praescripserunt, ea ut pote liberissima, & innumeris fere subjecta vicissitudinibus, non adeo constantem, neque, adeo immutabilem naturam habent, ut necessarias mathematicum in morem consecutiones agnoscant. Bona quidem ea

sunt, quia praecepta, mala sunt, quia prohibita. At cum non praecipi, non vetari potuerint, neque illa bona necessario sunt bona, neque isthaec mala necessario mala sunt appellanda.

Moralitatis rationem illam praetermitto, quae a divina revelatione proficiscitur. De ea enim inferius erit pertractandum.

Monitum.

Quae de consequentijs haftenus differuimus, ea nonnisi studio disciplinarum, peculiares Tractatores legendo meditandoque, possunt observari. Consultite igitur Geometras, Physicos, Iurisque naturae sagiores Interpretes.

C A P U T II.

De primo hujusmodi consequentiarum discrimine, evidentia.

Quae de consequentijs necessariis cum evidentia conjunctis dici possunt, ea ab scientiae explicanda ratione omnino pendent. Hujus itaque erit indoles exponenda, quo facilius illa intelligantur.

§. I.

De Scientia.

Scientiae nomen latissime quibuscumque sive humanis sive divinis cognitionibus tributum est. Sed illud proprie cognitionem certam atque evidentem rationis comparatam usu significat. Hinc solae naturales, quae se veris utuntur demonstrationibus, disciplinae praeclaram sibi scientiae jure vendicant appellationem. Hujusmodi sunt facultates Mathematicae, Physicae, Morales, atque in paucissimis Metaphysicae.

Itaque in omni scientiae genere quod primo requiritur est *cognitio certa*. Dubia enim mereque probabilia non scientiam, sed aut errorem, aut opinionem generant. Deinde scientiarum certa cognitio summam praeferre *evidentiam* debet. Namque obscura, & quae abditis sunt involuta mysteriis, potissimum si cum fide divina copulentur, longe nimium a scientiae ratione distant.

Evidentiam definirem, si, quemadmodum Genuensis ait, evidentiam haberem evidentia ipsa clariorem. At cum id sit, *advocare*, illud solum cum Dialecticis observavero, quietam pacatamque dari ani-

morum assensionem, ubi evidentiae splendor affulgeat. Edepol! Quam pacata & quiesca non est animorum assensio, cum Geometrarum sive principia, sive inde ducta confectaria intuemur.

Sed evidentia duplex: *realis*, nimirum, atque *apparens*. Illa clare contemplamur quae sunt in se, quemadmodum nobis videntur esse; hac vero quasi praestigiis illudimur, putamusque rem eum in modum esse, tametsi nullatenus sit. Multa sunt, quae in ideis clariis atque distinctis apparent nobis omnino verissima; interea deliramenta sunt animi ratione abutentis.

Veri criterium seu tessera evidentia realis est, quam in plurimis reperiri certum exploratumque, quidquid in oppositum fatuitate quadam dixerint Sceptici atque Pyrrhonici. Hinc etsi plura ignoremus; plura tamen certo evidenterque scimus, quorum alia ad simplicem, uti dicunt, *intuitionem*, alia ad demonstrationem pertinent. Ita probe novimus vivere, dum vivimus, cogitare, dum cogitamus, dolorem aut voluptatem sentire, dum alterutra afficimur sentatione: quae simplicis *intuitionis* dicuntur esse. Ita multa apud Mathematicos, multa apud Physicos, multa apud alios disciplinarum Tractatores inveniamur.

veniuntur egregie demonstrata. Itaque oleum operamque perdunt, qui in Scepticismo confutando diutius, quam par esset, versari volunt. In quam repraehensionem incidisse Crusatium, omnes intelligunt.

Duplicis autem generis est Scepticismus. Immoderatus, nimirum; atque aestrenis, castigatus & sobrius. Ille cum rerum omnium dubitationem perpetuo foveat excolatque, dementiae argumentum est. Hic cum eadem dubitatione utatur ad examen, ne incognita pro cognitis habeat, hisque temere assentiarur, viam sapientiae parat, inveniendoque non minus, quam demonstrando est opportunus.

Quaevis demonstratio vel *a priori* est, vel *a posteriori*; vel *directa*, vel *indirecta* esse dicitur. Vocant demonstrationem *a priori*, quae ex causa certa & evidenti certum item evidentemque effectum infert. Sic ab existentia ignis caloris existentia, ab existentia solis existentia diei *a priori* demonstrantur. Est autem demonstratio *a posteriori*, quae ab effectibus exploratis claras perspectasque deducit causas. Sic dum ab existentia mundi existentia Conditoris, ab existentia respirationis animantis vitae existentiam colligo, dicor haec omnia *a posteriori* demonstrare.

Demonstratio *directa* vocatur, quae

ex cognita rei idea, numquam interrupta iudiciorum serie, ad consequentia progreditur. Quae vero non ab ipsa rei idea, quae ignoratur, sed a reliquorum demonstrata pugna quidpiam infert demonstratque, ea solet indirecta demonstratio appellari. Frequentissima sunt apud Geometras exempla indirectae demonstrationis, ubi quidpiam *ad absurdum* reducunt.

Duo sunt in demonstratione indirecta diligenter praecavenda. Primum, ne quae pugnantia putamus esse, nomine tantum pugnantia dicantur. Deinde, ne imperfecta sit exclusarum partium enumeratio. Aequae enim per diminutam enumerationem partium, ac per ea, quae minime pugnant, vis atque potestas tollitur demonstrationis hujus. In extensione geometrica duo haec incommoda facillime vitari possunt. Secus in alio genere disciplinarum evenit.

Demonstrationis ope iudiciorum nostrorum cum rebus ipsis absoluta consensio obtinetur, quae *veritas* appellari *logica* consuevit. Ad hanc sumus a natura quodammodo facti, in primisque hominis est propria veri inquisitio atque investigatio. Cum enim sumus necessariis negotiis curisque vacui, tum avemus aliquid videre, audire, addiscere, cognitionemque rerum

aut

aut occultarum aut admirabilium ad recto
vivendum necessariam ducimus.

Atque hinc clarior scientiae indoles
apparet; tutissimus, nempe, mentis assen-
sus, praeclaro demonstrationis beneficio com-
paratus. Sed scientiarum aliae *speculatri-
ces* ac *theoreticae*, aliae *practicae* dicuntur.
Primae simplicem spectant veritatis com-
templationem. Hujusmodi sunt *Mathema-
ticae*, *Physicae*, *Metaphysicae* &c. Postremae,
quibus uti rebus quibusque rationibus, ad
recte operandum oporteat, docent & lu-
culenter exponunt. Ad hoc genus *Moralis*,
Medicina, *Dialectica* ipsa reduci commode
potest.

Praeterea scientiarum aliae a veteribus
inventae, aliae a recentioribus excogitatae;
aut saltem auctae amplificataeque sunt.
Arcometria, *Diotrica*, *Analysis algebraica*
recentioribus tribuenda; *Physica*, *Mechanica*,
Astronomia ita concedenda veteribus, ut
tardis nepotibus, Galileo inprimis nostro
praecipuo jure adscribantur. Unde perfa-
cilis illa quaestionis solutio: *Majoribusque
sint anteponendi Nepotes, in eo, quod spectat
laudem inventionis.*

*Quemadmodum in scientiis haberi possit
evidentia consequentium?*

In una syllogistica arte consequentium haberi evidentiam posse olim ab Aristotele putatum est. Hinc ille demonstrationem explicaturus, eam *syllogismum* esse dixit, *cujus praemissae sint verae, necessariae &c.* Sed quam longe a veritate abherrarit vir acutissimus, nemo est qui non videat, si ad geometricam differendi rationem, quae *soritica* dicitur, attendamus. Alii in solo Sorite hujusmodi evidentiam posuere, quos inter laudandus, eloquentissimus Decessor noster, Janus Gualbertus De Soria. Sed hoc etiam, si quid video, minus accurate dictum est. Neque enim evidentia Matheseos ab extrinseca pender forma ratiocinandi.

Itaque dum consequentium evidentiam quaerimus, intrinseca nobis erit ejusdem demonstrationis spectanda ratio. Si enim in ea non modo certa, sed etiam evidentia adhibeantur principia; si quae cum hisce principiis necessaria quadam & evidenti copulata ratione sunt, ea quoque evidentia cernamus esse, tunc de consequentium evidentia gloriabimur.

Fac

Fac tibi evidenter demonstratum principium istud geometricum: *In omni triangulo rectangulo quadratum hypotenusae aequale est duobus simul reliquorum laterum quadratis*. Jam isthaec tibi sese offert evidentiæ consequentium.

Ergo si triangulum rectangulum latera habeat circa angulum rectum aequalia, quadratum hypotenusae duplum erit quadratis laterum reliquorum.

Ergo si in triangulo quadratum unius lateris majus fuerit quadratis laterum reliquorum, angulus quoque eidem lateri oppositus recto major erit.

Ergo si in triangulo quadratum unius lateris minus fuerit quadratis laterum reliquorum, angulus quoque eidem lateri oppositus minor erit recto.

Geometrarum exempla secutus, eandem deducendi rationem reliquis etiam disciplinis aptato.

Observatione recentis Astronomiae detectum est, cometas suas habere periodos, suas leges in orbita percurrentia servare, statisque proinde redire temporibus. En principium evidens, de quo si veteres dubitarunt, in tanta Astronomiae luce dubitare nemini liceat. Vide evidentiam consequentium.

Er-

Ergo cometae non sunt lumina, quae a vaporibus generentur in dies, quemadmodum falso a veteribus putatum est.

Ergo sunt lumina ab exordiis progenita universitatis hujus.

Ergo ea inter reliquorum planetarum numerum recensenda.

Ergo eorum reditus non ad incutiendam divini Numinis formidinem, sed ad servandum naturae ordinem referendi.

Observatione Chisfeldeni patet, oculum ante diuturnum visionis experimentum nihil a se distinctum animis representare, omnia confuse in semetipso exhibere, donec accedente tactus institutione objectorum distantias, figuras, magnitudines discat quodammodo intueri. Est hoc principium, quod axiomatis loco haberi potest. De quo, si vacat, Diderotium, Smyth, Condillacum consulite. Quia enim sint cum eo evidentissime colligata, nunc intuimur.

Ergo oculus se solo objectorum distantias, magnitudines, figuras haud percipit.

Ergo oculorum quasi institutor tactus.

Ergo quae videmus, associatis oculi tactu, quae ideis intuemur.

Ergo verum, quod Malebranchius conjectan-

*Quando dixerat, cum sensationibus nostris
plura commisceri animorum judicia.*

*Ergo Molinaei problema de caeco nato ne-
gative solvendum est, licet diversa ra-
tione ab ea, quam secutus est Lokius.*

Experimentis & observationibus San-
ctorii compertum est, optimam valetudinem
ab aequabili in primis corporum nostrorum
transpiratione pendere. Evidentissimum prin-
cipium hoc est. Evidentissima, si sapias,
& ad vitae conservationem opportuna du-
cto inde consuetudina.

*Ergo cave, ne aequabilem hujusmodi tran-
spirationem impedias.*

*Ergo motu, cibo, potione, somno utere ad
sobrietatem.*

*Ergo indumentis utere, quae anni tempo-
ribus, ac tuis aptata sint temperamenti
rationibus.*

Ergo animi pathemata devitato.

Denique constat, hominem ad societatem
quiete pacateque servandam a natura com-
paratum, quidquid in oppositum *Myanthro-
pia* ductus. Russojus habeat. Hoc est prin-
cipium, de quo communis viget homi-
num consensus. Ex eo autem haec fiunt
evidentissimae consecutiones.

Ergo

Ergo quae faciat homo ad hanc societatem servandam faciat necesse est.

Ergo quae servandae huic societati opponuntur, ea fugiat oportet.

Ergo neminem laeserit. Quod si laeserit, in integrum restituat.

Ergo aliis, si possit, consilio, opera, ac reliquis humanitatis officiis opituletur.

Perfacile est, quaenam sit proxime consequentium evidentia, in omni ratiocinii genere definire. Prima enim idearum vincula rationesque vel nolentibus aliquando apparent. At vero ubi longius ab hac evidentia processeris, ubi ad remotas, ut ajunt, consecutiones divageris, hoc opus hic labor est. Pauci, quos aequus amavit Juppiter, eo pollent ingenio, ea mentis vi ac facultate pollent, qua longa judiciorum quasi serie consequentia hujusmodi feliciter fortunateque ab antecedentibus eruant.

Ars typographica, quae cum arte cudiendi numismata copulata videtur esse, quamdiu latuit apud mortales! Electricitatis phaenomena, potissimum quae in boreali aurora contingunt, aequae veteribus ac recentioribus perspecta & cognita. Interim quae verae consecutiones erant ab hisce phaenomenis deducendae, nostris hisce
tem-

temporibus Francklini & Becchariae opera detectae sunt. Magnetis ad polos detecta est inclinatio, nemine per integrum saeculi intervallum de ejusdem adplicatione ad navigationis usum cogitante. Norant veteres, ex Senecae testimonio, vitreis sphaerulis aqua plenis objectorum augeri diametrum. Sed quamdiu absque microscopiis fuimus!

Haec & alia plura ab Alamberto relata fatis ostendunt, quam lente, perplexim, timideque animus differendo ad consequentium detegendam affinitatem ascendat, Quod si vel in iis, quae affinia sunt, diu multumque latuit evidentia consequentium, quanto magis ea, quae longo inter se distant affinitatis intervallo, difficillime patere nobis possunt.

Curandum itaque, ut vel remotiora mentis quasi conatu persequamur. Quod quamam arte possit obtineri paucis explicavero: Oculus ad longinqua objecta contemplanda telescopio utitur. Attentio quasi mentis telescopium est. Ea igitur in antecedentium clara distinctaque idea efformanda, ea in eorum vinculis atque affinitatibus perscrutandis, ea in novis comparationibus instituendis, non semel aut bis, sed iterum iterumque, centies & plus quam centies utemur ad utilitatem. Quoniam

ve-

vero necessaria isthaec operatio sua debet exercitationi incrementa, nullumque studium est, quod in eadem excitanda colendaque possit cum mathematicis disciplinis comparari, ideo in hoc praecipue disciplinarum genere exercendus animus, quo facilius discat remotiora contemplari.

Monitum.

De necessariis atque una simul evidentibus consequentiis consulendi Geometrae, Analytici, & si qui sunt, qui horum tutissima exemplaria sequantur. Quae enim studia attentionem fovent, ea necessarias evidentesque consecutiones perpetuo exhibent.

C A P U T III.

*De altero hujusmodi consequentiarum
discrimine, obscuritate.*

TAmetsi quae ab antecedentibus necessario & evidenter consequuntur, una simul clara & obscura esse nequeant; plura sunt nihilominus, quae vel ubi perspicuam cum principiis habent cognationem, summam in se obscuritatem praeseferunt. Sunt haec aenigmata, involuta mysteria sunt, quorum existentiam nec Geometra, nec Analyticus,
nec

nec ipse Phisicus ignorare potest. Videte Alambertum, P. Fontanam, aliosque. Consequentium igitur, quae necessaria dicuntur esse, alia *evidentia*, alia *obscura* vocabuntur, atque haec erunt hujusmodi consequentiarum discrimina, Quod ad nos attinet, necessariae consecutiones, quarum perobscura ratio est, praecipuum locum in divina fide sibi vendicant. Hinc de hoc fundamento agendum nobis est.

§. I.

De fide Divina.

Divina fides supernaturalis eaque firmissima assensio est, ab humana mente revelatis a Deo rebus exhibita, propter auctoritatem revelantis. Ea quatuor veluti certa & inconcussa supponit. Nimirum, 1. Deum existere. 2. Eum summe veracem esse. 3. Ipsum ea, quibus assentimur, revelasse. 4. Revelata isthaec omnino incorrupta nullique vicissitudini subjecta extitisse.

Deum extitere, quis dubitet? Nihil in hac rerum universitate aut pulchrum visu aut adspectu delectabile est, ex quo tamquam uberrimo fonte ad unius supremae causae existentiam demonstrandam hauriri nequeant argumenta gravissima.

Eum

Eum summe veracem esse, sibi facile suavit, qui ad summam Dei perfectionem velit attendere. Est enim Deus, Anselmo definiente, *id, quo nihil melius potest excogitari*. Fac igitur illum in re quoque levi mendacem esse. Jam quid eo melius excogitari poterit.

Ipsam ea, quibus assentimur, revelasse, certum exploratumque. Miraculis enim & prophetiis, doctrinae consensione, ejusdem sanctitate, ac verustate, judicio in primis Ecclesiae gravissimo, & maximo id credimus.

Denique *revelata isthaec incorrupta, nullique vicissitudini subiecta extitisse*, pro certo habemus, tum quia veteris Testamenti sedulam Hebraei, Novi autem Christiani curam habuere, in primisque Ecclesia sacri custos *depositi*, utrumque ab omni penitus labe alienum, sanctum rectumque servavit.

Est itaque *rationabile obsequium nostrum*. Quod divina fide tenemus, indubium est, sed certitudinis moralis haud praetergreditur fines. Est certum, sed non evidens, cum juxta Apostolum, fides sit *sperandarum substantia rerum, argumentorum non apparentium*.

§. II.

De consequentiis ex divina fide deductis.

Quemadmodum divina fides certa atque indubia est, ita certae indubiaeque, quae ex ea derivantur legitimae consecutiones. Quis enim tamquam de fide reputans, dari in divinis Personarum Trinitatem, de hac conclusione dubitet: Ergo *haeretici ii omnes, qui eandem Trinitatem impugnaverunt?* Quis certo credens verum esse, quod ait Servator: *Ego & Pater unum sumus*, de hoc consequenti ambigat: Ergo *Filius consubstantialis est Patri?* Quod in Nicaena Synodo statutum est adversus Arium.

Sed consecutiones hujusmodi, quae cum principiis arctissimo vinculo copulantur, non eam in fide praeseferunt evidentiam, quam mathematica & physica solent exhibere. Cum enim fidei principia non sint per se nota, quin imo ea perobscura & inevidentia dicantur, neque inde ductae conclusiones ita mentibus affulgent, ut clarae atque perspicuae dici jure meritoque possint.

Hinc D. Thomas dum 2. 2. quaest. 1. art. 5. quaerit: *utrum ea, quae sunt fidei;*

possint esse scita? nixus hoc axioma: scientiam omnem per sola principia, quae per se nota sint, haberi posse, concludit: *Quod communiter omnibus proponitur hominibus ut credendum, est communiter non scitum.* Quod si non scitum, neque evidens esse poterit.

Quod si ad veram scientiam triplex evidentiā requiritur, quarum una sit idearum, ex quibus constant principia; altera idearum, ex quibus consequentia coalescunt; postrema denique cognitionis, quae inter principia & consequentia reperitur; inde fit, in rebus, quae ad fidem attinent, unam solummodo harum evidentiarum haberi posse, eamque deductione ipsa unius ex altero contineri.

Dixi, consecutiones, quae ex fide hauriuntur, cognitione sua cum principiis evidentissimas esse. Sed id, non de omni consecutionum genere intelligendum. Quae enim ab Ecclesia universa, quae a Conciliis Oecumenicis, Romano Pontifice tamquam primo Ecclesiae Doctore & Capite ex fidei deposito deducuntur, ea legitima sunt fidei consecutaria, cognitionis evidentiā ineluctabilia. Hinc disciplina illa, quae Dogmaticae Theologiae nomen habet, huiusmodi consecutionibus ubique constat. At vero quae ab aliis Theologis, quos a Scholasticis nominarunt, inferri solent,

ta ut plurimum neque evidentiam retinent cognationis. Hinc plura de Deo divinisque attributis inutiliter constituta, plura de officiis moribusque nostris a quibusdam propugnata, quae non solum incerta sunt atque dubia, sed prorsus indigna nomine Christianorum.

Monitum.

De hoc genere consequentiarum videte Melchiorem Canum, Opstraetum, Gregorium Simon, aliosque.

P A R S II.

De consequentiis probabilibus.

Quae conclusiones necessariam non habent cum principiis cognationem, ab iis tamen duci probarique possunt, eae probabiles vocari communi solent suffragio philosophorum. Si Judex a pallore vultus, artuumque trepidatione admissi ab aliquo criminis argumentum ducat, erit id quidem probabile consequens, tum quia esse, quod conjecit, potest, tum quia probabilis ejus conjectatio. Sed quoniam absolute loquendo haud pugnat oppositum, suntque alia plura, ex quibus idem pallor oriri possit, quod intulit longe procul a certitudine est. De probabilitate multa generatim, multa etiam quaeri speciatim possunt,

CAPUT I.

De probabilitate generatim.

GENERICA probabilitatis investigatio duabus quasi partibus continetur. Vel enim ad naturam & fines, vel ad genericas probabilitatis leges reduci commode potest. De utrisque per summa, ut inquirunt, capita differemus.

§. I.

De natura & finibus probabilitatis.

Animorum conditio media inter ignorantiam & scientiam probabilitas appellatur. Ea suos habet gradus, quibus ab ignorance ascendat ad certitudinem. Hinc certitudo veluti *totum* est, quod partibus constet, nempe, gradibus probabilitatis. Hinc in omni probabilitate ea quoque ratio praescribenda, quae inter hujusmodi totum partisque partes nobis aliunde cognitae reperitur.

Quod probationi inservit, sed per se minime probat, id quemdam exhibet gradum probabilitatis, qui alio nomine conjectatio appellatur. Auctis itaque rerum
pro-

probationibus vel ipsi probabilitatis augentur gradus, iisdemque diminutis, hujusmodi quoque gradus minuuntur. Ex quo facile intelligitur, curnam alia magis, alia minus probabilia dicantur esse, alia quoque probabilissima vocari soleant.

Conjectationes vel a ratione vel ab auctoritate ducuntur. Primae *intrinsecam* probabilitatem, postremae *extrinsecam* constituunt. Omnis autem extrinseca probabilitas hoc axioma nititur: *Credendum in arte Peritis est*. Sed cum Peritorum varia sint genera, accurate inter illos distinguendum, ne in eorum aestimanda auctoritate decipiamur.

Quae probabilitas dimidium certitudinis superat, ea verisimilitudinis nomen habet. Sed apud vulgus quae probabilia sunt, ea etiam verisimilia dicuntur. Dimidiata certitudo dubium proprie dictum constituit, eaque conditio aequilibrii vocari potest. Gradus verisimilitudinis a dubio, proprie dicto usque ad certitudinem augentur. Dixi *a dubio proprie dicto*. Nam appellari quoque dubium aliquando solet status omnigenae ignorationis, unumque ab altero distinguitur, quod hoc *negativum*, *positivum* illud vocari consueverit.

Tandem probabilitas, quae conjectando aquiritur, ea sine possibilitate haberi nequit. Hinc tametsi aliud possibile,

probabile aliud sit; esse tamen probabile nihil potest, quod una simul possibile non appareat. Itaque ad probabilitatem necessaria possibilitatis erit demonstratio, eritque possibilitas minimus, ut inquiunt, gradus probabilitatis.

§. II.

De genericis probabilitatis legibus.

Quae hoc in loco a nobis statuuntur leges probabilitatis, eae genericum artis conjectandi usum spectant.

Lex I. *Ubi absolutam comparare certitudinem possis, a conjectationibus abstineto.* Praedicturus eclipses, male conjectando philosopharetur Astronomus. Posset enim indubiis supputationibus phaenomeni hujus existentiam praevidere. Ita etiam Judici, rei confessionem nulli tergiversationi subjectam habenti, non est opus conjectationibus.

Lex II. *Unum alterumve argumentum seu sufficiens ad conjectandum reputato: omnia potius, quae in tui venire cognitionem possunt, quaeque ad probationem opportuna videntur esse, sedulo ac diligenter perquirito.* Finge, te paulisper esse Medicum, ac bene de prognosticis instituendis age con-

je-

jeſtando. In quavis ægitudine, ſed præſertim in febribus, ex facie primum argumenta deſumito. Malum omen habes, ſi ea tibi vel ad primam morbi invaſionem *hippocratica* videatur. Sed cave, ne in ſola facie contemplanda immoretis. Sunt alia plura in pectore, abdomine, pulſu, vigilia, ſomno, evacuationibus egregie ſpectanda.

Lex III. *Præter argumenta, quæ probationibus inſerviunt, vel illa, quæ in oppoſitum adduci poſſunt, accurate perpendito, videtoque quænam probabiliora appareant.* Qui lunæ ac reliquorum planetarum incolæ propugnare volunt Aſtronomi, ii non ſola analogiæ ſigna, ſed alia quoque in oppoſitum argumenta debent perſcrutari. Idem præſent. necelle eſt, qui brutorum animas ſpirituales, qui humanam mentem perenni cogitatione præditam defendunt.

Lex IV. *Si de genericis conjeſtando quæras, generica tantum ac remota argumenta adhibeto. Sin vero tibi ſit de individuis conjeſtandum, propiora, & peculiaria argumenta ad rem pertinentia ſeligito.* Aliud eſt in ægitudinibus de valetudine reſtituenda generatim conjeſtare, aliud ſpeciatim quaerere, quonam remedii utendum ſit genere, ubi ad peculiareſ caſus ventum eſt. Aliud eſt ſciſcitari, quanta probabi-

litate senex annorum sexaginta superfuturus vivendo sit juveni viginti annorum, aliud percontari, quanta sit eadem probabilitas in senē Paulo & juvene Sempronio. Multa enim in individuis reperiuntur, quae a genericis longe absunt.

Lex V. In incertis dubiisque, donec tibi major lux affulserit, actionem tuam suspendito. Quod si ad agendum urgeat praesentio Tarni, convenientius, tutius, aut saltem probabilius eligito. Qui adversus hanc legem aut philosophando vivere, aut vivendo philosophari voluerunt, ii omni aetate debitas imprudentiae suae paenas dedere.

Lex V. Quod aliquando prodesse, nocere numquam potest, illi, quod interdum obesse solet, anteposito. Hujusmodi lex antecedentis est: confectarium, etque in omni vitae genere locum habet, sed in Medicina praesertim.

Lex VII. Caveto, ne de humanarum actionum meritis, aut de secunda adversaque earumdem fortuna ex peculiaribus eventibus judices. Aliquando enim vel optimos eventus habet ipsa fatuitas. Hinc qui tribus tessellis tres senarios prima vice jaciendos assumat, non ideo quod vicerit, prudenter se gessisse, dicendum est.

Monitum.

De probabilitate generatim legite à Gra-
vesandium, atque Bernoullium.

C A P U T II.

*De probabilitate in fortunae ludis aliisque
generibus conjectationum.*

A Generica probabilitatis consideratione
ad peculiarem descendimus. Cumque
haec vel in fortunae ludis aliisque simili-
bus conjectationum generibus, vel in di-
sciplinis spectari possit; hinc de utraque,
ac primum de prima pertractabimus. Jam
vero hujusmodi probabilitas aut symplex
est, aut composita.

§. I.

*De simplici, quae in fortunae ludis aliis-
que generibus conjectationum est,
probabilitate.*

Si unus tantum eventus ludentium
expectationi respondeat, ea dici symplex
probabilitas solet, idemque de alio conje-
ctationum genere dicendum est. Jam vero

omnis conjectatio hac lege dimetitur. *Probabilitas se habet ad certitudinem, ut casus, in quibus eventus propositus locum habet, ad omnes casus possibiles.* Itaque eventus omnes accurate spectandi, videndumque, quamnam ad eos rationem offerat eventus nostrae expectationis.

Quaesitum est 1. *Quo gradu probabilitatis prima vice duabus tesseris septem puncta jaciam.* Principio igitur advertam, duabus tesseris haberi posse puncta 2. 3. 4. 5. 6. 7. 8. 9. 10. 11. 12. Deinde vel illud spectaverim, non aequae facile hujusmodi puncta posse obtineri. Unica enim permutatione senarii & monadae, duabus 12 & 3, tribus 4 & 10, quatuor 5 & 9, quinque 6 & 8, sex 7 haberi possunt. Itaque reducendo, casus aequae facile contingentes erunt triginta sex. Cum vero ex superiori lege, probabilitas duabus tesseris septem puncta prima vice obtinendi se habere ad certitudinem debeat, quemadmodum numerus sex ad triginta sex; hinc ad problematis solutionem dicam, me in hypothesis eam habere vincendi probabilitatem, quae aequalis sit fractioni $\frac{6}{36}$, seu reductione facta, unam sextam partem certitudinis, quae hac altera fractione $\frac{1}{6}$ exprimitur.

Que-

Quaesitum est II. *Sitne major in insitis an in naturalibus variolis servandae vitae probabilitas?* Illud in primis cum Condaminio statuendum, determinato quodam temporis intervallo, insitorum, qui apud Anglos numerum 6398 exaequarunt, solos septendecim obiisse, nimirum, reductione facta; unum solummodo ex 376. Deinde illud quoque veluti firmum ratumque habendum, naturalium variolantium nunc septimam, nunc sextam, nunc etiam quintam partem interfici, ex concessione illorum, qui insitioni adversantur. Quamobrem minimam partem, quae septima est, ad supputationem adhibentes, in superiori hypothesis, numerus interfectorum variolis naturalibus erit 53, nulla habita ratione fractionum. His positis constat, probabilitatem moriendi in naturalibus variolis esse ut 53 : 376; in insitis vero ut 1 : 376. Atque hinc permutando, prima probabilitas erit ad alteram, ut 53 : 1. Sed probabilitas vitae est in ratione inversa probabilitatis mortis; ergo invertendo, probabilitas servandae vitae in insitis variolis est, ut 53, in naturalibus vero ut 1. Ergo tanto major in primis quaesita probabilitas, quanto major 53 relate ad unitatem.

Quaesitum est III. *Quanta sit probabilitas extrahendi prima vice globum nigrum*

*ex urna, in qua ignotus numerus contine-
tur globorum nigrorum alborumque? Hujus-
modi probabilitas nequit inveniri, nisi prius
iterum iterumque unus aut alter globulus
ab eadem urna extrahatur. Numerus enim
extractorum omnium se habebit ad nume-
rum nigrorum inter hos, ut cœritudo ad
probabilitatem quaesitam. In quo quidem
error potest inesse, sed repetitis observatio-
nibus adeo minuitur, ut aliquando etiam fere
evanescat. Hac methodo conjectationes fiunt
in aegritudinibus, in navigationibus, in
probabilitate vitae & mortis vel extra mor-
borum hypothesim, uno verbo, in omni
genere latentium phaenomenorum, quae
expectari solent.*

§ II.

*De composita, quae in fortunae ludis est,
probabilitate.*

Est probabilitas composita, quae ex plu-
ribus simplicibus resultat. Casus, in quibus
probabilitates componuntur, varii sunt di-
screpantesque; & quidem faciles videntur
esse, si ad simplicem probabilitatem redu-
dantur; difficiles vero sunt, si secus com-
putatio fiat, nempe, componendo. Nos in
adolescentium utilitatem unum solumma-

do exemplum elige-nus, idque ex Hugenio & Bernoullio desumptum.

Invenire, quot vicibus suscipere quis possit, ut una tessera 6. puncta jaciat. Est propositio 19. primae partis *De arte conjectandi*, cujus haec apud laudatos viros solutio. Si quis prima vice senarium jaccere contendat, apparet unum esse casum, quo vincat, habeatque id, quod pignoris loco, depositum est; quinque vero esse casus, quibus perdat & nihil habeat. Sunt enim quinque jactus contra ipsum, & tantum unus pro ipso. Quod autem depositum est vocetur a . Est itaque ipsi unica expectatio ad obtinendum a , sed quinque ad obtinendum o ; id quod tantumdem valet ac $\frac{1}{6} a$. Et manet pro eo, qui ipsi hunc casum offert $\frac{5}{6} a$. Ita ut tantummodo 1 contra 5 deponere possit, qui prima vice suscipere velit.

Qui duabus vicibus semel senarium jaccere certet, fors ejus hoc pacto computatur. Si prima vice sex jaciat, obtinet a . Si diversum eveniat, unus ipsi restat jactus, qui ex superiori tantum valet, quantum $\frac{1}{6} a$. Atqui ut prima vice sex jaciat, unus tantum casus est, & quinque casus, quibus diversum eveniat. Itaque ab initio unus casus est, qui det ipsi a , & quinque, qui dent $\frac{1}{6} a$, id quod

quod vale, $\frac{11}{36}a$. Unde contracertanti lusori
redit reliquum $\frac{25}{36}a$, adeo ut fors utriusque,
sive aestimatio expectationis eam servet ra-
tionem, quam habet 11 ad 25; idest, mi-
nus quam 1 ad 2.

Hinc eodem modo calculo subducitur,
quod fors ejus, qui tribus vicibus semel
senarium jacere suscipit, sit futura $\frac{91}{216}a$;
ita ut 91 contra 125 deponere possit, idest,
minus quam 1 ad 2.

Qui quatuor vicibus idem suscipit,
fors ejus est $\frac{671}{1296}a$; ita ut 671 contra 629
deponere possit, idest, plus quam 1 ad 1.

Qui quinque vicibus idem suscipit, fors
ejus est $\frac{4651}{7776}a$, & potest 4651 contra 3129
deponere, idest, paulo minus, quam 3 ad 2.

Qui sex vicibus idem suscipit, fors
ejus est $\frac{31031}{46656}a$, & potest 31031 contra
25625 deponere, idest, paullo minus quam
2 ad 1.

Supputationis hujus fundamentum est
hoc axioma: *Summa productorum ex nume-
ris casuum in id, quod quovis casu acqui-
ritur, divisa per numerum omnium casuum,*
ostendit valorem expectationis. De eo Ber-
noullius in scholio propositionis 3. lauda-
tae partis egit, eoque innixi, in adolescen-
tium, qui minus in supputatione valent, u-
tilitatem, hoc supputationis schema exhi-
bemus.

Casus

$$\text{II. } \frac{6a + aX5}{6 \cdot 6} = \frac{11a}{36}$$

$$\text{III. } \frac{36a + 11aX5}{36 \cdot 6} = \frac{36a + 55a}{216} = \frac{91a}{216}$$

$$\text{IV. } \frac{216a + 91aX5}{216 \cdot 6} = \frac{671a}{1296}$$

$$\text{V. } \frac{1296a + 671aX5}{1296 \cdot 6} = \frac{4651a}{7776}$$

$$\text{VI. } \frac{7776a + 4651aX5}{7776 \cdot 6} = \frac{31031a}{46656}$$

Dubitat Alambertus, an quae sunt aequae mathematicae possibilia, eadem aequae physice possibilia dicenda sint. Quae si vera essent, actum foret in hoc argumenti genere de exacto calculo probabilitatum. Videte eundem Alambertum in opusculis mathematicis.

Monitum.

De probabilitate in fortunae ludis differuere Hugenus, Jacobus & Nicolaus Bernoullius, Monmortius, 's Gravesandius. De ejusdem vero adplicatione ad vitalicia problemata Moirvrius, Robertus Gaeta alii, quae.

CAPUT III.

*De probabilitate in gravioribus
disciplinis.*

Disciplinas omnes, quibus aptari probabilitatis mensura potest, ad quatuor veluti suprema genera reducimus, nimirum, ad Physicas, Medicas, Juridicas, Politicas. Quemadmodum igitur sit in his conjectandi ars exercenda, breviter exponendum nobis est.

§. I:

De probabilitate physica.

Omnis physica conjectatio aut causam quaerit detecti per observationem & experimentum phaenomeni, aut nova naturae facta investigatur, quibus jam detecta illustrentur explicenturque. Ad primum quod attinet, jam tritum illud Physicorum omnium sermone proverbium: *Felix, qui potuit rerum cognoscere causas*. Quod non de omni causarum intelligendum est genere. Quippe nonnullae sunt cum a veteribus, tum a recentioribus detectae, aliaeque deteguntur in dies, ubi observationum, ratque

atque experimentorum uberior fiat accessio. Id itaque de causis genericis deque remotioribus, id de Providentiae ordine intelligendum, quo in sensu vel ipsa Scriptura ait, mundum traditum disputationi hominum, ut quanto magis quaesierint, tanto minus inveniant. Seu etiam id non de metaphysica, ut inquiunt, sed de morali impossibilitate interpretandum est.

Cum de optimo naturae interprete prima parte libri primi decreverimus, solam illi habendam rationem phaenomenorum, putabit fortasse quispiam, nullum locum in re physica ad causae inventionem conjectationibus esse. Sed cum ad ipsam investigationem causarum sola eundem phaenomenorum via & ratione praescribamus, patet, quanta sit doctrinae nostrae consensus, ubi haec cum illis accurate comparentur. Itaque vel ad hunc finem conjectandum, dummodo id non per abstracta systemata, non per vanas hypotheses, sed per observationes & experimenta fiat.

Quo plures institutae observationes fuerint, quo plura experimenta confecta, eo majora nobis erunt, ad causas inveniendas, fundamenta conjectandi. Magna enim copia observationum experimentorum, quae rerum vincula, cognationes, rationes, quae bene philosophantibus offert. Haec

autem omnia vel ad causae ducunt inveſtigationem; vel quid pro causa haberi nequeat, ostendunt; vel ignorationis nostrae fines ita constituunt, ut in iis quoque agnoscendis mirifice oblectemur.

Sed omnium ferme conjectationum ratio ad causas detegendas hisce principiis nititur, quae sunt etiam celeberrimo Newtono probata. 1. *Non plures sunt admit- tendae causae, quam quae verae sunt, & phaenomenis explicandis sufficiunt.* 2. *Aedem causae eisdem producant effectus, similes producant similes.* Quae duo analogicam dis- cernendi methodum spectant, ac proinde summa cum cautione adhibenda.

In altera vero phisicae conjectationis parte, qua solum nova phaenomena ad reliqua illustranda perquiruntur, uberior conjectandi provincia est, ac se plurimum in ea exercuere hujus saeculi nostri Phisici praestantissimi, quos inter Franklinus & Beccharia, Josephus Priestleyus, Felix Fontana, Bonnetus, Spallanzanus alique. In quo illud summopere cavendum est, ne ad phaenomena explicanda animo jam systematibus imbuto accedamus. Hoc enim pacto illud *Anti-Phisicae* crearetur genus, cujus institutio in votis est Alamberto, ad philosophorum audaciam compe- scendam, Sed haec ex iis, quae prima par-

te libri primi dicta sunt, uberius explicanda. Ad reliqua pergamus.

§. II.

De probabilitate medica.

Longe procul a systematibus sit opotet, qui laudabiliter velit & fructuoso medendi artem profiteri. Hinc medica facultas, quae tota systemati refertur accepta, teterrima pestis mortalium vocari potest. Erit itaque conjectandi ars in re medica ars restituendae valetudinis, ducta ex comparatione sanabilis morbi cum reliquis ejusdem generis aegritudinibus.

Aegre tulit Senachius, artem hanc in Medicinam invec̃tam, deque ea a viro maximo paratam institutionem. Sed cum suprema certitudo aut numquam, aut fere numquam in valetudinum haberi curationibus possit, quid Peritis in arte faciendum est, si fuerit illis prudens interdictus usus conjectationum? Conjectationes Sylvii aliorumque, qui omnia morborum genera vel ad acidos & alkalinos sales, vel ad sanguinis impeditam turbatamve reduxere circulationem, vitiosae sunt, propterea quod systematicae. Secus de alio conjectationum genere cogitandum.

Cac-

Caeterum aequè Senachius atque Alam-
bertus in eo conveniunt, ut solis sive pro-
priis, sive alienis observationibus iisdemque
rectè institutis comparatisque, salutaris possit
ars exerceri. Hinc Hallerus in commen-
tariis ad prolegomena praelectionum im-
mortalis Boerhaavii haec habet : *Qui medi-
cinae se addixit, tenetur ex scientiae no-
strae natura, ut addiscat id omne, quod
de universa arte aut veteres, aut recen-
tiores certum & indubitatum docuerunt ;
deinde ut his demonstratis fideliter addat
proprias observationes suas, ea certe perfe-
ctione, quae in humanum intellectum cadit.*

Optandum maxime foret, ut singu-
larum provinciarum regnorumque Medici
quamdam inter se societatem inirent, in
qua sibi invicem proprias communicarent
observationes. Quam propositionem pro
Galliarum regno, Fontenellio teste, a Chi-
sachio factam novimus. Hac enim ratio-
ne Medicinae praesidia auferentur, quaeque
uni tantum regioni utilia extitere, ube-
riorem usum aquirerent.

Optandum quoque, ut in tanta medi-
carum institutionum copia duo genera in-
stitutionum haberemus, quorum unum
Medicina praeservativa, alterum *Medicina
negativa* inscriberetur. Aequè enim interest
scire, quid agas, ut convalescas, aut a
quo

quo abstineas, ne ruat res in deterius. Æque nosse juvat ea, quae possint valetudinem restituere, ac quae eandem tueri valent.

§. III.

De probabilitate Iuridica.

Si ars conjectandi praecipuum locum habet in Medicina, ea neque a Iurisprudencia longe abest. Sed in hac disciplina principia firma atque stabilia sunt. Quae enim a jure naturae pendent, nullas ea vicissitudines patiuntur. Quae vero juris positivi dicuntur esse, ab hominum voluntate pendent, demptis iis, quae Dei fancita imperio extitere. Hinc si in Medicina aliquando morbi remediique ignotum genus est, in Iurisprudencia sola morborum ratio potest ignorari; quippe remedia ab ipsa lege exhibentur. Ex quo efficitur, omnem conjectandi artem in Iurisprudencia eo pertinere, ut id, quod sub legis, ut inquiunt, casu venit, summa cum aequitate statuamus.

Jam leges universae ad quasdam veluti genericas praescriptiones reducuntur, quarum nulla de peculiaribus videtur esse sollicita, Hinc L. XI, D. *De legibus & Senatus*

Senatus Consultis statutum legimus: Non possunt omnes articuli singillatim aut legibus aut Senatus Consultis comprehendi. Sed cum in aliqua causa sententia eorum manifesta est, is, qui jurisdictioni praeest, ad similia procedere, & ita jus dicere debet.

Optimae igitur conjectationes in re juridica a solis Philosophis institui & perfici poterunt. Quod exemplo probarunt suo veteres Iurisconsulti, cum illorum plerique ex Stoica disciplina prodierint. Philosophorum est, ea, quae in eventibus similitudinem & quasi cognationem habent, ad genericas leges, ad praescripta generatim jura reducere. Nisi id fuerit egregie praestitum, inutiliter leges, perniciose crimina augebuntur.

Sed quae conjectandi provincia Philosophis reservatur, ea a vanis subtilitatibus, a sophistica disserendi ratione, ab iisque interpretationibus debet abesse, quae non juris aequitatem, sed solam ingeniorum subtilitatem ostendunt. Multa sunt in hac re a Sapientibus observata, sed quae Muratorius habet, lectu dignissima haberi debent.

§. IV.

De probabilitate politica.

Omnes homines plurimum hominibus & profunt & obfunt. Solius virtutis est conciliare animos hominum, & ad usus suos adjungere. Atque in hoc politica conjectandi ars versatur, ut hominum studia complectamur. Iam vero, quotquot sumus, his de causis aliorum inservire utilitatibus consuevimus. Ducimur enim aut benevolentia, aut beneficiorum magnitudine, aut dignitatis praestantia, aut spe nobis id utile futurum, aut metu, ne vi parere cogamur, aut spe largitionis promissionibusque capti, aut postremo mercede conducti, quorum duo prima virtuti propiora sunt.

Omnium rerum nihil aptius, quam diligere, nihil alienius, quam timeri. Malus custos diuturnitatis est metus; contraque benevolentia fidelis est vel ad perpetuitatem. Sed benefica voluntate benevolentia movetur, inprimisque amor multitudinis commovetur ipsa fama & opinione liberalitatis, beneficentiae, justitiae, fidei, omniumque earum virtutum, quae pertinent ad mansuetudinem morum, ac facilitatem.

Fides

Fides ut habeatur, duabus rebus effici potest, prudentia, nimirum, atque iustitia. Iis fidem habemus, quos plus intelligere, quam nos arbitramur. Iustis autem & fidei hominibus, idest, bonis ita fides habetur, ut nulla sit in his fraudis injuriaeque suspicio. Harum duarum ad fidem faciendam iustitia plus pollet, quippe cum ea sine prudentia satis habeat autoritatis, prudentia sine iustitia nihil valeat ad faciendam fidem. Quo enim quis versutior & callidior est, hoc invisior & suspectior detracta opinione probiratis.

Haec Tulliana politices principia sunt, vera illa quidem, sed minus probata quibusdam philosophantibus. Horum opinio est, humani generis benevolentiam ab ejusdem utilitate pendere, sola cujuscunque regi *philantia*, ac proinde hominem homini lupum esse, credendumque nemini, aut saltem post diuturnum experimentum paucis. Quae si vera essent, sequeretur, solam hominum assentationem in re politica artis conjectandi fundamentum esse. Quae ars eo intricatior, quo obscurior est cognitio hominum, difficiliorque praevisio adjunctorum, in quibus vel ab amicis ipsa inge-
piorum ratio immutatur.

Disciplinarum probabilitas earumdem studio magis quam legibus praeceptionibusque innotescit. De ea agit Alambertus.

P A R S III.

De consequentiis systematicis.

PLurium veritarum copulata series systema generatim appellatur. Quo in sensu nulla est consequentia, quae systematica dici jure non debeat. Sed systematici nomen peculiarem quamdam habet significationem. Eo enim minus aequa idearum judiciorumque cognatio intelligitur, quae si semel infederit animis philosophorum, omnia putantur indubia, quae inde argumentando consequuntur. Fac, cometae reditum alligatum semel ideis calamitatum malorumque. Quis infortunia quaeque praesertim publica redeunti cometae non tribuat? Ex falso, de quo loquimur, systemate systematicam consecutionem habes. Iam vero quaevis falsa veritatum cognatio vel ab affectuum disciplina est, vel ab educatione vel a propria ratione philosophandi. Quare primum de consequentiis affectuum, deinceps de reliquis pertractabimus.

CAPUT I.

*De consequentiis systematicis
ab affectibus.*

Boni malique perceptiones cum voluptate & dolore conjunctae appellantur affectus: qui quamvis ad amorem reduci possint universi, ad sex tamen capita eodem reducemus. 1. Enim amorem. 2. Odium. 3. Spem. 4. Metum. 5. Laetitiam, 6. Tristitiam, & quae sunt his affinia considerabimus.

§. I.

De consequentiis ab amore.

Animi commotio, qua ad sibi convenientium objectorum societatem impellitur, amor est juxta Cartesium. Hujusmodi affectu bona omnia prosequimur, & aliquando ad virtutem excitamur. Sed plerumque vitiorum quasi segetem in amore reperimus. Itaque ubi ille insanierit, haec veluti habet confectaria. 1. modum rationemque turbat judiciorum omnium. 2. amatae rei virtutes exhibet praestantiores. 3. vitia ipsa pro virtutibus repraesentat. Hinc celebre illud;

Amare

Amare & sapere vix Deo conceditur.

Quod si idem amor ad honorem referat universa, *ambitio* dicitur, cujus haec consequentia legitima. 1. laudis desiderium vehemens. 2. maxima priorum idea meritorum. 3. reliquorum omnium contemptus.

§. II.

De consequentiis ab odio.

Amori opponitur odium, quod animi commotio est avocans ab objectis, quae nobis noxia videntur esse. Quantum iudicia nostra ab amore, tantumdem ab odio perverti solent. Hinc pulchritudinem ipsam veluti deformitatem, virtutes tamquam vitia odio abrepti intuemur. Christus miracula patrat? Systematicum Iudaeorum consequens intuimur. In *Belphebus Daemoniorum Principe daemonia ejcit*. His similia habent *ira*, atque *invidia*, quae cum odio sunt quamsaepeissime copulata. Et ad invidiam quod attinet, quae & quanta sint ejus confectaria, egregie detexisset Ioannes Clericus in suo *Argumento Theologico ab invidia ducto*, nisi rem hanc exemplis illustrans, in idem vitium, vitium ipsum corrigendo, incidisset,

§. III.

De consequentiis a spe.

Spes dicitur animi commotio, orta ab expectatione futuri boni. Hujusmodi affectus cum *desiderio* est natura suapte conjunctus. Praecipuum ejus consecutarium est nimia credulitas. Quod enim volumus facile credimus. Hinc Hebraei Messiae adventum adhuc sperantes sibi facile imponi patiuntur. Idem praestant Alchimistae in iis, quae de auri confectione enarrantur, fabellis.

§. IV.

De consequentiis a metu.

Commotio animi, nata ex opinione impendentis mali, metus appellatur. Affectuum nullus est, qui hominibus magis quam timor illudat. Res enim refert ab eo, quod sunt, omnino diversas.

Et solem geminum & duplices se ostendere Tiberis.

Reliqui affectus paulatim rationem turbant; hic vero repentino quasi motu
cam.

eamdem excutit. Cum publice timor dominatur, incredibile dictum est, quot impune fingantur credanturque. Hinc invisibilia hinc incompraehensibilia vulgata opinio. Talia sunt, quae de magia nigra, de Sagis, Lamiisque referuntur.

§. V.

De consequentiis a laetitia.

Laetitia est commotio animorum, nata ex percussione praesentis boni. Quum laetitia, quam dicunt gestientem, subit animum, facit, ut nulli rei serio incumbamus, ut omnia nullius fere momenti reputemus, obliviscamur omnia, ut denique velut ebrii ad errores & scelera rapiamur. Huiusmodi affectu in quot nefanda lapsi non sunt viri caeteroquin sanctissimi,? Celebre quoque est, quod de Alexandro laetitia gestiente refert Curtius

§. VI.

De consequentiis a tristitia.

Tristitia est animi commotio, nata ex percussione mali praesentis. Qui ea agitur, solitudinem amat, spernit societatem.

tem. Vel hujusmodi affectus aliquando ruit ad insaniam, ac spem omnem de medio tollit, unde *desperatio*. *Suicidarum* judicia quibus ad mortem sibi inferendam impelluntur, sunt commotionis hujus confectaria.

Monitum.

De hoc argumenti genere scripsit De la Chambre in opere *Les Caracteres des passions*.

C A P U T II.

*De consequentiis systematicis
ab educatione.*

Varia & multiplex hominum educatio. Ea tamen ad quatuor quasi classes referri potest. Et quidem 1. Ad sensus. 2. Ad parentes. 3. Ad populum. 4. Ad praeceptores.

§. I.

*De consequentiis ab educatione
sensuum.*

Primam educationem a sensibus accipimus. his enim extrinseca omnia referuntur.

runtur, statim ac in lucem prodire datum est. Iam vero primis vitae momentis nondum evoluta organorum structura est, quaeque mentis reflexio appellatur, omnino deest. Itaque plures ope sensuum aquiruntur ideae, quae partim obscurae, partim inadaequatae, partim confusae sunt, omnes autem a securitate procul positae, quippe fortuito solum comparantur. Ratione destituti, dum adhuc infantes sumus, nullo opportuno utimur examine; ac res eum in modum esse, quemadmodum repraesentantur, facile credimus. Interim cum hisce falsis ideis quamdam veluti familiaritatem inimus, donec repetitis impressionibus haec ipsa familiaritas in consuetudinem commutatur. Facilius Herculi clavam, quam tibi hanc primam institutionem subtrahas.

Confectaria, quae ad hoc caput reducuntur, sunt errores ferme omnes de rebus incorporeis. Quae enim intelligi deberent, conamur eum in modum imaginari, quemadmodum ope sensuum referri caetera consueverunt.

Praeterea ea solum existentia propugnamus, quorum sensationes percepimus. Hinc quae sensuum imperfectione non attingimus, tamquam non existentia reputamus. Microscopia, & telescopia ad huius-

modi corrigendos errores instituta sunt.

§. II.

De consequentiis ab educatione Parentum.

Parentum institutio in omnem vitae partem propagatur uberrime, manetque alta mente repositum quidquid ab iis haustum acceptumque fuit. Hinc maxima qua pollent auctoritate plurium errorum & praejudiciorum causas suppeditant. Id vel in disciplinis, id vel in religione ipsa locum habet. Quae studia a Parentibus exulta, eadem commendata liberis nepotibusque. Quae vero improbata maioribus, eadem & improbanda filiis proponuntur.

Quid dicam de moribus? Sunt in familiis nonnulli mores quodammodo haereditarii. Sunt in iisdem opiniones aut falsae, aut deridiculæ, aut singulares. Idem de religione putandum est. Cum enim vel ipsa religio tenellis pueris explicetur, nisi ea pure castequè fuerit a Parentibus tradita, aut in atheismum, aut in superstitionem vertitur.

Hinc confectaria adversus mathematicae aliarumque disciplinarum studium.

Hinc

Hinc prava judicia de duellis, de proprii generis nobilitate stultiloquia, contemptus demum illorum, qui fumosarum imaginum commendatione carent.

§. III.

De consequentiis ab educatione populi.

Incredibile dictu est, quot sint Populi praejudicia. *Populus*, auctore Verulamio, *est instar fluminis, quod gravia mergit, levia transuebit*. Is ut plurimum vera virtutis idea destituitur. Ea, quae intelligit, probat, quae vero supra captum mentis suae sunt, contemptui habere solet. Patriis traditionibus nimis aequo deditus, fabellas pro veritate venditat. Vera putat miracula, quae aut impostorum opera extitere, aut naturae arcana dicenda forent.

Quaenam consectaria debeant ab huiusmodi educatione proficisci, nemo est, qui non videat. Omnium nostrum necessaria cum eodem populo consuetudo est, eamque evitare vix possumus. Itaque erroribus falsisque opinionibus inquinemur oportet.

§. IV.

*De consequentiis ab educatione
Praeceptorum.*

Summa Praeceptorum auctoritas esse solet, eaque in liberorum institutione gravissima. Pythagoricorum mos & consuetudo erat rogantibus respondendi: *ipse dixit*. Ipse autem erat Pythagoras. Quid si Praeceptorum disciplina a veritate pimum abhorreat? Mordicus ea defendi vult, proque *aris & focis* propugnari. Ex hoc fonte manarunt Sectae veterum philosophorum. Ex eo quasi divinus Stagyritae cultus, & pro Renato Cartesio incredibilis fanaticismus ortus est. Sed nobis Eclecticorum in morem philosophandum. Qui enim in alterius verba juravit,

Libertate caret, dominum vebet improbus, atque

Serviet aeternum, ingenio quia nescit uti.

Haec vera philosophandi ratio est, probata in primis Lactantio aliisque. Et quidem Lactantius haec habet; *Quare oportet in ea re maxime, in qua vitae ratio versatur, sibi quemque confidere, suoque judi-*

judicio ac suis sensibus niti, ad investigandam & perpendendam veritatem, quam credentem alienis erroribus decipi, tamquam ipsum rationis expertem. Dedit omnibus Deus pro virili portione sapientiam, ut & inaudita investigare possint, & audita perpendere. Nec quia nos illi (nempe majores.) temporibus antecesserunt, sapientia quoque antecesserunt; quae si omnibus aequaliter datur, occupari ab antecedentibus non potest. Illibabilis est, tamquam lux & claritas solis, quia ut sol oculorum, sic sapientia lumen est cordis humani. Quare cum sapere, idest, veritatem quaerere omnibus sit innatum, sapientiam sibi adimunt, qui sine ullo judicio inventa majorum probant, & ab aliis pecudum more ducuntur. Sed hoc eos fallit, quod majorum nomine posito, non putant fieri posse, ut aut ipsi plus sapiant, quia minores vocantur, aut illi desipuerint, quia majores nominantur.

Monitum.

De praejudiciis ad educatione fluentibus consulite Cartesium medit. 1. Locium aliosque.

CAPUT III.

*De consequentiis systematicis
a propria ratione
philosophandi.*

Postquam institutum a philosophis systema est, siue verum illud sit, siue falsum, ad consequentium illud deductionem accedunt. In quo ex propria philosophandi ratione necessarias ubique consecutiones intuentur, tametsi quod inde argumentando conjiunt, a solis ut plurimum hypotesium praestigiis repetendum esse videatur. Atque hoc philosophorum semper omnium est vitium, quod quam teterrium illud sit, exemplis explicauero.

§. I.

*De systemate Epicuri atque
Hobbesii circa corpoream
animorum rationem.*

Notum exploratumque est, Epicurum atque Hobbesium in animorum constituenda natura delirasse, nullaue habita simplicissimae cogitationis ratione, eundem animum materiale atque corporeum fecisse. Hoc utique falsum systema erat

ac proinde solum falsae, quantumvis necessariae, duci ex eo poterant consecutiones hujusmodi: ergo *mechanicae sunt animorum operationes: ergo animus pereunte corpore dissolvitur.*

§. II.

De systemate Aristotelis circa mundi aeternitatem.

Aristoteles Deum non propria ratione, sed naturae necessitate operantem sibi falso systemate repraesentavit. Eundem itaque fato quodam abreptum esse voluit, eundemque in operando soli consimilem dixit: Quidnam ex falso hujusmodi systemate consequi poterat? Nimirum, falsa mundanae aeternitatis consequentia. Si enim sol ab aeterno foret, una cum eo aeternus quoque radius extitisset. Hinc si Deus per Aristotelem est mundi Opifex, nonnisi aeternum esse ejus opificium potuit.

§. III.

§. III.

*De systemate Cartesii circa
corporis essentiam.*

Cartesius essentiam corporis in uno tantum attributo reponendam duxit, putavitque attributorum omnium illud veluti primum esse, a quo caetera fieri in eodem corpore viderentur. Unde concludit, sola extensione corporis essentiam contineri. Mirantur nonnulli, quidnam causae fuerit, ut idem philosophus vacuum vel divina omnipotentia impossibile sustinuerit. Id tamen systematica erat ab constituta corporis essentia deductio. Ubi enim per Cartesium superest extensio, ibi superesse corpus necesse est.

§. IV.

*De systemate Spinozae circa
substantiae unitatem.*

Benedictus Spinoza, posita arbitraria suo definitione substantiae, ex qua coniecerat, fieri nulla ratione posse, ut duae ejusdem attributi substantiae reperiantur, tandem vel illud quamquodmaxime paradoxum intulit, nullam aliam substantiam praeter Deum existere, omnemque extensionem cogitationemque substantia hujus

hujus attributa esse. Nemo est, qui non videat vaferrimum Pantheistam consequentiis systematicis usum. Si enim Spinozae substantiae definitionem negaveris, si *logomachiam* ejus detexeris, corruet statim Spinozistica moles, universum de unitate substantiae systema corruet.

§. V.

De genericis cautionibus ad evitandas consequentias systematicas.

Consequentiae systematicae aut a pravis abstractionibus, aut ab inanitate hypothesis proficiscuntur universae. Quid igitur ad eas praecavendas faciendum nobis erit? Nimirum, pravae abstractiones fugiendae, vitandaeque hypotheses, quae ad thesim observationibus & experimentis reduci commode nequeant. Quam si legem Scholastici Cartesianique religiose servassent, nihil profecto absonum a veritate in philosophia sua posuissent. Quod Dialecticis nostris maneat alta mente repositum volumus rogamusque.

Et quoniam vel in ipsa observandi & experiendi ratione systematis amor mirifice potest illudere, omni studio diligentiaque videndum, ne hoc amore systema-

tis ea tamquam generica reputemus, quæ
 pecularia omnino sunt. In hac philosophiæ
 luce magna certe Observatorum est copia.
 Sitne æqualis, qui recte observent, copia
 philosophorum, nec satis scio, nec si sciam,
 dicere ausim.

Fuit olim Etruria nostræ observationum
 experimentorumque magistra, nata institu-
 tioni artium optimarum. Ab ea cæteræ
 gentes observandi & experiundi primas quasi
 leges didicere. Quid nunc otio torpent ple-
 rique, quid fere in tenebris delitescunt?

Possumus
.. lucem sperare novam, si quid modo **LAETUS**
Annus .

Monitum

De consequentiis systematicis Condillac
 cum consulite.

A P P E N D I X

De extrinsecis ratiocinandi formis.

PRæter intrinsecam, quam hætenus in
 Dialectica exposuimus, ratiocinandi for-
 mam, est quoque illa, quam extrinsecam
 dicunt, de qua breviter differendum no-
 bis est.

Omnis

Omnis extrinseca ratiocinii forma ad Syllogismum, ad Epicherema, ad Enthymema, ad Soritem, ad Dilemma, ad Exemplum reducitur.

Syllogismus est argumentationis species, quae ex tribus propositionibus rite dispositis constat. Harum propositionum prima vocatur *major*, quia *maius extremum*, nempe, praedicatum continet propositionis controversae. Altera dicitur *minor*, quia *minus extremum* habet, nempe subjectum ejusdem controversae propositionis. Major vero minorque simul dicuntur *praemissae*, eo quod praemittantur ad inferendam conclusionem. Tandem tertia appellatur *consequentia*, *Consequens*, seu *conclusio*, propterea quod consequatur concludaturque ex praemissis. En exemplum:

Quod cogitat incorporeum est.

At mens humana cogitat;

Ergo mens humana est incorporea.

In hoc exemplo propositio controversa est: *num mens humana sit incorporea?* Hujus praedicatum est *id incorporea*, subjectum vero est *id mens humana*. Quare patet, cur prima exempli propositio sit vocanda major, cur etiam altera minor sit appellanda.

Prae-

Praeterea cum in omni ratiocinio duae ideae comparentur cum tertia, videndum est, quo artificio instituenda sit hujusmodi comparatio. Ex geometricis axiomatibus patet, *ea quae sunt eadem uni tertio, esse quoque eadem inter se*: quemadmodum etiam, *si duorum unum sit idem cum tertio, cum quo alterum non est idem, ea neque eadem esse posse inter se*. Itaque dum extrema propositionis controversae cum medio termino in syllogismo comparantur, ad hujusce comparationis naturam diligenter advertendum est. Si enim quae in praemissis cum medio termino comparantur, cum eodem utraque exacte conveniant, ea vel inter se convenire in eadem conclusionem debent. Unde conclusio affirmativa esse debet. Sin vero in eadem comparatione unum cum medio termino conveniat, alterum vero ab eodem discrepet, ea neque inter se poterunt convenire. Ex quo sequitur, conclusionem negativam esse oportere. En exemplum syllogismi affirmativi.

Quod projcit umbram rotundam, rotundum est.

At tellus projcit umbram rotundam, ut patet in lunari eclipsi.

Ergo tellus rotunda est.

In hoc exemplo comparata sunt *tellus* atque *rotunditas* cum medio termino *pro-*
je-

jectionis umbræ rotundæ. Cumque utraque convenire cum *tertio* reperta fuerint; inde conclusum est, ea vel inter se convenire, quod de phisica telluris rotunditate intelligendum est. En exemplum syllogismi negativi.

*Quod societatis conservationi opponitur,
non est permittendum.*

*At Suicidium societatis opponitur conser-
vationi.*

Ergo illud non est permittendum.

In hoc exemplo comparatum est *suicidium*, & ipsum *jus permissionis* cum eo quod *opponitur societatis conservationi*. Constitit autem illorum unum convenire cum *tertio*, alterum discrepare ab eodem. Quare jure meritoque negative conclusum est.

Cum syllogismus sit ratiocinandi forma synthetica; hinc ab universalibus atque genericis conclusiones deducit suas. Hinc etiam jure a Scholasticis statutum, in omni syllogismo saltem unam propositionem universalem reperiri debere. Quod ut facilius intelligatur, sciendum, vim omnem affirmativi syllogismi ab hoc altero principio pendere: *Quod affirmatur de genere aut specie, idem de quolibet contento sub illo genere aut specie affirmandum est*. Quemadmodum

dum etiam negativi syllogismi veritas ab hoc principio repetenda est: *Quod negatur de genere aut specie, idem de quolibet contento sub illo genere aut specie negandum est.* Ad perfectam syllogismorum efformationem hae sunt leges observandae.

Lex I. Syllogismus ne pluribus quam tribus terminis constet, extremis, nempe, duobus propositionis controversae & medio termino.

Lex II. Oportet, semel saltem medium universaliter sumi, idque seu sit medium identitatis seu distinctionis.

Lex III. Termini consequentis esse nequeunt universaliiores, quam sint in praemissis.

Lex IV. Ex praemissis negantibus nihil concludi potest.

Lex V. Ex affirmantibus nequit concludi negando.

Lex VI. Si alterutra praemissarum fuerit negans, consequens erit negans.

Lex VII. Si alterutra praemissarum fuerit particularis, consequens erit particulare.

De syllogismorum modis figurisque disputare non vacat. Qui rem hanc ad eruditionem velit intelligere, adeat Arnaldum. Ad sophismata quod attinet, illud unum observasse sat est, nullum esse in omni syllogismo-

gismorum ratione sophisma, quod a medii termini inconstantia & vicissitudine non pendeat.

Epicherema est quaedam syllogismi species, cui vel utrique praemissae, vel alterutri probatio adjungitur. En exemplum.

Quod premit corpora deorsum grave est.

Hoc enim gravitatis nomine vulgo intelligitur.

Sed aer premit corpora deorsum, ut patet experimentis & observationibus;

Ergo aer gravis est.

Enthimema est argumentationis species, quibus propositionibus constans, quarum prima dicitur *antecedens*, altera *consequens*. Ea ad syllogismum facile reducitur. En exemplum.

Deus est ens perfectissimum.

Ergo mentiri non potest.

Laudatum enthimema hac ratione ad syllogismum reduceretur.

Quod perfectissimum est non potest mentiri;

Sed Deus est ens perfectissimum;

Ergo Deus mentiri non potest;

Soritem vocant Dialectici acervum propositionum, ita inter se cohaerentium, ut prioris praedicatum fiat subiectum consequentis, donec primae enunciationis subiectum una cum postremae praedicato componatur. En exemplum:

*Quodlibet corpus est in aliquo spatio;
 Quod est in aliquo spatio potest esse successive
 in alio;
 Quod potest esse successive in alio spatio,
 potest mutare spatium;
 Quod potest mutare spatium est mobile;
 Ergo quodlibet corpus est mobile.*

De hac argumentationis specie videte Gualbertum de Soria in Diacrysi.

Dilemma est argumentatio, quae *cornuta* etiam dici solet, quod ejus antecedens duabus partibus constet, utrinque incommodum adversario offerentibus. En exemplum:

*Uxorem aut deformem duces, aut pulchram.
 Si deformem, tibi non placebit;
 Si pulchram, placebit aliis;
 Ergo tibi uxor ducenda non est.*

Vitia dilemmatis eadem omnino sunt ac vitia propositionis disjunctivae. Praeterea cavendum in dilemmate, ne illud facillime possit retorqueri. Quod in superiori dilemmate hunc in modum contigisse novimus:

*Uxorem si pulchram ducam, placebit
mibi;*

Sin deformem, non placebit aliis;

Ergo mibi uxor ducenda est.

Exemplum est argumentatio, in qua ab uno simili ad aliud simile concludimus.

Ex. g.

*Alimenta corporis opportune ac debitis cum
cautionibus corpori tribuenda.*

*Ergo à pari & alimenta spiritus, quae
studia sunt, itidem opportune ac debitis
cum cautionibus spiritui concedenda.*

Haec argumentationis species magis oratoria, quam philosophica est. De inductione nihil dicam. De ea quippe superius pertractatum uberrime.

F I N I S

ERRATA CORRIGE

Pag. lin.

47	17	propagatio fit	propagatio fit
19	23	ab odori	ad odori
20	6	perpetua.	pertusa
21	5	CAPUT VI.	CAPUT IV.
41	10	istest	idest
143	11	Mors	Mars
181	26	existentia Con- ditoris	existentiam Con- ditoris
192	25	argumentorum non apparen- tium	argumentum non apparentium

Caetera

Lectori benevolo.





005641839 by Google







CAROLUS
DE AQUINO
SOCIETATIS JESU
ORATIONUM

Tomus 1.


Complectens Funebres.



ROMÆ, MDCCIV.

Ex Typographia Antonii de Rubeis
in Platea Cerenſi.

Superiorum Permiſſu.



MICHAEL ANGELU TAMBURINUS

Vicarius Generalis Societatis JESU

CUM Tomum primum, & secundum O
tionum P. Caroli de Aquino, Societatis
stræ Sacerdotis, aliquot ejusdem Societa
Theologi recognoverint, & in lucem edi p
se probaverint, facultatem facimus, ut
pis mandetur, si iis, ad quos pertinet ita
debitur. Cujus rei gratiâ has litteras ma
nostrâ subscriptas, & Sigillo nostro muni
dedimus. Romæ 29. Martii 1704.

Michael Angelus Tamburinus.

IMATUR.

Reverendissimo Patri Magistro
Apostolici.

is de Zaulis Episc. Verul. Vicesg.

~~~~~  
iones P. Caroli de Aquino è So-  
esu Paternitatis Tuæ Reveren-  
su accuratè diligentèrque perle-  
is non modò nihil offendi quod  
ni, aut honestis moribus adver-  
d omnia potiùs cum summi Ora-  
dignissima animadverti ob dicen-  
avitatem, atque elegantiam, tum  
arum luminibus illustrata, quæ  
audis aut ex literis, aut ex præcla-  
us petendæ viam facilè ostendant.  
rebus cum summam utilitatem le-  
fferre possint, studiisque litera-  
arum prodesse, dignissimas esse pu-  
publicam lucem edantur.

*Vincentius Santinus.*

~~~~~

IMATUR.

a Carus Mag. & Soc. Reverendissi-
Paulini Bernardini S. P. A. Mag.

IN-

Innocentium XII. Pontificem Maximum.

ORATIO V. *In Funere ejusdem Joannis III. Poloniae Regis. Habita à nobili Polono in inclytæ Nationis Polonæ Templo S. Stanislai, inter Sacra Exequialia eidem celebrata ab Eminentissimo, & Reverendissimo Principe Carolo S. R. E. Cardinali Barberino, Poloniae Protectore.*

Descriptio Exequialis pompæ, in Templo S. Stanislai inclytæ Nationis Polonæ exhibitæ in Funere Joannis III. Poloniae Regis ab Eminentissimo, & Reverendissimo Principe Carolo S. R. E. Cardinali Barberino, Poloniae Protectore.

ORATIO VI. *In Funere Eleonoræ Austriacæ, Poloniae Reginae, Lotharingæ Barrique Ducis. Habita in Aula maxima Collegii Romani.*

ORATIO VII. *In Funere Aloisii Homodei S. R. E. Cardinalis. Habita in Templo S. Marcelli Ordin. Patrum Servorum S. Mariæ.*

ORATIO VIII. *In Funere Dominici Puteobonelli Ordinis Prædicatorum, Sacri Palatii Apostolici Magistri. Habita in ejusdem Ordinis Templo Deiparæ Virginis supra Minervam.*



INDEX ORATIONUM

Quæ Tomo II. continentur .

ORATIO I. **I**N Electione Clementis XI.
tificis Maximi .

ORATIO II. *Expenditur & illustratur Epiphæ , tabulæ marmoreæ incisa , & F
Collegii Romani præfixa , RELIGIO
AC BONIS ARTIBUS ; & ostendi
nullas esse sine Religione artes vanas ,
bita in Aula maxima Collegii Roman
solenni Studiorum instauratione .*

ORATIO III. *Sapientiam neque ostentari
esse , neque occultandam . Habita in
la maxima Collegii Romani , in so
Studiorum instauratione .*

ORATIO IV. *De Armorum & Literarum
diis componendis . Habita in Aula m
ma Collegii Romani in solenni Studie
instauratione .*

ORATIO V. *De ineffabili Humanæ Salutis
paratæ Mystério .*

ORATIO VI. *De Sancti Spiritus adventu .
bita à Seminarii Romani Convictor*

*Sacello Pontificio ad Innocentium XI.
P. M.*

ORATIO VII. *De Sancti Spiritus adventu. Habita à Seminarii Romani Conviatore in Sacello Pontificio ad Innocentium XII.
P. M.*

ORATIO VIII. *De Sancti Spiritus adventu. Habita à Seminarii Romani Conviatore in Sacello Pontificio ad Clementem XI. P. M.*

ORATIO IX. *In die Sacra Cinerum.*

ORATIO X. *De laudibus B. Aloisii Gonzagæ.*

ORATIO XI. *De laudibus B. Aloisii Gonzagæ.*

ORATIO XII. *De laudibus B. Aloisii Gonzagæ.*

O R A.



ORATIO

DE CRUCIATIBUS ET MORTE CHRISTI DOMINI.

*Habita in die sacra Parasceves in Sacello
Pontificio, ad INNOCENTIUM XII.
Pontificem Maximum.*



AVIS illa, B. P., quæ
Ducem vehebat, cui ve
& mare obediunt (a); quæ
novum deferebat Jonam
ad latiore Ninivem à f
vitate scelerum vindic
dam; quæ non Sabæ Re
nam (c) ad sapientissimum Salomonem,
rerum procreatricem Sapientiam ad mundi
tua adduxit; quæ non ad diripiendum aur
Ophi

(a) Matt. 8. (b) Jon. i. (c) Paral. 2. 9.

ORATIONUM

d), sed ad terras celestibus mercibus
 letandas felicissimè solverat; illa, in
Vavis Institoris, de longe portans panem
 , nostræ pretium salutis; illa, cujus
 delineatio, Noëmi (f) humani ge-
 auratoris Arca; quid loquar rei fune-
 uncus, aut quid potius in tanta infor-
 bitate non loquar? venit (g) in alti-
 Maris, & foedissima tempestate de-
 Rem dictu atrocissimam, & lacri-
 , quàm verbis commemorandam,
 cio tragico distans, tanta fide refe-
 tâ, utinam ventorum aut maris, &
 hominum perfidiâ, gesta est.

im Regem magnopere sibi Judæo-
 conciliaffe sacra docent volumina,
 ionem Sacerdotem & ejus gentis
 ujus exempli litteris: (h) *Quoniam*
entes obtinuerunt Regnum patrum
lo quidem vindicare Regnum, & re-
sicut erat antea; & electâ feci mul-
ercitus, & feci NAVES BELLI-
 : ferme sententiam crediderim su-
 s de revocando ad pristinam di-
 ano genere arcanum illud ema-
 nasse

(e) Prov. 31. (f) Gen. 6.
 | Machab. 1. 15.

T O M U S I.

nasse consilium, ad quod maturè delineandum
& tempori aggrediendum, immenso æter-
tatis laborante ambitu, providentissimus
rum Opifex vim omnem divinæ mentis int-
derat. Quocirca ut hominem suis coagm-
tatum manibus, sui que ad cēlestem vitam o-
spiramine animatum, ab inferorum fauci-
eriperet, ingentemque sui Regni prædā
Tartareo raptore repeteret, Filium, eād-
sibi atque individuâ naturâ conjunctum, o-
cio nostræ mortalitatis, quasi repagulis im-
cillæ navis, inclusit. (i) Exultavit ille, ut
gas, ad currendam viam, eam scilicet via-
quam non usu dumtaxat multò laborios-
mam, sed vel cogitatu difficillimam Salon-
reputavit, viam Navis in medio Mari (i)
Egregios illi Socios ad expeditionem omni-
operosissimam amantissimus Pater adjunx-
exiguos quidem numero, sed vividam bel-
ut ajebat ille, virtutem.

Interminata & immensa maris planities,
monstrosis belluarum molibus inhorrescit,
æstuantium undarum assultibus, discord-
ventorum præliis, ingruentium procellar-
turbínibus est obnoxia, ut faciliùs fortasse q-
piam fluctus ipsos, quàm pericula maris e-

me

(i) *Psal.* 18. (l) *Prov.* 30.

O R A T I O N U M

Quam ob rem non immodicè , jactant
 it temere dictum est , robur illi & æs
 circa pectus fuisse , qui formidolosa un-
 spatia trajecturus, querceam aut pineam
 um compagem primus ignoto mari
 sit . Iis etiam eâ causâ pene dixerim
 ndum , qui primam Argivorum navem,
 m præmio felicitis audaciæ , inter cæle-
 ulerunt Signa, ipsos verò vectores di-
 onoribus affecerunt . Atque adeo mini-
 dcirco fuerit demirandum , si cælestis
 chithalassus , cujus animo præsentissimi
 t innumeri exantlandi labores , gravissi-
 pediendæ difficultatum ambages , & illa
 m undarum , quàm acerbissimorum ca-
 nfinita vastitas permeanda , pavere cœ-
 n), & mœstus esse . Nam si , quod verè
 rmatum à Tragico Scriptore , pejor est
 imor ipse belli , quidni prægustatus in
 rissimæ navigationis timor ipsa sit navi-
 e molestior ? Cum igitur peritissimi Na-
 animo obversaretur, angusti calicis obje-
 clusus , amarissimi fellis Oceanus, ejus-
 res veteris Oraculi voce personarent ,
igna est velut Mare contritio tua ; nihil
 s fuit , quàm ut angoris & mœstitudinis
 nu-

Marc. 14. (n) T'hren. 2.

T O M U S I.

nubem mente collectam in cruenti imfluente dissolveret. Utinam autem sanguis mihi lacrimas dolor & commiseratio suppetarent, ut aliqua saltem ex parte possem expungere divino sanguine redundantem sudorem quem elicuit impendentis procellæ metus, ferri horror naufragii, & hac illac ex advecongreredientium cogitationum tristissima variatione. Quamvis nifus ille, quo cum strato terram corpore visus est animus ipse deficiente non tam ærumnosum iter pavefcentis fuquàm provocantis. Disertissimæ illæ sanguinæ guttæ gestientis ad optatam metam animi predebant impetum; sævientium undarum atque ventorum moras & lentitudinem exprobebant. Tædio demum non magnæ, sed tantum nimis seròque advenientis calamitatis, imminuens cunctationis animus conflictabatur.

At, inquires, solutum fractumque viri refovebunt Sociorum fidissimi, quos à pitoriiis actuariis & vilissimo mercimonio ad theatroriam illam nuper evexerat; quos non ita dem ad symposiacam concionem coactos, rem præclarè gerendam, oratione incitavimus dignitatis benevolentiaque plenissima; quos ut laboriosam navigationem fortiter sustinerent, egregio priùs viatico, Epulo nempe

mo.

R A T I O N U M

, instruxerat. Verùm illi, veteris officiorum immemores, segnitèr
 nt. Obdormiscunt tantum? Utis-
 sima non evigilasset ad oscula ne-
 itor, qui sanguinei sudoris diffusio-
 em adhuc Domini faciem exoscu-
 ne guttulam quidem cruoris, ad im-
 nam frontem pudore obtegendam
 Utinam Ancillæ vocolâ exarmatus
 intimus eò graviùs commilitii fidem
 set, quò sæpe fidentiùs se periculo-
 isque socium amantissimo Duci de-
 Utinam fides & Religio turpi fuga
 sset reliquis Domesticorum, quos ad
 simam expeditionem, amplissimis sti-
 & sacramenti nexu authoraverat.
 intestinam hanc luem, & suum ipsa
 am ferret navis infelix, quid adorien-
 is fluctuum ferociam referam? quid
 im scopulorum sævitiam? quid qua-
 s commemorem Annæ, Caiphæ, Pi-
 Herodis domos, è quibus, tanquam
 sitis totidem ventorum sedibus in mi-
 vis exitium violenti vorticosque tur-
 conspirarunt? Quantâ vero, Deus im-
 s, immanitate & licentiâ conspirarunt!
 ite sacro vultui, ubi sedem statuerat pu-
 dor,

T O M U S . I.

dor, inflictae alapas, & in ipsum divinæ sapientiae os ab infimæ plebis purgamentis & face audacissimè insultatum. Expendite histrionicæ purpuræ dehonestamento contactos hermeros, quibus universa Orbis vastitas le pondus incumbit; additum ludicro Regi scurrile sceptrum, & rerum creatarum effectum manum ipsa arundinis levitate gravissimè oneratam. Mira quidem & inaudita rerum conversio, cum furiosi homines pannoso evirum paludamento, & scenicis dementiæ Insignibus ludificarentur, cujus supra humani conceptum ingenii effulgētem doctrinam vel in perniciosa ætate suspexerant: cum, velatis oculis, tamquam jocularium divinatorem exhibilarent, quem Majorum suorum vaticiniis expressum carminibus celebratum, votis longa sæculorum expectatione non fatigatis, avidissimè ipsi perstolabantur. Huncine fuisse reputaverim, quo illæ toties iteratæ sunt preces, illa toties vota concepta: (o) *Utinam disrumperes Caelos, & descenderes*: & haud ita multò post (p) *Ecce ego inclinabo super eam fluvium pacis, & quasi torrentem inundantem gloriam Gentium*. At verò ego sacrorum Vatum fidem, reverentis hujus populi Majorum memorias appropinquabo.

(o) *Isai. 64.* (p) *Isai. 66.*

ORATIONUM

in faciem excussissimis palmis verbe-
 in qua illæ ab omni corporum concre-
 gregatę Mentis, felicitatis suę regiam
 t? Easne arentis cannæ gestamine illu-
 as, de quibus illud est illustre testimo-
Longitudo dierum in dextera ejus, & in
ius divitiæ & gloria? Ignominiosum-
 entum illam obnubilaverit serenita-
 orum, qui (r) *de longe prospiciunt*, &
t omnem hominem? Quid hic ego pri-
 uid proximum, quid extremum de-
 que detester? O Judicum urnas ta-
 equissimas! O profanam impiorum
 n ambitionem! O inscitissimi insa-
 licum turbæ militaris procacitate
 Non equidem immeritò, B. P., ab
 timorum Judicum & Sacerdotum
 menter finistrum quidpiam omi-
 giebat mihi animus adversùs pre-
 lavem vim inde procellarum acer-
 tram. Huc procul dubio respexit
 tis Jeremiæ (s) minax denuncia-
am quatuor ventos à quatuor pla-
confringam arcum & fortitudi-

icam, aut quibus lacrimis cum
 aman-

Job.39. (s) Jerem.49.

amantissimo Patre de illatis Filio injuriis non expostulem, dum non modò æquiparatur cum bustuario grassatore, sed, Optimatum & proclamatoris populi suffragio, longè flagitiosior ducitur, quàm ut præ homine palam facinoroso morti subducatur. Actum nempe cum Duce fortissimo, sempiternæque gloriæ Principe, tanquam cum probrosissimo Archipirata, qui non supernarum merciũ Onerariam ad terras divitiis augendas ageret; sed cum infesto Myoparone, ad vitam latrociniis sustentandam, obsessa maria excurreret. Hanc scilicet beneplentix suæ mercedem & pretium reportat, quĩ hominum miseratus egestatem, non Americanas sed cælestes opes advehit, (t) *ut vitam habeant, & abundantius habeant*. Agite verò, & cujus dignitatem contumeliosè defectam non sine horrore atque indignatione vidistis, ejus concisa vulneribus membra, corpus verberibus laniatum proscissumque intuemini. Corpus inquam illud, Templum Divinitatis, Cortina Sanctuarii, discerpitur, diloricatur, excinditur. Quò, quò, scelestissimi lictores, efferatum ingenium, in expletam rabiem exsaturatum itis? Qui Romanum civem ad columnam obligare refugeretis, eodem

B

dem

(t) *Joban. 10.*

dem supplicii genere in eum, (u) quem columnæ Cæli contremiscunt, animadvertere non erubescitis? Sed quò tandem, inquam, vector vos amentia pertrahit? Sampson is est, qui non unius ædificii columnas, sed Cæli titubantes uno valet vocis imperio nutuque convellere. Quem ad delassatas usque vires, & deficientem ferociam cæditis, is est scilicet, qui (x) *respicit terram, & facit eam tremere, qui tangit montes & fumigant*. Sed quovis mare ferre duriora pectora irrita conquectione pulsantur. Longo beneficiorum usu didicerunt, fortissimum Nazaræum non hominum sitire sanguinem, sed salutem; non ruina, quæ justè nocentes opprimat, anhelare, sed foedissimè jam dejectos ut in brachio forti & extento clementer erigat, unicè obnixèque contendere. Ipsa truculentos sicarios Rei benignitas armat; ipsa beneficia parricidalem exasperant rabiem, eoque illos perducunt, ut nullius compertum maleficii, & commentitii sumtaxat criminatione laceffitum sacrilegè enudent, faxo inhumaniter adstringant, aserrimis flagris, ferino plane more dilacerent. dum verò savissimi virgatores tanquam fugivo lora intentant, & cruentos in omni mem-

bro-

(u) Job 26. (x) Psal. 103.

brorum parte fulcos aperiunt, quid nisi arma-
 menta jactatæ Navis disjicere videntur, om-
 nem laterum compagem solvere, vela discin-
 dere, malum effringere, donec immodico il-
 lisu quassata, ingentem vim non tam aquarum
 acciperet, quàm effunderet sanguinis? Hæc
 victoriarum insignia, hoc retulit rostratę co-
 ronæ decus, qui (y) *naves Tharsis contrivit, qui*
divisit mare rubrum, qui curras Pharaonis de-
fecit in mare. Quamvis nec illi ferale cœsue
 coronamentum, dumis asperè cuspidatis verè
 rostratum. Nec rostratam dumtaxat coonam
 invictæ classis Præfectus, sed universi homi-
 num generis Servator Civicam è quæcu me-
 ruerat, è gramine Obsidionalem Tatarî ex-
 pugnator, Triumphalem è lauro qui Infero-
 rum domuerat potestates. Sed quoniam no-
 vum illi contigit victoriæ genus, quæ per ex-
 trema solum corporis animique cœdamenta,
 & mortem despectissimam potiretur, novum
 propterea sertum emeritæ fronti complicati in
 orbem sentes adornant; ut quæ Victorem
 fecerant despectio & dolor, Vitorem etiam
 coronarent.

Vates ille, Græcorum longè ingeniosissi-
 mus, postquam Ulysssem alis ex aliis laborum

F 2

lif-

(y) *Psalm. 134. 135.*

ORATIONUM

atibus agitatū diuturnæ navigationis
 fatigaverat, Ithacensi demum patrio
 opularium lætitiæ, propinquorum gra-
 ti, Sponsæ exilientis amplexibus sof-
 edonavit. Satis habuit fabulosi Carmi-
 hitectus protasi turbulentæ epitasim-
 iorem adstruere: catastrophē ad læ-
 as reservavit, minimè ratus humanā-
 : virium, continenter miserum esse;
 rō vitam vocari posse, cujus utramque
 calamitas faceret. Navigationem in-
 difficilem, in progressionē iniquissi-
 nā portu exitiosā ille solummodo na-
 de quo Psalter cecinit: (2) *In mari*
& semita tuā in aquis multis. Testes
 inæ Golgothæ Syrtes, ad quas discif-
 , velo nimirum humanitatis, quo Di-
 ugebatur, fluctus illum decumanus
 it. (a) Manus illæ, quæ fabricarunt
 m & Solem, rigidissimis affiguntur cla-
 : cruento mari demersus cælestis Pa-
 tutissimum Crucis gubernaculum ne
 quidem morte dimitteret. Pedes il-
 bus scabillum terra substernit, ferro
 , expeditissimè adhuc (b) ambulant su-
 idem & basiliscum, firmissimo adhuc
 ro-

alm.76. (a) Pjal.73. (b) Pjal.70.

robore Draconem Tartareum Leonemque conculcant. Immanis trunci pondere oppressus nostræ adimit servitutis jugum; & à primo homine ad posteros propagatum culpæ lethalis incendium extinctus extinguit. Verùm facefat rudis verborum pompa, ubi crudeliter perempti Numinis causam natura ipsa, publico quodam indicto justicio, disertissimè peroravit. Emota tellus, ne impios parricidas sustineret, subsultim latè contremuit. Repentinis hiatibus diffissi montes Authoris sui lacerationem & vulnera imitabantur. Ut improbitatem & audaciam viventibus exprobrarent, ex adpartis tumulis ad vitam prodierunt cadavera. Et quoniam nox infando sceleri occultando satis tenebrarum & caliginis non habebat, ad congeminandam cæcis mortalibus noctem, Sol ipse atratus incessit. Nihil aut ad commiserationem, aut ad vindictam superesse debuit, ubi nihil ad sceleris atrocitatem superfuit; puditque Naturā horrore suo testificando finem facere, ubi excogitandis infligendisque pœnis nunquam erat hominum defatigata crudelitas.

Instructissima Carthaginensium classis à Romanis, in ipso Africæ conspectu, ad Ægimurum cæsa, inæstimabilem prædæ magnitudinem naufragio suo patefecit. Adversis quippe

Sta ventis, & faxis allisa, cum opulentæ jactatæ merces ubique fluitarent, omnia demum atissimi maris littora, promontoria, insulasque litavit. Profuit clades pompæ ostentandæ; & lisjecta classis ruinâ suâ major apparuit. Non minus tantum maris littora, sed omnia terrarum spatia divinæ Navis naufragium novis exaggeravit maximisque divitiis. Estne quidquam, quod ei acceptum non referamus, qui nos amplissimi patrimonii hæredes, abjudicatos prius & expunctos, instituit? Nobis sanguineus ille ex tædio & pavore sudor sinceræ illiatæque in ejus amicitia pacis serenitatem perierit. Spoliatus ipse nostram immortalitatis hlamyde obtegit nuditatem. Nos, probrosè contemptus, gloriæ suæ consortes associat; duis præcinctus, ad sertum evocat stellis contextum; in Cruce suspensus, triumphalem invitat decurram. Ejus nos armat infirmitas, languor corroborat, depressio attollit. Servitus nostræ laqueos suis ille vinculis explicat. Sui vore corporis malagmata & amuleta nostris chibet morbis. Nostrarum denique sunt emblemata victoriarum, quas cruentis manibus edibusque retinet vulnerum cicatrices. Quamvis verò nullus sit terrarum angulus tam abdis longèque submotus, qui non aliquem cœpe-

perit fructum ex dispersa post triste naufragium gaza cælesti, nusquam tamen apertius elucescit, quantæ post eam submersionem opes ad nos pervenerint, quàm in hujus luce Confessus, majestatis gloriæque plenissimi, & quo nullus in terris propius ad imaginem Divinitatis assurgit. Neque enim Tyrus aut Sidon, sed sui Navarchus ille effusione sanguinis has purpuras coloravit. Sua ille clade in hoc Vaticani fastigio erexit atque firmavit sanctissimi Fasces Imperii, de cujus dignitate & amplitudine splendidè est verèque dictum: (c) *Adorabunt eum omnes Reges terræ, omnes gentes servient ei.* Postremò solatio est, post Naufragium illud exortam, cursum auspiciatissimum inchoasse alteram Navim, quæ à Petro, sollicito impigroque Governatore, ad alios per manus tradita, licet ab innumeris hostibus sæpissimè vocata sit in altitudinem maris, & omnibus concussa Infernarum viribus potestatum, nullis tamen ventorum impulsibus, nulla unquam tempestate demersa est.



TIO II.

F U N E R E

O L I II.

IARUM REGIS.

*lica S. Mariæ Majoris
acra Parentalia.*

RÆCLARE' sapienterque
institutum, & summâ cum
laude à Populis liberali in-
genio præditis excultisque
usurpatum esse video, ut,
quarum virtutum ornamen-
tis maximi Principes præci-
o effloruerint, earum appel-
nomina, ad omnem diutur-
nita-

nitatem futuri temporis, insignirent. Hinc illos, aut à claritudine rerum gestarum Magnos, aut ab animi suavitate atque clementia Pios, aut ab omni promeritâ commendatione in bellicis disciplinis, Audaces, Fortes, Expugnatores Urbium nominârunt. Hæc decora Regum clarissimorum, atque hanc in iisdem efferendis consensionem, moremque populorum cogitanti mihi non fuit admodum laborandum, ut Cognomentum illustre, inusitatum, ac prope divinum afferrem, quo Caroli Secundi Hispaniarum Regis cælestis virtus designaretur, & quo simul tot florentissima Regna per Orbem terrarum, quàm latissimè patet, disseminata, in ejus acerbissimo funere, orbitatem suam luctumque gravissimum solarentur. Præcepistis animo appellationem illam longè nobilissimam, eamque permagni æstimandam gentium omnium vocibus, Orbisque Christiani universi asseveratione, qui Regem Carolum Regem Angelicum non modò passim dicere, sed palam prædicare, testimonium esse duxit, non assentationi, ut assolet, sed præstitum Veritati. Non igitur ad tenuem hunc exilemque modulum humanæ potentiæ conformatam, non coarctatam inter nimis angustos cancellos mortaliū titulorum, quos nostra solum cupiditas,

&

R A T I O N U M

magnos facit , honorariam nunciam nanciscitur Carolus ; sed illo domicilio , regnoque immoritur ; ut cujus nulla pars vitæ quidum terræ sordibus atque conune , ejusdem vel nominis insistentum e Cælo solùm , & purissimenderet .

jecturâ aliquâ capiatis quâlatèque Carolus suum Regisentum impleverit, ad Mentestorum admixtione segregatasas attollite . Nullo impencælestes Aulici rerum Natuam præsertim securitatemt , quâ impulsu & conOrbium incitatissimâ , quet , tantâque dimensione conmo concentu nostras etiamharum hebetudo tanti fonderetur . Jam verò à beatriæ proscenio in terramimplissima Catholici Reot Populos non tam linversitate discordes , totum marium interjectusam Provinciarum Regno-

gnorumque laxitatem, ubique animo præsens Carolus tantâ consilii maturitatē, tantâ Imperii moderatione temperavit atque conjunxit, ut, si gentium longè dissitarum tranquillitatem, fidem, concordiam reputemus, nihil ejusdem Regnis supernorum Orbium concentui in Terris fuisse similius fateamur, necesse sit.

Occupare autem hîc liceat mihi, quod vos contra tacitâ, ut suspicor, cogitatione statuitis. Quorsum enim istam à me jactari tranquillitatem Regnorum, quæ, per omne fermè tempus impeditissimi Principatus, assidua bellorum incendia aut alerent, aut sustinerent? Ubi enim, aut à quibus populis cessatum est? Itali, Sici-lienses, Hispani, Burgundi, aut in armis semper, aut in armorum metu. Nam de Belgis quid dicam? quos assidui Martis vices sic exercent, ut tantum non nati sub casside videantur. Hanc ne rerum perturbationem, hos tumultus, hanc subditarum nationum trepidationem, constantem & æquabilem Principatus concentum appellas? Verum hunc ipsum ego locum petebam, quem scopulosum fortasse aliqui atque difficilem, ego explicatissimum esse censeo. Quinimò videte ingenuitatem meam, qui importunas illas hostium incursiones, sinistros illos præliorum eventus, illas ubique grassantium armorum

O R A T I O N U M

iurias non modò nihil diffimulatas, aut
 itas velim, sed illis ultrò adjungam Au-
 lâ lætam susceptâ sobole, teneram ple-
 Regis ætatem, corpus caufarium, vi-
 oris imbecillas, valetudinem non affe-
 dò, sed validissimis morborum aggres-
 sæpè concussam, semper obnoxiam.
 quidquam à me in tam adversâ Regis
 e aut callidè occultatum, aut dolosè
 sum putetis? Agite verò, & quales
 ud obscurum habeo, æquos rerum
 s mihi vos hìc exhibete. In tantâ to-
 e agitatione, in tam frequenti belli-
 tuum adversitate, in tot acceptis
 munitissimis Urbibus ab hostibus
 quæ mens subditarum Gentium,
 qui motus animorum in Carolum
 Vestrum, opinor, fugerit nemi-
 ema hæc temporasæpiuscule ten-
 letudinis, falsos etiam rumores
 per universam Europam incre-
 projectâ omnium spe, ad illam
 ani generis faciem calamitosam,
 um, quod imperium abruperit;
 e se commoverit; Civitatem,
 ndâ vel levissimè cogitaverit.
 oste ubique valescente, obse-
 quii

sequii firmitas atque constantia; tam inconcussa in toties oblatâ novarum rerum commoditate fides, & obtemperatio; tam unanimis atque consentiens apud dispersas per utrumque terrarum Orbem Nationes in Principem observantia, aut magnopere me fallit animus, aut nimis apertè significat prædicatque, Regem tam reverenter, tam amanter habitum in tantâ opportunitate licentiæ, ab omnibus non humanum, sed planè Angelicum fuisse existimatum. Per cæteros si libet Principes, qui amplissimam in terris obtinent potestatem, excurrite. De bello Christianis provinciis inferendo Turcicæ gentis Regnator deliberet. Continuo Persæ foederati de repetenda armis Babylone cogitationem suscipiunt. Continuo Arabes invadendæ Mecæ (sic enim vocant quam veteres Marabam nominarunt) impurissimique popularis sui Mahometis sepulcri asserendi consilia faciant. Nihilo segniores Ægyptii Memphim infestam habent. Scythæ ad Tanaim, Iberi ad Caucasum obsequium exuunt, excurrunt infestè, effractis reverentiæ repagulis arroganter se & contumaciter inferunt. In ipsa Bizantii Regia legiones Prætorianæ in turbas discedunt, regias perrumpunt ædes, Principem circumstant, congiaria armati deposcunt. Si numeran-

R A T I O N U M

mora protrahitur, è folio de-
jugulum ferro hauriunt, novos
st, licentia militari, substituunt :
si collibeat, avaritiæ suæ crude-
t . Res est cuilibet exploratissi-
giminis disciplinam multò maxi-
m esse, utique si cum Austriaco-
n imperio, quod omnium con-
finum, comparetur . Nullas in-
avitas opes, nullas Urbes & op-
possident nomine . Ad unius vi-
ad unius voluntatem cum preca-
lerant, vita, vitæ etiam subsidia
Nam census, hæreditates, patri-
arbaras gentes barbaræ etiam vo-
autem mecum, Auditores, de
oversia cognoscite . Si natio tam
s, & quæ quorundam loco Nu-
habet, per externi tamen occa-
non ferendam libertatem usurpat,
minorum capita impunè inolescit;
ra de Caroli virtute opinionem
cesse est innumeras prope gentes,
um fides, amor, observantia, lu-
uiusque inter perpetuas armorum
nituit? Sed pudet me Caroli Re-
thomannorum immanissima cru-
de-

delitate conferre . Scio vos esse certissimos , Romanam Rempublicam optimarum legum temperatione ad aliarum etiam nationum exemplum normamque floruisse . At illa partam foris gloriam , & procul victrices aquilas quantis domesticarum seditionum tumultibus luit ? In remotissimis regionibus rem strenuè agebat : ultra Tigrim & Euphratem imperium propagabat . Sed nuncii victoriarum vix aditum in Curiam inter armatæ plebis fidas invenire poterant . Obstinatiùs & majori sanguinis copia Romæ pro lege Agraria , quàm in Parthia vel Armenia pro finibus certabatur . Quoties occupatum Janiculum ? Quoties Aventini munitiones infessæ ? Quoties illa , Patribus exitiosa , Tribunitia potestas Forû Nobilium cruore resperfit ? Mitto Gracchanas , Appulejanas , Drusianas seditiones . Mitto concertationes illas civiles , sanguinolentas & diuturnas , Bellum Sociale atrox sævumque , quarum vel recordatione cladium Annales funestantur . Herdonii , Euni , Athenionis , Spartaci , servorum nomina , ad sempiternum principis gentium Populi dedecus & ignominiam supersunt . Nimirum ut inter Punicas , Creticas , Mithridaticas expeditiones , legerentur etiam Bella Servorum . Jam verò ab illa acerbitate temporum ad susce-
pta

R A T I O N U M

bella cogitationes reflectite . Fla-
 t , Belgium armorum incendio :
 populorum quies , quanta tranquil-
 entiâ ubique in Principem , obse-
 : certatur . Hostium impulsæ ma-
 ssimæ arces procumbant : fides pe-
 labascit . Repetitis cladibus exer-
 itur : viget servitutis constantia . Si-
 æ eventus ingruant : fides & obtem-
 iæ summa est & pulcherrima gloria
 , ipsa fortunæ adversitate corrobo-
 rò est , Auditores , quod planè non
 offit nisi ab Angelico Rege præstari .
 quod populos , frustra obnitente
 difficultate temporis , in officii per-
 firmissimè retinebat ,
 em , quò minùs de Angelico prope
 ddubitarent , multæ illis causæ atque
 suppetebant . Felicissimæ illæ Cæli-
 nes , dum Cæli cursus vicesque mo-
 ege certissimâ , naturæ magis usui &
 quàm solidæ mortalium felicitati im-
 curas credas impendere . Ad longè
 fructus à nobis capiendos illa perti-
 or beneficentia , quâ vitæ nostræ
 Tutelares Genii , dum rerum nostra-
 morumque curam amantissimè obni-
 xèque

xèque fuscipiunt , Conditoris sui splendorem nomenque suapte Majestate supra omnem cap- tum exaggeratum , nostrorum quantulacum- que demum piorum operum accessione , latiùs proferunt explicantque . Ego verò , si tot tam- que præclara Pietatis tuæ , Rex Carole , monu- menta non dicam efferre exornando , sed recen- sendo persequi vellem , in tam amplum me , la- tumque campum conjicerem , quàm sunt Re- gna , quibus cum imperio præfuiſti , omnium , post hominum memoriam , longè latissima . Di- cerem in immensos Americani Orbis tractus Romanam Religionem à te aut indagine supra fidem laboriosâ recenter inveſtam , aut novis ubique Templis atque Sacrariis excitatis am- plicatam , aut per incredibilem auri profusio- nem , auctis Religioſorum hominum cœtibus , qui ad rudes populos erudiendos excurrerent , firmissimè in posterum stabilitam . Commemo- rarem , pro eâ , quâ pollebas gratiâ apud Sum- mos Pontifices , Princeps Apostolicæ Sedi in omne tempus addiſtiſſime , enixis precibus , & summo studio te contendisse , ut tot cælesti in- ter mortales virtute fulgentes Viri Cœlitum fa- ctis arisque reciperentur ; aut prolixior iisdem à diurnis sacrorum hominum precibus , & re divinâ honor accresceret . Concelebrarem ef-

fufum Regium Ærarium aut alendo Turcico bello, aut perfringendæ improbitati, Romanę Ecclesię perduellium. Tot erectos honeftiffimarum Virginum Parthenones, validiffima munimenta tuendæ Virginitati: Tot condita Religiofis familiis cœnobia, ad capeffendam immortalitatis curam tutiffima perfugia: Tot ab erroribus in Septentrione grassantibus vindicatæ Juventuti aut pofita, aut opulentiffimis proventibus aucta Ephœbæa, ad retundendam Hæreticorum audaciam munitiffimas arces & propugnacula.

Quemadmodum autem cæleſtes illi ſupremi Numinis Adminiſtri non alio magis incitamento ad omnem divini cultus rationem proferendam exardeſcunt, quàm illo igne ſuis mentibus penitùs inſito & ingenerato, quo ſuaviſſimè ipſi incenduntur; ad eum planè modum Caroli animus, eximio virtutum omnium ſtudio incenſus ipſe & inflammatus ad Religionis Pietatiſque ardorem ubique collatandum, ad tot laudatiſſimas Cælo transcriptarum gentium prædas, & lucra conquirenda redundabat. Utinam ſecretiores Regii Conclavis ſeceſſus, utinam tot Templâ, tot divinis beneficiis in primis illuſtria Sanctuarîa narrare poſſent ardentiffimas illas preces & vota, quibus Regnorum ſuo-

fuorum incolumitatem , assiduâ ad Deum Cæli-
tesque supplicatione sustinebat . Quid autem
hîc pluribus exornem illibatam illam vitæ mo-
rumque integritatem , quâ ita omnia ad religio-
sissimam virtutis præscriptionem exegit, ut ani-
mus tunc verè maximèque Regius , nihil magis
metueret , imo id unicè reformidaret & per-
horresceret , ne ullâ unquam criminis labe des-
ponsam innocentia mentem adstringeret? Quid
referam, quàm obsequenter submissèque se ges-
serit , quantâque observantiâ excoluerit Paren-
tem suam Mariannam , Reginam ad omnia vir-
tutum exempla genitam , & supra omnia lau-
dum præconia à cælesti quâdam vitæ ratione su-
sceptâ collocatam? Quid demum persequar ,
sacrarum rerum Antistites , virosque divinis
mysteriis initiatos tam honorificè, tantâque pa-
lam reverentiâ profecutum fuisse , ut illis deo-
sculandam de more manum porrigere, quadam
tactus Religione , refugeret? Ad illud venio
Fortunæ Austriacæ certissimum pignus , & à
multis sæculis receptum præsidium, Epulum
Eucharisticum . Cælestem itaque Dapem , sive
solenni pompâ, certis anni temporibus, per Ur-
bem deduceretur , detecto ipse capite , pedibus
incedens , cereoque funali manu sublato, comi-
tabatur ; sive ad publicam in Templis venera-

tionem radiatâ pixide inclusa effulgeret, defixis in illam oculis Carolus Numinis præsentîâ alloquioque saturabat animum; quibus deliciis solida horarum spatia dulcissimè transigebat. Atque utinam huc possem ipsam Mantuam Carpetanorum, rei ad omnem sæculorum memoriam clarissimæ admirabundam simul atque prægeffientem testem, adducere. Lectissimo Procerum Comitatu curru per Urbem Carolus vehebatur, cum Sacerdotem, infimæ sortis homini è vitâ decedenti divini Ferculi commeatum deferentem, obvium habuit. Continuò, equis subsistere jussis, desilire è curru, in terram devolvi, tum sacrum Dapiferum in currum inductum ad obscuram ægroti domunculam ipse pedibus subsequi tantâ submissione, tantaque apud omnes admiratione gloriâque sibi conciliatâ, ut jam nemo unus ambigeret, Regem sibi Angelicum contigisse, qui tanto Panis Angelici studio cultuque teneretur. Demum quantâ animi inductione cælestium agminum Dominiatrici Deiparæ mancipatus fuerit atque devinctus, non tam plurima, eademque celeberrima per Hispaniam Tempia summis opibus aucta testatissimum faciunt, quàm hæc ipsa Liberiana Basilica, Regiæ liberalitatis Pietatisque perpetuum Monumentum. Quæ, si clarissimo
in

in ipsâ mœstitiâ splendore latè diffuso , emortuali pompâ , pulloque amictu convestitur , intelligatis velim , hæc Justa Solennia , & luctuosam hanc gratissimi animi significationem , quâ sacer hic augustusque Conventus rite perfungitur , non ad Caroli Regis sortem , quæ festivas , non funebres faces , candidissimâ veste coopertos , non atratos parietes posceret , esse accommodatam , sed ad nostram , totiusque Orbis Christiani vicem dolendam , qui , Angelico Rege destitutus , ejusdem desiderio luctuque meritissimo contabescit .





ORATIO III.

IN FUNER. &

JACOBI II.

MAGNÆ BRITANNIÆ REGIS

*Habita in Templo Sancti Laurentii in Lucina,
dum eidem Justa persolveret Eminentissimus
& Reverendissimus Princeps Carolus
S.R.E. Card. Barberinus.*



SERENISSIMIS
 JACOBO III. REGI,
 ET
 MARIÆ ESTENSI
 REGINÆ MAGNÆ BRITANNIÆ

CAROLUS DE AQUINO FELICITATEM.



*I, quantum materia
 prestat amplitudine,
 tantum ingenii artisque luminibus
 explendesceret Oratio in Funere Fa-*

cobi II. gloriosissimi Parentis Tui, Jacobe Rex, amantissimi Tui Coniugis, Maria Estensis Regina, iussu Eminentissimi S. R. E. Cardinalis Caroli Barberini, à me recens habita, non ingratum Vobis fore sperarem quaecumque hoc observantia in Vos mea, & obsequentissimi animi testimonium. Quid enim iucundius Coniugis oculis incurrat, quàm præconia Coniugis? Quid Regia Soboles avidius perlegat, quàm consignata litteris exempla Maximi Genitoris? Adhac, cum Jacobi Regis præclarè gestorum ita testis fuerit Coniux, ut eundem consilio prudentiâque suâ juverit & confirmaverit; ita admirator fuerit Filius, ut paternas virtutes præstanti animo penitus imbiberit; eo planè fit, ut duplici

plici uterque titulo extincti Regis
 laudes, ut proprias, accipiat habeat-
 que; primum vinculo sanguinis,
 quod est utrique commune; iterum,
 Altera societate laudis, Alter amu-
 latione Virtutis. Neque verò quid-
 quam obstat in summi Regis Virtu-
 tibus efferendis facultatis mea tenui-
 tas; quam nimirum ornatus ceteri
 splendore Eminentissimus Princeps
 Carolus Cardinalis Barberinus ita
 inumbravit & obruit, ut cum parie-
 tes ipsi Numismatis, Emblematis,
 aliisque Jacobi Virtutum Symbolis
 cooperti de eius laudibus disertissime
 loquerentur, minimum sanè ab Ora-
 toris voce expectandum superesset.
 Ea certè opulentia operis universi at-
 que Majestas effulsit, ut Eminen-
 tissimi Cardinalis multis experimen-
 tis

tis spectata Romæ magnificentia, in hoc adornando Funere seipsam omnino superasse sit visa. Expressiore nullo monumento ostendere potuit, quàm sanctè religiosèque coleret Jacobi Regis memoriam; quanto animi studio & observantiâ in Majestates Vestras afficeretur; postremò quàm altè impressa animo gereret, quæ jampridem à magno Patruo Urbano paterni amoris, & Apostolicæ Charitatis erga Catholicos inclytæ Britannicæ Nationis hauserat documenta. Huc demum persanè congruit, quod de Romani Equitis in Priscillam Conjugem pietate scriptum reliquit splendidissimus Vates.

Sic auferre rogis umbram conatur, & ingens
Certamen cum Morte gerit, curasque fatigat
Artificū; inq; omni te quærit amare metallo.

Ego

Ego verò, quemadmodum summo honori meo gloriaque duxi, ut in partem tam illustrium Exequiarum, & ad tanti Regis laudes exorandas vocarer; ita plurimum debere me sentio & fateor prolixa in me voluntati Eminentissimi Cardinalis, qui aditum mihi ad Majestates Vestras adeundas, Ipsisque Orationem hanc Funebrem inscribendam patefecit. Ac Vobis demum felicissima omnia, ut, quicumque aliquo Religionis studio flagrant, certè faciunt, ex animo voveo.

ORA.



ORATIO.

NON unam hodie cladem uno vulnere accepimus, EE. PP. Uno magnæ Britanniae Rege humanis curis exempto, prolixam summorum Virorum seriem è medio sublatam requirimus. Illustre Orbis Christiani lumen desideramus, Jacobum Ducem Eboracensem; longè splendidius, Jacobum Regem; clarissimum ac ferme divinum, Jacobum Exulem. Nihil illo Duce præstantius antiquitas prodidisset, nisi Jacobum Ducem Jacobus Rex antecelleret. Nihil illo Rege sublimius Posteritas ostentaret, nisi Jacobus Rex à Jacobo Exule vinceretur. Regios titulos Eboracensis explevit; Rex antecessit; Exul ... quo tantam virtutem nomine dicam, nescio: Vos de illius pondere, æstimatores æquissimi, judicate. Perorare hìc potuissem, si, quemadmodum

dum brevi hoc verborum ambitu, de Jacobo II. magnæ Britannię Rege abunde multa perstrinxi, ita eadem essent ad vestri doloris delinimentum satis. Ut hujus vulneris acerbitati, quod meritò in Reipublicę Christianę pectus, supra quàm cuiquam æstimare liceat, altè descendit, levationem adhibeam aliquam, aliquantò latius hæc ipsa de summo Rege, non alia referam: neque porrò quid ipse postulet, supra omnem ambitiosę laudationis audaciam constitutus, quàm quid vestra hæc præsens mœstitia flagitet, reputabo. Nihil proinde ab institutæ partitionis ratione desectens, conabor ostendere; militarem disciplinam ad summam gloriam evexisse Jacobum Ducem Eboracensem; vetus & agnatum Anglicis Regibus cognomentum Fidei Defensoris æquasse Jacobum Regem; fines humanę conditionis prætergressum Heroem expressisse Jacobum Exulem.

Expendite autem quantam ad rem bellicam commendationem afferat, qui duodecim supra centum Scotorum Regum Insignia Fascesque percenset; qui tot Domi exempla, tot summę glorię monumenta circumspicit. Fulgores Avorum illos sustinuit inconnivens decennis Puer. Armis sagoque inter bullas & crepundia candidatus, Caroli Regis Parentis sui propu-
gna-

gnator, primos, eosque armatos amores Pietati, prima odia factiosis partibus Anglici Scotique Senatus litavit. Gloriæ suæ ipsa annorum acerbitate maturior, vitam, quam recens acceperat, Patri festinat impendere, egregius foenerator beneficii, quod vix cognoverat. Atque utinam conatus ille tam feliciter processisset, quàm fuit honestâ causâ susceptus. Nec idcirco fortiter audentem usquequaque eventus deferuit. Nam qui præseptus undique interversæ dominationis Legionariis, Oxonii, Londini, ad Castrum Richemondiam, ad Castrum Novum, in Curia demum Hamporiana, honoris specie, captivitatis nomen tegebat, suppetias venire non potuit Parenti Regio, ad cuius vitæ exitum, supra omne exemplum fidemque calamitosum, omnis Posterorum memoria obrigescet. Sed nulla illi obstitit seditioforum vis, quò minùs virili consilio solertique, à calcata Hostibus Regia, à Patria furiosorum hominum tabe inquinata generosum effugium impetraret. Dissimulaverat ille quidem Ducem Eboracensem, amictu foemineo adoptato, ne scilicet hoc etiam Britannico Achilli deesset, ut, mentito sexu, aliquantulum delitesceret. Verùm, cum aureæ Periscelidis, quam imprudens non dimiserat, tesserâ detectus, nihil

hil esset propius, quàm ut ad Custodes iterum raperetur, elata fronte, habituque oris interrito, Subsistite, inquit, Milites; vestræ potestatis est Dux Eboracensis, pietatis vestræ, si de illius salute statueritis, perfidiæ, si de injuria, per omne tempus memor futurus. Exarmavit odia, perterrefecit hostium vultus constantia Pueri, & quidem foeminam mentientis. Itaque, immutata divinitus mente, moras omnes abrumpunt; ad Navigium Præsidarium Ducem deferunt; simulque ipsi faustissimæ tunc navigationis, mox periculorum omnium socii futuri, Middelburgum apud Zelandos Ducem Eboracensem, Regale depositum, spes Angliæ, publicæ securitatis Palladium appellant. Amplissimum hîc illi Theatrum ad bellicam parandam laudem obvenit Belgium, multis experimentis illustre Martis Domicilium.

Assentior planè Scriptori veteri, qui testatum reliquit, non minimùm referre, in quæ cuiusque virtus tempora incidat, quem potissimum campum, in quo possit excurrere, nanciscatur. Actum certè minùs commodè cum Romanis, cùm segni diuturnoque bello consenserent apud Fidenas & Vejos, obscura nomina. Per ea tempora Belgium maximorum Europæ Regum armis obnoxium flagrabat. Quas
ibi

ibi partes summi Imperatoris Eboracensis non obiit ? quæ decora non expressit ? quas laudes vel ab hostibus non extorsit ? Militem in castris morigerum , ad imperia paratum habere ; fessis solatio , ægris præsidio esse ; nihil à cæteris , nisi virium præstantiâ differre . Mores gentium , locorum opportunitates situsque cognoscere . Hostem adoriri cautè , firmiter sustinere , astu decipere ; primus inire prælium , postremus deferere . Quoties per transversos hostium cuneos cum expeditissimo Equitatu felici audacia evasit ? Quoties inclinatos Ordines aspectu nutuque in gradum restituit ? Nam documenta illa summæ virtutis , atque solertiæ militaris , quæ ad obsessum Atrebatum , & iterum memorabili pugna ad Dunquercam edita , palam exhibuit , non est , quòd tenuitate præconii minora faciam . Præsertim cum virtus illa non modò ad meritissimæ testificationem laudis , sed ad singularem admirationem rapuerit Ludovicum Borbonium Principem Condæum , & Henricum Vicecomitem Turennum , lumina illa bellicæ artis , de quibus facilius judicaveris , utrumque maxima , quam uter majori gloria enituerit .

Præstantes terrestribus copiis Imperatores perinde summa navali laude florescere , longè
ope-

operosissimi laboris esse, cum res ipsa, tum exemplorum infrequentia jubet esse perspicuum. Ego verò vos, Bataviæ sinus, appello, quos Eboracensis in perpetua Victoriarum suarum monumenta convertit. Dicite vestras Classes iterato prælio fusas atque disiectas; recenseste direpta signa, avectas prædas, nauticam turbam, militemque captivum; Obdenii Batavici maris Præfecti præcipitem fugam, & indecorem commemorate. Ad extremum quidem discrimen Obdenius Britannicam Classem, & Ducis vitam adduxerat, cum, directis ex alto in prælium navibus, comprehensam Anglorum Prætoriam, valido Militum egressu, circumstetit. Eboracensis, in re subita trepidaque, arrepto Regiæ puppis vexillo, per discurrentes faces, per displosas pilas huc illuc transvolantes, ubi Mars erat pugnacissimus, sibi gladio viam aperit, saltuque in scapham transiliens, submissam à tergo Præsidariam conscendit. Quam cum nihilo segniore Batavi ferreis harpagonibus arriperent sisterentque, & circa Ducem conglobati, non levi Nobilium strage, manus confererent; iterum Dux Insigne Regium attollens, per suorum cadavera, per ingruentium hostium tela, in aliam Auxiliariam se conjicit, non intellecta periculi magnitudine,

D

nisi

nisi postquam vitaverat. Tunc verò exarsit animus, præclaro aliquo documento, de suorum virtute commonere Batavos; quos inaudite fortitudinis felicitate obstupefactos, haud cunctanter insequutus, ingenti parta gloria, in ipsos Bataviæ portus premit fugatque; Classemque omnem trepidam & paventem, nullo negotio, tormentis globisque incendiariis absumere potuisset, nisi, quos armis vicerat, iterum superare clementiâ maluisset.

Sed video vos de Jacobi Ducis Eboracensis spectatissima in armis laude minimè dubios ad illum Fidei Defensorem Jacobum Regem subsultantibus animis inhiare. Jam pridem ille regale pectus, validissimum Fidei munimentum, nefariis Procerum artibus atque commentis objecerat; cum aditum sibi ad regios honores omnem præcidit eodem calamo, quo iniquis Religioni legibus, conceptisque à Calvinianis Architectis conditionibus subscribere detrectavit: si tamen qui ita se regalibus titulis & insignibus abdicat, projicit honores, nec potius foeneratur, longèque nobiliorum quæstum, atque compendium facit. Tu verò, maximorum Principum præclare gestis subserviens, Fama, calamum illum, quem Jacobus tantopere refugit,

git, fufcipe; notisque nullâ temporum injuriâ perituris, hoc ipſum lucidiſſimè ſcribas, Jacobum ſcribere exhoruiſſe. Nullus certè calamus de Jacobî laudibus ſcribet uberius ipſo Jacobî calamo non ſcribente. Quid verò illa prædicem ſpolia ab Hæreſeos caſtris relata, cum Annam, priorem Conjugem, elati cæteroqui, & præſtantis ingenii fœminam, ſed alienorum à Fide dogmatum contagione contaminatam, ad Vaticanæ ſigna perduxit? Quid opimam illam præclaramque prædam, Carolum Regem Fratrem ab ipſis ſempiterni interitus faucibus vindicatum? Unum ſiquidem Fratrem ſanctiſſimi authorem conſilii, impulſorem unum habuit Carolus; cum à trita tot annis pravarum opinionum ſemita, ſub ipſum vitæ exitum feliciter aberravit; cum, lecto, ubi decumbebat, in arenam commutato, ægroque corpore validiſſimum Palæſtritam animo induens; elifo Impietatis jugulo, in ipſo Romanæ Fidei complexu, non tam extremum ſpiritum, quàm recentem longèque pulcherrimam de teterrimo hoſte Victoriâ confecravit. Carolus morti proximus Fratri Regnum; Jacobus Carolo Cælum reſtituit; non Carolus ſplendidiorem Hæredem habiturus, non Jacobus fortem ma-

gis & strenuum Decessorem . Ubi verò Regnum obtinuit , tametsi , Imperii specie , ingentes illi calamitates evolvendas Carolus reliquisset , ipse verò non falsus animi prospiceret in funestissimum excidium erupturum impendentem turbinem , popularium odiis , Potentium ambitione collectum ; non idcirco Religionem , jus fasque post privata commoda , regnique rationes habuit . Cujus , rogo vos , firmitatis animi fuit , in clarissima gentium luce , in omnium oculis , Catholicorum sacra profiteri ; rem divinam peragenti publicè interesse ; ad cœleste convivium accedere ; Romanis ritibus initiatos intimè admittere , efferre , exornare , in ea Regia , quam sciret obsessam sibi stirpique suæ alienis , & infectis , quia offenderant ; in ea Civitate , quò longè faciliùs , quàm reliqua mercimonia , novarum colluviones confluunt doctrinarum ? Præsertim cum eventilandis ambitiosorum flammis Hæresis præstò esset , vulgato jam Monstri ingenio , obtentu Religionis abrumperere Principibus obsequium molientis . Quàm altè Religionis studium ejus animum occupaverat , cum in Aulam Londinensem summi Pontificis Oratorem , illis utique Regionibus diu occultum atque subtractum Sidus , induxit ;

xit ; ut luce è Vaticani culmine diffusa deformatam Insulæ faciem inauraret ; atque in tot Populorum animis inuistas nequissimorum notas errorum cælestibus flammis aboleret atque detergeret ? Et quoniam virus illud in regni visceribus penitus inoleverat ; passimque homines privatim degeneres , in publicum exitiosi , nihil in factis moderatum , nihil in doctrina sanctum habere , libertatis partem credebant ; nullas Rex officiosæ benignitatis , nullas singularis prudentiæ partes intentatas reliquit , quò in certam perniciem ruentes ad saniora consilia pelliceret . Præterire profectò neminem poterat , Regem , ut erat parabili venia , & ingenio mira quadam suauitate ad lenitatem remisso , finem non modò poenitentia , verùm etiam beneficiis laxaturum iis , qui ad obsequium remigrare potiùs , quàm fallaci rerum novarum escâ illecti & irretiti , se , Patriam , liberos , fortunasque suas perditum ire constituerent . Ad hæc , ut in posteras etiam ætates vigilantes & salutares curas extenderet , adaperita instituendæ Juventuti Lyceæ , viris perspecta probitate suppleti Magistratus , consignatæ Urbium Præfecturæ , quibus integritas , fides , Reipublicæ studium suppeteret . Postremò cum homines , quibus nul-

la ex honesto spes, publica mala ambitioni suæ remedium quærent; & non divini, non humani juris memores, cò palam tenderent, uti ex scelere jus facerent, & Principis clementiam in alimentum perfidiæ verterent, postquam remedia ex lenitate quæsitâ in immensam perniciem processerant, illuc invitus pertrahitur, ut armis belloque impendentibus malis occurreret. Neque enim ultra blandiendum erat pesti monstroque, quod elato inflatoque collo Urbes funestaret, vastitatem induceret, Domum Regiam nomenque protereret. Æquissimam armorum causam eventus admodum læti exceperunt. Verùm, propterea quòd arcano Divinæ mentis consilio factum est, ut cædes, proscriptiones, tragicæque rerum conversiones posterioribus annis patescerent, acerbissimi temporis feriem illam omnem, memoratu atrocissimam, conspectui vestro subducam. Nimirum Angliæ, Scotiæ, Hiberniæ Regnis disertius Roma ipsa Romanæ Fidei fortissimum exerit Defensorem. Hærent adhuc, opinor, omnium mentibus felicissima illa tempora, cum amplissimo genere, sed ardore Pietatis illustrior Princeps, Palmerius Roggerius Comes, de Castelmair à Jacobo Rege, obsequii deferendi

di profitendæque Obedientiæ ergo Orator missus ad Romanum Pontificem, Anglicorum Regum Legationem, iniquitate temporum per diu intermissam, restituit. Quantâ verò comitatus lectissimi pompâ, quanta auri profusione, aulicique apparatus cultu, elegantia, copiâ restituit? Iterum vestris oculis subjicerem, ad spectaculum, sæculorum interjectu non usurpatum, exilientem Urbem: cum confertissimus ubique populus prætergredientis currus stiparet: cum passim ad Cælitum Aras Deo grates persolveret: cum summi Regis studiosissimi Viri Principes regium Oratorem regiâ magnificentia exciperent. Sed quò tunc lætabamur effusius, vehementius nunc mœrore conficimur, & ex illorum felicitate temporum magis magisque hæc præsentia vulnera recrudescunt. Ego certè, nobilissime Comes de Castelmair, cum te ex alio suggestu * præsentem alloquerer, tibi que inaugurationem optimi Regis, cui nostri Ordinis homines, multis perspectisque de causis, devinctissimi essent, publicè gratularer,

D 4

con-

* Author, Collegii Romani nomine, Rogerium Palmerium, Comitem de Castelmair, Jacobi II. Regis ad Innocentium XI. Pontificem Oratorem, Epico de ejusdem Regis laudibus Carmine salutavit, dum ab eodem Collegio solenni pompa exciperetur. Vide Author. Carm. Tom. 2. pag. 22.

constituendum à Jacobo firmiter Regnum , gloriosè amplificandum , lætissima demum omnia præcipiebam animo ; non hujus diei mœstitiam , non pompam istam exequialem cogitabam ; me verò , qui recèns inaugurati Regis laudator fuisset , acerbissimi hodie funeris præconem futurum .

Sed ab invicto Jacobi pectore discat constantiam dolor . Qui certè , ut sibi vel maxime imperet , intraque rationis septa consistat , vereor tamen , ut ipsius casus tam fortiter ferre possit , quàm ipse pertulit suos . Fastos evolvite temporum præteritorum ; memorias omnes percurrite (sincera , non declamatoria fide , ingenuè , non jactanter dico) nullum vobis summi Herois pectus occurret , in quo fortis & excelsi animi magnitudo vires suas validiùs exeruerit , sua insignia extulerit gloriofius . Ab aviti Regni possessione dejectus regio fastigio elatiorem Exulem agit . Non delitescit in exilio dignitas ; vigor in casu non deficit ; Majestas in umbra non obsolescit . Reditum sibi ad Regnum undique interclusum prospiciebat ; cum furor & sævitia intus aleatur , vis & metus foris ingruerent ; sed prægestiebat , subductâ illâ veluti sarcinâ , expeditiorem se ad supremi Numinis clientelam trans-

transire, se suaque omnia in ejus nutu reponere. Fluxam suorum fidem apprimè nove-
rat, eorum quàm maximè, quos arctiùs sibi
beneficiis, & secretorum conscientia illiga-
verat. At eò curatiùs adniti, ut sua in Deum
fides constaret, quò ipsè graviori suorum per-
fidiâ impeteretur. Neque verò simplex Jaco-
bi Exilium, sed planè multiplex fuit. Nam
qui lectissimam Conjugem, Mariam Esten-
sem, suavissimam verò Sobolem, Valliæ Prin-
cipem, in exilium secum adduxerat, iterum
exulabat in calamitate Conjugis, per omnia
Virtutum exempla tanto Heroi planè compa-
ris Heroinæ, atque alio rursus exilio afficie-
batur in dulcissimæ Sobolis casu, quam patrias
virtutes, perinde ac vultus, spirantem, haud
fatis scio, ærumnarumne levamentum, an
acerbioris curæ causam haberet. Ego verò
nimis inscitè Jacobi Exilia percensui, qui om-
nium gravissimum præterierim, Exilium à
suis regnis deturbatæ Religionis. Alia siqui-
dem Exilia minimùm sentire potuit, à Rege
Christianissimo tantâ habitus excultusque
magnificentiâ, quanta, & qui exciperet, &
qui exciperetur, Regem deceret: Religio-
nem verò à suis Regnis exulantem eò grava-
tiùs ferebat, quò Regnum, in quo versabatur,
Re-

Religioni addiētius eſſe cernebat . Imò verò ,
cū proſtigatam in Anglia Religionis cauſam ,
cum Catholicos Proceres à Magiſtratibus de-
turbatos , cum tot præſtantium hominum ab
illis Regnis ejectionum egeſtatem , ſqualorem ,
rerumque omnium penuriam paſſim Europæ
regna ſummâ triftitiâ , lacrymis , commiſe-
ratione proſequerentur ; lugubres illæ om-
nium voces , Ille Populorum luctus & queri-
moniæ , Romæ præſertim , pulcherrima fru-
ſtrata ſpe nobiliſſimæ Inſulæ ad avita Fidei ſi-
gna reducendæ , ſuſpiria , in Jacobi animum
graviffimo quodam impetu recidebant . Se-
mper publici cauſam incuſare ; ſuis unicè
criminibus factum eſſe palam profiteri , ut tan-
tæ curſus felicitatis intercideret , ut illa Re-
gnorum acceſſione Fides & Religio viduaren-
tur . Interea admirabili illa Exulis pietate ,
constantia , ſubmiſſione , quantavis Regno-
rum adeptione jucundiùs Religio lætabatur .
Nullo facilè iniquiore loco res Romanæ
fuerunt , quàm cum , circumvento ab Hoſti-
bus Capitolio , Roma , ut ſunt Hiſtorici verba ,
nihil habebat reliquum ; præter Jovem obſeſ-
ſum , & Camillum Exulem . Calamitoſiſſima
certè magnæ Britanniæ facies fuit , cum Reli-
gio nihil reſiduum obtineret , præter validas
qui-

quidem, sed exiguas Catholicorum copias ibidem miserè exagitatas, & Jacobum Exulem. Gemino illa spectaculo media, hinc commiserationem in Regem, amores illinc suos partiebatur in Regem. Insula, quæ olim Pietatis studio ad invidiam maximarum gentium effloruerat, foedissimis nunc erroribus deturpata, illam vehementer angebat; sed Regis animus supra casus & incerta vicissitudinum à virtute positus sublevabat. Ab Anglia teterrimis opinionum portentis mancipata incredibilem ægritudinem, ab inconcussa Regis extorris fortitudine fructus capiebat uberrimæ voluptatis. A Regnis olim sibi acceptissimis depulsa languebat; in Jacobi pectore firmissimè retenta triumphabat. Quidni verò in ejus animo triumphum multò splendidissimum explicaret, qui omnes fortunæ vires elideret, tela frangeret, impetus retardaret? Neque enim adversa invenire aditum poterant, ubi fores omnes Constantia præmuniverat; non trepidatio aut metus irreperere, ubi voluntas divinæ mentis arbitrio se fortiter adjungens, in ipsa rerum omnium perturbatione plusquam Halcyoniæ tranquillitatis dies agitabat. Quòd si pateretur justæ modus Orationis, ut decora virtutum omnia persequerer, quæ

quæ generosum illud Exilium illustrarunt , hanc ipsam præ Religionis cura mortalium titulorum admirabilem despicentiam mirari desinerent, qui Jacobi animum rerum cælestium ardore unice flagrantem , ac beatæ illius Cælitum Patriæ rivulis largissimè irrigatum pernoscerent . Profectò extremos vitæ annos ad simillimam supernis Civibus vivendi normam exegit . Divina solum per continuatas precibus noctes , Divina sacrorum Voluminum lectione , Divina piis alloquiis , mente , oculis , ore usurpabat . Cum verò somni exiguitate , & parcissimo cibatu vires attereret ; cum , voluntaria corporis afflictatione , flagella sanguine imbueret , laqueisque chalybe intextis latera adstringeret ; quò demum spectabat , nisi ut corpus , tanquam onerosum impedimentum paulatim dimitteret , quò ad cælestem Regiam promptior animus revolaret ? Reditum autem illum nequaquam simplicem , aut solitarium adornaverat , qui Annam Conjugem , qui Carolum Regem Fratrem , qui tot ab Hæreseos signis divulsas illustrium bellatorum copias præmiserat : qui immensam auri vim , suis usibus detractam , iis sustentandis impenderat , quos ab Anglia , Scotia , Hibernia , Fidei & Regis amor abduxerat . Qui
de-

demum Romanæ in Anglia Fidei firmiùs in posterum stabiliendæ, vigili solertique cura, nobilissimam Sobolem, Valliæ Principem, in sinu Religionis instituerat. Quid autem Valliæ Principem dico? Imo vero Jacobum III. bonorum omnium animis lætitia gestientibus, à Ludovico Magno Christianissimo Rege, maximo, laudatissimoque Fidei, Pietatis, Religionis exemplo, magnæ Britanniæ Regem salutatum. Is, ut ex hoc ætatis flore certissima se produnt auspicia, laude bellica, Jacobum Ducem Eboracensem; Fidei propugnatione, Jacobum Regem cumulatissimè referet: Ejusdem vero Exilium Christianæ Reipublicę meritissimo jure acerbissimum, optatissima diuturnaue pensabit, quod Regnorum Sospitator annuat Deus, regnandi felicitate.



DESCRIPTIO ORNATUS EXEQUIALIS

EXHIBITI IN FUNERE

JACOBI II.

MAGNÆ BRITANNIÆ REGIS

Ab Eminentiss. & Reverendiss. Principe

CAROLO

Sanctæ Romanæ Ecclesiæ

CARDINALI BARBERINO

*In Templo sui Tituli Sancti Laurentii
in Lucina.*



*N*os præcipuè Filios toto
animi studio Matres ferri
solent, quos intermissâ diu
fæturâ procreatos, ipsa fa-
cit longinquitas desiderii, &
solicita expectatio cariores.
Eorum verò partuum amif-
sione vehementius eadem tristantur, quos ma-
jori

jori iucunditatis fructu post diuturna sterilitatis spatia susceperunt. Utraque hæc communium parentum proprietas mirandum in modo eluxit, postremis hisce temporibus in hac veritatis Magistra, & Christi Fidelium Matre, Apostolica Sede Romana. Tot siquidem tantisque singularis lætitiæ testimoniis Jacobum II. magnæ Britannia Regem ab ipsis Regni primordiis prosequuta est; tam eximiâ benevolentia amantißimum Filium amplexa, nulla materni amoris satietate, pectori adstrinxit, ut longæ, quam in Regia Stuartorum Familia sustinuit, damna orbitatis, hac una suscepta prole, abunde sibi rependi, atque pensari viderentur. Accepto autem nuncio de ejusdem interitu acerbissimo, eò gravius indoluit, quò majorem antea lætitiâ atquæ voluptatem animo præceperat. Gravissimi certè luctus sinceras atque certissimas notas palam prodiderunt CLEMENTIS XI. Pontificis Maximi verba illa, quibus ad Purpuratorum Patrum Senatû, & Regis de Religione optimè meriti laudes, & suam, ejus cognito interitu, summam ægritudinem luculenter expressit. Nihil autem ad tanti mœroris testificationem accommodatius excogitare potuit, quàm ut, indictis ad Vaticanum extincto Regi Sacris Funebribus, de ejusdem

dem virtutibus splendidissimam Orationem habere jussert D. Annibalem Abbatem Albanum, Fratris sui Filium natu maximum, Adolescentem lectissimum, & ad omnem veram laudem, per summi Patruī vestigia, strenuè naviterque enitentem.

Laudatissimis Optimi Pontificis exemplis insists, iisque, præter insitum sibi generosæ Pietatis studium, incitatus Eminentissimus Princeps Carolus Cardinalis Barberinus, aliquod etiam erga eundem Regem publicè extare voluit studiosissimæ voluntatis suæ testimonium, quod illustria Regis in Romanam Fidem promerita sibi vindicarent. Præsertim cum non pauca accederent nomina veterum officiorum, quibus idem Eminentissimus Cardinalis se Regiæ Familiæ vehementer obstrictum, Anglici verò Regni veræ solidæque felicitatis magnopere studiosum profiteretur. Ut enim præteream, Massæum Barberinum, cum apud Regem Christianissimum Pontificium Oratorem ageret, confirmandæ promovendæque in Angliæ rei Catholicæ strenuam, nec unquam intermissam operam impendisse; atque ipsi in primis Jacobo I. Regi Catholicæ Religioni restituendo, solertis ingenii necessarium familiaremque suum Londini detinuisse, cujus literis de Regis voluntate,
consi-

consiliis omnibus, ac vitæ ratione in dies ferme cognosceret: ut omittam, ab eodem humaniter susceptum, sollicitè porro impigrèque præstitum Catholicorum patrocinium, ac potissimum interpositis Christianissimi Regis officiis, contendisse, ne per extrema miseriarum vitam in Anglia agitarent, qui per summam injuriam insimulabantur pulverariæ illius conjurationis, tot mendacissimis Hæreticorum scriptis, ac tragicis pene declamationibus toties inculcatæ, nihil certè ad tanti Viri, ac non ita multò post supremum Ecclesiæ regimen adituri, memoriam consecrandam illustrius, quàm quòd Paulus V. Pontifex Maximus Massæum ob res Angliæ, Regniq[ue] securitatem summo Religionis ardore in Gallia procuratam, non modò inter Procures Purpuratos retulerit, sed Scotiæ Protectoris titulo auxerit, quo pridem Eminentissimus Cardinalis Scipio Burgbesius, ejusdem Pontificis Fratris Filius, honestabatur. Ille verò mirificam quandam inclytæ Nationis fovendæ voluntatem ubique præsetulit, maximèque erga Collegia Scoticæ Juventutis, ex quibus, Catholicis tutandis partibus, subsidiariæ acies, pietatis ac literarum prævalidis munitis instructæ, subinde in patriam remigrarent. Verùm ubi, Urbani VIII. nomine ad

E

sum-

summi Pontificatus fastigium est evectus, ut magnæ Britannia Regna ad pristinam Religionem & gloriam revocaret, postulas à Carolo Vallia Principe cum Maria Philippi IV. Hispaniarum Regis Filia nuptias benignè probavit: quæ cum, abrupta tractatione, non coalescerent, Pontificiæ authoritatis beneficio eidem indulgit, ut Mariam Henricam, Christianissimi Regis Sororem, uxorem acciperet; id unice spectans, & confidens omnino fore, ut ille nexus sublevandis Catholicorum animis, Hæreticisque ad sanam mentem reducendis momenti esset plurimum habiturus. Et Carolus quidem magnæ Britannia Regnum adeptus, litteris ad Urbanum Pontificem datis, eidem minime infestum in Catholicos & Romana sacra animum est pollicitus: quam Regis voluntatem Urbanus peramanter accepit; utque ad majorum suorum exempla Fidemque respiceret, paterno Regem studio benevolentiaque, Apostolicis litteris commonuit. Pontificium amorem illum pro viribus opitulandi nobilissimis Regnis, obnixo animo exceperunt Eminentissimi S. R. E. Cardinales Franciscus, & Antonius Barberini: quorum cum alter Angliæ & Scotiæ, alter Hiberniæ Protectoris titulo esset insignitus, amplissimum uterque munus summa cum laude,
pa-

parique emolumento fructuque gessit . His atque talibus permotus Eminentissimus Princeps Carolus Cardinalis Barberinus , eam de vera Angliæ Religione benemerendi provinciam sibi à Majoribus suis veluti per manus traditam non modò tueri , sed pro virili parte proferre , æquum sanctumque duxit . Et quoniam Jacobi II. eximiis virtutibus , & singulari illa , præ Romanæ cultu Religionis , despicientia mortaliū titulorum mirum in modum capiebatur , ubi primū eundem Regem mortalitatem explevisse percepit , nihil antiquius habuit , quàm ut summa alacritate adjiceret animum , celebritati , quantam maximè posset , conciliandæ tam insigni Romanæ Fidei Defensori . Constituit proinde die vigesima octava Januarii Jacobo II. Magnæ Britannia Regi iusta persolvere in Templo , quod in Ordinis Cardinalitii Titulum præfert , S. Laurentii in Lucina dicto .

Insignis Urbis Architectus Sebastianus Cyprianus Operi eximia cum laude præfuit . Ea certè fuit elegantia , splendor , majestas ornatus universi , ut in unam expressamque vocem omnium suffragia conspiraverint , palam profitentium , quod attinet ad exhibita maximis Principibus Sacra emortualia , nihil ab ipsis magnificentius Romæ visum . Tametsi verò ipso

*Exequiarum die incredibilis quædam frequen-
tia, ex præcipuo Romanæ Nobilitatis flore col-
lecta, Templum confertissimè occupaverit, ta-
men, ne avida assidue confluentium pietas lau-
dabili studio fraudaretur, necesse habitum est,
ad decem dies ornatum omnem intactum relin-
quere. Quod ipsum producti temporis spatium
nihil obstitit, quò minùs effusissima multitudo
ad sacram illam Aedem continenter atque cer-
tatim accederet, nullumque sibi modum statue-
ret regie molis amplitudinem demirandi, &
meritis laudibus efferendi summam Eminentis-
simi Principis magnificentiam cum summa pie-
tate certantem. Verùm maximam Operi cele-
britatem, & longè clarissimum decus concilia-
vit Clemens XI. Pontifex Maximus, qui Ho-
noraryum Tumulum, & singula ferè ejusdem
ornamenta præsentia sua nobilitare dignatus
est; verbisque benignissimis largiter comproba-
vit Religionis studium, quo Eminentissimus
Cardinalis ad ita excolendam Religiosissimi Re-
gis memoriam exarserat. Hæc autem idcirco à
me dicta velim accipiant ii, in quorum manus
Narratio hæc nostra pervenerit, ut planè intel-
ligant, conspicua illa pompæ funebris lumina,
in hac descriptione, multis partibus faciliè mu-
tila, certè rudi & emortua, jacere penitus
atque*

atque vileſcere. *Quid ni verò ? cum etiam peritiſſimi Artiſces, qui colorum pigmentis dimicantes exercitus, aut maris tempeſtates mentiuntur, quantavis ſucceſſus felicitate potiantur, adhuc probè pernoſcant, aliud demum eſſe mutas ſegneſque tabulas, aliud veros aut pugnarum tumultus, aut fremitus procellarum.*

Templi facies, pulla veſte conteſta, laciniis inter Porticus Columnas molliter decidentibus, prægrande monſtrabat Inſigne Regium, luteis coloribus ſubobſcurè illuminatum. Excipiebant Teſſeram Eſſigies geminæ: Spem altera, altera Fortitudinem referebat; quarum baſibus alata radiabant Calvariæ. Latera verò ipſa Trophæa quatuor militaria, totidem ferme diſtinſta Pyris flagrantibus, tuebantur.

*Porticum undique atratam quatuor orna-
bant perampla Numiſmata, totidem Regis
eximias dotes aſſabre coloratas referentia, To-
lerantiam, Potentiam, Conſilium, & ſacrum
divinæ Majeſtatis Timorem: pendebant au-
tem, tæniis ſcitè excurrentibus, inter mortis
calvas utrinque ſublataſ.*

*Templum ingredientibus continuò conſpi-
ciendam ſeſe exhibebat moles regia Cenota-
phii, ad lacunar uſque Templi perducta, quod
auro picturæque diſcriminatum mirè novo orna-*

tui congruebat . In mediâ ejusdem area quatuor à singulis angulis procurrebant in sublime Columnæ , ad Corinthiæ normam Architecturæ , tortuosis flexibus in spiram convolutæ . Columnarum bases è luteo erant marmore colorato , calculosis maculis intermixto . Ab earum facie , coronidis inauratæ fulcris sustentata , extabant quatuor Mortis simulacra , quæ integra corporis mole , aureisque vestium involucris expressa , coronâ itidem aureâ præcinctam frontem , & argenteum sceptrum efferebant . Altera verò manu Numismata ostendebant , quatuor magnæ Britanniæ Regna eleganter adumbrantia . Bassium facies , Spartano clementi marmore , Regis Insignia excipiebant , inter flexus decursusque frondium cupressinarum , ramosque laureos oleasque multis meandris implexas , & mutuis nexibus interceptas .

Tractus verò integer Columnarum ab infimo ad superiorem scapum contortis voluminibus perpetuò striatus excurrebat , ramusculis per certa intervalla oleaginis , cupressinis , lauricisque concinnè discriminatis . Nec à dispari Emblemate Zophori , Epystilia , & Capitella , ex opere anagyptico , ornatum recipiebant . Nam auro contexta omnia ludicros ramorum encarpas , turbinato sinu , à prominentibus latusculis

lis effundebant . Postremo in ipsis Columnarum fastigiis quatuor emicabant Trophæa bellica, quæ auro argentoque illuminata, expansis vexillis, ferratis clavis, frameis, omnigenisque promiscuè complicatis armis, splendidum quendam metum incutere videbantur .

Editissimum spatium inter medias Columnas relictum implebat ingens amplissimæ Coronæ textum, quod fictitiis unionibus gemmisque confectum & saturatum, in morem regalis umbellæ tumulum tegebat; in cujus extremo apice præfulgens pila, & inauratum desuper augustissimæ Crucis Insigne minimum à lacunato Templi tecto distabat .

Ad tumulum infra defixum, eundemque undique avulsum dilucidèque perspicuum, per oppositos in gyrum gradus, patebat aditus . Ac primum stilobata orbiculatus, lutei marmoris maculosas venas assimilans, directis adversus Columnas projecturis, quatuor Genios spectandos objiciebat, mærore dejecto vultu, & extinctas faces manu gestantes.. Ipsæ verò stilobatæ facies Trophæis, sertisque mæstarum frondium renitebant . Altera erumpebat inde basis quadrata, sensim in processu deficiens, quatuor à totidem angulis efferens argentea Mortis simulacra, integræ eminentiæ, coronis porro

aureis redimita, & auratas alas explicantia. summis verò capitibus Urnas aureas lacrimatorias sustentabant. Obibat latera quadrigemini Cornucopiæ, unde egressæ aureoque hastili dispositæ funales faces, inter totidem Pyras præaltis è solido argento urnis injectas, ardebant.

Elatioris hujus Pegmatis facies, quatuor delineata symbola, Regis Virtutes indicantia, complectebatur.

Primum. Veritas dexterâ Solem attollens, levâ blandiens Monocerotî, cum Lemmate. LEX VERITATIS FUIT IN ORE EJUS, ET INIQUITAS NON EST INVENTA IN LABIIS EJUS:

Alterum. Serpens adductâ in os caudâ, circulum efficiens, coronato Sole intus recepto, sparsisque foris stellis, cum Lemmate. FATO PRUDENTIA MAJOR.

Tertium. Leo coronatus enatas herbas proterens, cum Lemmate. VIRESCIT VULNERE VIRTUS.

Quartum. Laurus inter excussas & serpentes circum sagittas, cum Lemmate. VIR-TUS UBIQUE TUTA.

Postrema Tumuli solea metallo expressa, Leopardos quatuor auratos anaglyphicè excisos,
Ur-

Urnæ sepulchrali amplectendæ extollendæque admovebat. Urnam verò ad Lydii similitudinem marmoris expolitam, ac mutulis illustri cælatura exornatis elatam atque suspensam, Simulacrum obumbrabat, ad integram eminentiam, exculptæ Mortis coronatę, & strato corpore decumbentis. Et illa quidem alterâ manu regale sceptrum, alterâ scriptoriam Tacnium eleganti flexu dissectam gerebat, hac exarata Epigraphe. JACOBUS II. ANGLIÆ, SCOTIÆ, HIBERNIÆ REX, FIDEI DEFENSOR. Hinc oblongum Numisma aureum, undique abscissum præcisumque, pendebat, dimidio anaglypho, ex vero expressam Regis effigiem utrinque referens, præcinctumque venustissimo encarpo, laureos ramos argento simulante. Majestatem spirans Religionis statua ad Cælum Numisma, regios vultus insculptum, sublevabat; debitamque Heroi summo immortalitatem spondere videbantur, hinc Historia, hinc Fama, simulacris elegantissimis adumbrata.

Ecclesiæ apsidam vestis violacea, & quæ Arę maximæ propiora erant, villosum holosericum ejusdem coloris velaverat. Exteriores verò apsidæ frontem tergeminę obduxerant tabulæ, non usitatae magnitudinis, miræque concin-

cinnitatis; quibus explicata vexilla, trophæa, cristataque cassides alludebant.

Prima Regis natalitium diem repræsentabat; exerebatque sese Civitas Londinensis; atque ipsum expressus Uvhitheallium, Jacobi Regis natale Castrum, conspiciendum offerebat exorientem Solem ab alato Genio coronatum, cum Lemmate. EMERGIT NITIDISSIMUS.

Altera Occidentem proferebat Solem, cum Lemmate: MERGITUR, ET FULGET; aderatque Lutetia Parisiorum, & S. Germani Castrum, hospitio Regis, & morte clarissimum.

Tertia Solem monstrabat, nitidissimo meridie, mediâ Zodiaci Zonâ effulgentem, cum Lemmate. PERGENS FERVET, ET CLARES CIT SUB MERIDIE SPLENDIDISSIMO. Inferiori Tabulæ parte Hadriana Moles, Basilica Vaticana, Forum Columnatum, Aedesque Romani Pontificis magnificentissimæ spectabantur.

Cæterum pullus ubique decidens amictus, receptis, per discreta spatia, in nodum laciniis, & picturatis subinde Emblematum Tabulis variatus, Templi latera contegebat. Summum continenter procurrentis Coronæ spatium candela-

delabra subobscurè delineata fulciebat , quæ funales Cereos quadrilibres in gyrum flagrantē regebant . Omnia verò latè diffuso splendore complebant decem , ad lateritias Templi pilas , à solo ad Coronam productæ hastæ præaltæ , opulentissimâ cereorum copiâ undiquè coronatæ . Eas pulcherrima specie , multa auri vi & egregiis calaturis incisæ bases sustinebant ; superinducta singulis , integræ eminentiæ , Mortis statulâ , variisque permistarum frondium lusibus , atque mæandris , & inauratis nexibus Coronarum .

Tabulæ atrata Templi latera discriminantes omninò quatuordecim numerabantur . Quorum sex magnæ Britanniæ Stemmata suis coloribus , & Symbolis ad verum expressa ; octo reliquæ Emblemata ostendebant , Regias Virtutes aptissima varietate indicantia .

Primum Emblemata . Fidei effigies pectore radiantem Solem , dexterâ sanctissimam Crucis Tesseram gerens , cum Lemmate . IN FIDE SVAPROBATUS EST , ET COGNITUS EST IN VERBIS EJUS FIDELIS .

Alterum . Ex Olea arefacta viridis enascens surculus , ad propitii Solis aspectum , cum Lemmate . RENOVABITUR .

Tertium . Ad Noemi Arcam undis , ætatem

Co-

Columba advolans, ore virentem Olivæ ramum adstringens, cum Lemmate. SPERNIT IMPAVIDA FLUCTUS.

Quartum. Annosa Quercus, inter adversos ventorum ingruentium impulsus, cum Lemmate. INCONCUSSA MANET.

Quintum, quod primo Emblemati in arcu Apſidis erat adverſum. Effigies Zeli Gloriæ divinæ, bipenni appoſita, & prefulgenti lychno, cum Lemmate. ZELANDO ZELUM DEI ACCEPIT TESTAMENTUM ÆTERNUM.

Sextum. Monoceros, Tameſinis aquis cornu immergens, cum Lemmate. VENENA PELLO.

Septimum. Exerta Leonis manus evaginatū gladium capulo adstringens, cum Lemmate Græco. ΑΠΑΝΟΣ.

Octavum, depreſſo Palmæ ramo inſertum Pſalterium, cum Lemmate. INCLINATA RESURGIT.

In Interioris Januæ Fronte prefixum erat ingens ſanè, & omniū luculentiffimum Numiſma, trophæis, galeis criſtatis, pennatis jaculis, multoque illito auro ſpectabile. Solem emiſſis radiis nubes fugantem cum Epigraphe, SUA LUMINA SERVAT, & procelloſi maris flu-

fluctus ad scopulum allisos expromebat, addito aureis characteribus Lemmate. PERSTAT IMMOTUS. Desuebat inde amplissimæ spatium Tabulæ Regis Elogio inscriptæ: quo clarissima Regis gesta & laudes graviter, ornateque perstringebantur. Tabulam hinc inde complectebantur & efferebant Effigies geminæ; quarum altera Constantiam, altera Æternitatem ad vivum reddebat. Elogium autem, quod supra memoravi, est hujusmodi.

IACOBO II. MAGNÆ BRITANNIÆ REGI

IVRE SVO ROMA PARENTAT; QUÆ
ENIM EST TOTO TERRARVM AM-
BITV COLVMNA, ET FIRMAMENTVM
CATHOLICÆ VERITATIS, ÆQVISSI-
MVM PLANE' EST, VT INVICTVM IL-
LIVS DEFENSOREM, CONSTANTEM-
QUE CVLTOREM, NON TAM HOMI-
NIBVS EREPTVM LACRYMIS ATQUE
SVSPIRIIS PROSEQVATVR, QVAM
CÆLITIBVS SOCIATVM, ET BEATA
SORTE ÆTERNA EORVNDem FELI-
CITATE POTITVM LÆTISSIMA
GRATVLATIONE CONSECTETVR.
HOC EXIGVNT PRÆCELSÆ TANTI
ÆVO

ÆVO NOSTRO HEROIS OMNIGENÆ
 VIRTUTES, QVIBVS CVM SEIPSO VNI-
 VERSAM ORTHODOXAM ECCLE-
 SIAM ILLUSTRAVIT, DVM SVI GLO-
 RIOSISSIMVS DOMITOR SEMPER IM-
 PAVIDVS, SEMPERQVE IMPERTER-
 RITVS, BELLICIS TERRA MARIQVE
 VICTORIIS CLARVS, CLARIOR TA-
 MEN ELVXIT VICTORIA SVI, QVA
 HVMANIS CONTEMPTIS TERRENA
 DIADEMATA POSTHABVIT CÆLE-
 STIBVS, SICQVE SEIPSUM EVICIT IN-
 CLYTVM SÆCVLORVM TRIUMPHA-
 TOREM. HOC TOTAM ERVDIENSEC-
 CLESIAM DOCVIT, PRÆCEPITQVE
 PRÆSTANDVM SVO DIVINÆ SAPIEN-
 TIÆ ORACVLO SVMMVS ATQVE
 SANCTISSIMVS SACRORVM ANTI-
 STES CHRISTI IN TERRIS VICARIVS
 PONT. OPT. MAX.

CLEMENS XI.

QVI ILLVM, QVEM ADHVC INTER
 APOSTOLICÆ SEDIS LUMINA CON-
 STITVTVS OFFICIIS OMNIBVS SVS-
 PEXIT DEMERVITQVE, MOX AMAN-
 TIS-

TISSIMI PATRIS SENSU VTI FILIVM
 CHARISSIMVM COMPLEXVS EST,
 EVNDEM NVNC, QVAM IN DEO RE-
 POSITAM SPEM HABEBAT IAM ASSE-
 CVTVM, PIIS VOTIS PROSEQVENDVM
 ESSE VERITATIS PRÆCO ENVN-
 CIAVIT. HVNC IGITVR, QVEM CHRI-
 STIANA RELIGIO STRENVVM PRO-
 PVGNATOREM HABVIT IN TERRIS,
 AVXILIATOREM HAVD IMMOMO-
 REM IMMARCESCIBILI REDIMITVM
 CORONA REGNANTEM EXPERIE-
 TVR IN CÆLIS.

*Illustrissimo ac Reverendissimo Domino Phi-
 lippo Michaeli Ellis Episcopo Aureanapolensi
 rem divinam peragenti, inter præstantes Mu-
 sicæ concentus, interfuerunt S. R. E. Cardina-
 les, quot fermè Romæ aderant, cum corona Il-
 lustrissimorum Præsulum frequentissima, Ro-
 manæque Nobilitatis. De Regis laudibus Ora-
 tionem habuit Carolus de Aquino Societatis
 Jesu: quâ absolutâ Illustrissimi, & Reveren-
 dissimi Præsules Joannes Monrealis Archie-
 piscopus Rheginensis, Ulysses Joseph Gozzadi-
 nus Archiepiscopus Theodosiæ, Antonius Felix
 Zondodarius Archiepiscopus Damascenus, &
 Jo-*

Joseph Vallemanus Archiepiscopus Atheniensis, Ecclesiæ ritu, Absolutiones ad Cenotaphium persolverunt.

Tabularum atque Numismatum, quæ superius exposuimus, Icones chalcographicas videre, Lector, poteris in prima hujus Orationis & appositæ Descriptionis editione; quæ per amplis formis separatim prodiit Romæ Typis Barberinis MDCCII.





ORATIO IV.

IN FUNERE

JOANNIS III.

POLONIÆ REGIS

MAGNI LITUANIÆ DUCIS,

Habita in Sacello Pontificio Quirinali

A D

INNOCENTIIUM XII.

PONTIFICEM MAXIMUM.



F.

EX.

Excellentissimis, atque Inclytis SE-
NATORIBUS Serenissimæ Po-
lonæ Reipublicæ, Magnique
Ducatus Lituaniæ, eorumque
supremo Præsidi Eminentiss. ac
Reverendiss. Domino D. MI-
CHAELI S. R. E. Presb. Card.
RADZIEOUSKI Archiepiscopo
Gnesnensi, Primati, & Primo
Principi

Carolus de Aquino Societatis JESU
Felicitem.



*Ultame, Eminentis-
sime PRINCEPS,
Excellentissimi atque Inclyti S E-
NA-*

NATORES, deterrere potuissent, quominus, tam alieno praesertim tempore, Vobis obstreperem, quos, nunquam animo minus vacuo, gravissimis curarum oneribus distringi, & rem, unam omnium mortalium operum difficillimam, moliri probe essem conscius. Verum duo potissimum in causa fuerunt, quamobrem Vos, incolumi pudore, adire non extimescerem. Primum, ipsum Orationis, quæ Vestro Nomini inscribitur, argumentum. Etenim Virtutum, quoque Regum fastigium insignire possunt, exemplar absolutissimum Vobis proponimus, **JOANNEM** Tertium, cujus immortalia facinora ita amplectentur aetates omnes, ut nullum sibi finem in eorum predicatione constituent.

Nam

Nam si Cyri Regis Persarum gesta, à disertissimo Græcorum Scriptore literis tradita; ad præclaram aliorum Regum institutionem mirificè profecerunt; quidni ad excelsam, quam animis consiliisque struitis, tam præclari Operis exadificationem nonnihil conferat qualiscumque hac demum, & obscuris, ut planè sentio, coloribus adumbrata effigies Regis, qui claritudine rerum gestarum, non cum Cyro solum, sed cum omni audeat antiquitate contendere? Alterum est, ne ad dignitatis locique Vestri splendorem istum, sine parario affectarem viam, primos mihi ad Vos aditus patefuisse Eminentissimum Principem, CAROLUM Cardinalem Barberinum, Polonici Regni Protecto-

rem amplissimum: de cujus prolixa & effusa in Vos voluntate, quid attinet predicare, tot tamque luculentis passim exemplis testatissima? Ejus certè singulare de Vestra virtute judicium, & in JOANNEM Tertium, cui florentissimi Regni Patrocinium gratissimo animo refert acceptum, erecta studia efficiunt, ut nullo genere officiorum impensius capiatur, quàm quibus, Vestris laudibus faveat, Nomini vestro celebritatem conciliet, omni-que, ut ajunt, pede in Inclyta Natione honestanda consistat. Is abundantia quadam humanitatis mecum egit, ut de Regis longè clarissimi laudibus verba facerem, ad INNOCENTIUM XII. Pontificem Maximum, cum universo

Ca-

*Catu Patrum Purpuratorum, Eide-
dem Iusta Funebria persolventem.
Qua designatione Princeps limatissi-
mi cæteroqui iudicii, magis ratio-
nem habuit, quemadmodum huma-
nitati suæ indulgeret, quàm ut pu-
dori meo parceret. Geminis hisce
munimentis insistens non est, ut
crimen audaciæ deprecem, dum à
Nomine Patrocinioque Vestro, ora-
tioni meæ splendorem, atque præs-
idium accerso; etiam dum Regni,
Patriæque clavo assidentes ejusdem
securitati gloriæque consilia omnia,
cœpta, cogitata Vestra devovetis.
Quæ profectò, (quæ Vestra Sapien-
tia est) ad Regni diuturnam felici-
tatem, ad uberrimam segetem gloria
Vestra, non modò supra spem, ve-
rùm etiam supra vota provenient.*



O R A T I O .

QUOD afflictis Europæ rebus
 ab interitu vindicandis præ-
 fidii fuerat penè reliquum,
 BEATISSIME PATER, quod
 in supremo armorum Du-
 ce, quod in sapientissimo
 Rege instituendo, Veteres
 adumbratum literis reliquerunt, è medio su-
 stulit Joanni Tertii Poloniæ Regis interitus,
 Christianæ Reipublicæ peracerbus. Quidni
 etenim ejus casus omnia secum fermè trahe-
 ret, cujus beneficio factum est, ne omnia ali-
 quando ad exitium traherentur? Me verò su-
 per hæc, rerum copia, loci majestas, & cir-
 cumscripti laudationi fines ità perturbant, ut
 vehementer timeam, ne, dum exaggeratæ
 virtutis simulacrum in arctissimum modulum
 contraho, non tam inelegantem typum facul-
 tatis tenuitate, quàm magna ex parte mutila-
 tum

tum inopiâ temporis , videar posuisse .

Polonici Principatus natura , eximii Ducis , & Regis optimi prærogativas indiscretas habet atque promiscuas . Gens ad labores impigra , & læta bello , laudes suas amat in Rege : vulgato jam more Populorum , ut , quibus ipsi virtutibus potiores sunt , iisdem Principem æstiment . Quod autem tibi , Joannes , splendidius ad Principatum Tyrocinium esse potuit , recepto Chocinio , asserta Podolia , validissimo Cosaccorum atque Turcarum exercitu exuto castris , occidione deleta ? Eo siquidem ipso die , quo Michael Rex mortalitatem explevit , Turcicum bellum in cervicibus erat . Morbus Regem , hostes in Chocinienſi arce Regnum obsidebant . Polonia minimè nescia , se , illo extincto , viduam , hoc victore , nullam futuram , Tuam , Joannes , dexteram fidemque respexit ; ne , qui supremus Regi aderat dies , novissimus affulgeret & Regno . Vicisti Patriæ vota : ita confirmasti de Regno sollicitam , ut nec Regis orbitatem illa sentiret : frustra jam Comitibus in Rege deligendo cunctantibus , quem suo suffragio Victoria coronaverat . His auspiciis Regnum ingressus , deformatam seditionibus Poloniæ faciem , ac prope Poloniam Poloniæ restituit .

Di-

Dicerem novas ad Tyram & Borysthenem
 excitas munitiones, auctam præfidiis utram-
 que Volhyniam, Scytharum populationes
 coercitas, crebris incurfationibus Chamene-
 cium obnoxium habitum, nisi in expeditionem
 illam Germaniæ, Europæ, Religioni longè
 felicissimam, erectos animos cernerem, & di-
 centem ad se non tam alliceret Vienna, quàm
 raperet. Juvat autem memoriâ repetere, ca-
 lamitosi illius temporis faciem, cum ingens
 nos trepidatio incesset, ne per Illyricum &
 Carnicas Alpes, turbo ille Otomannici belli
 se in Italiam effunderet: cum non deessent,
 qui trepidantibus animis pavescerent Musta-
 phum, se viorem Annibalem ad portas minan-
 tem, incensa ædificia, excisa Tempia, Hoc
 ipsum sed horret animus in augustissi-
 mum Religionis Domicilium, etiam commen-
 titios metus inferre. Quamvis dum hic larva-
 tis terriculis agimus atque fictitiis, veros ti-
 mores de Germaniæ fronte discutit Joannes,
 minaci equo præfulgens, explicata fronte,
 decora facie, Regno posthabito aulæque de-
 fertâ splendidior, non laborem ullum, non
 vitam, non sanguinem, ante publica commo-
 da positurus. Quid hîc dicam collatis signis
 cæfas Barbarorum acies; quæ, tanquam sini-
 stro

stro fidere affatæ, ne primos quidem velitationum impetus sustinuerunt? Quid referam turbatos ordines, ab Equitatu graviter incumbente pulsos atque protritros, quibus subito terrore lymphatis, foeda fuga decorâ morte potior fuit? Profectò ille tantarum virium Polonorum exercitus, in Sarmatiam suam, ipsâ nullo satis præclaro laborum pretio parabili gloriâ, expositâque, rediisset inglorius, nisi haud ita multò post, Turcarum edita ad Barchanum clades, adhuc expertes sanguinis gladios imbuisset. Peregit Viennensis Victoria, ut, servato Imperii Palladio Germania explicaret frontem, quam longus timor arctaverat; Barchanensis præstitit, ut, quæ timere desierat, timeretur: illa inclinatas res à casu sustinuit; hæc securitati in posterum, latiùsque proferendis Imperii finibus Religionisque, prospexit. Nego etenim in Hungaria, in Dacia, in Peloponneso, in Dalmatia, ullam postea expugnatam arcem; nego, victoriam ullam de hostibus reportatam, in cujus gloriæ societatem, Polonici Regis expeditio illa non venerit. Cujus partem aliquam is mihi demum assequutus animo videatur, qui æstimaverit, decus illud non aliorum modò, sed ipsius Joannis facinora, quæ consequen-

tes

tes annos mirificè illustrarunt , speciosa quædam inducta caligine , inumbrasse . Nam exquisitos Militum delectus sustentando Fœderi imperatos , trajecto sæpius Tyra inundatam Moldaviam, occupatum Jassium incensumque, Regni fines quâ communitos arcibus , quâ latius propagatos, Chamenecium ipsum pavitare semper jussum , si semel vinci non meruit, quæ decora , fidem hominum Superumque ! sed quoniam Vienna fulgore suo perstrinxerat oculos , hæc tam excelsa tamque præclara , quædam Polonici Martis otia atque cessationem interpretamur . Verùm meritissimis in Joannem Regem congestis præconiis , luisse me operam planè sentio : dum laudem omnem decorum pulcherrimorum, in longè alium authorem Joannes ipse transcribit , datis post Viennensem Victoriæ ad Innocentium XI. Pontificem Max. in hanc sententiam literis . *Veni, Vidi, & Deus Vicit* . O gloriæ abdicationem , gloriæ multò maximè quæstuosam ! Virtute , gestis , felicitate æquasti Cæsarem , Rex invictissime ; tam luculento moderatissimi animi testimonio, de ipsius superbia triumphasti . Et quidem rerum divinarum studiosissimum Regem nihil non piè , nihil cum Religione non cogitasse conjunctum , testes sunt,

ex-

excitandæ Fidelium pietati, Patrum Capuc-
cinorum ex Italia, Velatarum Virginum ex
Familia Divi Benedicti, evocata primùm ex
Gallia in Poloniam Sodalitia: testis ille ipse
Viennensis triumphus nulla temporum vicissi-
tudine oblitterandus dies, cum primo dilucu-
lo cælestem Hostiam immolanti de genu mi-
nistraret, socio præstantissimæ indolis Filio,
non tam in laborum gloriæq; partem, quàm in
paternæ pietatis æmulationem vocato. Te-
stes secretiores aditus in Regiis castris, ubi
subtractum bellicis curis animum supremo
Numini repræsentabat. Testis demum Milita-
re Vexillum, ab arce Barchanensi direptum,
& ad Ædem Virginis Lauretanæ transmissum.
Nam Regium alterum, quod inter Prætoria-
ni tentorii spolia, sua Rex ipse manu detraxe-
rat, tunc enimvero altissimo in loco, maxi-
mèque Terrarum Orbi conspicuo erectum
jure censuit, cum ad Innocentii XI. pedes de-
volveretur. Pontificiæ siquidem Dignitati, &
Apostolicæ Sedi quàm impensè fuerit singula-
ris obsequii studio mancipatus, exploratissi-
mum fecit, cum splendidissima Radzivillii
Ducis Legatio, ab ipso Principatus exordio
ad eundem Pontificem obita, tum dies ille Re-
ligioni faustissimus, cum, eodem Sequestre,
coacto

coacto Purpuratorum Patrum Conventu , ex eodem Ordine lectissimi Proceres , in leges Hungarici Fœderis Sacramentum dixerunt . Quò plus obtinent commendationis & laudis hæc mœstitiæ imitamenta , & pompa emortualis , quâ suprema officia peraguntur non tam acerrimo Romanæ Sedis propugnatori , quam obsequentissimo Filio , Joanni Tertio Poloniæ Regi ; quem ætates consequuturæ ultrò fateantur gloriæ quidem suæ satis superque , felicitati publicæ plurimùm , bonorum omnium desiderio minimùm sanè vixisse .



ORA-

ORATIO V.⁹⁵

IN FUNERE

JOANNIS III.

POLONIÆ REGIS

*Habita à nobili Adolescente Polono in Inclytæ
Nationis Polonæ Templo S. Stanislai,
inter Sacra exequialia, eidem
celebrata*

Ab Eminentiss. & Reverendiss. Principe

C A R O L O

Sanctæ Romanæ Ecclesiæ

CARDINALI BARBERINO.



I dolori publico, Eminen-
tissimi Principes, tantum
lacrimarum liceret im-
pendere in Funere Joan-
nis Tertii Poloniæ Regis,
quanta illius in Europam
universam, & Orthodo-
xam Religionem fuere promerita, non ad
exigui

exigui ostentationem temporis squalor iste exequialis mutos parietes tegetet, contuentium oculos contristaret, sed in futuras ætates, ut Regis Optimi beneficia, ita jacturę acerbissimę significatio luctusque transmittetur. Iniquissimum enim esset, in ejus Principis amissione lacrimas exarescere, cujus virtute atque felicitate Polonia, Germania, Europa, Religio ab equissimo metu ad pristinum nitorem dignitatemque restituta reffloruit. Succenserem ferme Naturę, quę non æterni doloris uberrimam venam indullerit, ubi immortalia esse voluit officia meritorum. Ego verò per tanti Principis laudes atque virtutes, brevi Orationis ambitu jussus excurrere, non absurdè doloris ingenium videar imitatus, si funere luctuoso confectum animum ipso neglectu ac prope squalore incomptę Orationis ostendero.

Excelsi animi magnitudo, & regia planè Joannis indoles, se inter ipsa pueritię crepundia exeruit. Vix enim cunas egressus, tam singularem morum maturitatem præsetulit, ita ad omnem verę laudis provocationem exarsit, ut ex firmiori ætate, & longiori rerum experientiâ, nihil illi potuisse videretur accedere. Crederes, aut pueritiam Joanni, aut Joannem pue-

pueritiæ defuisse. Sub auspiciis Ducis Potocki, ad omnem posteritatem clarissimi, positis militiæ rudimentis; tam inusitato genere laudis inclaruit, ut, cum intestinæ Regni discordiæ egregii Imperatoris necessitatem fecissent, nihil moræ fuerit, quin à Rege Casimiro supremus armorum Arbiter renunciaretur. Tam præclaro existimationis regiæ testimonio insignitus & auctus, quàm latè Polonici exercitus terrorem diffuderit, quantam ipse continuo fuerit celebritatem nominis consequutus, te, Polonia, testem appello; quam seditiosorum hominum tumultibus agitatam, laceratam odiis, perfidiâ collabentem, ita communivit, sustentavit, erexit, ut collatum in Joannem armorum Imperium Regni hostes contremiscerent, sibi nūquam satis Polonia gratularetur. Seditionum civilium motibus mirâ celeritate compressis atque sedatis, expeditiorem viam aperuit Polonicis armis, ut externi hostis conatus audaciamque retunderent. Nullo certè justiore metu Sarmatiæ res in discrimen adductas expavimus, quàm cum, obsessio Chocinio, innumeræ Turcarum acies ad Tyrannem amnem considerent; si semel validissimum illud Regni munimentum, virium omnium concertatione labefactatum corrueret,

G actum

actum de universa Polonia reputantes . Et actum quidem fuerat , nisi Joannes Equitatu florentissimo instructus , non tempori , non sibi , non Patriæ defuisset . Animo ac pene oculis obversatur mihi , ipso terrore gratissimus ille Polonorum impetus , cum hostium munimentis , quibus se se confeserant , castrisque perruptis , per dirutos aggeres , per vias cadaverum acervis obstructas , per conculcatas barbarorum cervices , ad asserendam oppugnatam arcem , ad solvendam à funestissimo metu Poloniam convolaret . Cum fortissimus Ductor Sed quid ego Ductorem appello , quem libertatis suæ gloriosissimum vindicem , Regem etiam suum Polonia , ultro collatis insignibus , salutavit ? Cum inquam , Rex potentissimus , amorem suorum , timorem hostium , omnium admirationem , victoriæ suæ dulcissimum pretium reportavit . Poloniæ rebus in hunc modum compositis , tantâque domi partâ gloriâ , non ille ad palmarum suarum atque laurorum umbram ignavum latus deposuit , nec otio Polonicus Annibal , desidiâve confenuit . Sed postquam Patriam armis latè victricibus in tuto locaverat , Germaniæ nutantes res , Europam in Vienne oppugnatione ancipiti timore suspensam , Religionem ad extremum

mum penè discrimen adductam, victoriâ sub-
 levavit post hominum memoriam clarissimâ,
 quæque non expectationem modò superavit,
 sed etiam vota populorum. Neque enim se,
 Regnique sui vires omnes in ancipitem casum
 conjicere dubitavit, postquam se Hungarico
 & Veneto Fœderi illigaverat. Certè de Ro-
 manæ Sedis amplitudine & dignitate detra-
 ctum fuisset fortasse plurimum, & Germanici
 Imperii vix umbram forsitan aliquam haberem-
 us, nisi inextricabilem illum nodum, &
 plusquam Gordianos nexus Joannes Rex gla-
 dio suo explicasset. Castris latissimè positis
 atque communitis, Viennam, firmissimum
 Germaniæ propugnaculum, hostiles copiæ
 vallaverant. Jamque decussi murorum apices,
 & crebris tormentorum ictibus verberata
 moenia aggressorum assultibus idoneum ruinâ
 spatium aperuerant ad irrumpendum. Nobi-
 lissimæ totius Europæ Civitates, Roma præ-
 fertim, de cujus maximè Imperio in illis Au-
 striæ campis certabatur, sinistri eventus expe-
 ctatione suspensa, nuncium expugnationis sibi
 fatalis in singulas fermè horas præstolabatur.
 Adfuit tandem citatissimo impetu raptus è
 Germania Curfor; sed qui.... O triumphum
 Religionis omnium longè pulcherrimum! O

laudem Joannis Regis nullâ unquam temporum futurorum oblivione delendam ! Sed qui, inquam , non mœstissimo luctu principem Gentium Urbem , sed liquidissimâ voluptate compleret . Lætissimus nempe rumor continuo totâ Urbe percrebuit , Viennam in libertatem assertam , fugatos hostes , impedimenta omnia , commeatus , sarcinasque militares in potentissimi Regis potestatem venisse : animis eò jactantiùs in omnem hilaritatem effusis,quò propiùs desperationem res fuerat. Alii celeritatem victoriæ prædicabant ; cum solus penè Regis aspectus copias hostium latè diffusas , veluti Sol densissimas nubes , disjecisset . Alii sociati cum Germano milite exercitus consilium extollebant ; cum Turcæ nihil magis , quàm Lotharingiæ Ducis & Poloniæ Regis , tanquam fatalium sibi siderum conspirationem , pavescerent . Sed regia in primis pietas per omnium ora summis laudum decorata præconiis incedebat. Ad Cælum passim efferebant generosissimam animi demissionem illâ , cum,regio diademate ad Virginis Deiparæ pedes relicto, non tam Regem se , quàm militem ex gregariis unum , contra Romanæ Fidei hostes futurum in posterum profiteretur . Quid autem ad exemplum generosæ pietatis illustriùs

strius, quàm cum ad imminentem immortalis pugnae conflictum, non alia velitatione praeluderet, quàm Sacra facienti Ministro provolutus in genua, eidemque dexterâ illâ, sceptrō virgæque Imperatoriæ assuetâ, subserviens? Sed nihil æquè omnium animos excitavit & extulit, quàm cum ad Principis Apostolorum Basilicæ valvas defixum suspicerent militare vexillum, quod ex ipso Mustaphi Viririi tabernaculo, Regiâ manu convulsum atque direptum, perpetuum esse voluit monumentum sui erga Sedem Apostolicam testatissimi semper obsequii. Verùm dum Romæ religiosissimi Regis prærogativæ efferuntur, ille collatis iterum cum hoste ad Barchanû signis, generosâ irâ succensus, bellico pulvere speciosissimè inhorrescit. Turcarum exercitus ille ad Viennam propulsatus solum atque disiectus, in agro Barchanensi Polonorum ultioni gladiisque planè succubuit: fuga illa hostium, hæc clades fuit: ibi disturbati Ordines, collectis iterum signis, instaurare bellum potuerunt, hinc accisis Otomannæ potentiæ nervis, & procumbentē veteranæ Militiæ flore, ita de hostibus triumphatum est, ut vastissimum illud, totque evolutis sæculis formidatum Imperium, veluti cadaver senio mor-

boque confectum , non solum comminari atque insolescere non auderet , sed vix commovendi se ultra ostenderit , ac prope respirandi fiduciam . Nec porro ea victoria luculentissimo pietatis testimonio caruit . Nam ex editiore vallo detractum vexillum alterum , Matri divinæ additissimus Rex , ad ejusdem fanum , Lauretum transmittendum curavit . Quæ Civitas nunquam appellatione sua dignior fuit , quam cum tam singularis victoriæ monumento nituit laureata . His laudis perpetuæ titulis in Germania partis , condecoratum Regem suum quot inter præanas , quantâque mox festivissimæ gratulationis pompâ Polonia exceperit reducem , nec satis complecti animus , nec verbis exæquare potest oratio . Ea certè fuit prægestientis ubique lætitiæ , & exilientium Ordinum admurmuratio , ut gaudia sua Polonia ipsa non caperet . Adderem hîc Tartarorum catervas iterum iterumque disjectas , Moldaviam sæpius devastatam , direptos agros , expugnatas arces , Jassium ipsum , Provinciæ caput , flammis traditum ; si qualiacumque demum victoriarum decora , inter Viennensis expeditionis splendorem illum nosci , nedum ostentari possent . Ea scilicet est Oceani vastitas , ut incrementa fluviorum minimè sentiat ;

&

& quædam immensæ opulentia laus est, ignorare opes suas . Sed mirum profectò , ac prodigio simile videatur , bellicis curis distentissimum Regem ita ab omnibus doctrinæ præsiidiis instructum fuisse , ut nisi militari fortitudine præclârissimam famam esset adeptus, solis literarum sapientiæque dotibus meritissimam videri posset immortalitatem nominis consequutus . Quàm illustris in Joannis ore verborum apparatus & dignitas!quàm solidâ ex adytis Sapientum doctrinâ elimatum ingenium ! quanta dicendi copia ex intimo penu totius antiquitatis exprompta ad splendorem affluebat ! Dubitares, utrum magis Bellonæ , an Musarum Gratiarumque sinu exceptus atque innutritus esse videretur . Verùm , o incerta Vota ! O spes Mortalium fluxas , atque fallaces! qui per omnia fueras mortalem conditionem egressus , iniquissimo Reipublicæ tempore desiisti, gloriosissime Rex, esse mortalis . Ipsa te Heroem suum , adversus Romanæ Fidei hostes propugnata , Religio amplexu fovet, exornat laudibus, corona nunquam interitura lucis impertit . Tu verò è sublimi , ut par est credere , beatissimæ regionis fastigio illo Poloniam tuam, quam imperio, Europam , quam beneficiis Apostolicam Sedem , quam

obsequentiſſimo ſtudio feciſti tuam, tuearis atque confirms, & , quo demum nihil Poloniæ tuæ eſſe poteſt optatius , à ſupremo Numine impenſè contende , ut illi Rex tui ſimilis , & Virtutum tuarum cultor æmulatorque , contingat .



DE.



DESCRIPTIO EXEQUIALIS POMPÆ
IN TEMPO

D. STANISLAI

INCLYTÆ NATIONIS POLONÆ

EXHIBITÆ IN FUNERE

JOANNIS III.

POLONIÆ REGIS

MAGNI LITHUANIÆ DUCIS,

Sub Auspiciis Eminentiss. & Reverendiss. Principis D.

D. CAROLI

CARDINALIS BARBERINI

POLONIÆ PROTECTORIS.



Quan-



Quantam, Joanne Tertio Polonia Rege è vivis erepto, doloris luctusque acerbitatem Roma perceperit, non aliunde magis licet conjicere, quàm ex tot tamque effusis publicæ gratulationis lætitiæque testimoniis, quibus immortales invictissimi Regis laudes, superioribus annis, in eadem Civitate, miræ omnium Ordinum alacritate plausuque personuerunt. Quicumque ad tot victoriarum faustissimos nuncios, illam animorum commotionem, illos turbæ etiam compitalitiæ festivos fremitus, & innumeris ubique virtutum præconiis usurpatum Regium nomen in memoriam revocaverit, is demum deprehendere poterit atque colligere, quàm altè gravissimus recens inflictæ vulneris cruciatus in omnium corda descenderit; in quantum universam Urbem mœrorem dederit. Quamvis luctu prostrata Civitas dum Regis decora commemorandi extollendique nullum sibi finem constituit, occulto quodam jucundissimæ voluptatis sensu nunc etiam capitur; ut ostentare palàm possit Joannem Regem in ipso mœstitiæ publicæ gremio speciosius triumphantem.

Cæterum ubi primam supremum diem obiisse

se Joannem Regem in Polonia rescitum est, Eminentissimus Princeps Michael Cardinalis Radzieouski, Archiepiscopus Gnesnensis & Primas, Supremusque Senatus Polonici Præses, Joannem Casimirum Bokum Canonicum Gnesnensem & Cracoviensem, illustri genere & eximia virtute virum, Romam legavit, ut ea Internuncio, suis Senatusque verbis, Innocentius XII. Pontifex Maximus de Regis morte cognosceret. Ablegatus statim atque Romam appulit, ab Eminentissimo Principe Carolo Cardinali Barberino, Poloniæ Protectore, ad Pontificios pedes, nobili splendidoque comitatu, deductus est. Apud quem depromptis literis, quibus publicæ fidei authoritas inerat, ea addidit, quibus Pontifici Joannis Regis interitus, & Poloniæ Reipublicæ in Romanam Sedem reverentia innotesceret. Pontifex singulari humanitate exceptum habitumque, certissimum esse jussit, nihil sibi acerbius contingere patuisse, quàm, ut in eo præsertim rerum articulo, tam præclarum Orbis Christiani decus & fulcimentum desideraretur. De insitâ Polonorum animis in Romanam Sedem observantiâ, non esse, cur ullo unquam tempore posset ambigere. Ea uti Reipublicæ suis verbis disertè nunciaret, cunctationi locum ne faceret, simul pater-

*no animo vellet commonitam, ut, dum de non
absimili substituendo Rege deliberaret, tran-
quillitati publicæ, Regnique incolumitati ser-
vandæ tuendæque prospiceret. Se hoc interim
spatio nihil moræ esse interpositurum, quin primo
quoque tempore, Regi de Pontificia Dignitate
& Apostolica Sede præclarissimè merito, solen-
nia iusta persolveret. Quibus Ablegato benè
precatus, eundem novo spectabilique dignitatis
titulo auctum dimisit, ut inter Præsules utrius-
que Signaturæ, ut vocant, Referendarios re-
censeretur: quò & muneris, quo ad Apostoli-
cam Sedem esset defunctus, perpetuam commen-
dationem haberet, & Sacris Exequialibus, in
Pontificio Sacello proximè concelebrandis, ho-
nestiori loco interesse posset. Et ea quidem Sa-
cra, cum Pontificis Maximi & Apostolici Se-
natus confessus augustissimus, tum lectissima ex-
teriorum hominum frequentia nobilitavit. Emi-
nentissimus Princeps, Carolus Cardinalis Bar-
berinus, Poloniæ Protector, rem divinam solen-
ni ritu fecit. De Regis laudibus P. Carolus
de Aquino Societatis Jesu orationem habuit.*

*Sub hæc Eminentissimus idem Princeps Car-
dinalis Barberinus agitabat animo, quam po-
tissimùm rationem iniret, ut in Templo Divi
Stanislai Nationis Polonæ, suo privatim no-
mine,*

mine, significationem aliquam publicè consignaret suę in Regem demortuum, & Polonorum Rempublicam studiosissimę voluntatis. Multa & præclara meditati angustię loci obnitebantur. Quibus demum invitis, Funebris Pompa in eodem Templo splendidissimè exhibita, ita ad se omnium animos admirationemque convertit, ut in ipsa arctioris iniquitate loci ejusdem Pietas atque Magnificentia latissimè elucesceret. Accesserunt reliquo ornatui Inscriptiones præfixę tabulis, Regia facinora coloribus adumbrantes, quas ingenii sui curęque partus esse voluit idem Eminentissimus Cardinalis. In Templi facie, pullo amictu contecta, extollebantur regia insignia, subobscuris coloribus illuminata, velorum laciniiis ex utroque latere aptè defluentibus. Ejusdem coloris veste, sed candidis bombycinis interiectis, convestiti erant Templi parietes, quos larvatę Mortes, regii Stemmatis Tessere, & bellica Symbola, argento auroque illita, certis intervallis per extantes pilas distincta, discriminabant. Pulla item Zona ex Templi Corona tractim continenterque decidens, mirum in modum elegantiam operis commendabat, candidis è carbaso flexibus identidè adoptatis, prægrandibusque cereis longo ordine collucentibus,

bus, & mira concinnitate dispositis. Fornix, quasi ipse etiam condocesfactus esset ad luctum, atratum Cælum, stellasque lugubres, tenuis ad earum figuram scitissimè turbinatis, mentiebatur. Ipsum verò Cenotaphium, quadrato pegmate ad Doricam Joniamque normam appositissimè excitatum, præmagnis funalibus, candelabris è solido argento suffultis, & Regiis insignibus Symbolisque, opere picturato elegantissimè variatum, spirabat planè Regiam Majestatem. Urna Honoraria Attalico peripetasmate instrata effulgebat; in cuius fastigio pulvilli gemini è villosò holoserico violaceo, sustinebant regium diadema aureo sceptro gladioque in transversum jacentibus superimpositum. Molem universam siparium obibat violaceum, laciniis in nodum coactis, ad imaginem bellici tentorii conformatum. Sed præcipuo ornamento erant Tabulæ prægrandes omnino sex, luteis coloribus suboscure delineatæ, formæ operisque præstantiâ singulari; quibus præfixas Inscriptiones apponimus, earum argumenta exprimentes. Continent autem præcipua gesta, summamque illustrium operum belli domique, quæ Joanni Regi maximam, donec præstantissima virtus in pretio erit mortalibus, gloriam adstruxerunt.

In-

*Inscriptio præfixa primæ Tabulæ, Regis effigiem,
ardoris bellici Majestatisque plenissimam,
referenti.*

JUSTISSIME PARENTATUR
IN HOC INCLYTÆ POLONORUM
NATIONIS TEMPLO
JOANNI III. POLONIÆ REGI
MAGNO DUCI LITHUANIÆ
QUI
ANIMI PIETATE PECTORIS ROBORE
BELLICA FORTITUDINE
INSIGNIS
FIDEM ORTHODOXAM ECCLESIAM
CATHOLICAM
REM CHRISTIANAM UNIVERSAM
ACERRIMUS AC INVICTISSIMUS
DEFENSOR
STRENUE SEMPER
SUSTINUIT ASSEKUIT CONFIRMAVIT.

Inscriptio præfixa secundæ Tabulæ.

SPONSAM LECTISSIMAM
NONNISI BENEDICENTE PONTIFICIO
NUNCIO
ANTONIO PIGNATELLIO
ARCHIEPISCOPO LARISSÆO
MATRIMONIO SIBI SOCIAVIT
QUANTA ESSET JAM TUM
AUCTIONORQUE IN DIES FUTURA
VE.

112 O R A T I O N U M
VENERABUNDI FILII IN PARENTEM
MAXIMUM
AC AMANTISSIMI PATRIS
IN OBSEQUENTISSIMUM FILIUM
AMORIS VICISSITUDO
PRÆCLARUM TUM SPECIMEN TUM
DOCUMENTUM.

Inscriptio præfixa tertię Tabulę.

POLONAM REMPUBLICAM
PROPUGNAVIT
SCEPTRUM SIBI DEMERUIT
TURCA CUM COSACCO APUD
CHOCINUM
IN IPSIS CASTRIS
AD TYRAM AMNEM DEBELLATO.

Inscriptio præfixa quartę Tabulę.

RADZIVILIO DYNASTA AFFINE SUO
CELEBRI LEGATIONE
AD CHRISTI VICARIUM
SEDEMQUE APOSTOLICAM MISSE
SUÆ INTEMERATÆ FIDEI
AC FILIALIS OBEDIENTIÆ
LUCULENTISSIMUM TESTIMONIUM.

Inscriptio præfixa quintę Tabulę.

CHRISTIANA REPUBLICA IN TUTO
POSITA
VIEN.

VIENNA GERMANICI IMPERII SEDE
OBSIDIONE LIBERATA
VISIRIO FUGATO
EJUSQUE EXERCITU AD BARKANUM
DELETO.

Inscriptio præfixa sextæ Tabulæ.

CAPUCCINORUM FAMILIA EX ITALIA
SANCTIMONIALIBUS VENERABILIS
SACRAMENTI
E GALLIA IN REGNUM ACCITIS
EISQUE TEMPLO COENOBIOQUE
MUNIFICENTISSIME EXTRUCTIS
EXIMIÆ SUÆ IN DEUM PIETATIS
AC RELIGIONIS
PERENNE MONUMENTUM.

*Sacris, solenni Ecclesiæ ritu, operatus est
Illustriss. ac Reverendiss. Dominus Constanti-
nus Brzostowski Episcopus Vilnensis, & pri-
mus Senator Magni Ducatus Lithuanicæ. Qui-
bus interfuerunt Eminentissimi ac Reveren-
dissimi DD. S.R.E. Cardinales,*

Maidalchinus.

Barberinus.

De Carpineo.

Nerlius.

Marescottus.

H

De-

*Denhoff.**Colloredus .**De Fourbin .**Judice .**Costagutus .**Noris .**Pamphilius .**Ottobonus .**Bichius .**Laurentius Alterius .*

Oratione de Regis laudibus absoluta , duo Illustrissimi ac Reverendissimi Patriarchæ , nempe Odoardus Cybo Patriarcha Constantinopolitanus , & Michael Angelus Matthæjus Patriarcha Antiochenus , ac totidem Archiepiscopi , videlicet Franciscus Antonius Delcius , Archiepiscopus Pifarum , & Franciscus Martellius Archiepiscopus Corinthiensis , Ecclesiastico ritu absolutiones ad prædictum Cenotaphium persoluerunt .



ORATIO VI.

IN FUNERE

ELEONORÆ

AUSTRIACÆ

POLONIÆ REGINÆ,

LOTHARINGIÆ, BARRIQUE DUCIS,

Habita in Aula Maxima Collegii Romani.



CCUPAVIT hæc multorum animos & illexit opinio, ut, si minus ad fovendos atque corroborandos conatus illos, quibus præstantia ingenia informantur ad virtutem, certè nonnihil ad hujus commendationem & speciem

H 2

ciem

ciem suffragatione sua sibi persuadeant conferre fortunam . Sic enim statuunt , vitæ cursu usuque rerum semper incommodo , perire nobis potissimam excolendæ honestatis illecebram , & difficilis cujusdam ingenii atque morosi rem esse , virtutem infelicem . Quamobrem à Pompeji Magni disertissimo laudatore rectè & ordine factum esse contendunt , quòd inter bellicæ disciplinæ prærogativas felicitatem retulerit , & Romano Imperio accidisse vel maximè gloriosum , quòd ad illius amplitudinem constituendam , ut sunt Historici verba , contendisse Virtus & Fortuna visæ sint . Quod si cumulatissimam sæpenumero laudem obtinuit etiam fortunæ cognatione atque complexu sublevata virtus,quo ego nomine , aut quibus laudum præconiis censeam efferamque Eleonoram Austriacam Poloniae Reginam , cujus ad exaggeratæ comparationem gloriæ natum ingenium ita exornandum virtus seposuit sibi , ut in illa honestanda , extollenda , illustranda , nullum fortunæ , ne vulgaris quidem gratiæ locum reliquerit ? Ut unam in paucissimis numerari fas sit , ad quam omni laudum complexione atque concentu condecorandam Virtus toto quidem decorum suorum choragio , sed nullo inito cum

cum Fortuna commercio conspiraverit .

At nonnemo asperioribus hîc me fortasse verbis accipiat . Itane verò Eleonoram nullis Fortunæ promeritis fuisse devinctam , quæ inter Gonzagarum & Austriacæ familiæ lauros fascesque ad Solis prodiit, invidiamne dicam , an lucem ? An tot luculentissimis exemplis parum quis esse testatum duxerit , partus Austriacos , in ipso fortunæ sinu , avito quodam veluti jure, sobolescere ? Verum, ut istiusmodi quantacumque demum imaginum atque titulorum insignia fortuna illi debuerit , non debuit illa fortunæ : sustinuit exortu suo tot decorum honestamenta , non sensit ; nec perrepsit in illa , sed incidit . Patere tamen, Eleonora , summam hanc generis claritudinem in laudum tuarum contubernium utcumque recipi , quæ sæpe utramque commendationis paginam facit . Neque idcirco Gonzagarum hîc vetustissima ornamenta, multis ab hinc sæculis nobilium Scriptorum consignata monumentis, supervacanea prædicatione adæquare instituiam. Nam Austriacæ familiæ splendorem illum, frustra sim, si vel intento procul digito ostendam , aut inopiâ dicendi minora veris faciam , quæ solum poscunt obsequium religiosi cujusdam , ut veterum sacra, silentii.

Hac majorum amplitudine, & tanquam rudimentis splendidissimæ laudis iniciatam indolem, ad præstantis solidæque virtutis disciplinam limamque tam impenso inflammatoque illa studio exegit, ut jam tum in illa ætatula, viteque lucidissimæ exalbescente veluti Aurora, eximium specimen constantiæ plusquam virilis præ se non obscure ferret.

Næ illi supra modum desipiunt, qui sinceram germanamque fortitudinem aut inaccessarum arcium munimentis, aut densissimis armatorum cuneis contineri putant. Quem illa subigendum sibi confirmandumque unice poscit, animus est. Is ruinoso hoc mortali que hospitio receptus, non metallis chalybum, non loricis adamantinis, sed periculorum contemptu, adversorum casuum tolerantia, evanidarum rerum atque fluxarum despicientia, fulciendus est; consilio, firmitate, constantia muniendus. Quæ sanè arma nec in Cyri alicujus castris invenias, nec fabulosis Cyclopum incudibus excuderit Homericus ille immortalis clypei machinator & artifex. Nemo siquidem multiformis structuræ propugnaculis ita Regni sui Arces hætenus communivit, & à metu hostium asseruit, ut intestinas etiam animorum turbas, metus, curasque

que sustulerit . Mortalia in postremis ducere, imperare fortunę , commotiones animi subitas in potestate habere , ea demum sunt , quę virtuti splendide mancipata pectora , rectā in gremium atque complexum Felicitatis ferunt. Quibus celestium armorum præsidiis instructum Eleonorę animum nulli infestissimę fortis assultus labefactare , nullę sinistrorum eventuum oppugnationes infringere, nulli calamitatum coacervati impetus comminuere potuerunt .

Michaeli Polonię Regi in matrimonium collocata , cum hic citissimo raptus interitu inter mortales degere desiisset , à tædarum connubialium luce ad faces emortuales , à thalamo ad feretrum , à regię Sponsę delinimentis ad mœstissimę conditionem delabatur orbitatis : cum non tam Regno à Polonis , quàm hospitio recepta , nec tam Sponsi dexteram videretur esse complexa , quàm cines . Ostendit illam Polonię Regno fortuna magis quàm tradidit : nimirum ut strenuissima Natio invictissimę fortitudinis documentum , nulla obliterandum temporum vicissitudine injuriaque, suspiceret. Perexiguum illi regnandi spatium indulgit ; sed ut ipsa administrationis regię brevis omnium virtu-

tum exemplis meritissimo jure sibi conciliatam glorię diuturnitatem intenderet. Primos hosce calamitosi sterilisque Conjugii casus, Eleonorę tentamenta quędam, rudemque velitationem interpretari liceat, longę gravio-rem majoremque cum fortuna congressum meditantis.

Michaele Rege laboribus mortalis vitę perfuncto, studia sua omnia, officia, diligentiam accommodavit, ut indicta Procerum de more Comitia, Polonici Regni gubernaculis admoverent Carolum Lotharingę Ducem, virum usui publicę felicitatis unicę natum; decus illud lumenque Germanię; Propugnato-rem illum Christianę Reipublicę invictissimum; Othomanici Imperii terrorem illum, fidusque formidolosum; quo nemo imperatorias artes exactiüs calluit, cumulatiüs ob-
tinuit, feliciüs administravit. Verum pulcher-
rimę designationi gravissimas, ut assolet, exor-
tas concertationes officere, & sua consilia co-
natusque interpellari, facili conjectura asse-
quebatur: jam tum scilicet Joannem Sobieski,
alterum illud belli fulmen, providentissimi
Numinis manu ad Sarmatię Regnum, velut
in altum efferente, ut in capita quietis publi-
cę hostium aliquando summo fragore, ma-
jori

jori clade corrueret . Adversitas illa susceptę institutęque tractationis Eleonorę vota fortasse , neutiquam profectò animum remorata est . Eò firmitior fuit voluntatis propensione Lotharingi virtutibus oppignoratę atque desponsę , quò dignitatis ipsius amplificandę efferendęque cõsilia minùs bellè sentiret è sententia procedere . Magnetici lapidis admirabile ingenium dixeris emulatam , qui si chalybis massã , aut iniquiore pondere pregravem , aut degeneri temperatione vitiosam attollere in sublime non potest , eidem certè defixus arctissimè adhęrescit ; nescio quæ amoris inchoamenta nexuque etiam in ferri visceribus moliēte natura . Itaque dum alter in alterius animo collucentium virtutum fulgore perstringitur , Leopoldo Cęsare nuptiarum Auspice Augustissimo , Carolo Lotharingię Duci Eleonora Austriaca , Polonię Regina , vitę sociam se , thalamiq; cõsortem adstrinxit . Tametsi conciliatos jam pridem animos annorum omnino quatuor interjectu thalamus junxit , dum Noviomagi lentarum , ut mōris est , atque cunctantium disceptationum exitum opperiuntur , ubi à partium Sequestribus de Carolo in avitum Principatum restituendo , longã laboriosãque contentione habitã , re demùm irritã infectãque

utrin-

utrinque discessum est . Singularis morum similitudo , quâ alter alterius ingenio , indole , elegantia infatiabiliter capiebatur , utrosque facîle sociavit . Mores aderant graves , compositi , non pigmentis quibusdam infuscati , sed ingenua facilitate conditi , quique amari , quàm timeri mallent ; odisse verò , nisi virtute ipsâ infestè abdicatâ , non posses .

Eam contubernii vitæque simul actû jucundissimam societatem propiùs nihil fuit , quàm ut interventu iterum suo discinderet , certè non desit pro viribus disturbare fortuna . Siquidem in Germania , in Hungaria , ad Rhenum , ad Danubium immanissimi bellorum turbines excitati Carolum , perpetuis fermè avocationibus , ad prælio cum hoste decernendum , ad munitissimarum arcium oppugnationes , suâ scilicet tranquillitatem salutemque omnium in manu gerentem , distraxerunt . Quas verò ille artes , machinasque commentus est , ut Sponsæ frequentissimo juxta , acerbissimoque digressu suo ægrescentis mœorem , anxietatem , solitudinem falleret ? Quoties per semirutos murorum anfractus evadendum illi fuit , ut à lacrimis supremi congressus , ubi sensus doloris , in Sponsa præsertim , solet esse tenerrimus , maturè se tempestivèque

vèque subduceret? Quoties per simulationem officii salutari apprecatione ab illa impertitus, clam postea furtimque se, nullo pompe strepitu fraudem redolente, proripuit? Quoties, ut semel dicam, amatissimam Conjugem ne proderet, prodidit? Ergo durissimâ tot discessionum necessitate, & tristissimo illa desiderio contabescebat. Subibat animum, huc demum recidisse res suas, ut, quæ Regio in Polonia Sponso nuper elato debitas lacrimas nondum absterfisset, alterius nunc charissimique toties iterato discessu, in perpetuo scilicet moerore squaleret. Expeditiones persanè incommodæ, incerti bellorum eventus, præliorum casus, etiam fortissimis pertimescendi, assidua trepidatione agitatum animum e vibratumque conficiebant. Potentissimus hostis, quicum signa conferret, fallacis semper infideque Turcicæ gentis ingenium, rebellium Hungarorum in summa etiam capita multis compertissimæ documentis infidiæ, & sic venales, ante oculos obversabantur. Dimicantis labor ille, ille sudor, ille pulvis animo sæper anxio atque prætrepido relicte Spôsæ oberrabat. Relictamne potui Eleonoram per summam imprudentiam & inscitiam dicere? Aderat illa lateri Conjugis sui, communem causam felicif-

licissimo gladio perorantis, individuo semper animo. Aderat assiduâ ad Deum, Cœlitesque nuncupatione votorum. Cum pro Caroli salute supplicem se ante aras abjiceret; cum pro illius tuenda incolumitate, Religiosorum Ordinum, sacrarum Virginum occurreret egestati; cum regales manus impenderet atque demitteret excerptis è tenuissima carbaso linamentis, quibus in Hungariam ingenti quadam copia tractim jugiterque transmissis, milites sua vulnera imbuerent; tunc, inquam, præcipua sui parte indiscreta illi penitus aderat. Quacunque ille gradum ferret, in jugorum ascensu, in trajectu fluminum, in hostilium aggressione castrorum, unâ juxtaque erat. Illa tubarum ac lituorum clangoribus excitabatur; efferatæ barbarorum voces, cæcorum indignabundi gemitus illius feriebant aures; illa vastationes agrorum, agminum conflictus, Urbium incendia sustinebat; tota Turcici belli mole, omnibus illa tormentorum, ac volitantium telorum ictibus petebatur. Quæ haud dubiè bellorum discrimina cum præverteret animo, & Carolo maturiùs occuparet, eò enixiùs perpetua in dies noctesque supplicatione, divinæ Fidei, ac Cœlitum patrocinio commendabat Sponsum, quo nihil habe-

haberet in terris charius, in cujus virtute salus publica atque felicitas, in cujus vita Sponsæ felicitas salusque contineretur. Hinc illæ ad cælestium Civium, ac præsertim Deiparæ Virginis sacras icones pervigilatæ cum lacrimis noctes, hinc producta jejunia, hinc illa in penitissimo conclavi flagrorum acerbitas, ferrea illa aculeatis cuspidibus cingula, ad quorum lanienam, prodigii simile est, delicatissimos artus non penitus concidisse; meus certè ipsa commemoratione animus perhorrescit.

Et hæc fanè studia Christianæ pietatis non est quòd in dubitationem quisquam adducat ad Caroli victorias, ad prodigiosam illam armorum prosperitatem, adjumenti plurimum attulisse. Splendidam hanc gloriæ tuæ inustam injuriam, ut non æquo solum, sed jucundissimo feras animo, Lotharinge, rogo & obtestor. Eleonora in suo sacri privatique Lararii recessu longè validiores copias tuis illis plurium victoriarum quam stipendiorum militibus, explicabat. In hostium capita firmiore impetu, certiore exitio, fortior, quia inermis, insiliebat. Tuum illa etiam acuebat gladium; tuos animos inflammabat. Illa procudebat fortissima tela, quæ tu in pulverem progressus solemque torquebas. In machinario quodam velu-

veluti horologio, occultis illa atque fallentibus curis dispertiebat lætissimos Europæ dies, faustissima Religioni spatia temporum futurorum, quæ Tu gladii tui cuspide lingulæque palam ostenderes, & resonantium denuntiares murmure metallorum. Cum verò rēditu Carolus, ut semper, felicissimo, diuturna expectatione sollicitam reviseret atque reficeret; cum novis subinde lauris lætissimum thalamum, & cunas nobilissimæ sobolis obumbraret; cum gratulationibus maximorum Principum, effusis populorum occurribus, Scriptorum omnium calamis, hymnis, pæanibus exciperetur; cum demum victricem dexteram, aram illam & commune perfugium publicæ securitatis, innumera populorum certatim confluentium impressa oscula defatigarent; tunc, inquam, haud cuiquam credibile est, quantis illa lætitiis incederet, quanto exiliret gaudio; cum à narrantis ore suspensa penderet; cum de Lotharingi amplissimis ornamentis ac prope divinis, quæ non immerito sua duceret, superbiret; assertæque ab illo Christiani nominis, Vaticani, summique Sacerdotii Majestate, incolumitate verò publica restituta, in ipso victoris sinu speciosissime triumpharet.

Ve-

Verùm, heu! nulli faciliùs arbori inferitur furculus, quàm lauro cupressus. Enimvero Carolus, maturo quidem gloriæ suæ, sed supra fidem alieno Reipublicæ tempore, de vita decedens, spes Europæ in se unicè erectas elusit; victoriarum incitatissimum cursum abruptit; Conjugis ærumnosæ spes omnes ac vitæ prope causas pessumdedit. Ad quem ego dicendi locum perdifficilem saltem, & multis, ut video, falebris scrupulosum adductus, hærendo identidem reticendoque disertius assimilabo extremi doloris acerbissimum sensum, quem summa infortunia non exacuunt lacrimis, non querelis exasperant, sed maligni afflatu quodam veluti fideris hebetant atque percellunt. Velamentum illud, ab eximio Pictore ad ingeniosius dolendum excogitatum, Eleonoræ vultui injicere liceat, ad urnam, ad amplexos Caroli cineres exulcerato animo procumbentis. Fugite autem suspicari aut effrenatam doloris impotentiam, aut naturæ sexusque imbecillitatem lacrimas illas non viriles modò sed planè regias expressisse. Novimus apud Homerum, Martem ipsum, accepto vulnere, muliercularum levissimo gemitu turpiter deformatum, Achillem verò Patrocli morte sic fuisse commotum, ut amicum de laniato

niato pectore refoſſum ire videretur. Ita luctum, quo nihil ceteroqui intractabilius, moderabatur Eleonora, ut mortali ſe nuptam eſſe meminifſet; ut licet amoris ſui maximam rationem, equitatis atque conſtantiaē longē majorem ſibi habendam eſſe intelliſſeret. Hinc ubi primū de Caroli morte cognovit, excepto genibus corpore, demiffā fronte, palmifque comprefſis ſuppliciter ad pectus admotis, vetus illud Vatis divini verbum dulciſſimē uſurpabat: *Paratum cor meum Deus, paratum cor meum*. O vocem, certiffimum indicem integerrimi pectoris, pietatis verò fiduciaēque pleniffimam! O firmitatem animi ſupra ſexum, conſtantiam ſupra Mortalem! Ejuſdem roboris fuit, cum non multis ante menſibus lectiſſimam Filiam, in Gratiarum ſinu adoleſcentem, morbus præripuiſſet, ſuis ipſam manibus extinctę attrectare corpusculum, conveſtire, ornare cultu lætiſſimo; ſatis conſciam ad cujus Sponſi Regiſque immortalis complexus fortunatiſſimam Infantem nuptum transmitteret.

Carolo è terris erepto, quæ ſolum reliqua habebat viduitatis ſolatia, Filiorum convicſtu ſolitudinem mitigabat, ſuaviſſimo conſpectu amorem explebat. Eos ad ſumma virtutum exem-

exempla genitos, educatos ingenuè, liberaliter institutos, ita ad rerum cælestium virtutemque illi fastigio congruentium studium incendebat, ut divini Numinis metum salutarem imbiberent, amarent inter se plurimum, animorum concordiam, voluntatum consensionem tuerentur. Ipsa singulis, sive animi æquitatem, moderationem, honestatem in Deum, in sacros homines reverentiam exigent, erat incitamento. Nihil æquè se in optatis habere palam testata sæpissimè, quàm ut fato subito ad suos pedes de vita migrarent, priùs quàm ulla unquam gravius culpæ mortifera labe respergerentur. Quid autem ad sempiternam pietatis testimonium illustrius, quàm cum à Leopoldo Cæsare summa ope contenderet, ut Filius natus maximus, in cuius ingenio paterternæ virtutis significationes omnes & radii emicabant, non ad Rhenum recuperandæ Lotharingæ studio, sed in Hungaria bellici sudoris tirocinium poneret? Augustissimum verò fratrem certissimum esse juberet, fore sibi gratissimum, si Filius adversus Religionis hostes fortissimè dimicans, vitam profunderet; cuius cæteroquin amissionem nullis in Germania Regnorum accessionibus satis redimi posse

posse arbitraretur. Quàm verò singularem admirationem extorquent illa Religionis exempla, cùm semel, iterum, ac tertio cælestis Hostiæ immolationi quotidie interesset, nec substratos pulvinos holosericos, quasi in ipsa demissione fastum, accerseret: cum quotidie ad persolutam Deiparæ Virgini, ex Ecclesiæ ritu, psalmodiam, ad expiatorias piè sanctèque demortuorum preces, horarias etiã preces impendit longiores adstrueret: cum frequentius per annum in Hallensem divino cultui dicatarum Virginum Parthenonem de rebus cælestibus commentandi studio se abderet; ac sibi tunc demum beatè esse diceret, cum sacrorum voluminum lectiorem in solidas horas continuaret; cum vitæ suæ rationem sedulò à se perquisitèque repeteret, ac divinis illis exercitationibus excoleret animum, quas cælesti sibi lumine præmonstratas, Divus Ignatius Familiæ nostræ Institutor, singulari beneficio posteris propagavit. Sicubi audiret ad vegetandos egrotorum animos publicè deferri, è Catholico instituto, Ferculum immortalitatis, non modò solenni pompâ commigrantem Myrtam reverentissimè subsequebatur; sed decumbentium, infimè plerumque conditionis locique hominum

num lectulis assidens, pio eosdem recreabat alloquio, auroque largiter erogato in posterum sustentabat. Egenorum certè difficultatibus & inopiâ ita commovebatur, ut ejus generis hominum non minùs ducentis certam pecuniæ summam viritim quotidie de manu traderet! Argentum autem recens signatum ad hujusmodi largitiones adhibebat semper, ut eorum usui simul, deliciisque prospiceret. Quanto demum observantię studio in Apostolicam Sedem semper exarserit, testes appello Innocentii XI. Pont. Max. litteras, ex quibus cum sacro Romanæ Ecclesiæ cœtui adscriptum intellexisset Principem Carolum, tanquam non humanis consiliis, sed divinitus acceptâ Filii forte ab ipso Interprete Divinitatis, solutiore se ab ea cura in posterum animo futuram, Filium verò felicissimum prædicabat. Quod autem præcipua quadam inductione animi Innocentii XII. virtutibus mirificè raperetur, & vicissim singularia Pontificis Optimi in Eleonoram benevolentię testimonia semper extiterint, mirari desinet quicumque ab eodem, dum in Aula Viennensi Pontificium Legatum ageret, Eleonoram sacro Chrismate delibutam fuisse reputaverit. Ut nulla jam admiratione me afficiat firmissimus

ille Reginæ animus, quem ad tot sustinenda certamina, strenuissimum veluti Palæstritam, sacra moderatricis olim terrarum manus inunctio preparaverit.

Et his quidem virtutum exemplis ita Filiis prælucebat, ut sollicitum animum, indefidem operam in omne tempus, curasque converteret ad eorum existimationem tuendam, amplificandam dignitatem, longè clarissimi patrimonii redintegrationem curandam. Discruciabatur illa animi, ac vehementer angebatur, dejectos fortunis omnibus, vicissitudinum humanarum ostentui esse Principes ea stirpe procreatos, ex qua, nunquam intermissa serie, septem supra sexaginta Lotharingiæ Duces prodierint: cujus verò ita splendidæ propinquitates, atque cognationes fuissent, ut nullas censere liceat regias in Europa Familias, quæ in se Lotharingii sanguinis partem aliquam derivatam esse non fateantur. Multa de eorum in Lotharingiam reditu molienti, omnia perterritanti, iniquitas temporis semper obstiterat. Arrisit demùm Eleonoræ votis aura illa felicior, quæ Europam, ab æstu tot armorum atque discordiarum renavigantem, ad optatissimæ sinum retulit tranquillitatis. Etenim cum pacis inter Europæ Principes conciliandę

Ref-

Resvichii apud Batavos instituti Caduceatores & Arbitri deturbatas multorum Principum rationes accuratè definitèque transfigerent, uti Leopoldus Eleonoræ maximus natus Filius in Lotharingiam longo postliminio reduceretur, honestissimis conditionibus fanciverunt. Verùm, ò rerum humanarum vices semper incertas, sæpe fallaces! dum impetrato demum Dominorum reditu, Lotharingæ vota longâ expectatione distenta conquiescunt; dum Nationis ab omni laude spectatissimæ incredibili voluptate perfunduntur animi; dum Civitates omnes fecundissimâ admurmuratione plausuque perstreperunt; dum elegantissimâ pompâ magnificè apparatusque instructa omnia Reginæ triumphalem cum filiis redditum præstolantur, in ipso Lotharingæ aditu inter ipsa gestientium populorum obsequia, Eleonora, quo demum cunque mortali Regno major atque sublimior, supremum diem explevit.

Cum verò illa tanta decorum laudumque suarum luce perorandi materiam omnem præceperit, tot adversùs fortissimam Heroïnâ vicissitudines, tot injurias tuas liceat hìc mihi tantisper tecum expostulare, Fortuna. Quænam isthæc tui cordis durities? quænam inge-

nii tui protervitas est? brevissimam illius in Polonia regii thalami, regnique amplissimi usuram esse voluisti. Carolo fortunis suis turbato, absenti plurimum, bellis durissimis semper exercito, demum in ipso rerum maximarum cursu è vivis sublato, iterum colligasti: ipsam verò alterum ferme pedem in Lotharingiam inferentem, sævissimà inde funeris acerbitate rejicis, atque depellis. Quid tibi consilii esse putem? quid cogitas? quid moliris? Offensiones istas tuas, & gravissima vulnera in monumenta illa vertit gloriæ suæ: te invita, & vanissimis scilicet conatibus obstrepente, felicissima prædicabitur. Nulla erit tam ingrata posteritas, quæ illius memoriam obsolescere patiatur; nulla illam non requiret ætas; nulla non demirabitur efferetque religio populorum. Vos verò excelsissima indole, præstanti in hoc etiam flore ætatis virtute, Principes Lotharingi, quorum nunquam ingenium ab institutione, voluntas à consiliis, pietas ab exemplis præstantissimæ Matris discrepavit, vos, inquam, in extrema orationis meæ parte hoc exorare me sinite, ut, cum vobis Parentem longè præclarissimam gratulari me dixerò, non ex consuetudinis formula certis conceptam verbis, non assentandi studio ambitiose

sè

sè quæsitam, sed ex animo depromptam, ac summis Genitricis vestræ atque certissimis virtutum documentis expressam gratulationem meam putetis. Quod si de ejus laudibus dicere aggressus, excelsa demissè, illustria inornatè, amplissima parcè delibavi atque perstrinxi; si obscura colorum adumbratione immenso- rum illius decorum ne levissimam quidem partem sum assequutus, eximio eidem decori fuerit atque solatio, longè splendidiorē imaginem sui, eandemque vivam atque spirantem in vestris animis circumferri, in vestris moribus efflorescere. Nulla certè delineamenta Eleonorę constantiam illam apertiùs subjiciant oculis, quàm ardor ille tuus, Dux Leopoldæ, generosissimus, cum tenerum adhuc annis, sed virtute firmissimum animum Hungarici belli laboribus consecrasti. Quemadmodum etenim Publius Scipio, cum vix flexâ in adolescentiam ætate, ac ferme prætextatus adversus Annibalem in Italia congregaretur, jam tum subigendæ Africæ, & Carthaginis evertendæ spem certissimam faciebat; ita profectò in illis abs te positæ militiæ rudimentis, ea illustrium facinorum auspicia relucebant, quæ paternæ Te gloriæ non modò hæredem dignissimum, sed egregium aliquando amplificatorem & æmu-

lum prænunciarent. Austriacæ verò Parentis pietatem quàm luculenter appositèque omnibus repræsentat tui candor & integritas animi, Princeps Carole, de cujus virtute Innocentii XI. Pont. Max. illustre præjudicium atque præfagium extitit; cum Tibi adhuc sexenni amplissimi Sacerdotii titulis insignito indulgeret, ut in ea ætatula verticis in coronam rasi, prima scilicet Ecclesiæ Romanæ tuendæ propugnandæque authorati Militis gestares insignia; quem porro quintum decimum agentem annum Innocentii XII. Pont. Max. longè prolixior beneficentia splendidissimis Olomucensis Ecclesiæ infulis honestavit & auxit. Agite itaque, Nobilissimi Principes, & per Parentum vestrorum æternæ laudis monumentis impressa vestigia ad sublimem gloriæ verticem enitamini. Quod si Parentis Vestræ sine fortunæ calculo eximiam virtutem indicare contigit mihi, confido, fore, ut feliciores me vestrarum laudum Præcones suarum partium esse aliquando statuam, ostendere, ad conciliandam nomini vestro immortalitatem, summam consensisse cum summa Virtute Fortunam.

ORA-



ORATIO VII.

IN FUNERE

A LOISII HOMODEI

S.R.E. CARDINALIS.

*Habita in Templo S. MARCELLI,
Ordinis Patrum Servorum
S. MARIE.*



SI in alio quovis confesso ,
quàm apud vos , sapientis-
sissimi Patres , de virtuti-
bus Aloisii Cardinalis Ho-
modei , amplissimi Prote-
ctoris vestri , mihi esset in-
stituenda laudatio , etiamsi
rerum copiae atque praestantiae haud dubie im-
parem , non omni tamen ex parte contem-
nendam orationem contingere mihi posse
con-

confiderem. Certè, quæ duæ res in splendorum Funerum partem Oratorem solèt admittere, ut solatia dicendo comparet dolori publico, & illustrium virorum decora cum eorum vitâ extingui atque aboleri non sinat, ejusmodi sunt, ut me incredibilem in modum ab hoc mœstissimo munere absterreant. Ut enim squalorem istum, luctum & ægritudinem, quæ vos altissimè obsidet, mitigem atque deliniam, quod allevamenti genus excogitem? quæ tam valida adhibeam fomenta? quos consolandi locos, ac veluti copias instruam? Dicam, non esse nostræ potestatis vitæ moram fluenti injicere, & à præcipiti fuga impetum temporis sustinere, quod, nedum alia omnia, aliquam sui partem singulis quibusque momentis decerpit? At hoc nimis est usitatum solandi genus. Dicam cum Tullio, diversorium esse hominum vitam, aut potius cum Socrate apud Platonem, quoddam Præsidium, ex quo cuique sit emigrandum ad omnem vel vocem Hospitis, vel nutum Imperatoris? At hoc etiam vetus notumque, & pro magnitudine vestri doloris, exiguum. Dicam, Mortem de copia numeroque nihil sollicitam, utpote quæ pro certo habet omnes in suo ære esse mortales, jucundiores dumtaxat horas captare,

re, & carissima nobis capita eligere, quò majorem sibi severitatis gloriam conciliet? Adjiciam, aliò ab eadem directos ictus, cæco impetu in amicissimos deflecti, quemadmodum Peleus ille apud Pindarum, excusso in feram jaculo, ab eadem longissimè aberrans, sociorum carissimum Eurithyonem transfixit? Moneam postremò vos, ut ereptum è vivis hominem mirari & conqueri desinatis, qui illuc omnes ferri, eumque naturæ ordinem ignorare non potuistis? Præter enim quàm quod unicum est necessitatis effugium, velle quod cogit, acerbissimos hujusmodi vitæ casus ad supremum illum rerum Arbitrum à nobis referri æquum est, cui nos resque nostras omnes impensius multò quàm nobis curæ esse, nisi planè desipimus, confitemur. Fortia hæc quidem & vera solatia, si illa immensus dolor audiret. Num igitur hac parte penitus prætermissa, ad ipsas emortui Principis laudes aggrediar? Apud quos verò? Nimirum apud eos, qui Familiæ suæ Patronum amantissimum intimè perspectum habuerunt, qui ejusdem divinæ prope virtutis certissimi testes, assidui admiratores, ad hæc grati, ut par est, animi testificatione, & amoris in eum magnitudine incensi, nihil tenue aut vulgare, sed

ex-

excelsa omnia atque sublimia de eodem prædicari meritò expectant . Videtis , Patres , quàm duram hodie provinciam demandastis mihi . Videtis , me nec dolorem vestrum abstergere satis posse , nec Protectoris vestri laudibus exornandis ulla apud vos dicendi vi factis paratum & instructum accedere . At verò nec pietatis vestræ fuerit committere , ut in gravissimo vulnere dolor publicus obmutescat, nec meæ erga vos est observantiæ, in tam acerbo luctuosoque munere vestræ me voluntati non esse morigerum . Præsertim cum ipsa rei difficultas mihi suggerat animos , cogitanti , si exiliter tam copiosas laudes attigero , si nihil dignum præstantissimi Principis admirabilitate protulerim , in has me angustias conjici necessitate potius argumenti in amplissimam segetem novæ laudis effusi , quàm aut exiguitate temporis, aut inopiâ facultatis . Obsecro demum vos & obtestor , ut tantum vestra me humanitate & benevolentia sustentetis , quantum mihi virium & ingenii , ad expectationem vestram explendam , deesse sentio .

Qui maximorum Principum dignitatem non aliâ ferè decempedâ metiuntur, quàm nescio quo à gelidis & obscuris Majorum sepulchris

chris repetito splendore profapiæ , ii perinde mihi ineptire videntur , ut Pictorum quidam imperitissimus , qui Helenæ effigiem meditant , eam monili baccato , segmentata veste , multoque gemmarum congestu oneratam potius quàm ornatam exhibuit ; planè ut artis inopiam nihil magis quàm operis opulentia testaretur . Longè feliciori successu ejusdem foeminæ vultum , in suo Helenæ Encomio , expressit Isocrates ; qui illam vivis , ex Rhetorum arculis , depromptis coloribus sic animare legitur , ut ne ipsius quidem Paridis judicium reformidet . Quod si propriis , non ascitis viribus æstimanda est venustas & pulchritudo , quam alii radium , alii florem virtutis appellarunt , quid , rogo vos , de virtute ipsa , veraque animorum excellentia judicatis ? Quod equidem non ideo commemoraverim , ut clarissimi sanguinis ornamentum à magnis viris negligendum , aut fastidiendum putem ; sed eò dixerim , ut intelligatis , si stirpis Homodeg illustria decora , vetustas opes , validas propinquitates atque cognationes in medium afferam , universam illam Majorum lucem ab una Aloisii virtute quàm gloriosissimè præumbri . Exigui esse ducebat animi Vir ille maximus generosæ stirpis hæredem potius , quàm

Au-

Authorem monstrari; illumque imitari fabulis decantatum Eridanum, qui non tam aquis suis, quàm Ticini, Abduæ, Mincii, aliorumque dumtaxat amnium atque torrentium accessionibus & rapinis intumescit. Itaque quemadmodum sigilla quædam rudeſque imagunculas ex argilla vel cera conſlare ſolent artiſices, iisſque vires ſuas explorare ad grandius ſimulacrum, quod moliuntur; ſic Natura, virtutum, quas in Aloifiſium congerere conſtituerat, adumbrationes quaſdam atque conatus in Majorum ſerie præmonſtravit, ut ſuarum virium ſecura ad huius amplitudinem exaggerandam niſus omnes conferret, omnes opum ſuarum copias explicaret. Quidni verò ſic de eo Viro firmiſſimè adducar ut credam, cujus vel in ſubluftri rationis crepuſculo adulta virtus ſumma in poſterum incrementa largè atque magnificè pollicebatur? Itaque ad omnem partem veræ honeſtatis egregiam indolem acriter intendere; nihil in Pueritia pueriliter agere; magnamque omnibus ſpem afferre eximiæ probitatis atque ſapientiæ, ſi maturitas illa per debitos gradus ad ſuum faſtigium perduceretur. Herculem, ſive Thebanum illum, ſive illum alterum Libycum, ſive potius ex utroque miſtum ac temperatum cen-

cenfctis, non tam pro fortiffimo Heroe, quàm pro fpiranti quodam ipfius Fortitudinis Simulacro ab antiquitate nobis propofitum fuiffc conftat. Scifcitari autem ex vobis libet, ecquod ex tanta illuftrium ejus facinorum copia, laude & prædicatione veftra digniffimum ftatuatis? *Æneis*ne vinculis illigatum *Cerberum*, & ex *Tartari* oftio eductum, an filvefcantis *Hydræ* ramosam peftem elifam? *Antæum*ne, *Terræ* filium, in *Libya* fuffocatum, an *Bufiride*, *Neptuni* filio, fublato, ab importuniffimi graffatoris metu folutam *Ægyptum*? Non eft, quod fingula recensentes per omnes viri invictiffimi commendationis locos excurratis. Illud, meo judicio, *Herculis* facinus & omnium eft longè pulcherrimum, & reliquorum familiam ducit, quod abunde locuples & idoneus teftis *Xenophon* refert ex *Prodicto*, *Socratis* Magiftro, & veterum *Sophiftarum* facilè ingeniofiffimo; *Pueritiam*, & *Pythagoreum* bivium ingreffo *Herculi* geminas *Deas* apparuiffe, *Virtutem*, & *Voluptatem*; *Utramque* obtuliffe fe nobili *Thebano* vitæ ducem, & felicitatis conciliatricem; Sed *Herculem*, cupidine gloriæ incenfum, expenfis utriusque conditionibus, ingenio artibusque perfpectis, repudiata voluptate, *Virtutem* fequi maluiiffe.

luisse . Huc referri ratio postulat quidquid postea fortiter ille feliciterque gessit . Tunc Hispanum Geryonem , tunc Thracium Diomedem , tunc Thessaliæ Centauros , tunc universa terrarum portenta domuit , superavit , oppressit . Tunc demum , Eurystheo & Junone major , Cælum immortalitatemque promeruit . Præclare proinde , ac nimium quantum pro ætate sapienter Aloisius , qui non illuc Familiæ suæ splendorem contulit , ut omnibus quasi portis voluptatem reciperet , ejusque virgulâ contactus , ac de statu mentis dejectus , in Circei stabuli cœno & sordibus obbrutesceret . Utinam vulgatoris exempli , ac non potius prodigii cujusdam loco esset , adolescentes nobiles , in opibus affluente domo , in ætate licentiæ opportuna , tam sanctè ac temperanter vitam traducere , ut illos dulci illicio involuto hamo inescatos , ac nescio qua jucunditatis lotò breviter depastos , ad extremum voluptas non ad Sirenios scopulos syrtesque differret . Plus quàm omnia certè Stoicorū paradoxa sapiens verumque meâ sententiâ illud est Toxili , apud Plautum servuli , dictum , qui citius cum Dracone & Cerbero deposcebat , quàm cum Amore pugnare . Quod si ejusmodi certamen visum est servo durissimum , quid
in-

ingenuo? si pannoso homunculo rerumque omnium indigo asperrimum, quid opulentissimo juveni? si rudi & impolito impeditissimum, quid forma eleganti, cultu nitido, summaque morum facilitate prædito adolescenti? Excedit haud dubiè omnem fidem, Homodeum, non Ascetarum septis inclusum, vitæque ab hominum commercio circumscriptâ, sed in maximarum Urbium frequentia, inter æqualium cœtus, omni fortunarum copia circumfluentem, adversus improbi amoris impetus, & fallacis voluptatis insidias, fortissimum athletam procurrere. Quid, cum domesticos, siqua vitiorum foeditate contaminari contingeret, acerrimus vel in alios honestatis vindex, severis vocibus castigaret? Quid, cum liberiores Hospitum sermones ad mensam, verecundiâ, virtutis colore, suffusus, quò pudentiùs, eò fortiùs redargueret? Aderat quidem, ut moris est, Adolescentis lateri indivulsus morum Magister, qui quo pede in vitæ curriculo pergendum esset, viam commonstraret. Sed hujusmodi animi Formatorum una vox erat, supervacuam cum illo suam esse institutionem omnem & operam. Sibi potiùs, quo virtutum studio magis magisque proficerent, ab integerrimi juvenis vita,

K

spe-

ſpectatiſſimæ exempla laudis , quolibet Monitore diſertiùs affatim exhiberi . Ipſe ſui cuſtos aderat : ipſe morum architectus , bonęque mentis faber : ipſe rigidiffimus diſciplinæ expenſor , poſtulator , exactor . Tam vigili atque conſtanti in ſeipſum animadverſione perfectum eſt , ut illibatum reliquæ vitæ curſum facile obtinuerit, multòque feliciùs, quàm Alpheus ille Arcadiæ fluvius , qui in mare influens aquas ſervare perhibetur à quacumque falſuginis contagio puriſſimas .

Quoniam verò innocentia & probitati à bonis literis vetus eſt atque firmiſſima , quantum humano præſidio comparari poteſt, cuſtodia , mentem cupidiffimè appulit ad illas pacis alumnas, humanęque vitę ſocias honeſtiſſimas excolendas . Earum porro artium, quibus ad humaniorem cultū informamur , non ideo ſolùm rationem ducebat, quòd præſtarent, ne in malum otium reſoluto hebeſcentique animo, pravis cupiditatibus rimę pateſcerent, verùm etiã quò earum adjumento expeditiſſimum ſibi muniret aditum ad eos honores , ad quos genitum ſe educatumque non ignorabat. Viderint iſti , qui generis claritatem pollui putant, ſi ad proſapiæ ſplendorem diſciplinarum intelligentia adſtruatur : qui in argumentum pompamque
ma-

magnæ fortunæ , interiorum literarum non infcitiam modò , sed contemptum superciliosum , & Vatinianum plane ~~eodem~~ odium trahunt ; qui effrontem imperitiam præ se jactanter ferunt , vitamque voluptariam , non laboriosam plenamque sudoris confectantes , focordes & inglorii sedent in otio : expectant , conjicio , dum Fortuna , ipsis quod dicitur dormientibus , honores in rete cogat , omniaque sibi citra sementem & arationem , tanquam Saturni sæculo , largiter lautèque proveniant . Iis scilicet ullam esse reliquam scintillam mentis , ne ipsa quidem Pitho persuaferit mihi .

Tametsi verò Aloisius iis præcipuè studiis locandam sibi esse operam intelligeret , quibus ad capeffendam rempublicam , rerumque civilium tractationem instructior redderetur , tamen amœniores facultates superstruere severiorum artium cognitioni , & Themidem , rixosam Deam , mansuetis literis frangere ac temperare , non ad ornatum dumtaxat ingenui viri , verum etiam ad dignitatem magnopere pertinere cum recta ratione arbitrabatur . At non idcirco amatoriiis Fabulis , mollissimis cantiunculis , & comentitiis prodigialium pugnarum narrationibus indul-

gebat, quarum lectione otium & ætatem conterere, id verò est magno conatu magnas nugas agere, & bonas horas malè perdere: ut omittam, contaminatis plerumque voluminibus pervolutandis, aut præsentì exitio corrumpi animos, aut manifestum profligandæ innocentiae subire discrimen. Quapropter non infracto, molli, ac enervato dicendi genere delectabatur, sed quod à virtute colorem succumque duceret, quodque copiosum esset, grave, magnificum, causisque forensibus, ac publicarum rerum administrationi accommodatum. Legistis, Venerem Spartæ mœnibus appropinquantem, cestro, armillis, torquibus, cæteroque cultu muliebri procul abjecto, ut iniret à Lacedæmoniis gratiam, lævâ clypeo insertâ, loricâ incluso pectore, correptâque viriliter hastâ, eorum Urbi obequitasse. Ad eum ferme modum Eloquentiam, non comâ calamistris inustâ, non pigmentis infuscata facie, sed masculam & obarmatam ad rostra decet & Forum appellere. Tam bene positis palæstræ literariæ initiis, proximum fuit, ut Aloisius se ad Philosophiæ adyta, & penitiorum naturæ intelligentiam converteret.

Non sum multorum opinionis iudiciiue nescius, qui hoc genus omne studiorum, tanquam

otio-

otiosum & sterile, carpere atque damnare non desinunt, iisque nobilem Juventutem frustra laborem impendere invidiosè ac temere criminantur. Irritâ quippe operâ cruciari ingenia flexuosis illis Philosophorum cavillationibus, quæ ad usum humanæ societatis, vitæque communis fructum nihil demum solent satis æstimandum adducere. Imò verò quemadmodum imperiti pugiles, consumptis umbratili & inani colluctatione viribus, ubi seriò est postea dimicandum, minùs firmi in arena deprehenduntur, isto perinde modo omnis Philosophica concertatio, clamores, jurgia, seditiones, Curiaë Forique lucem non sustinent; neque ad civilis turbæ strepitum, & concursationem, rerumque agendarum commodum quidquam validæ opis auxiliique conferunt. Verùm & allucinantur crassissimè, & laboriosè ipsi, dum talia mentiuntur, ineptiunt. Enimvero, sive ad sinistros vitæ casus equabiliter perferendos, sive ad infensos fortunæ impetus fortiter propulsandos, nullum firmitus quàm ab iis commentationibus petimus munimentum. Earum porro subsidiis confirmatus animus, securior quàm Teucer sub Ajacis clypeo, nullis debilitatur adversitatum ictibus, nullis obsecundat degenerum cupiditatum imperiis, omnem

rerum vicissitudinem & inconstantiam, iniqua & aspera, iterum jucunda & felicia fortuitarum eventuum, cauta, expensa, atque provisa habet. Lautissimis hujusmodi atque pulcherrimis conditionibus invitatus Homodeus, non prius Jurisprudentiæ cognitioni se transdidit, quàm Philosophiæ primùm, ac subinde Theologiæ Sacris initiaretur. Ut enim milites nulla re magis, quàm armorum nitore gloriantur, non ostentatione quadam, sed quoniam quæ lucidissima sunt, ad usum accomodatissima reperiuntur; sic mentes, quas ad suam cotem limamque severiores illæ disciplinæ collustrant & exacuunt, ad causarum postmodum civilium pervestigationem, non modò ornamenti plurimum, sed mirum quantum utilitatis apportant.

Profectò ea est disquisitionum iudicium legumque dignitas, ut nihil in publicum utilius, nihil ad concordiam, innocentiam, tranquillitatem conciliandam validius sit nobis aut à natura constitutum, aut ab humana sapientia comparatum. De cujus disciplinæ divina laude quid magnificentius dicam, quàm quod Heraclitus, qui multò acrius pro legibus, quàm pro mœnibus judicavit esse pugnandum? Etenim sine mœnibus,

bus Civitates non incolumes solùm , sed abunde felices esse possunt : at sine legibus , perturbata atque proscissa reipublicæ facie , solutoque poenarum metu , non sua parentibus auctoritas , non liberis reverentia , non obsequium Magistratibus , non divinis , non humanis rebus officii ratio , aut concinnitas ordinis satis diuque constat . Habere hinc legum studia quandam cum Divinitate cognationem veteres edocent Legislatores , qui earum originem ad Deos immortales retulerunt . Equidem à Deo Homine regulas ad vitam exigendam omnium sanctissimas fuisse propositas , ambigere sine sacrilega temeritate non possumus . Moisen etiam supremi Numinis alloquio didicisse sapientissimas præscriptiones , quibus Hebraicum populum imbueret , firmissimè credimus . Quòd autem Charondas à Saturno , Trismegistus à Mercurio , Solon à Minerva , ab Apolline Lycurgus , à Vesta Zalmoxis , ab Oromasi Zoroaster , ab Ægeria Numa suas acceperint leges , commenti sunt scilicet viri sapientes , postquam à Deo Hebreis traditam vivendi normam à sacris literis cognoverunt . Eapropter optimo consilio Aloisius adjecit obnixè animum ad legum antiquitatem , disciplinam reipublicæ , Urbanas & bellicas digni-

tates, jura Sociorum, fœdera, & pactiones cognoscendas, quæ cum Hypseus & Octavius Oratores ignorarent, meritò sunt à Cicerone despecti. Facultatis longè operosissimæ studium Perusiæ confecit, quod est nobile in primis omnigenæ doctrinæ, & præstantium ingeniorum emporium.

Habent hoc illustres Academiæ, ut illic cum præclaris ingeniis, externarum regionum etiam vitia confluant: sive otium & æqualium convictus animos solvat, sive Adolescentum vita procul à parentum conspectu posita, quò longiùs abest à censura, eo fiat in deterius pronior. At ego Perusino Lyceo ex animo gratulor, quo nempe, hoc educationis litterariæ Alumno, nihil fuit non modò humanæ sapientiæ gloriâ clarius, sed cælestium virtutum, innocentiae, concordiae, probitatis exemplis ornatius. Ad erat Aloisio, quod magnam apud æquales obtinet commendationem, mira morum suavitas & elegantia, forma ingenua & liberalis, sermo ad humanitatem excultus, & singulari quadam affabilitate conditus. Quibus rebus efficiebatur, ut quibus facilitate & officiis erat gratissimus, eosdem vitæ probatissimæ documentis ad sui similitudinem facilè alliceret.

Præ-

Præfertim cum Juvenis pietas non esset, qualem in multis cernimus, simulatâ specie sumpta ad obtentum, & tempori serviens ad hominum opinionem captandam; neque porro putidè subtristis & rustica, & quæ, fulgetri similis, minatur dum lucet, sed amabilis & sincera, & quam imitari omnes vellent, nemo laudare non posset. Tam affluenter apud parentes jacta, tam feliciter Perusino in solo efflorescentia virtutum semina, debebant aliquando Romæ ad amplissimam, cujus spem fecerant, laudum & honorum segetem maturescere.

Et Aloisii quidem ingenium Romæ, tanquam Phidiæ signum, simul aspectum ac probatum est. Dexteritas cum incorrupta integritate, humanissimi sermonis urbanitas cum inculpato pudore conjuncta, conspicui sanguinis solidæque sapientiæ præcepta jam pridem opinio sic omnes incescit, ut non minus autoritate judicii admirationem exprimeret, quàm testimonio benevolentiae omnium sibi voluntates adjungeret. Nam optimi Viri æquabilitatem & moderationem, injurius illi fuero, si parcius laudavero. Obibat officia diligenter, & in purpuratorum Patrum comitatu frequens aderat, non assentationi, quod
vi-

vilissimi Gnathones faciunt , sordidè abjectè-
que serviens , sed demerendæ eorum gratiæ ,
quorum ipse authoritati atque iudicio pluri-
mum tribuebat . Ea species veræ erectæque
virtutis Innocentii Pontificis ejus nominis De-
cimi animum vehementer tetigit , permovit-
que , ut illum Apostolicæ , ut vocant , Camere
Clericatu honestaret . Quod impertiti honoris
gravissimum testimonium eò ad Viri laudem
prolixius fuit , quò latebat neminem , ab eo
Principe proficisci , qui in pernoscenda æsti-
mandaque virtute solertissimus esset , & in
mandandis honoribus accuratissimus . Amplif-
simo honoris gradu , eidemque annexis publi-
corum munerum Præfecturis tanta est laude
perfunctus , ut non minor ipsi ex Magistratu ,
quàm ex ipso Magistratui dignitas & orna-
mentum accreverit . Illum consulere , illius
privatam operam pene quotidie expetere ,
quotquot domesticis maximisque negotiis , aut
dubiis causarum controversiis implicabantur .
Innocentius ipse in curarum partem vocare ,
publicis multisque muneribus præficere , suo-
rum consiliorum participem & administrum
deligere . Cum verò de Castro recuperando
agitaret , Homodeum cum primis retulit in
virorum compertæ fidei , perspicacitatis , at-
que

que prudentiæ Coetum, quem, ut de re difficillima gravissimæque cognosceret, constituerat. Itaque de re multis cæteroqui ambagibus implexa seriò cogitationem suscepit, dummodo æquitatis candorisque sui studium enitesceret, non admodum reputans, quantum aut molestiarum devoraturus esset, aut offensionis & invidiæ subiturus. Ita autem cum ejus Judicii sociis egit, ut, cum calculo & suffragatione sua præclare multa statuerentur, in alios omnem laudem transcriberet. Ea res vel maximè acceptum Pontifici gratumque reddidit; cujus gratia modestè habita majorem illi honorem peperit, eoque acrius, ut primis Romanæ Ecclesiæ honoribus potiretur, publica studia incendebat.

Et civium quidem animos ea præcipuè laude sibi arctissimè obstrinxerat, quòd in usu rerū judicialium, lites causasque forenses non solum rectè & enucleatè, sed quàm maximè posset expeditè transigeret. Non, quæ sunt Fori artes, moram producere, distinere, circumagere, rem trahere, donec disceptatores, tanquam Sisyphi saxum volventes, longo sufflamine, tricus, & veteratoriis quandoque frustrationibus miserum in modum excruciat, perpetuarum cunctationum pertæsi, & immodico-
rum

rum sumptuum incommodis affecti, ab in-
cœpto desistere, quàm ad iniquas conditio-
nes adduci compellique malint. In dicenda au-
tem sententia, apertus animi & inturbidus,
refugiebat amiculis & integumentis dicta in-
volvere, & ambiguis responsis torquere judi-
cia, ac molestiam faceßere in deterius suspi-
ciosis. Omnes demum, ut erat impensè offi-
ciosus, paratissimè excipiebat; & licet de re-
bus levissimis sæpius obtunderetur, neutiquam
tamen à tranquillitatis sede dejecto animo,
benignas omnibus præbebat aures, ut nemo
susplicari posset, illi quantavis curarum mole
distento, gravem aut odiosum intervenisse.

Atque iis profectò causis nihil est demiran-
dum, cum inter Vaticani Senatores ab Inno-
centio Pontifice adlectus est, summa in illum
studia hominum exarsisse, sublatoque ubique
plausus, inusitato quodam sensu, ac veluti fre-
mitu impotentiâque lætitiæ. Gestiebant in
maxima celebritate & luce versari, quem
scirent optimum innocentie patronum, for-
tissimum justitiæ vindicem, custodem inte-
gerrimum honestatis. Neque enim opinione
solum virtutem complexum, sed stabili qua-
dam perpetuitate & constantia sic institutum,
ut, cum intimè nosceret quid deceret, nihil
ab

ab ea mentis inductione ejusdem mores & vita discreparent . Quare vox erat una Civitatis Homodeum omnibus absolutissimæ virtutis præsiidiis ad illud fastigium evectum , magnumque Purpuram non tam fecisse , quàm invenisse . Et hæc sanè de viro Optimo non assentatore & aulico lenocinio , sed verissimè prædicabantur . Quid enim ? Num post illam dignitatis accessionem quidquam putatis pristinæ humanitati decessisse ? Num illi superbia , agnatum magnis mentibus vitium , sui quidquam fumi & caliginis affudit ? Num cœpit proinde publicis curis remissiùs affici ? Imo verò nullam molestiam subterfugere , nullum recusare onus , laborem nullum declinare , quin eò obnixiùs gravissimis muneribus operam addiceret . Elationem certè animi omnem , tum quadam severitate judicii , tum suoapte ingenio in diversum actus , fastidiebat : nam arrogantiam , & fastuosam vultus asperitatem etiam in benefactis odium gignere , certum habebat . Scio , nihil esse tam sanctum & intemeratum , quod lividæ censuræ aleam non subeat , ab iis præsertim , qui quorum laudes imitari negligunt , eorum famam festinant incessere , eò infestiores alienis virtutibus , quò impensius amant vitia sua . Observatum tamen est

est & diligenter animadversum à multis, hujusmodi obtrectatores in Homodei vita vix quidquam, ut Momus ille sandalium Veneris, habuisse quod carperent. Id apertius innotuit in interregni decursibus, quando licentius optimos quosque solet maledicentia impetere in Civitate, ut agebat ille, omnium gnara & nihil reticente; si dixisset multorum inventricem, probassem magis viri judicium.

At enimvero inter omnes Aloisii virtutes, quæ pulcherrimum, in modum Gratiarum, circumducebant chorum, palam est singulari laude eluxisse liberalitatem cum pietate ac Religione conjunctam. Pulcherrima fanè est Christianæ liberalitatis conditio, ad honestos pioſque usus divitias convertere, quas alii ad illecebram & invitamentum laxioris vitæ detorquent, alii ad alenda vitia quasi pabulum congerunt. Nam qui laboriosè partas & abundanter coacervatas fordidè custodiunt, & pecuniâ, ut pueri calculis, ad numerandum solum utuntur, eos argutè simul & verè solis digitis opulentos nescio quis apud Lucianum nominavit. Jamvero Aloisii de omnibus largiter benemerendi studium sic excelluit, ut ad hujus exempla laudis non exornanda prolixius, sed summatim recensenda, cuivis quamlibet

libet copioso & exercitato sit oratio defutura .
 Nihil profectò de ejus liberalitate atque magnificèntia dici potest , quin facta omnes omnium voces exuperent . Semper foras ejus clementia spectabat , semper velut ex alto prospiciebat , ut ingenuas familias fortunis suis ejectas erigeret ; ut Puellas , vulgandæ pudicitiae periculo exemptas , honestis matrimoniis collocaret ; ut non obscuro loco natos præclaræ indolis adolescentes , per angustiam rei familiaris degeneri solutos otio , literis excolendos traderet ; ut Religiosorum hominum coetus , honestissimas foeminas , eruditione præstantes viros , ab extrêmæ egestatis foribus vindicaret . Nunquam illum fovendæ virtutis studium , nunquam voluntas juvandi destituit . Aderat verò beneficiis affluenter collatis frons lætissima , & ea benignitas vultus , quo non solum eadem non exprobraret aut repeteret , sed omnem aditum obstrueret reddituris . Equidem si de singulis dicere pergerem , qui ad hujus beneficentiam , tanquam ad portum , ab iniquioris fortunæ æstu se receperunt , tempus me quàm res longè maturius defereret . Instar omnium fuerit , quod omnium ferit oculos , animosque in admirationem rapit , Sancti Caroli Borromei Cardinalis

lis & Antistitis Mediolanensis in via Flaminia
 Templum, ad summum splendorem incredibili
 auri profusione perductum. Ornatissima Æ-
 des, concinna descriptione dimensa, largo
 conspersa lumine, triplici testudinato fornice,
 Sacellis aptè exsinuatis, editissimo ad oculo-
 rum conjectum librato tholo, adeuntium ani-
 mos vi quadam subita ad colendam supremi
 Numinis excitat majestatem. Quid dicam
 Spartano, Punico, Lucullæo marmore con-
 vestitas aras? quid auro illito collucentes ar-
 cus? quid absidem, tholum, & testudinum
 connexus picturâ elegantissimâ illuminatos?
 Frons ipsa Templi, quâ Tiburtino inducto
 marmore, quâ mundissimo fulgens tectorio
 præaltas Columnas Corinthiis epistiliis orna-
 tas exhibet. Ad Urbis nitorem, & viæ Fla-
 miniaë magnificentiam exporrecta est latius
 area, & ad Templi latera gemina æquali stru-
 ctura adnexæ Ædes, quæ sacros Ministros,
 & Romam Mediolano peregrè adventantes
 recipiant; ad eos alendos detinendosque an-
 nuis proventibus affatim constitutis. Ad tan-
 tam, tamque præclaram universi operis mo-
 litionem, res est compertissima, Homodeum
 septuaginta aureorum millia & eo amplius
 erogasse. O religiosam Principis optimi ma-
 gnifi-

gnificentiam! O studium Religionis splendidum, regaliterque magnificum! Quantam etenim liberalitatis esse commendationem necesse est, cum optimi rerum Conditoris, Deiparæ Virginis, & reliquorum Cælitum cultui gloriæque se mancipat, si sua eidem laus & pretium non perit; cum privata aut publica humanis usibus erigit Domicilia; cum ad oculorum defatigationem continentes cubiculorum decursus in æstiva & verna conclavia dividit cum peristyliis, procestriis, & menianis, latissima includit & exornat atria; cum amplissimè Synandriones extendit, recessu intimo obstruit Parthenones; cum Musivi operis emblematis & asarotis pavimenta distinguit; cum etiam de corte, de stabulo, de suggrundiis & stillicidio sollicita, singula operosè expolit ad nitorem, nobilitat opulenter ad pompam, solidissimè firmat ad eternitatem. Quantum assequatur laudis magnificentia, amplificandæ Religionis & sublevandæ Fidelium inopiæ unicè studiosa, si præcones eidem & admiratores non defunt, cum opes suas non tam effundit quàm perdit, ut Circos, Amphitheatra, Porticus, Palæstras, Curricula extruat; qualia apud Periandrum visâ laudasse dicitur Thales, non tam quòd illa probaret, quàm

L

ne

ne fastidire videretur Tyranni opes atque lautitias. Hoc nimirum est, magnas divitias largiendo maximas facere. Multò hoc est luculentius, quàm auleis pictis, & textilibus stragulis exsaturandis, tortile vexare aurum. Longè hoc splendidius, quàm popinas Saliares, Alexandrinas, & Sybariticas mensas intruere, cum longa ferculorum serie, cum scissorum & prægustatorum agmine; ut præteream hic moriones, planos, mimos, pumiliones, Aularum, ut vocant delicias; portenta, labes, & dehonestamenta veriùs dicerent.

Neque verò Homodei liberalitas se Romę tantum, ubi publicis atterebatur curis, continuit. Tusculanam etiam Urbem locupletavit, quò animi gratiâ per Autumnales ferias concedebat. Quos autem hìc, Auditores, ejus magnificentię fructus expectatis? Ædesne ad rusticandum quadrato extructas lapide, diētas maculoso lucentes marmore, ambulacra picturis varia, solaria, hypetra, inambulationes subdiales platanonibus inumbratas? Num buxo myrtoque marginata, & tonsilibus opaca fruticetis Xista mente concipitis? Num complicatis, & in gyrum aptè decidentibus ramis arborum, obvoluta conopea? num labyrinthos, topiaria, piscinulas
me-

meditamini? Num demum fontes cogitatis, vel erratico sequacium arbuscularum illapsu protectos, & propius ad naturæ ingenium è vivo manantes pumice, vel imbricatis testulis exornatos, cum Atlantibus & Telamonibus ad arcum latera, cum Tritonum buccinis, Hippodelphinis, & Nympharum agmine, repandis conchis inveceto? At enim apage hinc Adonios hortulos: omnis Phæacum mollities procul faceffat. Non virilem modò liberalitatem, sed perpetuo quodam fœdere pietati nexam, Religioni, quemadmodum dixi, desponsam suspicimus, extollimus, prædicamus. Ad veteris Tusculi latus, Boreæ flatibus oppositum, ubi jugi asperitas in planitiem molli-ter patescit, Templum Sancto Romualdo, Eremicolarum Institutori sanctissimo, sacrum erigitur. Coenobitarum ædiculæ, certis intervallis discretæ, eidem adjacent. Verenda loci facies, supellectilis sacre mundities, solitudo, silentium, Religionis ergo illuc ventitantibus tenerrimos pietatis ingerunt sensus. In hoc Sanctuarium à publicis curis ad honestam laxationem receptus Homodeo erat. Hic illi nova adaperita sunt, quæ decurreret, spatia liberalitatis. Etenim, ut præteream perturbatas sacre illius Familiæ domesticas

rationes ab Aloisio restitutas, collabentis ædificii partem redintegratam, victui & quotidianis ejusdem usibus perennitèr subministratam pecuniam; rationem insuper iniit, quemadmodum in posterum etiam universi Conventus securitati commodisque prospiceret. Angusta Ascetarum cubicula, pro ejus instituti hominum consuetudine, nemus tanquam ad custodiam obibat undique. Sed rubis & silvestri frutice consitum sepimentum perrumpebant facilè fures & viatores, cum assiduo non rei solùm, sed quietis, quâ potissimum illa Sacra constant, intertrimento. Itaque Homodeus laxiorem silvam, & multis locis glareosi soli tenacitate ad inædificandum difficilem, perpetuâ lateritii muri coronâ conclusit; & stabili munimento beatissimum Religiosorum hominum otium asseruit. Tam prolixæ liberalitati referebant illi vices convictu & alloquio suavissimo, quo Princeps humanissimus præter modum lætabatur. Cum iis totos dies agere, Psalmodiæ interesse, cibum sumere, ac piis sermonibus, cujusmodi epularum nulla illi satietyas, mensam condire. Has ille agebat ferias. Sic animum urbanis negotiis subductum reficiebat. Memini legere, Scipionem Africanum, cum publicæ invidiæ

diæ cederet , apud Linternum Campaniæ vicum , villam ad arcis munitissimæ speciem extruxisse . Vallis , turribus , propugnaculis , ipsas delicias feroces fecerat ; ut pateret , non Lucullum aliquem aut Apicium , sed everso-rem Carthaginis rusticari . O Annibalem felici-ssimum , si ex Scipione , quemadmodum bellandi artem discere necesse non habuit , sic otia didicisset . Quid autem ad eam Africani laudem Homodei pietas , religio , liberalitas , vel dum ruri degens , agrorum amenitate , & Cæli liberioris haustu , rerum publicarum pro-curatione contractum animum explicaret ? Et his quidem virtutum adminiculis probè sufful-tus , ingravescente jam ætate , ad finem vitæ mortalis perductus est ; cum antea , ratione totius anteaetæ vitæ à se diligenter repetita , noxarum confessione expiasset animum , & extremis Christianæ Religionis subsidiis ad capeffendam æternitatis viam munivisset . No-lite hic , Patres , expectare , ut , quantum de-trimenti ex ejus interitu respublica acceperit , largè commemorans , non adhuc obductam vestri vulneris cicatricem inclementi manu rescindam . Dolendum equidem huic Civitati , tam insigni tamque conspicuo sublato lumi-ne . Dolendum Optimo Pontifici , qui tam

duris temporibus, tanta fide atque sapientia præditum Consiliarium amiserit. Vobis præfertim dolendum, non tam Patrono, quam Parente, & amantissimo amplificatore vestræ dignitatis adempto, qui & Familiam vestram tot annos patrocínio tutatus est, & opinione vestræ virtutis atque sapientiæ, vos gravissimis curis, & consilis suis regendis adhibuit. Verùm ut nihil antiquius habere debetis, quàm ut ejus memoriam sanctè tueamini, sic vos ejus laudum reputatione componere par est vestros animos, vultusque mœstitia prægravatos erigere. Quid enim illius forte invidendum magis, qui perpetuo innocentiae atque pietatis studio tam sedulò se ad vitæ exitum comparavit, ut quod semel necessarium est, semper illi esset tempestivum; ipsam verò vitam in angustos terminos naturæ necessitate coactam, præclarè factis ad immensam futuri temporis longinquitatem produceret?



ORATIO VIII.

IN FUNERE . . .

DOMINICI PUTEOBONELLI

Ordinis Prædicatorum, sacri Palatii
Apostolici Magistri.

*Habita in ejusdem Ordinis Templo
Deiparæ Virginis supra
Minervam.*



Preciosè juxta verèque à Platonè dictum accepimus ,
eam esse virtutis pulchritudinem , ut , si exhibere se
spectandam mortalibus, sui-
que copiam facere posset,
incredibilem in modum
omnium animos sui admiratione defigeret .
Quis enim non illico se ad illam lucem con-

L 4

ver-

verteret? Quis ab illa formæ dignitate, nitore, elegantia non jucundissimè caperetur? Sed quoniam longè aliam liquet esse Virtutis speciem, atque illam legimus à Xenophonte descriptam, Matronam procero corpore, honesta facie, verecunda fronte, regali habitu incessuque; eam ob causam perpaucos illa laudum suarum præcones, vix ullos nanciscitur amatores. Cælestis ipsa cælestes hominum animos, immortalis ipsa immortales colit; intus habitat; ibi regnum obtinet; ibi occultè explicat humanæ avaritiæ ignotas opes. Factum tamen ad rem nostram est sanè percommode, ut quæ, ab omni corporum admistione sejuncta, nativi decoris lumen nequit ingerere, in summe præstantiæ viris vivas quasdam sui imagines spirantesque substituatur, quibus & studia nostra sibi demereatur, & nostras ad illorum imitationem mentes inflammet. Intellexerunt hoc, ut hujus generis multa, Poetæ: qui in Achille non tam egregium bellatorem, quàm fortitudinem ipsam, in Nestore non tam omnis divini humanique juris consultissimum senem, quàm ipsam prudentiam, in Ænea non tam Ducem impensè pium, quàm ipsos veræ pietatis vultus adumbrandos sibi proposuerunt. Quapropter agite, Patres amplissimi.

Est

Est quo aliquam in hoc mœstissimo munere à vobis gratiam ineam . Est quo erigatis animos, & fortibus solatiis ægritudinem vestram leniatis . Aptissimam dolori vestro allevationem exhibeo . Quam autem, nisi vivis expressam coloribus imaginem veræ virtutis atque sapientiæ in Dominico Puteobonello , Familiæ vestræ fulgentissimo lumine ? Religiosissimum Virum licet in cælestem patriam præmissum potius quàm amissum , adhuc tamen graviter molestèque ferimus oculis eripi amantissimæ Civitatis . Neque verò aliter acerbissimo casu perculsum vestrum Ordinem sentio , ac matrem illam Gracchorum Corneliam , florentissimis filiis per civilium discordiarum æstus amissis . Constans verò illius in me perpetuæ, benevolentiae significatio facit , ut cujus colaudandi finem nullum facere deberem, de eodem sine lacrimis & mœrore cogitare vix possim . Quamvis autem ab omnibus meditandi scribendique subsidiis imparato tristis hæc mihi præter omnem expectationem necessitas ingruerit , neutiquam tamen tenuitas nostra religiosissimi Viri gloriæ officiet. Omni verborum delectu nobilius illi præconium facta contextunt. Habent illa vocem non languentem & evanidam , sed solidam validamque , & cui
Thea-

Theatrum non intra hos parietes circumscribitur, sed in omnium animos, apud quos aliquo est in pretio vera præstantque virtus, latissimè extenditur.

Gentis Puteobonellæ natale solum Savona est, Liguriæ Oppidum in primis illustre, & mari proximum. Loci opportunitas externis mercibus lætam, admirandi operis munitiones tutam ab hostibus præstant. Angustias agri, quem hinc mare, hinc Appenninus protendi prohibent, civium gloria amplificat. Duo illa edidit Vaticani lumina, Julium II. & Sixtum IV. Pontifices Maximos, qui rem Romanam, & Summi Sacerdotii Imperium naviter amplissimèque illustrarunt. Urbem nec murorum ambitu, nec incolarum frequentia admodum amplam æstimantibus prodigii simile fuerit virorum numerus, domi militiæque illustrium, quorum alii aliis gloriæ facem, ut lampadem olim in circo certantes, per manus tradiderunt. Nulla Civitas in genus mortalium beneficia congerens longiores manus habuit. Dubitatis? Americanum Orbem interrogate; Savonæ debet, quod notus est. Nimirum ea ex Urbe, tanquam ex nido, albis vere faustisque avibus evolavit, aquilas omnes transgressus, Columbus ille, qui dimidia sui parte latentem naturæ

fa-

faciem rem publicam fecit . Itaque tanti viri memoria non marmore , aut æneis simulacris , quæ extrema est reliquorum ambitio , sed donec opulentissima steterint regna ; donec vastissimæ provinciæ nobis servient , perennabit . Verùm popularis sui nomen decusque eò magis antecellit Dominici gloria , quò nobilius est , orbem implere virtutibus , quàm detegere . Generis claritas , quæ totam in plerisque laudationis seriem solet conficere , in egregio hujus Viri laudum comitatu , accessionis & parergi instar habuit . Faceſſat hinc vanus ille , solidæque virtutis robore destitutus splendor nobilitatis , nihil plerumque dissimilis pompæ Cenotaphiorum , quæ intus inania , præclara nomina , vetustas ceras , illustres tesseras foris ostentant . Minimum in Dominici censu fortuna negotii habet : suis ille opibus dives , relegato titulorum strepitu , rejectis ambitionis phaleris , æstimandus est . Quamvis cognatione & propinquitate Riarios aliasque Familias perillustres attingeret , quamvis ab ipso Julio II. , de Sacro Vaticani Imperio præclarissimè merito Pontifice , partem aliquam nobilissimi sanguinis traheret , adhuc sapientiæ & virtutum ornamentis effecit , ut longè splendidiore essent monumenta laudum , quæ in suam ipsa

ipse gentem intulit, quam quæ amplissimè ab eximiis Majorum gestis acceperat.

Nescio qua vi sinistra contingat (contingit autem sæpissime) ut Majorum gloria Nepotes inertes faciat ; nec parentum decora exaggerare virtutibus posterì degeneres admodum fatagant, sed potiùs vel sub eorum præclarè gestis tanquam sub umbra acquiescere, vel quidquid inde secundæ existimationis partum est, per socordiam luxumque decoquere. At enimvero Dominicus, vix fasciis & cunarum crepundiis abdicatis, mira indolis maturitate vitæ mortalis cursum est auspicatus : ingenitique à natura ignes ad bonam frugem in primula ætate sic eluxerunt, ut quò minor ætas aderat, eò gratior obveniret ubertas. Non est in parentum manu quales nascamur : eorum tamen & institutorum est potestatis, quales efficiamur. Abunde multa de Republica administranda Platonem scripsisse nemo unus ignorat : ipse tamen nunquam attigit magistratum. Sciscitanti cuidam quam ob rem id ageret, Quoniam, inquit, utilius est Civitati multos instituere Cives idoneos, probosque Senatores, quàm Rempublicam regere. Præclarè etiam Eteocles, cum Spartæ Ephorum ageret, Antipatro post victoriam postulanti pueros ob-

obsides quinquaginta, nullis minis adduci potuit, ut conditionem patriæ gravem & detrimentosam futuram acciperet: duplo potius numero se viros daturum; nam pueros, si externis moribus molliter educari contingat, severiorem Lacedæmonum disciplinam postea non laturos. Et id quidem in iis, quibus est vis mentis alacrior, magis cavendum. Præclara ingenia, utramlibet vergant in partem, magnam vim afferunt. Civitatum Conditores optimi, improbique eversores eximio plerumque animo, minimèque vulgari juxta fuisse. Magni refert quò magna indoles impetum flectat, perinde ut plurimum annonæ interest, quo pacto ingens vaporum copia nubibus collecta solvatur; quæ si attemperatè in imbrem decidat, magnam fertilitatem, si effusè torqueatur in grandinem, perniciem summam apportat. Ab ea cura pios cæteroqui & industrios Dominici parentes Pueri indoles absolvebat. Majoribus assurgere, iisque in omnibus se præstare morigerum, nihil contentiosè, nihil per iracundiam agere, naturâ prius, quàm disciplinâ perdidicit. Suapte ingenio ad omnia pronus pietatis officia, ac Cælitum Regine tenerrimo quodam studio addictus, in ædium recessu depictam ejus imaginem colere, flos-

cu-

culis atque tæniolis exornare institit ; sæpius-
cule interdum ante illam procumbere , dissolvi
fletibus , suspiriis amanter incendi. Eidem ve-
rò non modò quotidianum supplicationis pen-
sum ad calculos coronarios persolvebat ; sed ,
cum sacris consuetisque precibus præfixum
tempus appeteret , ultro occupabat parentes
adire , sollicitum impulsorem cum illis agere ,
modestè fratres ad cœtum celebrandum , do-
mesticos naviter cogere . Ea res parentes ad-
vertit, ut Pueri ardorem illum in magnæ olim
virtutis præfagitionem acciperent , tantæque
suavitatem indolis insatiabiliter exoscularen-
tur .

Ex horum imperio , ne mentis erectæ vi-
gor per otium hebesceret , in Præceptorum
doctrinâ & virtute præstantium disciplinam
traditus , incredibili discendi proficiendique
alacritate ad Literas accessit . Equidem appa-
ruit non soli canitudini comitem adjungi Sa-
pientiam . Ut enim acri ingenio, probèque à
natura ad intelligendum comparato utebatur ,
minimo negotio tam feliciter in iis studiis ,
quibus animi ad humanitatem expoliuntur ,
processit , ut non solum æquales suos facilè
antecelleret , sed magistrorum expectatio-
nem , & ipsa parentum vota præverteret . U-
trum

trum verò magnitudine ingenii, an elegantia modestissimæ indolis, omnium, quibuscum ageret, animos vehementius attraheret, haud facile discerneres. Novis certè doctrinæ incrementis in dies adolescens Pueri virtus, mira naturæ festivitate condita, nulli incidebat in oculos, quin simul in animum illaberetur. Præcipua discantis cura, quæ à Præceptoribus audiret, non in aurem solum, sed in animum altè demittere. Illustria in primis Sapientum dicta memoriæ tradere, quibus ad vitam piè sanctèque informandam proficeret. Eas cordi intimo tabulas inviolabiles figere, ea integritatis amuleta seriò versare, ut se fortiùs muniret adversus vitiorum contagem, quæ herbescenti ætati quò blandiùs obrepunt, eò tenaciùs inolescunt. Meritò siquidem quantamlibet in literis progressionem non inutilem dumtaxat, verùm etiam injucundam putabat, si eà causâ remissiùs aut pietatem cole-ret, aut innocentiam tueretur. Quàm proli-xo autem pietatis studio flagrasse existimem integerrimum Puerum, qui nullam vitæ par-tem se beatiùs transigere prædicabat, quàm cum vel sacrificanti interesset, vel animi maculas ingenua confessione detergeret, vel cælestis mensæ Pabulo reficeretur. Ullamne sibi diu-

diuturnam vel cum levissimis labeculis aut pacem aut consuetudinem intercedere pateretur, qui, sicubi à legis divinæ præscriptionibus vel latum unguem deflexisset, subductis quotidie calculis severè inquirebat: qui parentes, adlectosque sibi monitores viros gravissimos crebrò adibat, instabat precibus, non sine lacrimis obtestabatur, ut in suæ vitæ lapsus animadvertendo vindicandoque strenuè agerent, minimùm aut pudori fortasse suo aut ætati parcerent, nihilque vellent prætermissum, quo melior fieri ab iis posset, quos opitulari sibi maximè omnium & posse & debere intelligeret. Qui tam rigidum morum fuorum censorem se gerebat ac vindicem, eum facile est judicare, quàm accuratè eorum societatem refugeret, qui aut aliorum candori labem aspergere, aut alienam virtutem mordacibus cavillis infestare, partem scilicet urbanitatis ducunt. O invidendam educationem! O lubricæ ætatis flexum præclarè institutum!

Jampridem Dominici animus, fallaces infidiosæ voluptatis illecebras pertæsus, omnique fortunæ censu major, mortalia sensim fastidire, fluxarumque rerum inanitatem pronihilo habere cœperat. Nullam in corporis ob-

le-

lectamentis sinceram jucunditatem, in divitiarum copia nihil solidi, in laboriosa ambitionis indagine nihil bonæ fidei inesse didicerat. Præterea honestissimus in patria locus, amplæ domi opes, ingenii tum mira suavitas, tum excellentia singularis, quæ sanctioris vitæ consilia remorari solent, ut indulgentissimo ejusmodi bonorum dispensatori Deo arctioribus vinculis se adstringeret, generosam indolem acrius incitabant. Quod si res suas propriis, ut moris est, emolumentis, & ad privati compendii libellam metiri vellet, nihil suis rationibus quæstuosius fore statuebat, quàm ut, quæ liberaliter à Deo acceperat fortunæ naturæque beneficia, eadem virili contemptu abdicando non tam amitteret, quàm pretiosiora faceret. Hæc reputanti minimum deliberandum fuit, ad quæ se potissimum castra reciperet. Cum etenim, conspicuæ sapientiæ & singularis opinione virtutis, vestræ, amplissimi Patres, Familiæ plurimum tribueret, ad vestram tesseram & lectissima signa pleno gradu summaque animi contentione convolvit. Non erat nescius, nullas esse objectu interminati maris tam remotas disjunctasque terras, nullas ab hominum commercio omnique humanitate tam alienas nationes, quò non

M

spe-

ſpectatiſſimi hujus Cœtus rerum geſtarum fama pervaserit , cœleſtis doctrinæ lumen affuſerit , magnique impenſi labores nomen fructuſque veræ Religionis intulerint . Non ignorabat , eximia ſanctitate viros , Cœlitum ſaſtis adſcriptos , erectis ubique opulentiffimis aris templiſque , honoribus Deo proximis impertiri . Apud vos verò exortum lucidiſſimum illum doctrinæ Solem ad diſſipandas errorum tenebras , veritatis radios latè diffundere . Callebat optimè eam hujus eſſe Familiæ amplitudinem , ut nobiliſſimis Civitatibus innumeros dederit Sacrorum Præſides , Paſtoresque vigilantiffimos , Patrum purpuratorum Ordinem ſummę præſtantiæ Senatoribus per amplè auxerit , ipſamque Pontificiæ majeſtatis ſedem atque faſtigium iis viris occupaverit , qui vel admirabili ſanctimoniæ luce cœleſtes in terris honores obtinuerunt , vel clariſſimorum operum magnitudine & copia ampliſſimè ſunt de re Chriſtiana Romanaque Religione promeriti . Quò autem me veſtrorum , Patres , decorum fulgor abripuit ? Video laudationem hanc veſtram , æquiſſimam illam quidem , imo longè à veſtrarum virtutum dignitate diſtantem , ſuſceptæ à me Dominici Puteobonelli coornandi cauſæ obeſſe plurimum .

mum. Quid enim? Cum talis ac tanta sit vestri Ordinis dignitas, cum in tanta ubique gentium luce versetur, in eundem cooptatum juvenem alioquin undequaque spectabilem, aut obscurè delitescere, aut in aliquo vix esse numero, ut de illo magnificè sentiam, necesse est. Insignis universi Cœtus claritudo privatam unius gloriam obruet; nec sanè poterit in vestro hoc splendidissimo, ut ita dicam, Cæli orbe, facis recenter additæ jubar excellere. Itane verò? At ego hoc ipsum dedito studio requirebam, ut in arctissimum, quemadmodum videtur, locum devec̃ta oratio elatius, clariùsque ad inusitatam Dominici laudem emergeret. Enimverò cum in hunc doctissimorum hominum Conventum innumera confluant ornamenta; cum ea sit sanctissimæ hujus disciplinæ temperatio, ut eidem infinitum quiddam bonæ artes, Urbium felicitas, Religio, salusque publica debere se fateantur, quantam, amabo vos, oportuit virtutis exsuperantiam esse, quantam doctrinæ, integritatis, prudentiæ, laudumque cæterarum complexionem nexumque mirabilem, quarum præsidio Puteobonelli dignitas & autoritas insigniter prolixèque potuit, vel ubi omnes eminent, eminere? Ea est Oceani vastitas, ut

ingentium aquarum fluvios nec abscedentes sentiat, nec remigrantes. Scilicet vel magna negligit quod est maximum; & inhæc opulentiæ laus est, ignorare opes suas. Nihil arbitror me à recto rerum judicio & re ipsa discedere, si vestram, Patres, Societatem Oceano, ut molis laxitate, sic varietate illustrium titulorum, verarumque divitiarum copiâ æquaverim. In hunc quippe Ordinem supremi Numinis indulgentia tot decorum honestamenta conclusit, ut profusissima eorum largitas in omnes redundet, & in immensos fructus usufque publicæ felicitatis exuberet. Et quemadmodum flumina, novo quodam tributi genere, Oceano mancipant nomina ipsa quæ perdunt, non aliter sublimia quantumvis ingenia, ubi in hos amplissimos sinus fluxere, veluti in quadam pelagi infinitate, non modò quæ advexere disperdi, sed sua reticere nomina, sui memoriam extinguere manifestò clarèque percipiunt. Quæ cum ita sint, per quantam, iterum rogo vos, virtutis ingeniique granditatem Puteobonellus obtinuit, ut in tali tantoque Cætu, non dicam nosci, quod non exiguæ esset laudis, non probari, quod esset ad dignitatem satis, non commendari, quo nihil esset ad gloriam plausibile magis & splen-

splendidum , sed excellere etiam ostentarique potuerit ?

Vos ego , Patres , vos præcipuè , egregii Ordinis Moderatores , testes appello . Vos in solenni Academiarum celebritate sacris illi literis publicè tradendis præfecistis . Vos exploratæ ejus fidei illustrium Cœnobiorum gubernacula commisistis . Vestris de singulari ejus virtute atque sapientia edocti consiliis Summi Pontifices ad eos honorum gradus præstantissimum virum extulerunt , quos Familiæ vestræ ab Apostolica Sede liberaliter addictos atque desponsos , eximie , qua polletis , pietatis atque doctrinæ apud omnes testimonia , summa cum laude retinetis . Neque enim eas dignitates aut magnarum necessitudinum adminiculis , aut ex aulico ingenio fideque , prensando assentandoque est consecutus , sed vitæ probatissimæ exemplis , & diuturno , quod est unicum virtutis alimentum , sudore parta opinione sapientiæ . Ut enim primum , divino concitatus afflatu , ab infelicibus ambitionis humanæ stipendiis ad Christi se vexilla traduxit , disciplinarum studia tam celeriter seriòque arripuit , ut nihil eum fugeret quod esset perceptione dignum , & in quo collocandum sibi laborem esse statueret . Ad inti-

ma igitur doctrinarum adyta , sacrosque Theologiæ fontes hauriendos admissus, tantum illico profecit , quantum potuit is , qui peracere iudicium , erectum ingenium , inexplebilem cupiditatem ad exquisitissimam optimarum artium cognitionem attulerat . Non occultis & fallentibus incrementis , quemadmodum proceræ arbores adolescunt , sed magno contentoque gradu ad omnem humanarum divinarumque rerum intelligentiam provehebatur in dies : earumque hauſtu non leviter , quod plerique faciunt , summa labra tingeat , sed cyathis , ut ajunt , coronatis cupidissimum animum recreabat . Florentissimis Italiæ Civitatibus meritò me gratulari licet , apud quas implexa naturæ arcana divinasque literas confertissimâ est Auditorum frequentia & omnium admiratione interpretatus . Debuit profectò qui jamdiu se in domestico pulvere athleta exercuerat, in illa quasi celebritate Olympiorum pentathli coronâ , plaususque ex omnibus edito spectaculis insigniri .

Non illi subauſtera & aspera erat sapientia, nec verò gloriæ affectandæ & colligendis rumusculis ambitiosè venalis. Verendam illam exhibebat & gravem , nativo, non ascito spectandam ornatu , sic demum temperatam , ut
nec

nec ambitionem fugitans negligentiam pareret, nec studiosa dignitatis quidquam de humanitatis laude decerperet. Levitatem certe, ineptias, fucum, scurrilitatem oderat quàm maximè, gravissimi Solonis effati memor, ventantis in foro fieri rem divinam. Aderat, quæ nulla gratior Sapientiæ comes, innocentia morum, probitas inculpata, pudor ingenuus, mirumque alienæ salutis procurandæ studium, quo fiebat, ut nunquam ad eum quisquam accederet, qui non ad vitam sanctè instituendam incensus paratiorque recederet. A jucundissimo literarum otio ad illustris Cœnobii regimen capeffendum utilitatis publicæ ratio, & Moderatorum imperium nihil minùs cogitantem abstraxit. Non est, quòd collati honoris prærogativâ insolenter elatum suspicemini, quem constat nihil in vita tulisse molestius. Quid autem obsistendo retinendoque apud eos proficeret, qui scirent Magistratum refugientes dignissimos esse qui præsent. Tam gravato præsidere aliis animo coepit, quam hilari & expedito obtemperare didicerat. Cæterum procurationem, ad quam invitatus accessit, ea cum laude gessit, ut novo inde documento fidem invenerit Agesilai dictum felicissimam affirmantis fore

republicam, quæ à nolentibus gubernaretur.

Non sine causa divini Plato vir ingenii Musicam ad morum correctionem, statumque Civitatis componendum arbitratus est magnopere pertinere. Dorici quippe modi inflatos castigant animos; Phrygii jacentes extollunt; Æolici perturbationum tranquillunt ætus; Lydii obtusas mentes exacuunt, & caducarum rerum desideratione prægravatas ad cælestium appetentiam erigunt. Appositè idcirco Principem Reipublicæ Phœnax dixi: cujus nempe sunt partes, eos modos non in voce aut cantu, sed in civium animis temperare, ex quibus ad certam legem compositis jucundissimus ille oritur concentus præclarè constitutæ ordinatæque Civitatis. Ejus pulchritudinem ordinis in Religiosorum coetu, qui Puteobonello suberant, & agnoscebat omnes & prædicabant. Etenim cum ejus vita ex sanctissimi Institutoris Dominici norma & præceptis videretur esse descripta, exemplo, optimo imperandi genere, in se intuentes extimulabat. O conventum hominum felicissimū! ubi ad omnem amplectendam honestatis partem non tam audiebantur imperia, quàm videbantur. Universi profectò domicilii existimatio-

mationi usque adeo Moderatoris virtus suffragata est , ut quanta hujus esset præstantia, tantum illius dignitas honorque nitesceret .

Verum enimverò intra privatæ Præfecturæ septa concludi tantam virtutem , æquum non erat . Ad publicæ securitatis custodiam , ipsosque Catholicæ Religionis fines tutandos ab angustiis illis divellitur . Ac primò quidem causarum ad Orthodoxam fidem spectantium Commissarii , ut vocant , Socius & Coadjutor adlectus , tum inde earundem Quæsitores Placentiæ renunciatus , usque adeo vigilis impigræque operæ sedulitatem Alexandro VII. Pontifici Maximo probavit , ut illum haud ita multò post generalem causarum Fidei Commissarium creaverit . Quo quidem Alexandri judicio nihil arbitror ad optimi viri gloriam excogitari posse præstantius . A vigilantissimo quippe Pontifice , & Religionis asserendæ multò maximè studiosissimo administrationem, permagni momenti meritò habitam, ei solum delatum iri omnes reputabant , cujus certissimis experimentis integritatem , fidem , prudentiam comperisset . Nec verò aut sua sanctissimū Pontificem opinio , aut reliquos expectatio , quam de sua virtute eximiam commoverat , falsos habuit . Tam incor-

corruptè siquidem sanctèque gravissimis difficultatibus implicatum munus obiit , tot laborum impendiis , tantaque animi contentione operi instabat , ut à summis Pontificibus , & ab eo Ecclesiæ Senatorum Sodalitio , quorum est de Fidei causis cognitio atque judicium , singularem vigilantia , dexteritatis , atque prudentia laudem reportaverit . At fortasse questitis interdum animi laxamentis curarum aspera interpungebat . Quin ea erat indefessæ diligentia assiduitas , ut solam laboris mutationem instar refectiois acciperet . Quemadmodum etenim cælestes orbes sine ullo aut laboris sensu , aut tædio lassitudinis , suos cursus conficiunt , eadem ratione mentes , quibus expressior species , & propinquior cum Cælo quasi cognatio obtrigit , non modò non defatigari se rerum agendarum mole , sed refici potius repararique sentiunt . Sunt qui sibi persuadeant , corporis venustatem nativis quibusdam nævulis commendari . Quin eas ultro maculas adsciscunt , pullisque genas flosculis artificiosè dehonestant . Nimirum vel ipsius pulchritudinis fastidio laboramus ; & , postquam omnia inficiendis vultibus ornamenta consumpsimus , sordes in pretio esse coeperunt . Longè secus , quàm ad stultissimum hoc vul-

vulgi examen, sæculique iudicium, Religionis forma æstimanda est. Nulla in candidissimo ejus vultu exilis est macula; ejusque firmissimi sanguinis flos omnis succusque vel minima decoloratione corrumpitur. Quò diligentius est prospiciendum, ne in tam pura alvearia degeneres noxique crabrones per incuriam admittantur; utque excultissimus Ecclesię ager non ab exitiosis dumtaxat cicutis, sed ab inerti etiam filice repurgetur. Mira sanè Dianæ, quæ Ephesi colebatur, fuisse facies traditur: utpote quæ Templum subeuntibus vehementer tristari, recedentibus suavissimè arridere videretur. Præposterâ id conversâque operâ factum putem; Sculptorisque artem fortasse, haud quaquam tamen, quod ad hoc attinet, religionem laudaverim. Moratioris inventi fuisset, ad Tempia accedentes, explicata fronte, lætoque excipere aspectu; tum adversus eos, qui è sacris Ædibus ad profana loca discederent, tristitiam omnem, atque adeo indignationem exerere. Eas commodè laudes Dominicus temperavit & miscuit. Omnes officiorum intimeque admissionis aditus illis explicabat, qui se ab erroribus vitiisque ad meliorem frugem reciperent. Eos quanta maximè poterat benevolentia

pro-

prosequi, facilitate complecti, hortamentis erigere, sustentare consiliis, ad innocentiam diviniamque amicitiam constanter retinendam incendere. Tametsi verò nihil eidem molestius objici posset, quàm duriùs in quempiam animadvertendi necessitas, non idcirco ignorabat, quod sapienter est à Cicerone dictum, ita probandam esse mansuetudinem atque clementiam, ut adhibeatur Reipublicę causâ severitas, sine qua Civitas administrari non potest.

Sed tanti viri glorię cumulum adjecit, qui illum sacri Palatii Apostolici Magistrum pronuntiavit Innocentius XI. Pontifex Maximus, tum acerrimus cultor, tum egregius æstimator veræ virtutis. Ad eum honorem tanta omnium Ordinum approbatione & lætitia est e-
 vectus, quantam excitare potuit debuitque magnum dignitatis ornamentum, attributum magnæ sapientiæ pietatique. Confestim egregiæ illæ animi dotes eluxere, amplioremque à conspicuæ dignitatis accessione ad innotescendum noctę campum, singularem illi à morum facilitate & modestia benevolentiam, à spectatissimę virtutis atque sapientiæ documentis admirationem conciliarunt. Quantum verò Innocentius ipse laudatissimi Viri consiliis tribueret, quantique ejus doctrinā in ipsa morum

mo-

moderatione conspectiorem faceret, testabatur vox publica Civitatis, nihil addubitantis Optimum Pontificem sæpius de Dominico in Ecclesiæ Senatorum numerum referendo consilium suscepisse.

Beatis esse liceret literis, si qui illarum sacris per diu sunt operati, easdem procul ab omni ambitione, & arrogantia modestè ipsi haberent, sincerè aliis traderent. Fato certè fit iniquissimo, ut præcipuum hoc humanæ vitæ præsidium lumenquè animos insolenter efferat, eamque progignat sermonis intolerantiam, quam Tullius superbiloquentiam nominavit. Id ut ostendam latius, non veterum monumentis, non recentis literaturæ exemplis quidquam est opus. Quantum Dominicus ab ea ingeniorum peste abhorruerit, vobis tacitè cogitantibus qualibet nostra prædicatione disertius referet summi Viri imago, vestris altè insidens mentibus. Hæret, opinor, omnium animis mansuetissimi Vir ingenii; hæret moderatio illa, præclaræ indolis nuncia, honesti consilii parens, maximorum operum procreatrix. Subjiciat vobis recens recordatio vultum illum decenter compositum, frontem illam, gratissimi sedem pudoris, geminas illas oculorum faces ad modestiam præ-
lucen-

lucentes. Quid quod blandè appellando mitissimo omnes alloquio demulcebat? Quid quod Censoris & Judicis integritatem benefica voluntate condiebat? Quid quod gravissimis curis districtus nullas se adeuntibus ostendebat excusationes? Quid quod, si qua in vulgandis ingeniorum monumentis expungenda vel castiganda duceret, explanari sibi quæ minùs probaret, dubitationes eximi, atque ubi nova affulgeret lux veritatis, alieno iudicio acquiescere non erubescbat? Habebat hoc doctissimus Senex cum Catone commune, utne gravaretur à quolibet fieri doctior. Quantâvis tot annorum spatio collectâ doctrinâ, docilitatem, rem in senectute difficilem, retinebat. Dolendum persane est, eam laudem vel juniorum plurimos non intelligere, paucissimos æmulari. Ineptissimum mihi semper est visum vulgi iudicium, quo palam jactant, erubescendum esse. senibus quidquam addiscere. Ut enim pecuniarum, sic sapientiæ, opulentissimi quique avidiores sunt. Tum quò quisque est doctior, eò plura cognitu dignissima sibi deesse percipit. Eos porro minimè omnium inopiam fateri pudet, quos constat esse ditissimos. Optandum esset, ut tam illustribus exemplis adolescentes illi profice-

ficerent , qui iudicio suo statim sapiunt , hymnosque Diis littoralibus occinunt , tanquam emenso feliciter oceano doctrinarum , quando rudes eorum lembunculi cum vadoso adhuc mari fabulose luctantur .

Lectissimus hic virtutum comitatus Senem præstantissimum ad mortalitatis finem perduxit . Excipient anni consequentes Viri memoriam ; vigebitque rerum gestarum gloria , donec in terris erunt cultores absolutissimæ eruditionis , & honestatis . Possem hic prolixè , ut moris est , Familiæ vestræ , Patres orbitatem deplorare , mestissimæ Urbis squalorem tristitiamque depromere : sed potius grata sunt nobis ex religiosissimæ ejus vitæ recordatione petenda solatia . Injuriosum fuerit , ex mortalis onerosæque hujus sarcinæ angustiis emissum conqueri eum virum , qui humanas curas animo prius , quàm corpore exuerat ; & multò ante , quàm è vita raperetur , mori didicerat . Nihil certè aliud extremæ decumbentis preces , nihil ardentissima vota spirabant , præter infelicissimæ hujus vitæ tædium , fiduciamque certissimam sempiternæ felicitatis . Hos illi faciebant animos , secundum Numinis clementiam paratissimam , multæ piorum operum conscientiae , morum innocentia , vitæ pro-

probitas, rerum divinarum studium, humanarum fastidium atque contemptus. Hæc ille à curis laboriosissimi muneris otia, has scilicet animi remissiones atque delicias habuit. Nam paupertatis arctissimæ studium quid attinet commendare; cum extincti cubiculum pervestigantes domestici nihil prorsus asservatæ pecuniæ, nihil sepositi xenioli, nihil demum supellectilis paulò elegantioris invenerint? Discessit è vita, quemadmodum ex incensa domo magnanimus Biàs, secum fortunas omnes evehens suas: hoc eodem felicior, quòd ille ex patria in exilium, Dominicus ab exilio in patriam ingentes animi verasque opes asportavit. Quapropter parcite, Patres amplissimi, integerrimi Sodalis vestri felicitati, ut ex ejus vitæ cursu licet conjicere, vestris iniquiores esse lacrimis, quas nemo libentiùs, quam ipse, quem ademptum lugetis, si posset, abstergeret. Non humaniter solum & moderatè, sed jucundissimo animi sensu, extrema hæc illi sunt persolvenda pietatis officia. Vos verò hujusmodi virorum, excellenti doctrina atque pietate illustrium, proventu semper uberrimo pergite de republica, de optimis artibus, de orbe universo mereri, ut facitis, præclarissimè.

F I N I S.

505641907